

პრადუქტარები ყველა ქვეყნისა, შეერთდით!



საქ

ქოველთვიური სამხატვრო-სალიტერატურული და სამეცნიერო ჟურნალი

თბილისი 1924 წელი



პასუხისმგებელი რედაქტორები: { მ. კახიანი
ვ. ბახტაძე

გამომცემელი: { საქართველოს კომუნისტურ-
ლეგის მთავარ-მართველობა.



მსატკბურელი ლიტერატურა



ს ე მ დ რ თ ვ ე ჯ თ

ჯონ რიდი

ბავშვები ყიდდენ პაპიროსებს
ზოგი მათგანი ცინიკურად გაიძახოდა:
„რასპუტინის პაპიროსები“.
რალაც არაჩვეულებრივი
სიგრძისა და ზომის პაპიროსები,
წიგნები გრიშკა რასპუტინის
შესახებ:
Про Гришку,
Про Сашку,
Про царя Николашку“.
ყიდდენ არშინობით კერენკებს.
სასადილოში
სტუდენტები იგონებდენ დროს,
როცა უკეთესი იყო ცხოვრება.
მკვლელობა
პურის $\frac{1}{8}$ გირვანქისათვის,
რეჟისორი გარდინი.
ფუტურისტების გაზეთები.
ლედა
კინოებში...



ვიკველი... -
 კერენსკის მოწოდება და კრონშტადტში
 გადატრიალება პეტროგრადში. ბიზნისში
 მზადება მოსკოვში, —
 აჰა, საცაა—
 და ერთხელ, დილით—
 ჯერ არ არის გათენებული
 ქუჩაზე მოძრაობაა.
 იუნკრები, თეთრი გვარდია,
 წითელი დროშა,
 დაქრილნი მიჰყავთ
 უნივერსიტეტის კლინიკაში.
 ავტომობილები დაქრილებით.
 წაქცეული ხე ტვერის ბულვარში..
 წაქცეული ცხენი ტვერის ბულვარში.
 ტყვიისნფრქვეველი დიდ სამრეკლოზე.
 ცეცხლი ედება
 უზარმაზარ სახლებს ბულვარზე.
 სახლები იწვიან ყოველმხრივ,
 ყოველმხრივ...
 ლეგენდა ერთ სახლზე.
 მოსკოვი ღამით განათებულია.
 განუწყვეტელი კანანადები.
 საშინელი შიმშილი,
 და მე ვინტოვკით.
 კრემლში გამაგრება:
 პური, რომელიც მიქონდათ კრემლში.
 შემთხვევა გნებდნიკოვის ქუჩაზე.
 ხმები „ხიტროველების“ გამოსვლის შესახებ.
 კანანადა ცხრება.
 სისხლის კვირის აპოთეოზი:
 მკვდები უპატრონო.
 ჯარისკაცი თამბაქოთი, მახორკით.
 გიმნაზიელები,
 სტუდენტები.
 გაჩეჩქვილი თავი,
 რომლის ცნობა შეუძლებელია.
 ჟეცარი ცნობა: ტირილი.
 წარწერა ერთ სახლის კედელზე:
 აქ იპოვეს ტყვიით მოკლული
 5 წლის ოქროს თმიანი გოგონა.



პოლონელები.
 ბუნტი და ცირკში ჯარისკაცები.
 იყვენ ავრეთვე
 პარტიული ჯარისკაცები
 უმიზნოდ სობეტიალე ბავშვები
 უკმაყოფილო ელემენტები.
 სასულიერო წოდების რისხვა.
 გლეხები სოფლიდან.
 ახალგაზრდობა:
 სტუდენტები.
 დელეგატები
 და სხვ. და სხვ.
 პორტრეტები:
 ირაკლი წერეთელის
 კერენსკის,
 როძიანკოსი
 ჩხვიძის
 ჩერნოვის,
 კერენსკის განოსვლა პატარა თეატრში.
 სახელმწიფო თათბირი.
 სანახაობა დიდი თეატრის ბალთან,
 ჩერნოვი და როძიანკო.
 ამბავი კორნილოვის, ინციდენტი.
 არაჩვეულებრივი ამბების მოლოდინი.
 კერენსკის ტრიუმფი.
 მიტინგები პუშკინის ძეგლთან;
 ქურდების მიტინგი სოლომანსკის ცირკში.
 ანდრეი ბელის ლოდინი მიტინგზე
 მიტინგი ყრუებისა და მუნჯების:
 მიტინგომანია.
 ხმა კორნილოვის გამოსვლის შესახებ.
 კერენსკის მოწოდება.
 სამოსუდები.
 ლედა კამენსკისა.
 შალიაპინი „ბორის ბოდუნოვი“.
 სმირნოვა.
 გელცერი, პრიმა-ბალერინა.
 ყველაფერი რიგზეა.
 მაგრამ ამ დროს
 ფრონტი იშლება...
 მატარებლები იმ ხანებოს...



გადამწვარი სახლები:
 ჩალეწილი მაღაზიები
 გამოძახილი: ქალის ხელი.
 „როგორ ებრძოდენ ზარებს ზარები“.
 „წვეთები გადაღებული წვიმისა“...
 პეტერბურგისკენ!
 შემთხვევა მატარებელში:
 ღამით პეტროგრადის სადგურზე.
 პლაკატი;
 მთელი ძალა-უფლება
 დამფუძნებელ კრებას.
 ლატიშელი პოეტი.
 ორი მეგობარი.
 თოვლიანი ამიდები.
 ქიმერები ნევასთან.
 უდაბური პეტერბურგი:
 სმოლნი
 „თორმეტი“ ალექსანდრ ბლოკის
 „რანდენიმე დღე პეტროგრადში“ ჩემი.
 დაიწყო ასე:
 ღრუბლისებური ღმერთი
 ნგრევათა,
 სასტიკი ღმერთი.
 წმინდათ წასაწყმედ გადარევათა
 დიდი რუსეთი,
 ალ-დემონებად
 ქცევა დასწრების,
 ანგელოზები,
 ყველა ტაძრების
 და მონასტრების
 ქაოსები.
 გინებით მეტყველი
 რუსული წმინდანის
 ეშმაკი ბაგე.
 ბაგევ, დაიცა...
 სარწმუნოება
 გახდა სატანის...
 სარწმუნოება
 ისე დაეცა...
 ყურებს დაიცავ...
 ლოცვა



პატრიარხის ტიხონის
 თითქო ბუკია
 იერიხონის,
 ჰვავს გინებას;
 ლიმდამცინავი
 სახით იგულოს.
 ეკლესია
 დგას და წირავს,
 სამრეკლო
 ოხრავს სამოციქულოს,
 ზარი
 მთავარ-დიაკნობს,
 ყვითელი მღვდელი
 გაოცებულია,
 ბერი
 გაშავებულია.
 მსხვერპლით
 აღარ მოდიან.
 შემოვლებული
 დროთა ხავსებით
 ხატი
 პილატეს დაემსგავსება.
 მისი ასეთი
 ცოდვით დამწვარი
 ჯოჯობეთიდან
 მიმოდის ჯვარი.
 მისთვის
 ჯოჯობეთური
 სამოთხე შენდება.
 და შეიძლება
 როს გათენდება
 ედემის მსგავსი გრძნოს
 ჯოჯობეთი.
 გაჩუმებული
 ციცაბო ციდან
 ნელი ღრუბლები
 ყვავილებს ცრიდენ
 და
 გზის ნათელი
 იყო
 სიმწვავეით გადანათელი.



და დღე ყოველი:
 არ არის ტევა.
 არის სიცივე
 და ღამეთ თევა.
 ცხარე პროტესტი
 ცამდე ავიდა.
 ყოველი სახლის
 სახურავიდან
 გრიანებს ქარი
 ეს მწარე დღეა.
 ამ ფეეროულ
 სიოცნებეში
 დეპეშა,
 დეპეშა.
 დეპეშა,
 რევოლიუცია,
 რევოლიუცია.
 ამბავი,
 პეტროგრადიდან.
 კრემლი იღუმალ
 იწყებს მზადებას.
 მოსკოვი შფოთავს —
 რომ გაუთენებს
 საკადრის დღეებს
 კაცობრიობას
 და
 თვითთელი
 ფიქრობდა მაშინ:
 აჰა,
 საცაა!
 აიწყვეტს რაში.
 ხანდახან
 ყველაფერი განისაზღვრება
 ათი დღით.
 არასდროს არ დამავიწყდება
 ამიღთა სინოტიე.
 სითბო ყინვის
 ტალახიანი ჰაერი,
 ჭაობიანი,
 მგობი ნათელის
 ტირის თვალები



ყველაფერი
 მთვარის ფერია.
 მთვარის ამოსვლა
 და დაბნელება,
 ავსება მთვარის.
 ახალი მთვარე,
 სიკვდილით,
 ყოფნით
 დაბადებით —
 ოცდება უცებ
 კანონადებით.
 ნათელი ჩრდილი
 მწარე დღეების
 ფარავს ვარსკვლავებს.
 დღემ სიზმრებამდე
 გადაამეტა
 შელამებული
 დილების ლანდი
 შუადღე —
 მსგავსი შუალამისა
 და თვითფული
 ფიქრობდა მაშინ
 აჰა...
 საცაა...
 აიწყვეტს რაში.
 ეკითხნა ვისმეს
 მაშინ საათი —
 ვუპასუხებდი:
 მარადისობა!
 7 საათი
 ეღარებოდა
 7 საუკუნეს.
 ხვალ —
 არ არსებობდა
 ხვალ-ზევით
 ვინ იცის!
 ისინი
 მოდიან ფრონტიდან
 მათი დღეები
 ორშაბათებში
 სამშაბათებში



ჩვეულებრივის.
 ის არ მოელის
 ბედნიერ დარებს,
 სიბნელეში კი
 თეთრად ელავენ
 ფანტასტიური
 კრემლის კბილები
 როდესაც ატყდა
 ტკივილები
 შეურიგებელი;
 ლამის წუხილი,
 ჭექა-ქუხილი.
 ეს იყო მოვარდნილ დღეთა
 რკინებად კვეთა —
 როდესაც სეტყვამ,
 წვიმა და ქარი.
 როცა ღრუბელი
 ფარავს მიდამოს
 და გაცივებულს
 ახურავს სამოსს —
 აკაკანდება
 ტყვიისმფრქვეველი.
 მახსოვს
 ეს იყო
 ნისლიანი ლამით
 განთიადის წინ.
 თოფებს
 აავადმყოფებს,
 დუღილი.
 თვითთეული
 ცეცხლის ოქროდან
 გააფთრებული
 ტყვია მოქროდა
 გაქვავებული
 ქარივით,
 ქვეყნის ამღვრეული
 გულის გასაგმირად.
 თვითთეული
 წვეთი სისხლისა
 უერთდებოდა
 ერთი მეორეს —



რომ შეეჭმნა
 ტბა
 ქალაქის გახელილი
 თვალი.
 კრემლიდან
 გადმოსკდა სისხლის წყარო
 და იჭცა მდინარედ,
 რომლის ნაპირებიდან
 გადასასვლელად
 ფონს ვერვინ იპოვიდა.
 თოვლიანი მიწა
 ზანზარებდა.
 სართულები ყეფდენ
 როგორც ძაღლები.
 ინგრეოდენ სახლები.
 მათ ნაცვლად დადგა
 იდუმალ შიშად
 ღრე,
 ფლატე,
 ქვიშა,
 მთა,
 სადაც შემდეგ
 დადგეს სვეტები
 უმაღლესი,
 კლდე
 რისგან შემდეგ
 გამოკვეთეს
 უდიდესი ქანდაკებები.
 ჰგავს ტვერის ქუჩის
 უსახეობა
 ნგრეულ ხეობას —
 სადაც არაა
 ბილიკი არსად,
 ფანჯრების მინები
 ილეწებოდა
 როგორც უხილავი ტყე —
 ფეერიული პლაკატების
 გალაენებით;
 ცაზე მიდიოდენ
 ელვიანი ბილიკები



ავარდნილ ცეცხლისა.
 ცვივოდენ
 მალლიდან ნაპერწკლები
 როგორც ყვავილთა ფენობა.
 ალი
 ვენახივით იგრიხებოდა
 ღამე
 ჩამოწოლილიყო
 ყურძნის მტევნებივით
 საიდანაც ხიტროვრინოკი
 სწურავდა არაყს.
 ხანდახან ღამე იდგა
 როგორც ფანტასტიური
 ხე
 ცეცხლიან შტოებით.
 ძველი
 რუსეთი იმ ღამეს ეგდო
 როგორც ხის კუნძი, ჯირკი,
 ტყეში —
 რომელსაც სცემდენ ნაჯახს.
 ცეცხლის ფურცლები და ფოთლები
 წიგნებივით ეყარა ველად.
 და გარს ეხვია
 ღველფი
 ყვითელ ხავსივით.
 ადამიანები ალზე მოძრაობდენ
 ცოცხალი ფესვებივით,
 მოსკოვი გუგუნებდა
 როგორც მუხა—
 და პირიდან აფრქვევდა ტყვიებს
 როგორც რკოებს.
 ვერხვივით სწორი იხრებოდა
 კრემლის კოშკები
 და გარს ეხვია სასახლენი,
 როგორც ბუჩქნარი.
 კინკარივით ისუსხებოდა
 ღამე —
 რომელიც ეხლა დაჯდა
 სადგურთან
 და სწევს ყალიონს.



უცებ გაჩნდა დემონი
 და ცეცხლს ფიჩხს უმატებს.
 ისევე ავარდა ალი
 როგორც ოჭროს თავთავეები.
 როგორც შემოდგომის ჩალა ყვითელი.
 ნაცარი ცვივა
 როგორც ქატო და ფეხილი.
 მხოლოდ არსად არ არის პური,
 არც შაქარი—
 შაქრისყინულივით
 გაფენილია თოვლი.
 არ არის თაფლი—
 მოსკოვის განაპირა ქუჩების
 ტალახიანი თოვლქუცვაპია.
 გაფითრებული
 როგორც წმინდა სანთელი
 დადის ადამიანი
 და ხელით დააქვს 1/8 ვირვანჭა პური
 კრემლი კი ზუზუნებს
 როგორც სკა.
 მარილივით მწუთხე თვალეზით
 მისჩერებიან ბავშვები სანთლებს.
 მათ ენატრებათ ნალები,
 ყველი და ერბოწასმული
 პური.
 ქონი, სიმსუქნე მოაკლდა
 ბურჯუას.
 სანატრი გახდა
 ცხენის ხორცი.
 გაჰქრა დრო როდესაც არსებობდა
 რედერერები.
 თუ არ დაგიშლია—
 სადილად გთხოვთ მიირთვათ
 ტყვიისმფრქვეველის ტყვია.
 ვახშმად—ვინტოვების.
 ის სდგას და ფიქრობს:
 შენ ეხლა მამაკაცი არახარ
 არც დედაკაცი:
 შენი ცოლი ეხლა
 შენი ქმარია,



საწყალო ბურჯუა
 შენ არ ხარ მამა
 შენი წვილების,
 შენ ვერც დედობას გაუწევ მათ
 მაგრამ სულ სხვაა
 შენი ნათესავი —
 შენი დიდება.
 შენი სიმამრი
 შენი რძალი,
 შენი სიდედრი,
 მამინაცვალი და მამამთილი
 დედამთილი, ცოლის და.
 შენი ძმისწული
 თეთრგვარდიაშია,
 შენი დისწული,
 ემიგრანტია.
 შენი შვილიშვილი
 საცოლოსთან ერთად
 გარბის სამხრეთით.
 მოსკოვში ეხლა ცოტა-ღაა
 შენი ნაცნობი
 ო, ჭეშმარიტად ხარ საცოდავი.
 სახლიდან გაიქცა მოსამახურე
 სახლიდან გაიქცა ძიძა.
 არ გეკარება
 ერთად-ერთი მეგობარი
 ლენერალ ლეიტენანტი —
 იგი ტახტქვეშ იმალება.
 ხანდახან
 თუ მოვა სტუმარი —
 ირიბად იცქირება განჯინისაკენ
 კითხვითი ნიშნად გადაქცეული
 კარიელია ის განჯინა
 თუ არა?
 ო, როგორ გიცქერს
 მეზობელ სახლიდან
 გახარებული მტერი —
 გუშინდამ ფანჯრიდან
 შენს ოთახში
 შემოდვრა ქურდი —



ტანისამოსი და სკივრები
 გადააღაგა.
 ბრიყვი, სულელი კერენსკი —
 ამბობს ბურჟუა
 მთელი სტუდენტობა
 შეგირდები —
 ფრონტზეა.
 არაფინ არ არის ეხლა
 ეაქარი,
 არაფინ არ არის ეხლა
 მდიდარი;
 ყველა ღარიბია,
 ყველა ღამაზია.
 მოლაშქრე ჯარისკაცი დამჯდარა,
 და იწყობს მახორკას.
 შუშა გარბის და ყვირის:
 შეიარაღდით.
 იარაღისკენ.
 მოსკოვმა ისევე მოისხა ჯავშანი,
 მოხიდა 'შვილდი
 და სტყორცნა ისარი კრემლს.
 ზოგიერთს ხელთ ჰქონდა შუბი
 ზოგი წმენდდა თოფს;
 ზოგი ხმალს.
 ხმლის ტარი —
 არ ერთჯერ დატროიალებულა
 ხმლის პირი
 არა ერთხელ აელვარებულა,
 დიდი ხანია
 არ ჩასულა იგი ქარქაშში:
 ჯერ კარპატები —
 მერე მოსკოვი.
 შენც, თოფის ლულავ,
 გახვეულო სულ მუდამ ბოლში
 განუწყვეტელად რახრახებენ
 შენი ტუჩები. —

 ბულვარზე
 უხარბახაოს სახლს
 ცეცხლი ეკიდება,



ეს იყო მუქა ხალხის
 თავწესაფარი.
 ბრძოლაა
 სასტიკი და თანაბარი
 გამოჰყავთ ტყვეები
 რომელთაც
 არავინ გამოისყიდის—
 სისხლით და რკინით.
 ხრიალებს გრუზოვიკის ჯაჭვი
 როგორც ბორკილი
 ტყვეებით დახორცილი.
 მოდის გრუზოვიკი
 წიადელი ბაირალით.
 გრუზოვიკს თავს ესხმიან.
 ტყვეები გაქცევას ახერხებენ
 ისმის თოფის სროლა,
 ხმა: „გამოდგომა, მღეფარი“.
 რამდენიმე ტყვე
 მოკლული დაეცა
 თხრილში.

ერთი მათგანი გაჩეჩქვილი
 თავის სარკველით
 ეგდო პირადმა
 წამწამები და წარბები
 თოფისწამლის ბოლით
 ჰქონდა გატრუსული
 საფეთქელი
 გადაბეთქილი.
 თუალის გუნგა
 ღია დარჩენოდა.
 ნესტოდან დიოდა სისხლი.
 ღრძილები ჩამტყრეული
 ჰქონდა.

მეორე მათგანს
 ენა გადმოეგდო
 სრულიად შავი.
 იგი ეგდო
 ყვლგამოჭრილი
 დაცემის დროს
 ქვას შიარტყა



კეფა.

კლინიკაში
 მიაქვთ უპატრონოდ დახოცილი
 ხალხი.

კლინიკა აივსო
 დახოცილი ჯარისკაცებით.
 რუხი ფარაჯის გულს აშვენებს
 ერთად ერთი გამოსაცნობი:

მახორკის ფხენილი.
 არც პასპორტი აქვს,
 არც იცი ვინ არის.
 გიმნაზიელების ცხედრები —
 და უბრალოდ
 სხეულის ნაწილები:

მარჯვენა ხელი,
 მარცხენა ხელნი.
 გაშავებული ფრჩხილებით,
 გაშეშებული თითებით.

უეცრად შემოდინა ქალები
 ასობით გაფენილ მკვდრებში
 ეძებენ შვილებს, ეძებენ მამებს,
 ისინი ტირიან გულგამგმირავი
 ტირილით,

საცა უბრალო ხალით
 გულს ახლო
 იცნობენ მათ,
 ძვალგადამტვრეულებს,
 ტვინ-დანთხეულთ,
 სახეგადაშლილთ...

კანონადა კი ისევ იზრდება
 როგორც სიმსიენე.

ტყვიის მფრქვეველთა
 სწუხს კივილი
 როგორც ტკივილი.

სისხლის ძიებით საესე
 უცნობი

ცარციით სწერს უცნობ
 სახლის კედელზე:



„აქ ვიპოვეთ ჩვენ სწრაფი ტყვიით
გულგანგმირული
5 წლის ბავში, ოქროსთმიანი
გოგონა“.

და კანანადის
კვლავ იზრდება
ჭიაკოკონა.

.
კრემლში გამაგრებულთათვის
ავტომობილს
მიჰქონდა პური
ესროლა ვიდაცამ,
მოჰკლა შოფერი.

ავტომობილი
გაჩერდა გზაზე.
სდგას იქ, სდგას...
ვინ გაბედავს მიახლოვებას?
იარა, წყლული. —

გულგატეხილი,
სულ ნალრძობი,
ნასიცხარ მუწუკივით
განაპირა უბნებს
მოედო ყვავილი,
ღარიბთა უბნებში
დადის სახადი.

ბავშვებს მუნი სჭამს
რკინისგზის სადგურზე
ჭირიანი ხალხი დადის;
არ არის წამალი,
მათთვის.

რაც შეეხება ბეჭედს
აქ არის ერთი მძლავრი ბეჭედი
რევოლიუციის.

ამ ბეჭდით თუ ვინღა
მსოფლიო შეჭედე.

სდგას ერთი გრანდიოზული
სკამი,

რომელსაც მართლაც მოტეხილი აქვს
სამი ფეხი
და ზედ ძლივსა ზის



ჯერ ისევ ძველი
 რუსეთი.
 ქვეშ დახეული
 ხალიჩა უგია
 წინ დამტვრეული ჯამი უდვას
 ქაშით.
 აქეთ ცარიელი სკივრი
 სავსე სატკივრით.
 ამ სიცივეში საწყალს არ აქვს
 ქვეშსაგები.
 მისთვის ბალიში არ არსებობს
 და არც საბანი.
 მხოლოდ თოვლია მისი ბუმბული
 ქარში, თოვლქყაპში ამოწუმპული:
 სანთელი დიდი ხანია გაუქრო ქარმა.
 შიდის.
 ზურგზე ჰკიდია ტომარა,
 ხელში ცარიელი დოქი,
 ქაშრის მაგიერ თოკი.
 წელზე ჰკიდია ქვაბი
 და გატეხილი ტაშტი
 წარსული დროის ნაშთი.
 ხელში უჭირავს ჯოხი
 თაეზე ახურავს გობი —
 ანუ კალათა.
 ამხაირბა გზამ
 გააჯალათა
 ვილაცა
 რომელიც რომანებს
 ღვარავს ჩაფებით,
 უზარმაზარი ბოქლომი
 დაადო რუსეთს
 მონობამ
 გასაღები ხალხმა იპოვა.
 უმძიმესი ურდულით
 გამოუხურა რუსეთს კარები
 მისი სკიპტრა ეხლაც მიჰუდებუღია
 რომელიღაც მუზეუმში. —
 ხალხმა ამოიღო კვესი,
 მოჩახა აბეღი,

გაჰკრა კვესს.
 მაშინ როდესაც
 პირსახოცით მხარზე
 და ხელში სავარცხელით
 წყაროსკენ მიიმღეროდა
 ფეოდალობა



დაბეული თეხსაცმელი,
 სველი წინდები.
 მოდი და ცრემლად
 ნუ დადინდები.
 მაზარას არ აქვს
 ცალი სახელო.
 კაცი რუხია და უსახელო.
 ჯიბესთან ნახვრეტი.
 არც ფოლაქია და არც ღილები.
 მხოლოდ ერთი დუგმა.
 ასეთ ფარაჯაზე
 წითელი სირმა.
 ცხვირსახოცის მაგივრობას
 სწევს ისევ ის ცალი სახელო,
 კარგა ხანია
 პირს არ მიკარებია
 სამართებელი,
 თმას—მაკრატელი.
 გონებას—ნათელი.
 ცუდი ამბავია.
 რა გასაკვირველია
 რომ ის იგინება.
 სადგურები
 ჰგავს აწიოკებულ ჩიტის ბუდეს.
 ბნელ და ცივ სარდაფებში
 სადაც არა იპოვება რა
 ვირთაგვებით
 ყნოსავენ ჰაერს ქურღები.
 დადიან შიშველი ბლარტები.
 პეტერბურგისკენ,



პეტერბურგისკენ.
 ქარში და წვიმაში
 მივანგრევდი
 ფანტასტიურ მგზავრებს
 პეტერბურგისკენ.
 მინებ ჩალეწილი
 მატარებელი
 საქათმესა ჰგავს
 არ არის ტევა.
 თევზის და ჩექმების
 სუნით სავსე
 მატარებელი
 მიდის თოვლში,
 როგორც დაღლილი ჯოჯოტ
 და ბაყაყივით
 აბრიალებს თვალებს
 ღამის სიბნელეში —
 ფარფარა პეპლებივით
 შემოდის თოვლი
 ფანჯრებიდან.
 ბავშვები ხრავენ
 ჭიიან და მატლებიან
 პურის ქერქს.
 პარაზიტები იერიშით მოდიან.
 პურის ნამცეცივით
 ირევიან იატაკზე.
 აი მართლა ძალღური სიცოცხლე
 იძახის მოხუცი ქალი.
 და წყევლის ქალაქებს,
 მისთვის უცხო მოედნებს,
 უცნაურ სახლებს და სარაიებს
 და ქარხნებს,
 სადაც გრდემლით ანგრევენ რკინას
 კოშკებს — რომლის კედლები
 ეხლა ნანგრევებად ქცეულან.
 მატარებლის კიბეზე
 ჩამოკიდებულა ხალხი
 მატარებლის ბანი და სართულები
 დაფენილი რუხი მაზარებით.
 და ქარი ჰქრის



ქერამდე ქერეხივით ჰყრია რუსი
 მატარებელს არ აქვს კარები
 ფანჯარა
 დაიტანჯა,
 ჩამოტყდა.
 ცხვირწითელი კაცი, უსულო საგანივით
 დგას როგორც ფილაქანი.
 ან და ფიცარი —
 ეუბნებიან:
 ან დავიძრები ან დაიძარი;
 თაროებიდან
 ცვივა ნაგავი.
 ფანტასტიური ხროვა
 ხრიალებს, ახველებს,
 კვამლით იღვრჩება.
 ფერფლის, ნაცარის
 ფერი აქვს ყველაფერს.
 იყოს რაც არის.
 ფანჯრიდან სჩანს
 თოვლიანი მინდვრები
 როგორც სასაფლაო
 როგორც თეთრი კუბოები.
 როგორც მგლოვიარე ეზო
 უკალოო
 და უგუთნო.
 აიღე ორთითა-ორკაპი.
 და ანიავე ეს თოვლი.
 ახალი ნიჩაბი
 აზიდაეს ამოდენა თოვლს.
 ახალი ხერხი გადახერხავს
 ნაძვს ამოდენას.
 ახალი ჩაქუჩა
 გააღვიძებს ასე მძინარე
 ქოხებს.
 აქ საჭიროა კიდევ ბურღი
 და მხოლოდ ბურღი.
 ჩემს წინ სდგას კაცი.
 სახე
 დაქმუჭვნილი კალენკორია
 რომელსაც სცემდა წვიმა.



მეორე ამ ყინვაში დგას
 ჩითის პერანგის ამარა.
 და ის ისე კმაყოფილია
 თითქო ხავერდი ეცვას...
 კანკალებს
 და მაინც კმაყოფილია.
 მაინც ჯიბეში აქვს
 ფული: ოქრო და ვერცხლი.
 მესამე:
 თითფერის სახით
 სპილენძის ხელებით
 ნატყვიარი შუბლით
 დაკალული თვალებით
 სდგას ფოლადივით.
 გიორგის კავალერი,
 ყოფილი:
 მისი დიდება
 წინანდელი ჯვარია
 მისი სიმდიდრე.
 მხოლოდ გამოხედვაა,
 მოგონებები
 ძველი მამაცობის
 ძველი მხნეობის.
 როდესაც
 ომი იყო დიდი
 და შესაზარი. —
 გიორგის კავალერი
 იხსნის ჯვარს —
 რომელმაც არა ერთხელ
 შეახედა სიკვდილს
 თვალებში.
 და ამბობს:
 ამასთან ერთად
 ვწირავ მე მას
 ძალას და ღონეს
 ამიერიდან.
 ტიალ მინდორში,
 მატარებელი მიდის
 ახალგაზრდა ქალს ჯარისკაცი
 ართობს,



საჯაროდ
 აძლევს მას საჩუქრად
 ვერცხლისფერ ბეჭედს.
 კარგად ვერ ვარჩევ:
 მუქარაა თუ საჩუქარი.
 მიდის მატარებელი;
 მათხოვარი
 ხმამაღლა ლაპარაკობს
 რომელიღაც დღესასწაულზე
 კალუგის გუბერნიაში.
 ქადაგებს მამაშვილობას
 და სამაგიერო ზეციერ სიხარულს.
 ყურს უგდებენ ქალები
 მოწიწებით და პირჯვარის წერით.
 ხანდახან
 გაისმის სიმღერა
 უფრო კი წყველა
 და გინება
 რუსული ტონით,
 თითქო ყველა უგვაროა
 უნათესავო,
 არვის ჰქონია უზრუნველი
 ძილი,
 ბავშური სიცილი,
 პირველი ნახვა
 ნაზი ქორწილის.
 არ ისმის სიმღერის სიტყვები
 ისმის ელეგია.
 უბოლოო ღამე ცას შელევია
 მესმის რულში
 მატარებლის
 რა-რა-რა-რა-რა-რა-რა.
 არა რა ბედს
 არარარა, არარა.
 ძველი გული
 ერთხელ გაიბზარა-რა
 არარარა, არარა...
 შეკრებულება
 რაღაცას დაეობს,
 რაღაცას ჩხუბობს,



საშინელი ვიწროობაა.
 აწვებიან ერთმანეთს
 თითქო სამსახურისთვის
 გულმოდგინეობა იყოს,
 შეუბრალებლად.
 დაიწით—გაისმის ხმა —
 ბავში იტყულიტება.
 არავინაც არ დაიწევს
 გზა არსად არის.
 მისდევენ ვერსებს ვერსები
 რელსებს რელსები
 ეალერსება
 ღამემ უსაზღვრო
 გაშალა სიღრმე —

ფიქრობ
 ამბობს ვილაცა:
 ქვეყანა კიდევ უფრო დაიმშვეა,
 უფრო გაძლიერდება სიმწარე.
 დაეკარგება სინდისს ფასი.
 ღვთიური ყველაფერი დაიკარგება,
 დაინგრევა ყოველივე წმინდა
 საქვეყნო წყევლათ.

მაშინ
 როცა ბრწყინვალე ფრინველი,
 მზე ამოვა და დაინახავს
 განადგურებას.
 როცა მალაღი და დიდი
 მზე ამოვა.
 გამოჩენილი
 ეხლა ვინ არის?
 ძველი —
 რომელია?
 წყნარი —
 თქვენს შორის არის ვინმე?
 მშვიდი —
 ეხლა მხოლოდ ცხვრები არიან.
 როგორც სჩანს ეხლა ყველა
 მხნე და მამაცია.
 ყველა თავისებურად



ძლიერია.
 უსუსურიც კი
 ღონიერია.
 ნეტავი
 იყოს სადმე ასეთი გამბედავი.
 როგორც ეს რუსის კაცი
 მეტად მართალი —
 წინად კი თითქო იყო მხდალი
 და უბედური.
 მაგრამ დასძახეს
 მძლავრი და სასტიკი:
 აღსდევ.
 რუსეთი დაიძრა
 მომთმენი, ზარმაცი რუსეთი.
 დამნაშავე რუსეთი.
 ავადმყოფი, ცოცხალ-მკვდარი
 რუსეთი დგება.
 ჩემს ახლო
 დგას ჯარისკაცი
 უფერული,
 გამხდარი
 პაჭუა ცხვირით.
 როდესაც რამეს ეკითხებიან
 ბლუდ უპასუხებს —
 სჩანს — ენა ჩლივია.
 საერთოდ
 მუნჯივითა დგას.
 მე ვაკვირდები:
 მას არ აქვს
 ცალი თვალი —
 ის ცალი თვალიც
 ბრუციანია,
 ელამი.
 იგი პირ-ნაყვავილარია
 წარბები
 მუდამ შეჭმუხენილი აქვს.
 უცებ მისი ფარაჯიდან
 ზედ გულთან
 წითელი ვარდივით
 იშლება სისხლი.



„სისხლი“ ვამბობ მე
 „სისხლი“ ამხანაგო...
 მან გულზე დაიხედა
 და მოინდომა
 მატარებლიდან გადაეარდნა.
 ის არ გაუშვეს...
 უბნებოდენ:
 შენ ალბად
 დაჭრილი ხარ,
 გულთან.
 უხსნიან ფარაჯას...
 მას! უბეში უპოვეს
 ულამაზესი ქალის ხელი
 მაჯაში გადაჭრილი.
 თითებზე ოქროს ბეჭდებით.
 ბრილიანტებით...
 „მკვლელი... ავაზაკი!
 სიკვდილი მაგას“.
 ასწიეს, სცემეს
 მიასიკვდილეს
 და გადისროლეს.
 წვერმოპარსული
 სპარსელი —
 მსგავსი მის გვერდით მდგომ
 ოსმალელის
 ზალულის ენერგიით
 სდგას.
 თავისუფალი ზავით
 გერმანელი ტყვე,
 ამ მატარებლით პეტერბურგში
 მიემგზავრება;
 მას ცისფერი თვალები აქვს.
 სწევს სიგარას.
 შეუმჩნეველად სიგარიდან
 ცეცხლი მოსდებია
 ოსმალელის ქუდს,
 ქუდიდან ტანთსაცმელს...
 დამწვარის სუნია...
 რაღაცა იწვის.
 ოსმალელს



მატარებელში მოედო ცეცხლი
 და რომ ამ ცეცხლით
 გადაიწვას
 მთელი აზია —
 მოჰკიდეს მას ხელი
 და გადისროლეს მატარებლიდან.
 მიდის მატარებელი.
 ტყიანი ველიდან
 თოვლიან მინდვრებზე
 ვაკე ადგილებზე,
 გადაადის ღრმა ხეეებზე,
 უვლის ციცაბო გზებით,
 ღრანტეებს.
 ვიწრო ხეობიდან.
 განიერ სოფელზე
 გრძელი გზით.
 დანგრეული სადგურები.
 ფრთამომტვრეული წისქვილები.
 მოსჩანს ოქროსფერი გუმბათები
 ეკლესიების.
 ტყვიისფერი ცა ნათლდება.
 ნათლდებიან ხის კენწეროები.
 ფეოდალური სასახლისა სადღაცა,
 უძველესი კედლები
 ისევ დარჩენილა.
 მჭრელი და ბასრი ზარის ხმა
 არყევს ჰაერს.
 სხვილი ქალი
 ჰყიდის მზისუმზირას.
 სადგურიდან
 ტანით შუათანა
 მოგვლევს სატანა
 წერილმანი საქმე:
 სახურავეებიდან
 გადმოცვენილან
 მძინარე ჯარისკაცები
 და დამსხვრეულან.
 მატარებელი
 ისევ მიდის...
 უეცრად





ისევ გაჩერდა...
 მახლობელი ტყიდან
 გამოდის ყაჩაღების
 მთელი ბრბო
 ასტეხეს სროლა...
 დაიწყეს ძარცვა
 წინა ხაზიდან.
 მიაქვთ
 კერენკები,
 საათები ოქროსი,
 ბეჭდები,
 ფართლები.
 ისინი
 ძარცვავდნენ მატარებელს
 მთელი საათის
 განმავლობაში.
 უეცრად გვერდიდან
 გამოვარდა
 შეიარაღებული რაზმი.
 ყაჩაღებმა ეს დაინახეს
 მიატოვეს ძარცვა.
 ჩასაფრდნენ ტყეში.
 ისმოდა სროლის ხმა
 ცარიელ ჰაერში;
 მაგრამ ტალახიანი ცა —
 გამოიდარებს. —
 დიდიხნის,
 ძველი,
 გაღარიბებული და ტკბილი
 მოხუცი
 ილიმება ამ აზრის გაფიქრებისას
 ცივი,
 გაყინული ცხენოსანი
 თოფით მხარზე მიეშურება გზაზე.
 უთუოდ აჩენს
 ახალ ცეცხლებს
 და ბარიკადებს.
 ხარბი, გაუმაძღარი თვალები
 გამოხატავს საშინელ შიმშილს,
 გლეხი



მედიდურათ აზის
 პურით სავსე ტომარას,
 და მას უცქერიან
 მწუხურვალე თვალებით.
 მაგრამ აჰა გაისმის
 ხმა-მაღალი,
 ხრინწიანი,
 უიმედო კივილი
 მატარებლის.
 აი პიტერიც!
 გაფითრებული
 მთვრალივით, რეტდასხმული,
 შეჩვეული უსიხარულო
 მორჩილებას,
 დარღვეული და მძინარე
 ჩერდება იგი
 როგორც გიდრა
 სადგურის წინ...
 გადაწულა სადავო საკითხები.
 გადადიან მგზავრები
 ჯგუფდებიან სადგურის ბაქანზე.
 სადაც მათ კიდევ ხვდება
 სხვა ათასი
 მოფუსფუსე, მოხეტიალე.
 სალამო ხანია.
 პეტერბურგია.
 „ათი დღე,
 რამაც შესძრა კაცობრიობა“
 განვლილია.
 მაგრამ ჯერ ისევ სჩანს
 უზარმაზარი
 პლაკატი
 „მთელი ძალა-უფლება
 დამფუძნებელ კრებას“.
 ო, რა თქმა უნდა
 მე არ მელოდენ,
 როცა სისწრაფით
 ვეშურებოდი საქართველოდან.
 ის მოდიოდა
 ნიუორკიდან —



ნამღვილი ჯონი.
 ჩვენ შევხვდით—
 როცა იგრძნეს ბორკილი -
 და ნგრევის დრონი.
 როცა მასსები
 გადავარდნენ
 ცხარე ბრძოლაში.
 ჩვენ ერთად ვიყავით.
 გარეკეს ბურუსი
 ჩვენ ერთად ვიყავით.
 აშენებდენ ბარიკადებს
 ჩვენ ერთად ვიყავით.
 უფრო წინად კი
 ჩვენ დავესწართ
 რევოლიუციის მსხვერპლთა
 დასაფლავებას.
 ყველაფერი დასრულდა.
 და აი:
 გამჭვირვალე პეიზაჟზე
 რაღაც უცხო ამბავი
 იწვევს ნისლიან
 შებინდებულ შირაქს
 მწუხარებისას.
 წითელი მოედანი.
 სადაც განისვენებს
 ჯონ რიდი —
 პოეტი რევოლიუციის,
 დელეგატი
 III ინტერნაციონალის. —
 პიროვნება,
 რომელთან ერთად განვიცადე
 რევოლიუცია...
 მთელი სიმწარე მოვლენების
 და მთელი სიტკბო
 რომ ეს სტიქია
 უჩემოდ არ ჩატარებულა...
 ო, რა თამამად
 ცეცხლისკენ ვვლიდი—

 ჯონ რიდი
 პოეტი რევოლიუციის...
 დელეგატი
 ინტერნაციონალის.

პოლიკარკ კაპაბაძე



კველი ღაფები

მისტიკა სამ მოქმედებათ

მ მ მ ქ მ ე დ ნ ი ზ ი რ ნ ი ა :

პირველი ძმა

მეორე ძმა

მესამე ძმა

მეოთხე ძმა

პირველი ქალი

მეორე ქალი

მესამე ქალი

მეოთხე ქალი

მოქმედება პირველი

(უდაბურ ტყეში სდგას სასახლე. სასახლის ძველი კედლები შემოსილია ხაესით და დაბალ მცენარეულობით. სცენის უდიდესი ნაწილი უკავია აივანს, რომლიდანაც ოთხი კარია სასახლეში შესასვლელი. ისმის სიტყვა „ალიონია“. გაიღება კარები და თითო კარიდან თითო შეიარაღებული ფაშკაცი გამოდის.)

პირველი ძმა

ალიონია შევისხით იარაღი, არ ვლაღატობთ ფიცს.

მეორე ძმა

მივდივართ საძებრად.

მესამე ძმა

მე წუხელის მეხმა გამაღვიძა, მერე ძილი გამიტყდა.

მეოთხე ძმა

მე სულაც არ მიძინია. ეჰ, — ყოველ დილას ალიონზე გამოვდივართ ოთხი ძმა ამ სასახლიდან და მივდივართ საძებრად ცალკ-ცალკე, ქვეყნის ოთხ მხარეს, მაგრამ საღამოს ყოველთვის ხელცარიელები ვბრუნდებით სასახლეში.

პირველი ძმა

ჩვენი მამა იყო ჯადოქარი. ის სთესდა სოფელში ავ ზნეს და კიდევ ექიმობდა. მას კლანჭებში ეჭირა სოფელი. მასთან მოჰყავდათ საექიმოთ შეშლილები და შეყვარებულები. ერთ დღეს გაზაფხულის მდინარესავეით ადგა სოფელი, მოიყარა სიბრაზის დორბლი და მოგვიკლა მამა. ჩვენ კი პატარები გასაზრდელად აგვიყვანა სოფელმა.



მეორე ძმა

ჩვენს სოფელში იყო ძველი დაფები. მაღალი ზნეობა ეწერა დაფებზე.

მესამე ძმა

ჩვენ გულმოდგინეთ წავიკითხეთ კანონები ძველ დაფებზე.

მეოთხე ძმა

ვისწავლეთ ყველაფერი რაც ძველ დაფებზე ეწერა.

პირველი ძმა

წამოვიზარდეთ, შეუდექით ნამუსიან ცხოვრებას.

მეორე ძმა

მაგრამ სოფელი უზნეო იყო.

მესამე ძმა

ჩვენ სიყვარულის ანთებით მივდიოდით ~~ვაჭირვებულთა~~ საშველებლად, მაგრამ დაცინვა გველობებოდა წინ და ბავშვის კუბოს გვაწოდებდა ყველა სიწმინდის დასამარხავად.

მეოთხე ძმა

ადამიანებს დარაჯობდნენ გალესილი ხანჯლები, ითესებოდა ღვარძლი, მშვიდათ იზრდებოდა მხოლოდ ღვდლების მუცლები.

პირველი ძმა

სიყვარულის ალით მოდებულმა რა მივიღეთ ქალწულებისაგან.

მეორე ძმა

გადმოგდებული ენა!

მესამე ძმა

ეს იყო პასუხი!..

მეოთხე ძმა

მაგრამ ვიცოდით, რომ არსებობს ცხოვრება შორეული, სადაც ხეებს აღმასის კაკლები გამოაქვთ ნაყოფებით და ჩიტები ფირუჭებს სდებენ ბუდეებში მზისუნახავის შუშაბანდზე.

პირველი ძმა

ვიცოდით: ტყეში ამოდიან და პატარა ცეცხლის ენებივით ელავენ ისეთი ყვავილები, რომელთ წინაშე სკვენება მუხა... (მნიშვნელოვანათ) აგრეთვე ყვავიან ტყის ქალები...

მეორე ძმა

ჯადოქარ მამის სისხლი აინძრა ჩვენს ძარღვებში!

მესამე ძმა

მოვინდომეთ თავისულება.

მეოთხე ძმა

ჩვენი ცხოვრება.

პირველი ძმა

წამოვედით.

მეორე ძმა

ვიარეთ.



ეროვნული
ბიბლიოთეკა

მესამე ძმა

ვნახეთ სასახლე ტყეში.

მეოთხე ძმა

ყოველ დილას გამოვდივართ სასახლიდან ოთხი ძმა და მივდივართ ცალ-ცალკე ქვეყნის ოთხ მხარეს.

პირველი ძმა

ჩვენი იარაღი სადაცაა ლესვით მოილევა

მეორე ძმა

მოილევა რკინა და გული მოლოდინით.

მესამე ძმა

წუხელის მთელი ქვეყნის ღამე იღვა ჩემს შუბლზე.

მეოთხე ძმა

ყოველ დღე დაკვივართ, ვარღვევთ გვირაბებს. ჩვენი მხედველობა წურბელასავით სწოვს ტყის ყველა კუნჭულებს, მაგრამ ტყის ქალის ლანდსაც ვერ მოეკიდა... საღამოს ვხედავდით რა წამება იყო დღის გზები.

მეორე ძმა

სადამდე ვეძიოთ—ვკითხულობდი, ჩემი კითხვა იყო როგორც მესი უდაბნოში.

პირველი ძმა

ტანიდან ეკლებს ვიღებთ და ვწვებით.

მესამე ძმა

სადამდე!

(ისმის გრგვინვა).

მეოთხე ძმა

აეღარია.

პირველი ძმა

ვინ ამოსწვა ტყის ქალის კვალი.

მეორე ძმა

ამ ტყეში არის მხოლოდ ცარიელი სასახლე.

მესამე ძმა

დრო მიდის. გავიდეთ. მუხლები არ ისვენებენ.

(ისმის გრგვინვა და წვიმის შხაპი).

მეოთხე ძმა

დიდი წვიმის შხელია. დავჯდეთ.

(მეორე ძმა და მესამე ძმა აპირობენ დაჯდომას).

პირველი ძმა

ტყის ქალები!

მეორე ძმა

სად?

პირველი ძმა

ტყეში.



ეროვნული
ბიბლიოთეკა

მესამე ძმა

ქარია.

პირველი ძმა

სულერთია.—წავიდეთ! (ეხება ხელით ძმებს) წავიდეთ!

მეოთხე ძმა

მაშ ისეე ძიება?..

პირველი ძმა

ჩვენი მოპოვება ძიებაა!

მეორე ძმა (მესამე ძმას)

შენ წახვალ. ჩრდილოეთით, მე სამხრეთით.

პირველი ძმა

ჩქარა!

(ყველანი გაიფანტებიან.

იმავე წუთში შემოდის ოთხი ტყის ქალი.

ისინი ღიმილით აძლევენ ერთმანეთს სალამს.
მიმოიხედავენ).

პირველი ქალი (მწუხარეთ)

ისევე ჩვენი სასახლე!

მეორე ქალი

როგორი იყო ეს ღამე?

მესამე ქალი

მოყოლად არ ღირს!

მეოთხე ქალი

მოყოლად არ ღირს!

(ისინი შეჯგუფდებიან და მოსჩანან სხვა და
სხვაფერ ყვავილებიდან შეკრულ დაიგულად.
ღუმილია).

პირველი ქალი

ყოველ საღამოს, მზის ჩასვლის შემდეგ, გამოვდივართ ამ სასახლიდან ოთხი
ქალი და მივდივართ ცალ-ცალკე ქვეყნის ოთხ მხარეს და, თუმცა არცერთ ღამეს
არ გამოუცილებია ჩვენთვის რომელიმე წყვილი ოვალით დილაძდე, მაგრამ
საღამოს რომ არ წავიდეთ, არ შეგვიძლია.

მეორე ქალი

ჩვენი დედა იყო ალი. ის დადიოდა მზის ქვეშ და თავის გულმკერდით
ჯჯობრობოდა მზის მხურვალე სხივებს. მისი ლოყები ებრძოდა ბუჩებს და თე-
ძაები თელავდა ქინკრებს და ეკლებს... ამ ბრძოლაში ის დამახინჯდა, მაგრამ
მას მაინც გააჩნდა ჯადო, რომლის წყალობით ის შოულობდა აუარებელ ქმრებს.
ერთხელ ის შეეფეთა წმიდა ჯვარს და ცეცხლით დაიწვა. უპატრონოთ დაერ-
ჩით ჩვენ და ავიხარდერ ჩვენს ბუდეში.

**მესამე ქალი**

ჯადოთ დაგვრჩა სილამაზე.

მეოთხე ქალი

ვუვლით სილამაზეს. — ეს ჩვენი ძალაა.

პირველი ქალი

და სანახავად არ ვეკარებით მზეს, რომელიც რუჯავს ქალის სახეს.

მეორე ქალი

ვემალებით ბუზებს და პეპლებს, რომელნიც ზუზუნებენ ლურჯი ცის ქვეშ და ეძებენ სისხლიან ლოყებს.

მესამე ქალი

დავდივართ ღამით. ჩვენი გზა ბრმაა. — არც ერთხელ არ დაგვდევნებია ვნებიანი თვალები.

მეოთხე ქალი

ხან და ხან მომელანდება ცალი თვალი... მაგრამ ის შავი ყვავილია, რომლის წვენი ამახინჯებს ქალწულის სახეს.

პირველი ქალი

როგორ უქმად ვემალებით მზეს!

მეოთხე ქალი

წუბელის არც ერთ თქვენგანს არ უნახავს კარგი ნიშანი?

მეორე ქალი

დასავლეთისკენ მივყვებოდი მნათობებს. მე ძლიერ ვმორცხვობდი, თუმცა ჩემთვის ცოტა სინათლეს იმეტებდნენ მნათობები. იყო უდაბური ტყე და მეტი არაფერი, არაფერი! ბოლოს ვინატრე, ხეს მაინც ჩადგომოდა ძარღვები და წემომხვეოდა.

მესამე ქალი

აღმოსავლეთით შემეყარა მთვარე, ის მიყურებდა მკაფიოთ როგორც აკივლებულის თვალი. მაგრამ ბრმა ფოთლებიდან არ მიცქეროდენ თვალნი — ღმერთები, ვიმალებოდი, ვეძებდი... ბრმა უდაბურება. მე ვისროდი ქვებს, რადგან ისინი არ იყვნენ გულნი.

მეოთხე ქალი

ჩრდილოეთი იყო ავდრიანი. ჩემს ნაბიჯებს ხეები წვიმიან ტოტებს ურტყამდა. მე ვეძიე ღმერთი. ვეძიე კბილით და ფეხის თითებით ვნების ცეცხლიანი შემოხედვა. იელვა. ელვამ სისხლი ამიტოკა, თავი დაეხარე და მოლოდინით ყველა ძარღვები დაგროვდა გულში. იგრიალა მეხმა, მაგრამ ის ხეზე დაეცა. აინთო ხე, მაგრამ ხეში არ იყო სისხლი. დაიწვა ხე. მაგრამ გული არ იყო ხეში!

მეორე ქალი

ასეა და ასე იქნება.

(ისმის გრგვინვა. ღრუბლებისგან ბინდდება)

პირველი ქალი

ასე არ იქნება. ერთხელ წავალთ დღით.



მეორე ქალი
დავერუჯავს მზე.

მესამე ქალი
დააკოპებს სახეს ბუზები.

მეოთხე ქალი
მაგრამ მოვნახავთ ლონიერ მკერდს.

მეორე ქალი
მეც ვფიქრობ.

პირველი ქალი

ჩვენ ამ სასახლეში ამოვედით პატარა ბუდიდან, მაგრამ ეს სასახლეც მოზრდილ ბუდეთ გადავაქციეთ. კმარა ბუდეში ჯდომა. ჩვენ გვინდა ცხოვრება!

მეორე ქალი

ჩვენი სახეები მზის ქვეშ გავაჩეროთ მსხვერპლად, მხოლოდ ცხოვრება მოვიპოვოთ.

მესამე ქალი

წავიდეთ!

მეორე ქალი

არა, არა! სილამაზის გარეთ ჩვენ არც ვარსებობთ! ჩვენი სამყაროა ბინდი და ჩვენი ფრენაა: დამალვა. თუ არის სადმე სიყვარული, ყველა ბუჩქები გადაშალოს და ამოიწვას თვალი უძილობით.—მოგძებნონ.

მესამე ქალი

ისევ ძველი ამბავი წამოიწყე!

(ისმის გრგვინვა. ძლიერ ბინდდება)

მეოთხე ქალი

ჩემს ძარღვებში ჩუმაღ იღვიძებს დედის სისხლი.

პირველი ქალი

იღვიძებს დედის სისხლი. ძლივს ვაკავებთ ტანს. არ გავარდეს მზის ცხელ უულებში!

მეორე ქალი

ხედავთ მზეს ოთხ-კეცი დრუბელი ახვევია. ჰაერში მოჰქუხს წვიმა და ბუზებს მიდენის. წავიდეთ. ამ ბინდიან დღით მაინც წავიდეთ! ეგებ რომელიმე კლდეზე დაგვხვდეს მოკიაფე თვალები!

პირველი ქალი

თავდახრილია შროშანები. ნიშანია ხანგრძლივი ავდრის.

მეორე ქალი

რაწამს ასწევინ თავს შროშანები გამოვბრუნდეთ.

(ისინი აშუებულად გრძნობენ თავს და სიცილით აბრაზებენ ამინდს).

მესამე ქალი

(ამინდს აჯავრებს)

მოვდივართ!

(იწყებენ წასვლას მარცხნიდან. მარჯვნიდან ისმის ძმების ხმა)



პირველი ძმის ხმა

ცას ხუთ წყება ღრუბელი ახვევია. ბნელდება. **სად წახვამ?**
მეორე ძმის ხმა **სად წახვამ?**

წარღვნა მოდის. ვის ვნახავთ!

მესამე ძმის ხმა

ვინც წავა შეხვდება ნიაღვარს და მეხს.

(ამოდიან მარჯვნიდან ძმები იმ დროს, როდესაც ქალები მარცხენა კიბეზე ჩადიან. ძმები უკანასკნელებს თვალს მოჰკრავენ)

პირველი ძმა

ტყის ქალები!

ყველა ძმები

ტყის ქალები!

(გარბიან ყველანი, მალე ცალკ-ცალკე შემოჰყავს თითო ძმას თითო ქალი. ქალები სავსეა შინაგანი სიხარულის სირცხვილით. კაცებს გამარჯვების ბრწყინვალე გამომეტყველებით მაგრად უპყრიათ ხელში ქალები)

პირველი ძმა

ეს არის ჩვენ-ჩვენი ბედი. ვისაც რა შეგვხვდა ბედია ჩვენი.

(დასცქერიან კაცები თავიანთ ბედს ბავშური ალტაცებით).

პირველი ძმა

ცხვირი ისეთია როგორც ლამაზი ჩიტის ნისკარტი. თვალები სანთლებია.

მეორე ძმა

ცხვირი სანთლის სალამურია. ტუჩები ჰკივიან სიწითლით, მაგრამ ყველაზე საკვირველი ფეხის ფრჩხილები აქვს (დაუსობს ხელს ფეხის თითებზე) ჰა, ჰა, ჰა! რა ვარდისფერი ფრჩხილებია, რა პატარებია, ჰა, ჰა!

მესამე ძმა

შემომხედე, აი!.. ხა, ხა! რა მორცხვია! რა ოქროს ფერი თმა აქვს, წარბები! ამის წარბები წურბელებივით სრიალებენ.

მეოთხე ძმა

ისრებივით აქვს ფეხები. ისრებია ამის ხელები. თითები პატარა ისრებია.. და მთლად ამის ტანი არის როგორც ისარი. გაუშვა ხელი—როგორც შვილდიდან ისე გასხლტება. შეჰხედეთ!

მესამე ძმა (მეორეს ქალზე)

რა ტანია!

მეოთხე ძმა (მესამე ძმას)

ჰხედავ ჩემს ქალს!

მესამე ძმა

რა შშვენიერია! (ეს უთითებს თავის ქალზე) შედარებით ულამაზობაა.



ქართული
ბიბლიოთეკა

მეოთხე ძმა

ბრმა ხარ!

მესამე ძმა

რეგვენო, განა ამჩნევ რა დიდებაა შენს გვერდით!

მეოთხე ძმა

შენს გვერდით სდგას ქალი როგორც კოშკი კანდელით. მე უნდა ვიდგე შენს ადგილას, მე უნდა ვიდგე! ო, არ მოუხედავდი არც მდინარეებს და არც მთიდან მოხეთქილ ლოდებს!.. (გატაცებით) გადამიდექით!

(ქალიც მეოთხე ძმისკენ მოიწევს მესამე ძმიდან)

პირველი ძმა (მეოთხეს)

არა! შენ გყავს შენი ქალი. აქ დამყარდეს რიგიანობა. წესრიგს ვერ გადააბიჯებ.

მეოთხე ძმა

მართალია ტყეში კი ვცხოვრობთ, მაგრამ ჩვენ ტყის ნადირები არა ვართ. ჩვენს სოფელში იყო ძველი დაფები, რომელზედაც კანონები ეწერა, ჩვენ ვძს-წავლეთ და გვახსოვს ის კანონები. რა კი ეწყობა აქ ჩვენი ცხოვრება, მოეწყობა წმინდა დაფების მალალ ზნეობის მიხედვით. — სამართლიანად. (გაიწევა წინ და თავთავიანთ ქალებთან დააყენებს მესამე და მეოთხე ძმას) აქ გაქვავდით!

(როდესაც უკან დაიხვეს შეჩერდება პირველ ძმის გვერდით ქალთან)

პირველი ძმა

ეს ჩემი ქალია!

მეორე ძმა

(დაიხვეს მეორე ქალისკენ და თან აცქერდება გულის ტკივილით პირველ ქალს)

მე უყურებ ჯადო-ტაძარს! ჩემი გული ზარივით რეკავს. რეკავს წამებით. მაგ ქალის თვალები იღება როგორც ორი რგვალი ღამე... მე უნდა უდგე გვერდით. მე—და არა შენ!

პირველი ძმა

(სამაგიეროდ უცქერის მეორე ძმის ქალს).

ოო, შენ ეს გირჩეენია. ცივი ქვისათვის ხავსია ყველაზედ საყვარელი. ამა შიილე, ის კი ჩემია. (მეორე ქალს, რომლისკენაც მიიწევს) ჩვენ შორის იქნება გრიგალის ღონიერი დატაკება და ყვავილების ჩუმი ბაასიც...

მესამე ძმა

(ენერგიულად აკაეებს მეორე ძმას ადგილიდან დაძრულს)

შეჩერდი!

მეოთხე ძმა

უხნეო!

მესამე ძმა

ჩვენ ვიცით როგორ მოგეპყრათ! ჩვენ გვახსოვს რაც კანონები ეწერა ძველ დაფებზე.

მეოთხე ძმა

(ჩაერევა და თავთავის ადგილას დასწევს პირველ ძმას, მეორე ძმას და მათ ქალებს)
 ეს ქალებიც — სჩანს ჯერ პატარა მხეცუნები არიან — გავასწორობთ!

მესამე ძმა

ჩვენ ტყეში თხის ჯოგათ არ უნდა გადავიქცეთ.

მეოთხე ძმა

დავამყარებთ კანონს. (დაიხვეს უკან და დადგება მესამე ძმის ქალთან).

მესამე ძმა

რკინისებურ კანონს ზნეობის დასამკვიდრებლად რაც ეწერა დაუებზე.

პირველი ძმა

(მეოთხე ძმას)

აქ არ არის შენი ადგილი!

მეოთხე ძმა

(ეხება ხელით მესამე ძმის ქალს)

ო, დავბრუნდი ბედნიერებით!..

მეორე ძმა

(მრისხანეთ მეოთხე ძმისაკენ)

მაღალი ზნეობა!

მეოთხე ძმა

მე აქედან არ დავიძვრები.

მესამე ძმა

(მოიწევს მეოთხე ძმის ქალისკენ).

შენმა თვალებმა ჩანგალი გამოდვა ჩემს გულს.

პირველი ძმა და მეორე ძმა (იშიშვლებენ ხანჯლებს)

კანონი!

(თუ თავის ადგილას დააბრუნებენ მეოთხე ძმას და მესამე ძმას. თვითონ გაუხვევენ ერთმანეთის ქალებისაკენ).

მესამე ძმა

სად გაუხვიეთ! განა მარტო ჩემზე ავლებთ კანონის საღტეს!

პირველი ძმა

(მიუშვერს ხანჯალს)

აი, ძალა.

მესამე ძმა და მეოთხე ძმა

(იშიშვლებენ ხანჯლებს, მივარდებიან პირველ ძმას).

აი, შენი ბედი! (აიძვლებენ პირველ ძმას დაბრუნდეს თავის ბედთან. მეორე ძმაც იძვლებით დაიხვეს მეორე ქალთან).

მეოთხე ძმა

ხსოვნაშია ჩაბეჭდილი დაფები.

(ყველანი უღერებენ ერთმანეთს ხანჯლებს, და

ყველანი ემორჩილებიან რკინას მხოლოდ
ქალებში იღვიძებს სითამამე.



პირველი ძმა

ერქუნული

ხედავთ როგორი დაუცხრომლობით ატორტმანდენს ქალებში.

მეორე ძმა

ეს მხეცუნები... მხოლოდ ერთია მათ შორის
(მოღერებულ ხანჯლების წინაშე დაღუძდება.
ქალებში ღვივდება დაუდგრომლობა)

ყველა ძმები (ბრძანებით)

ქალებს მაგრად ჩასჭიდეთ ხელი.

პირველი ძმა

ნამუსის ბინა კედლებშია.

მეორე ძმა (მესამე ძმას და მეოთხე ძმას)

შედით თქვენს ოთახებში!

მესამე ძმა (პირველ ძმას და მეორე ძმას).

თქვენ შედით ოთახებში!

(ძმები მიდიან ოთახებისკენ. მაგრამ კარებთან
წააწყდებიან ქალების სასტიკ წინააღმდეგობას)

პირველი ძმა (ებრძვის ქალს).

ეს მართლაც ტყის ქალია!

მეორე ძმა (ებრძვის ქალს)

ეს რა დაუდეგარია!

მესამე ძმა (უგრებს ხელებს ქალს)

ქალი უნდა ემორჩილებოდეს კაცს.

მეოთხე ძმა (მოუჭერს ხელებს თავ-კისერზე ქალს)

ასეთია კანონი. ეს არის დაფებზე. არის კანონი.

ყველა ძმები (თან ემუქრებიან ერთმანეთს ხანჯლებით).

დაიმორჩილეთ, ჩასჭიდეთ რკინის ხელები.

(ყველანი შეამწყვდევენ ქალებს ოთახებში)

ყველა ძმები (კარებთან, უკანასკნელ ნებით)

დაემორჩილეთ კანონებს. დაიპყრეთ მხეცნი. მოთრგუნეთ ქალები.

(კაცებიც შედიან ოთახებში. კარები იხურება.
ღუმილია. გაისმის ცემა-ტყეპანი და ქალების
ზმუილი. გაიღება კარები და ერთი წუთით
გამოჩნდებიან ქალები წამებული სახეებით).

მოქმედება მეორე



(პირველი ძმა მესამე ძმის კარებთან ჩამოუშვებს მხაროდან ეკლის უხალმობარ/ტვირთს და შეუფრ
გება დაწლას. შემოდის მეორე ძმა. მოაქვს აუარებელი ყვავილები/ქაღალცი მათზე ძმის კარებთან.)

ბიზლიქსუქა

პირველი ძმა

შენ მაქ რა გაშალე?

მეორე ძმა

ყვავილები.

პირველი ძმა

რათა!

მეორე ძმა

მისი ფეხები გაივლიან... და პატარა, წიწველი ფეხები მოსწოვენ ყვავილებს.

პირველი ძმა

ურიგოს ლაპარაკობ.

მეორე ძმა

პირველად შენს ბედზე დამწყდა გული მაგრამ... შემდეგ შემიყვარდა ქალი რომელიც ამ კარებიდან გამოდი.

პირველი ძმა

როგორ! შენ რძალი შეიყვარე? მრღვეველად ევლინები ძმურ ყოფას!

მეორე ძმა

იყავი ჩემი მეგობარი, ჩემი მესაიდუმლე.

პირველი ძმა

არ შეიძლება. ვეტყვი ყველას. ყველა ძმებს.

(შლის ეკალს).

მეორე ძმა

შენ რაღა მოგიტანია. მაქ რას შლი!

პირველი ძმა

ეს ეკალია.

მეორე ძმა

ეს მტრობის ნიშანია.

პირველი ძმა

პირიქით. შე სიყვარულმა მაკრეფია ეკალი. შენსავით პრუში ნუ გგონივარ. — ქალი, რომელიც ამ კარებიდან გამოდის გადმოხედვით მწვავს. შე ვკებნ. სადაც ატყვია მისი ჭინიანი კვალი. შე ეკალს ვშლი მის ნაბიჯებისთვის, რომ უძილო ღამის სასტუმალად დავიდვა სისხლით გაწითლებული ეკლები.

მეორე ძმა

ჰოო, საწინელება!

პირველი ძმა

ვერ გამიგე!

მეორე ძმა

ვხედავ რა გველად სრილობ ძმის კარებთან. ვხედავ და უნდა ვიყვირო. პატიოსანო ძმებო გველს თავი გაუჩეჩქვოთ!



ქართული
ბიბლიოქოლა

პირველი ძმა

მერე, სათნოება, ადამიანი და სიბრაღეული?

მეორე ძმა

აქ დახოგვა არ შეიძლება.

პირველი ძმა

განა შენი მრუში ხელები არ შლიდენ ამ ყვაველებს! განა შენმა გახრწნილმა გულმა შატლებათ არ დაჰყარა ესენი! მე დაუძახებ ძმებს, ვეტყვი აქ გაგრისხონ.

მეორე ძმა

ოო, შენ მამუნჯებ. ჩვენი ყოფის დაცვის საშუალებას მართმევ. ოო, ეს აუტანელია. შენ მტერი ხარ როგორც ის... (ქშენით) ვინც გველივით ხრავს და შხამავს ჩემს არსებობას.

პირველი ძმა

შავ განხრაბეებს მიმხელ და ენასაც მჭრი. შენზე ვიძიებ შურს... როგორც მასზე, ვინც სიცოცხლეს მართმევს და სჯიჯგნის.

(ბრაზით დაკაკლულ თვალებით შედიან ძმები თავიანთ ოთახებში. გამოდის მესამე ქალი და მეოთხე ქალი. მესამე ქალი ანთებით უცქერის ეკლებს, და დადის ზედ და ურტყამს ფეხს).

მეოთხე ქალი (გაიარს ვარდებზე)

მე დავდივარ ვარდებზე, მაგრამ ცრემლებით ვდულრაგ ჩემს გზას.

მესამე ქალი

აუტანელია!

მეოთხე ქალი

გეტყვი ჩემს საიდუმლოს.

მესამე ქალი

მითხარი, ო, მითხარი რამე!

მეოთხე ქალი

ჩემი კაცის ხელები რკინის სალტეა. გადმომიყრის ყვაველებს საყვარელი... მაგრამ საყვარლის მუხლებზე კანონით თითქო თოკით დაუბამთ მეორე ქალი. მე მიინდა დავდულრო ის ქალი ან მოვიხრჩო თავი.

მესამე ქალი

ორგულო. ყოფის მოლაღატვე. დასაც არ ინდობს შენი შხამი!

მეოთხე ქალი

ო, ვერ გამიგე!

მესამე ქალი

გასაგები ჩემი სიყვარულია. შენსავით ვარდებზე არ მიდგას ფეხი. შემჯავა ყოფამ. მთელი ტანით ვიწვევი საყვარლისკენ და ჯაჭვებში ირეჯგვება გული. საყვარლის თვალები წურბლებივით სწოვენ ჩემს სხეულს. ის შესვრის ეკლებს. მე სისხლის თაიგულად უბრუნებ. მას საბელივით მოხვევია კისერზე პირველი და. ო, მე მიინდა გადავიქცე დანათ. გადაექრა საბელი და კანონის სახრჩობელიდან ჩამოვხსნა სიყვარული.

მეოთხე ქალი

შენი სიყვარული ეკალი და სისხლია, შენ ბოროტი ხარ. შენზე აღრე ჩემი

მეგობრებად შავი ყვავილები იქნებიან. ისინი გამოიღებენ შხამს, რომლითაც დავდულრავე მტერს.

მესამე ქალი

შენ ბუზი ხარ. ყვავილები ეძიე. უმწვავეს შხამს მე მოვნახავ და დავწვავ ქალს, რომელიც საყვარელს მართმევს.

ეროვნული
გმობა

(ქალები შედიან თავ-თავის ოთახებში. შემოდის მესამე ძმა. შემოაქვს ლოდი და დასდებს პარველი ძმის კარებთან. ღრმად ითქვამს სულს. შემოდის მეოთხე ძმა, მოაქვს ადამიანის ჩონჩხი, რომელსაც ააყუდებს მეორე ძმის კარებთან.)

მეოთხე ძმა

შენ გინდა ლოდით ამორაგვო ძმის კარები? არ შეიძლება. ჩვენ გვაქვს კანონი. ძველი დაცვებიდან ხსოვნაში ჩაბეჭდილი კანონი.

მესამე ძმა

გაიგე ჩემი დუღილი. ამ კარებიდან გამოდის ქალი. მისი აშოლტილი ტანის სიგრძეზე ვნების სიმივით დაჭიმულა ძარღვი. როგორც ალხში ავარდნილი გველი იკლაქნება ის, როდესაც მე დამინახავს. მე ვდებ მის კარებთან ლოდს. აღმოდებულ ძარღვებით შემოეკვრება იგი ცივ ლოდს, მე კი შორიდან უყურებ და ვძრწი რადგან ლოდი არა ვარ.

მეოთხე ძმა

ცოდვა აგდულებია. გახელებულხარ. შენს მოსათრგუნად ჩვენ მოვიტანთ მხეერთებს და შოლტებს.

(გაასწორებს ჩონჩხს მეორე ძმის კარზე).

მესამე ძმა

ეს რა სიკვდილი აგიმართავს ძმის კარზე, — შენ გინდა შეშალო ძმა?

მეოთხე ძმა

ჩემი სიყვარული სიკვდილივით უღმობელია. მძიმეთ დააწვა ძმა, ოთახი, კანონი ჩვენ შორის გაბმულ გრძნობას და წამებამ ცარცივით გამოახმო ჩვენი სახეები. არ არის ხსნა და უშიშრად უყურებთ სიკვდილს. იქ ჩონჩხების ტყეში არ ჩამოდის სიყვარული ქარცეცხლით და კანონი ხანჯლებით.

მესამე ძმა

გაგშოლტავთ ძმები! ოჯახურ ყოფის მრღვეველისთვის, ხნეობის შემლახველისთვის უღმობელია ჩვენი კანონი. შენ ძარღვებში გიდგას შხამი, მაგრამ ჩვენ ხანჯლებით დაგიხსნით ძარღვებს. მე ვეძახი ძმებს.

მეოთხე ძმა

ისინი დაინახავენ შენი მხარით ამოტანილ ლოდს!

მესამე ძმა

საზიზღარი!

(ბრაზით შედიან ძმები ოთახებში. გამოდიან პირველი ქალი და მეორე ქალი.)



ეროვნული
ბიბლიოთეკა

პირველი ქალი
(შემკრთალი)

რად ატუხულა შენს კარებზე სიკვდილი!

მეორე ქალი

გაგანდობ. ჩემი სიყვარული მეოთხე ძმასთანაა. მაგრამ ჩვენ შორის აიმაღ-
თენ ძალიან დაფები და თიქრებს ყვაფებავით მიაქვთ გულის ნაგლეჯები.. ეს სი-
კვდილი საყვარლის თვალებიდან მოდის.

პირველი ქალი

სიყვარულს შენ სიკვდილის ძვლებში ხვევ — ეს უზნეობაა. შე ვიცი რა
არის სიყვარული. — მან ჩემი სუნთქვა გადააქცია ცხენის ფრუტუნათ! და არ არის
ძილი, როდესაც საყვარლის გვერდით ცოლად ვხედავ მესამე ქალს. საყვარელი
სისხლს მიხურებს და მე ვასკდები ცივ ლოდებს და არ არის ძილი. არ იქნება
მოსვენება, სანამ მესამე ქალს არ მოვდულრავ სახეს.

მეორე ქალი

მე ავაცდენ განსაცდელს მესამე ქალს. სულ სხვაა მეოთხე ქალი, ის ჩემს
საყვარელს მხუთავად აწევს.

(იღება ოთხივე კარები. ქალები შესწყვეტენ
ლაპარაკს და შედიან ოთახებში, ოთხივე კა-
რებიდან გამოდიან ძმები. ისინი შეიარაღე-
ბული არიან. ხელში უჭირავთ ამოწეული ხან-
ჯლები).

პირველი ძმა

თქვენც დაგიღესიათ ხანჯლები.

მეორე ძმა

გიწვეტებიან ისრები.

მესამე ძმა

როგორ მოკუმული გაქვთ ტუჩები.

მეოთხე ძმა

თქვენს თვლებში სისხლის წყურვილი ელავს წვეთად.

მეორე ძმა

უნდა მოვკლათ ნადირი.

მესამე ძმა

ნადირი...

(ეხება ხანჯლის წვერით პირველ ძმას)

მეოთხე ძმა

(მესამე ძმას)

დასწიე ხანჯალი! ვიცი რაც გიძევს გულში.

მეორე ძმა

გულში არის წყურვილი

(ეხება ხანჯლის წვერით მეოთხე ძმას).

პირველი ძმა

(მეორე ძმას)

დასწიე ხანჯალი! ვიცი ვველი გიძევს გულში!

**მეოთხე ძმა**

წავიდეთ იქ, ტყეში. მოვკლათ ნადირი.

(ეხება ხანჯლით მეორე ძმას)

მესამე ძმა

(მეოთხე ძმას)

დაუშვი ხანჯალი!

პირველი ძმა

ჩააგეთ ყველამ ხანჯლები.

მეორე ძმა

ერთ ძმას წყურია ძმის სისხლი.

(ყველა ძმები უთითებენ ერთმანეთზე)

იმას!

პირველი ძმა

ჩააგეთ ხანჯლები!

(ძმები ჩააგებენ ხანჯლებს. შორდებიან ერთმანეთს. მოიხედავენ, დაჭიმავენ შვილდებს და დაუმიზნებენ ერთმანეთს ისრებს).

მეორე ძმა

მიზანი მაღალია.

ყველა ძმები

(ერიდებიან დამიზნებულ ისრებს).

დაუშვით ძირს შვილდები!

დასწიეთ ძირს!

ისრები!

(ყელანი ძირს დასწევინ შვილდ-ისრებს).

პირველი ძმა

წადით ცალ ცალკე.

მეორე ძმა

მე თქვენთან წამოვალ. რადგან იქ, ტყეში, იქნება ერთი საზიზღარი ნადირი.

მესამე ძმა

მე არ მოვშორდები იმ ნადირს.

მეოთხე ძმა

მეც არ მოვშორდები.

(მიდიან ყველანი. ოთხივე კარები გაიღება. გამოდიან ქალები თიხის სარწყულეებით).

პირველი ქალი (მესამე ქალს)

ვახსოვს, ყვავილებიდან ვაგროვებდით ნამს და ვთავაზობდით ერთმანეთს პირის დასაბანათ!

მესამე ქალი

ვახსოვს. იმიტომ მოვაგროვე შენთვის ნამი.

მეორე ქალი (მეოთხე ქალს).

შენთვის ყვავილების ნამი მოვაგროვე.



ქართული

(ჩაპხედავენ ერომანეთს სწავლულნი).

მეც. აი!

მეოთხე ქალი

ყველა ქალები

იქ შხამია!

პირველი ქალი

შხამი, რომელიც ცეცხლივით დაწვავს ქალის სახეს.

მეორე ქალი

შხამი, რომელიც ქერქს გადააკრავს სახეს.

მესამე ქალი

ეს არის ცეცხლის სითხე.

მეოთხე ქალი

მოსძოვს სახიდან სილამაზეს.

პირველი ქალი (მესამე ქალს).

შენ უნდა დაგბანო პირი ამ საღამოს.

მესამე ქალი

შენ უნდა დაიბანო პირი ჩემს მიერ გამზადებულ ნაშით.

მეორე ქალი (მეოთხე ქალს)

მე შენი სახისთვის დავამზადე ეს ნაში.

მეოთხე ქალი

მეც დაგიმზადე სანაგიერო.

(ისმის იარალის ჩხარუნი და გმინვა. ქალები წაიწვევიან და იცქირებიან საიდანაც ხმა ისმის).

პირველი ქალი

ო, ის არა სჩანს!

მეორე ქალი

სჩანს მხოლოდ მტვერი მეტი არაფერი.

მესამე ქალი

აღბად ისინი იბრძვიან.

მეოთხე ქალი

ო, გაათორებული ბრძოლაა.

(ქალები გადახედავენ ერომანეთს).

პირველი ქალი (მესამე ქალს)

შენ დაგბან მე მაგ ლამაზ სახეს.

მესამე ქალი

ენახოდ ვისი სახე უფრო სუფთად დაიბანება.

მეორე ქალი (მეოთხე ქალს).

ნუ მიგეჩქარება სანამ არ იგემებ ჩემგან გრილ ნაშს.

მეოთხე ქალი

მე არ გავდგამ ნაბიჯს აქედან, სანამ შენს სახეს არ დავშხეფავ ჩემი სარწულლიდან ამოღებულ შხამით.

(მოისმის შორიდან იარაღის ჩხარუნნი და
გმინვა)

ეროვნული
ბიბლიოთეკა

პირველი ქალი

პატიოსანი მტრები ერთმანეთს არ ემალებიან.

მესამე ქალი

მართალია!

მეორე ქალი

მართალია!

მეოთხე ქალი

მართალია!

პირველი ქალი

ენახოთ ვისი შხამი იქნება უფრო მწვავე, ჩემი თუ თქვენი!

(გამარჯვებულ მტარვალთა საშინელ სიცილით
იციინიან დები და მიდიან თავ-თავის სარწ-
ყულეებთან).

(ზ ა რ დ ა)

მოქმედება მისამე



(ნანგრევი ტაძარი, ისპოლინური დაკოფილი მცენარეები, აქა იქ სვეტები და ხავსიან დაფების ჩაშთია, ღამდება, ისმის სიტყვა „მოვალწით“. გამოდის უფლები და მათი მხედველობა ჩააჭიდებია ნანგრევებს).

პირველი ძმა

ჩვენს სოფელში იყო დაფები და ზედ კანონები ეწერა.

მეორე ძმა

როდესაც მოვშორდი სოფელს ჩვენ მოგვექონდა ის დაფები ხსონაში ჩატედილი.

მესამე ძმა

გულით დაგვექონდა. ჩვენი სახის ყოველი ხაზი იმ დაფების წარწერა იყო.

მეოთხე ძმა

ასე მივდიოდით ჩვენ თავისუფალ ცხოვრებისაკენ.

პირველი ძმა

დიდხანს ვიცხოვრეთ ტყეში და გამრუდდა გონება.

მესამე ძმა

ერთმანეთს შუბლები დაუხვრიტეთ ისრებით.

პირველი ძმა

სად არის ჩვენი ხანჯლები?

მეორე ძმა

ხანჯლებმა დაგვიფლითა მკერდები.

მესამე ძმა

გაძღენ სისხლით და გაცვიინდენ ხელებიდან.

მეოთხე ძმა

სისხლისაგან დაკლილებმა ვიცანით ძმების თვალები.

(მათი მხედველობა ისევ ჩაეჭიდება ნანგრევებს).

პირველი ძმა

ჩვენს სოფელში იყო დაფები და აქაც არის.

მეორე ძმა

წაიკითხეთ ყველამ დაფები.

(ანთებენ კვარებს, მივლენ ნანგრევების შესავალში და ძირს კითხულობენ)

პირველი ძმა (ამოიკითხავს)

როდესაც ბრძოლაში გაწყდა მცხოვრებლები და ერთი არ დარჩა დამცველი ამ წმინდა დაფების, მაშინ შემოვიდა მტერი რკინის ურდოებით და შვიდ ღამეს აგრიალა ცეცხლი ზღვასავით. მტერი წავიდა. დარჩა უდაბნო და კანონების ძველი დაფები.

მეორე ძმა

ასე იცავდენ გმირები თავის წმიდათა წმიდას.



მესამე ძმა

ჩვენ გამოვიტყვეცით სოფლიდან, რომ უფრო წმინდელი და უფრო მაღალი ზნეობა, მოვშორებოდით გახრწნილ მცხოვრებლებს და ცხოვრება ჩვენთვის თავისუფლად, საკუთრად მოგვეწყო ცხოვრება.

მეოთხე ძმა

მოგვქონდა ხსოვნაში ჩაჭედილი დაფები.

პირველი ძმა

შავრამ ხსოვნაში შეიშალა ბეჭდები და ჩვენ მივადექით უფსკრულს პირის პირ.

მეორე ძმა

დავიართ ამ ნანგრევებს და ისევ ავაყენებთ ხსოვნაში დაფებს.

(ისინი ანთებულ კვარებით დადიან სვეტებ შორის და კითხულობენ დაფებზე).

მეორე ძმა

თქვენ კითხულობთ?

მესამე ძმა

ვკითხულობ.

(კანკალით დადიან და კითხულობენ).

პირველი ძმა

ჩვენ ყოველთვის ასე ვფიქრობდით.

(მოისმის ქალების კივილი შორიდან).

მესამე ძმა

ასე იდგა დაფები ჩვენს ხსოვნაშიც.

მეოთხე ძმა

იგივეა აჭაც.

(მიდიან სხვა და სხვა დაფებთან და კანკალით შორდებიან).

პირველი ძმა

ასეთია ზნეობა და უნდა იქნას დაცული ბოლომდე.

მესამე ძმა

დახურულ კარებში ჩუმად ხანჯალს ვინ ლესავდა?

მეოთხე ძმა

ამისთვის ღირსი ხარ სიკვდილის.

პირველი ძმა

შენ ძმის მოკვლა გინდოდა, რომ რძალი დაგესაკუთრებია.

მეორე ძმა

ვინ ღალატობდა ოჯახს, ყოფას?

მესამე ძმა

ოო, იარაღი! ეს დაქრილი მკლავი კიდევ დაემსახურება დაფებს.



პირველი ძმა

ჩვენ ხანჯლებმა დაგვიფლითა მკერდები, მაგრამ გულამდე ვეღარ მიადწია.

მეორე ძმა

რკინა ისევ მოინახება.

მეოთხე ძმა

შენი დაჭრილი მკერდიდან ცოდვით სავსე გული არსად გაიქცევა.

პირველი ძმა

ძველი დაფები ისევ რკინას მაჭებნივბს, მაგრამ კრილობამ დამასუსტა.

მეორე ძმა

ტკივილებმა შეილდივით მომლუნა... მაგრამ დაჭრილ - დასახიჩრებულნო, თქვენდამი სიბრაალულიც შევიდა გულში!

მესამე ძმა

კანონი უნდი იყოს სიყვარულზე ძლიერი.

მეოთხე ძმა

სისწორეა.

მეორე ძმა

ამ სისწორით უფსკრულში ვიჩეხებით.

პირველი ძმა

ეს ასეა. გმირის ნაბიჯების წინაშე სიკვდილი ამართულია კალამივით.

მეორე ძმა

რაა ყოფა. რომელიც ყოფნას სპობს.

მესამე ძმა

არ შეიძლება სხვა ფიქრი, როდესაც შენს წინაშე გაშლილია კანონების დაფები.

მეოთხე ძმა

შაინც მებრალებით...

პირველი ძმა

ჩემი ხელები ვერ სწევენ რკინას.

მეორე ძმა

ო, ეს ხელი ვერ შეატრიალებს ხანჯალს თქვენს დაჭრილ გულებში!..

მესამე ძმა

არ არის ძალა.

მეოთხე ძმა

ბნელდება თვალებში...

(ისინი ნანგრევებიდან გამოდიან ბარბაცით ხელებიდან გასცვივდებათ სანთლები და წაიქცევიან სიბნელეში. ახლო ისმის ქალების კივილი.)

პირველი ძმა

მისი ხმა. ხმა კვილის.



ეროვნული
ბიბლიოთეკა

მეორე ძმა

კლდეს ხვრეტს მისი კვილი.

მესამე ძმა

რად მოდიან ისინი გრიალით, რად მოიხეთქენ გულს!

(შემოდის ოთხი ქალი შემზარავი კვილით)

მეოთხე ძმა

ჩვენ ყველანი აქ ვართ! ვის უკივით ასე შეზარებულად!

(ქალები შეკრთებიან, დაიხვეწენ და გაშეშდებიან.)

პირველი ძმა

ძლივს გაგარჩიე, როგორ ბნელა!

მეორე ძმა

რად ავარდნილხარ და ჰკივი ქარივით!

პირველი ქალი

ჩვენ მივიღეთ წამება!

მეორე ქალი

ყველაფერი გავიღეთ მსხვერპლად. მთელი სილამაზე მივეცი!

მესამე ქალი

მივეცი ჩვენი სახე და შემთხვევით ციდან რომ მოვიდეს ღიმილი, არა გვაქვს ბინა დაეიყენოთ...

მეოთხე ქალი

სახის მაგიერ დახსნილ ხორცის ნაფლეთებია და ტკივილები, წვა!

პირველი ძმა

რად მიატოვეთ სასახლე ტყეში!

მეორე ძმა

ჩვენ დავიგვიანეთ?

მესამე ძმა

და თქვენ დაგვიწყეთ ძებნა.

პირველი ქალი.

ჩვენ შევიშალეთ!

პირველი ძმა

როგორ მოშორებით იკლაქნებით!

ქალები (ქვითინით)

ჩვენ შევიშალეთ!

მეორე ძმა

შეშინდით? ჩვენ გაბოროტებულნი ვეშვებოდით სასახლის კიბეებიდან და გველებივით დავსისინებდით ერთმანეთს. თქვენ ეს დაინახეთ? შემდეგ დიდხანს გესმოდათ ხანჯლების ჩხარუნი? მოლოდინი მრისხანე იყო... როდესაც დაღამდა თქვენ დაგესიზმრათ სისხლით მოტბარული მინდორი და ზედ გაწყობილი ცხე-

დრები? ძლიერ შეშინდით? ჩვენ სისხლში ვწევართ, მართალია, მაგრამ (ხედრები არა ვართ!



ქართული
ბიზნისი

პირველი ქალი

რას ამბობენ ესენი!

მესამე ძმა

შენი შეკითხვა გავიგონე. შენი ხმა ხანჯლის წკრიალზე სუფთაა, კანონზე უფრო ძლიერია.

მეორე ქალი

ვინა ხართ! ვინ გადაგველობა!

მეოთხე ძმა

ეს შენი ხმაა? ეს შენა ხარ! მოდი, შენი ხელი დამედება გულზე კანონის დაფასავით. შენი ხელის ყოველი თითი იქნება ჩემი სამართლის გზა!

მესამე ქალი

რად დავასვით აქ ნაბიჯები!

პირველი ძმა

შენც აქა ხარ! ო, მომეკარე! ამიჩეხეს ტანი,—გადარჩა გული, როგორც ტაძრის ნანგრევებში დაფა. მომეხვიე, შენი სახის ყოველი ხაზი დაისმება ჩემს გულზე როგორც დაფაზე კანონები.

მეოთხე ქალი

ოო, დავიწვი! აქ არ არიან, არ არიან! არა!

მეორე ძმა

აქა ვარ! მე ისა ვარ ვის დანახვაზე სუნთქვა გიღრმავდებოდა.

მეოთხე ქალი

ის არა ხარ! ის ელვასავით სწრაფია, ჩემი კივილი მას მეხების საწყაულად გადააქცევდა.

პირველი ქალი

მასთან რომ მოვსულიყავი ასეთი ზარით... ო, ნეტავ სადმე შემხვედროდა!

მეორე ქალი

ის არა ხარ! ჩემს მოწოდებაზე ის წამოვიდოდა როგორც კლდიდან მოხეტქილი ლოდი! შესძრავდა მთებს, წააქცევდა მაღალ ხეებს და ხელებში ამიტაცებდა ტკვილების მოსაშუშებლად.

მესამე ქალი

აქ არიან ჩვენებრ წამებულნი, შეშლილები და უსუსურები. სად არის გმირი!

პირველი ძმა

მე ვარ ის., მე მინდა ავეარდე გრიგალივით. მაგრამ ძარღვები დამბულია ხანჯლის წვეტებზე. მესმის შენი ხმა. კანონზე ძლიერია სიყვარული და მოვიწევ მოურიდებლად. გულიდან ამოიშალა დაფების წარწერები. ეხლა სიყვარული თვი-

თონ სწერს კანონს. მაგრამ ძარღვები და კუნთები დამბულია ხანჯლის წვეტებზე.

მეორე ძმა

მე მინდა ავეარდე როგორც სურნელი ღვინის, მაგრამ ჩემი კრილობიდან სისხლი მაქარივით გადმოდულს. სიყვარულმა ყველაფერი ამოშალა და ჩემს გულზე, როგორც დაფაზე მოლესილ კბილებით სწერს თავის ამბებს... მაგრამ სახარები შეკრულია რკინის ბრჭყალებით.

მეოთხე ქალი

მართალია მის თავზე ლოდივით დევს დაფები. ო, დაფებმა საშინლად მოგვდვა ბრჭყალები. სახეები დაგვაგლიჯა. მძიმეა ძველი დაფები, მაგრამ? ასე არ წააჭყვევდა მას. ის არა ხარ!

პირველი ქალი

ის საყვარელია. ღონიერია ქვასავით, მოძრავია ქარივით და ვუყვარვარ მე.

მეორე ქალი

შენ სხვა ხარ!

მესამე ქალი

თქვენ ხართ დაჭრილი ბაყაყები!

მეოთხე ქალი

წელგატეხილი გველები!

პირველი ქალი

ო, ჩვენ გვაკივლებს სიმწვავე დაგლეჯილ სახეების!

მეორე ქალი

არ არის ძალა!

მესამე ქალი

არ შეგვიძლია შეჩერება!

(ქალები მიდიან. ძმები გმინვით წამოდგებიან)

ძ მ ე ბ ი

აქა ვართ!

პირველი ძმა

მოიტანეთ სინათლე, დაგვინახეთ!

მეორე ძმა

მობრუნდით!

მესამე ძმა

ბნელა!

მეოთხე ძმა

ო, როგორ ბნელა!

მეორე ძმა

ვერ გვცნობენ!



ვერ გვხედავენ!

მესამე ძმა

ცეცხლი! (ისმის ქალების გაბმული კივილი).

მეოთხე ძმა

ნეტავ იყოს ცეცხლი, რომ ღრუბლებამდე გაანათოს!

მეორე ძმა

მესამე ძმა

შენ გეძახი!

მეოთხე ძმა

ააგრიალეთ ცეცხლით დიდი ხეები!

(კივილი თანდათან შორს ისმის).

ძმები (აჩენენ ცეცხლს. ცეცხლი ეღება შალალ ხეებს. ქალების კივილი ახლოვდება).

პირველი ძმა

შენ მოდიხარ.

მეორე ძმა

საყვარელო!

(ცეცხლის სინათლეზე გამოჩნდებიან მახინჯი ქალები).

მესამე ძმა

ტყის ჯოჯოები!

ძმები (შემკრთალი)

ჯოჯოები!

(უკან დაიხევენ).

ქალები

ჩვენ ვეწამეთ!

პირველი ქალი

ძლივს გიცანი. გამეხმაურე საყვარელო!

მეორე ქალი

წამებამ ამოსწვა ჩემში მერყეობა. მე მოვდივარ შენთან, რომელიც მიყვარხარ. მაგრამ ძლივს გიცანი. რამ დაგაჰქნო ასე!

მესამე ქალი

გადავაბიჯებ კანოხებს და მოვალ შენთან. განვიცილი იმდენ ტკივილებს! მაგრამ...

მესამე ძმა

შორს დაიწიე!

მეოთხე ქალი

სად არის ცეცხლი შენს თვალებში!

მეოთხე ძმა

აი ცეცხლი. კარგ მუგუზლებს ამოვარჩევ.



პირველი ძმა

დაიკარგეთ!

მესამე ძმა

ნაკვერჩხლებს გესვრით.

მეოთხე ძმა

ცეცხლ მოდებულ ხეებს დაგიშენთ თუ არ წახვალთ!

პირველი ძმა

ჩვენ ვეძახოდით ქალებს. საყვარლებს, რომლებიც ტყის სასახლეში ცხოვრობენ.

პირველი ქალი

ჩვენ ვართ ის ქალები.

მეორე ქალი

ჩვენ ტყის სასახლეში ვცხოვრობდით!

მეორე ძმა

სიცრუე!

პირველი ძმა

ჩვენ ვიყავით სასახლეში, სადაც კანონი დაამყარეთ თქვენ. კანონი იყო თქვენს სახეებზე და ჩვენს სახეებზე. ის იყო ჩვენი ბედნიერების აკრძალვა, ჩვენი სურვილების უარყოფა და მონობა. კანონი იყო თქვენს სახეებზე და ჩვენს სახეებზე. ერთ დღეს ათამაშდა სისხლი. ხელები მოიკრუნჩხა და ვეფხის კლანჭებივით ეცა კანონებს. კანონი იყო სახეებზე და ჩვენ ამოვწვით... აი ასე... აი შეხედეთ!..

მეორე ძმა

თქვენი სიტყვები საშინელია უფრო ვიდრე თქვენი სახეები!

მესამე ძმა

ჯოჯოებო, ეს საშინელი ზღაპარია, ჯოჯოებო!

მეოთხე ძმა

ნუ იძახით! ჩაიხშეთ ხმა, თქვენი დაცინვა საშინელია!
(ესვრის ნაკვერჩხლებს).

პირველი ქალი.

საყვარელო რამ დაასრისა მიწას შენი მუხლები! ნუ თუ შენ იყავი ქია!

მეორე ქალი

რად ჩაიბეჭდე ხსოვნაში მძიმე, ძველი დაფები.

მესამე ქალი

ო, როგორ იკლაკნები!

პირველი ძმა

თქვენი ხმები წამლავს ყველაფერს.



ეროვნული
 (ესკრის ნაკვერჩხლებს მზღნი მოსეკა)

მეორე ძმა

ო, ვადადით საფრთხობელბო!

ძმები

(მუგუზლებს ესკრიან ქალებს),

ჯოჯოებო, შხამებო!

პირველი ქალი.

ჩვენ მივდივართ დასრესილ კუნთებიდან, გაცივებულ გულებიდან.

მეორე ქალი

ვაურბივართ ნაკვერჩხლებს.

მესამე ქალი

მივდივართ დამწვარი სახეებით!

მეოთხე ქალი

მივდივართ შორს ძველი დაფების ქვეშ დამარხულებისაგან.

(ქალები მოშორებით დგებიან).

მეოთხე ქალი

სად მივდივართ ჩვენ!

პირველი ქალი

ჩვენი დედა იყო ალი. ის თელავდა თეძოებით ეკლებს, კინკრებით იგრი-
 ლებდა ის ძუძუებს ლოყებს და ებრჭოდა მზეს. ის დამახინჯდა, მაგრამ ველებ-
 ში და ტყეებში აუარებელ საყვარლებს შოულობდა... და ველებზე მისდევდნენ
 მას საყვარლები როგორც მოზვრები მოღერებულ რქებით.

მეორე ქალი

მივდივართ!

მესამე ქალი

მივდივართ დაგლეჯილი სახეებით!

(კვილით მიდიან ქალები).

პირველი ძმა

როგორ გარბიან!

მეორე ძმა

იციანთ ხმები!

ძ მ ე ბ ი

ისინი მართალია!

პირველი ძმა

ძმებო როგორ გაზვიადდა ცეცხლი.

(ცეცხლი გადადის ნანგრევებზე).

მეორე ძმა

ცეცხლი ედება ძველ ტყეებს, ძველ დაფებს.



მესამე ძმა

ცეცხლი ედება ძველ დაფებს.

მეორე ძმა

არ გადავარჩინოთ!

მეოთხე ძმა

ოო! არ გადავარჩინოთ.

მეორე ძმა!

წავიდეთ!

მესამე ძმა

საით წავიდეთ!

მეოთხე ძმა

წავიდეთ სოფელში.

პირველი ძმა

ჩვენ ვართ კოჭლები და სახიჩრები, მაგრამ ვიცით რა ვაკეთოთ სოფელში

მეორე ძმა

იქ არის ძველი დაფები. ზედ კანონები სწერია.

მესამე ძმა

ჩვენ დავწვავთ დაფებს!

მეოთხე ძმა

ის დაფები გადმოტანილია უოველ ადამიანის სახეზე.

პირველი ძმა

ულმობელ ჩანგლებით ამოვიღებთ სახეებიდან.

მეორე ძმა

ჩვენ დავწვავთ ძველ დაფებს და გავარღვევთ გზას თავისუფალ ცხოვრებისაკენ.

(შ ა რ ღ ა)



მვროპის ეღემუი

რასპუტინი რომ იერუსალიმს გაემგზავრა, კვაჭი კვაჭანტირაძემ ცხადად იგრძნო და გაიგო თავის დაობლება და ეულობა.

კვაჭის თითქოს გამოეცალა დედაბოძი და საძირკველი, თითქოს მარჯვენა მოსწყდა და საცხოვრებელი წყარო გაუშრა. ის დაემსგავსა ნაპირზე გადმოგდებულ თევზს, ფრთა-მოტეხილ არწივს, ძუძუ-მწოფარა ბავშვს, რომელსაც დედამ უცებ ხელი გაუშვა და თავიც დაანება.

— აჰ, რა მემართება აი? — ჰკითხა კვაჭიმ თავის თავს. — ფული ბრველი მაქვს და ნაცნობ-მფარველი. მართლა გრიშკა ხომ არ მაცხოვრებდა! თუ მტრებმა გაიღვიძეს და მიჯიკავეს, აქინე არ არიან მეფე-დედოფალი და ათასი წარჩინებული და დიდებულნი, რომელნიც გუშინ-ღამ ჩემს ღიმილს ეძებდენ და კუდივით დამდევენ!

კვაჭი ასეთის ფიქრებით იმშვიდებდა გულს, მაგრამ უხილავი შიში მაინც არ შორდებოდა და გულს უღრღნიდა.

სადგურიდან რომ დაბრუნდა, სახლში არავინ დაუხვდა გარდა აგენტის ხაინშტეინისა.

— ამბავი?

— ცუდი ამბავი, ძალიან ცუდი ამბავი! ბანკები ისევ ონკალის შევსებას თხოულობენ, იმუქრებიან, აქციებს გაგიყიდითო. იმოდენა აქციები რომ ბირჟაზე გაიტანონ, უარესად დაეცემა ფასი და ხვალ ხელმეორედ დაგვკირდება ონკალის შევსება.

— გაჰყიდეთ „ანგლოროსის“ აქციები და შეიტანეთ ბანკებში, მეტი გზა არ არის.

— შედეგი იგივე იქნება, აქციების ფასი დაიწვეს.

— მაშ რა ვქნათ? ამოდენა ნაღდი ფული სად ვიშოვო?

— აქციების პორტფელი მანუსს ან გინზბურგს დაუგირავეთ.

კვაჭიმ და ხაინშტეინმა მთელი დღე იტრიალეს ბანკებში, ბირჟაზე და ფულიან ხალხში.

კვაჭი გაჰყვა თავის მრჩეველს ხაინშტეინს, რომელმაც იგი / გინზბურგის მიერ ნაჩვენები ვზით წაიყვანა.

ზოგი აქციები დააგირავა, ზოგი გაჰყიდა, ზოგი გამოისყიდა, ზოგიც იყიდა, ბოლოს მაინც ფული შემოაკლდა, მაინც იხრჩობოდა, მაინც ვერ გამოსტოპა იმ ჭაობიდან და სამშვიდობოს ვერ გამოვიდა.

გაყიდულ აქციებს მეორე დღიდანვე ფასი ემატებოდა, ნაყიდ აქციებს—უფრო აკლდებოდა.

დღე-დღეს მისდევდა, წაგება-წაგებას. კვაჭი უფრო და უფრო იხლართებოდა უჩინარ ქსელში, რომელიც ბოლოს ხილულ გაკოტრებად გადაიქცა.

უკანასკნელ დღეებში კვაჭის უფრო და უფრო ხშირად ესმოდა:

— განსხვავება შეავსეთ... შემოიხადეთ... გადაიტანეთ...

კვაჭიც უაზროდ და უმიზნოდ ფართხალობდა გაკოტრების ბადეში და თუთიყუშივით იმეორებდა:

— გაჰყიდეთ!.. დააგირავეთ!.. იყიდეთ!.. გამოისყიდეთ!.. შეიტანეთ!.. გამოიტანეთ!..

ბოლოს თვალეები გაახილა, ყველაფერი დაინახა, და გაიგო; გაიგო და დაიღრიალა:

— მიშველეთ! ვილუპები! დამეხმარეთ!

მაგრამ გვიანდა იყო. დახმარების მაგიერ ყოველის მხრით უარესად დააყარეს და დააჭირეს.

კვაჭი ჯერ ელენეს ეცა, მერე ტანიას, მაგრამ „არკადიაში“ მომხდარ საქვეყნო სირცხვილისა და წმიდა გრიგოლის წასვლის შემდეგ ორივენი უცხოეთში გაპარულიყვნენ. გინზბურგმა და მანუსმაც ცივი წყალი გადაასხეს, სხვებმაც ზურგი შეაქციეს.

კვაჭიმ რამდენჯერმე კიდევ გაიფართხალა, რამდენჯერმე გაიქნია ხელ-ფეხი და გარდაიცვალა.

კვაჭი საქმის კაცი, კვაჭი ფინანსისტი და ბირჟის მფლობელი გახდილ და განაწილებულ იქმნა გინზბურგის, მანუსის და იმათ აგენტების მიერ.

იმავე დღეს კვაჭის თავს წაადგენ მისი ამხანაგები:

— ჰამე? გაკოტრდი? ათი თუმანი გიშველის?

— სედრაკ მიშველე!

— წა, დეიკარგე!

— ვა, მილიონები წყალში გადაგიყრია, ეხლა სედრაკამ როგორ უნდა გიშველოს?—უსაყვედურა ჩხუბიშვილმა.

ჩიკინჯილაძეც ჩაერია:

— აგია, აფხანიკებს, რომ აფერს დაუჯერებ, გვითხარი რა ვქნათ აწი?

— საქმე გართულდა.—სთქვა დინჯად ბესომ და კვაჭის გაზეთები გადაუშალა.—ა, წეიკითხე.

წაიკითხეს:

„რუსსკოე დელო“ ცეცხლს აფრქვევდა იმის გამო, რომ მართლმადიდე-



ბელთა უუდიდესი ტაძარის აშენება მიანდევს ვილაც ველურ ბიკასიელს K-ს, რომელმაც ეს საქმე ურიებს გადასცა.

მეორე გაზეთი ირწმუნებოდა, ვითომ კ. კ-ქემ „ყაღისბ“ შეკყოთაფი მეფის სასახლეში, ვითომ კვაჭის აზნაურობაც კი საეჭვო იყო, ხოლო თავადობა კვაჭიმ და „ერთმა წმიდა მოხუცმა“ მეფეს მზაკვრულის ტყუილით დასცინცლეს.

მესამე გაზეთმა გამოაცხადა კვაჭის გაკოტრება, დაახლოებით ასწერა მისი ბიოგრაფია და მუქარაც დაუმატა: ამ დღეებში ამ უმაწვილს სრულს ვინაობას, სახელს, გვარსა და თავგადასავალს გამოვაცხადებთო.

კვაჭი აინთო, გაფითრა, გაწითლდა და გამწარდა. ის გაზეთები ნაკუწ-ნაკუწად აქცია, მერე სავარძელზე დაეცა და ამოიკვნესა:

— გათავდა!.. მორჩა!.. ყოლიფერი დეიწვა და დეიქცა!

ყველანი დიდბანს სდუმდნენ.

მიბნედილი კვაჭი თვალდახუჭული იწვა და გაფითრებული შუბლს ისრესდა. მერე უცებ წამოვარდა, გასწორდა, „გაშტიკინდა“, თვალებით ცეცხლს ჰყრიდა, ხმაში ფოლადი და რკინა ისმოდა:

— აჰ, ყოლიფერი მაი ტყუილია! კვაჭი კვაქანტირაძე ასთე ადვილად არ დეილუბება. სედრაკ!

— ჰამე!

— წა ეხლავე და ათიოდე „გრანიცის“ პასპორტი მოამზადე. ერთი პასპორტი თავადი ბაგრატიონ მუხრან-ბატონის სახელზე იყოს; მეორე—ბუხარაის ემირის შემკვიდრისა; მესამე—პრინც კაჯარისა; მეოთხე თავად ტრუბეცკოისა; მეხუთე გრაფ ტიშკევიჩისა და მეექვსე — ბარონ ტიზენჰაუზენისა. შენც შეიგონე კილო რამდენიმე აზნაურის გვარი. ხვალ დილით ყოლიფერი მზათ უნდა იყოს, გაიგე?

— ჰამე? გავიგე, მაშ!

— აბა, გასწი! სერიოჟია! გაბო! წადით ეხლავე იმ გაზეთების რედაქციებში და ყოველი კაცი გააჩუმეთ, ზოგი მუქარით, ზოგიც ფულით. უთხარით: „კაცი თლა ჩამოშორდა აქოურობას და პალესტინაში წვევიდა რასპუტინთან თქვა; თავი დაანებეთ, გაჩუმდით თქვა თვარა, თუ არ დეიშლით და კილო რაცხას დაჩხაბნით, დაბრუნდება და ყოველ კაცს დედას გიტირებს თქვა! დედას გიტირებს თქვა! წეიყვანეთ სამიოდე ყოჩალი ბიჭი და, თუ საჭირო შეიქნა, თლა დოუმტვრიეთ იქოურობა და იქნობამდის სტყიპეთ, სანამ დეილლებოდეთ. აბა, გატრიალდით! გეიგეთ ყოლიფერი?

— ვა, მაგაზე ადვილი რალა იქნება! შენ სხვას ნურაფერს მომთხოვ, თორემ ჩხუბი ჩხუბიშვილის საქმეა.

— მაშ წადით. ბესო! აბა, დატრიალდი. იშოვე ვინცხა მდიდარი კაცი და ხვალვე ყოლიფერი გაყიდე. რა სთქვი? ტანიასია ყოველიფერიო?... ვიცი, მარა რა დროს ტანიაა, ლამის კაცი დევიწვა! კი, კი, ვეჯიც, ცხენებიც, ავტომობილიც... ყოლიფერი, ყოლიფერი. დეემზადე შორი გზისთვის... წასვლა არაყის

გააგებოთ. აბა, დატრიალდი. მე სილიბისტროსას წავალ... ეხილ, ჩამაცვი ჩქარა! დოუდახე „ბერლიეს“ ჩქარა!

სამ დღეში კვაჭიმ ყველა საქმეები „გააიმასქნა“ და ვარშავის მატარებლის კუბეში ჩაჯდა.

ბუხარის ხალათში იყო გახვეული, თავზე ჩალმა ჰქონდა, ფეხებზე ძვირფასი ქოშები ეცვა. მეზობელ კუბეში ჰყავდა მხლებელნი—სედრაკა, ჰავლაბრიანი, ბესო შიქია და კამერდინერი ვასილ ხირავა.

კვაჭის ჯიბეში ედო ბუხარის პრინცის აბდულ რაჰმანის პასპორტი, ხოლო პორტფელში—სხვადასხვა ეროვნების თავადთა, ბარონთა და პრინცთა კიდევ ხუთიოდე პასპორტი.

სედრაკას, ვასილს და ბესოსაც ასეთივე პასპორტები ჰქონდათ მომარაგებული, ხარისხით და წოდებით უფრო მცირედი, როგორც შეეფერებოდათ დიდებულის მხლებლებს, ადიუტანტებს, მდივნებს და კამერდინერებს.

ჩიკინჯილაძე და ჩხუბიშვილი სხვა გზით წავიდნენ.

ვარშავის სადგურს რომ მიადგნენ, ვაგონში ერთი ბრწყინვალე აფიცრა ამოვიდა და სედრაკას თავაზიანად ჰკითხა:

— თქვენ ბრძანდებით მათი მაღალბრწყინვალეების ბუხარის პრინცის მდივანი? მოახსენეთ პატივცემულ პრინცს, რომ მათი ნახვა ჰსურს გენერალ-გუბერნატორის ადიუტანტს.

დაფეთებული ჰავლაბრიანი კვაჭის კუბეში შეეარდა:

— დავიღუბეთ... დაგვიჭირეს... გაიგეს...

კვაჭი არ შეშინებულა, მხოლოდ შუბლი შეიჭმუხნა და ჩაფიქრდა.

— ნუ გედირევით, „გაშტიკინდით“. მე რუსული არ ვიცი; სედრაკ, შენ ჩემი მდივანი და თარჯიმანი ხარ; შენ, ბესო, ჩემი ექიმი ხარ. ყოჩაღათ იყავით, აქ რაცხა ამბავია. ფრთხილად, ქართულის მცოდნეს არ წავაწყდეთ. აბა სთხოვე, მობრძანდეს თითონ სავარძელზე გაწვა და ქარვის ყალიონი გააბოლა.

ადიუტანტმა მოხდენილი სალამი მისცა:

— მაქვს პატივი გაუწყოთ, რომ მათი აღმატებულება, ვარშავის გენერალ-გუბერნატორი სალამს გიძღვნით და გთხოვთ პატივი დასდოთ მათ და სადილად ეწვიოთ.

ყველას გულს მოეშვათ. სედრაკამ ადიუტანტის თხოვნა და სალამი კვაჭის ქართულად გადაუთარგმნა.

კვაჭიმ ოდნავ ჩაილიმა:

— აკი გითბარით აქინე რაცხა ამბავიათქვა. მადლობა გოდუხადე და მოახსენე, რომ ჩემმა ექიმმა—აი ბესო ჩემი ექიმია—ვაგონიდან გასვლა ამიკრძალა, რადგან ავათა ვარ.

სედრაკამ გადაუთარგმნა, ბესომ კვერი დაუკრა:

ადიუტანტმა სინანული გამოსთქვა ემირის მემკვიდრის ავადმყოფობის გამო და შეატყობინა, რომ სადგურის ბაქანზე მათს უუბრწყინვალესობას სხვილფეხა მოხელენი უცდიან.

— სთხოვეთ მობრძანდნენ.



ბატებივით მოჰყვნენ ერთმანეთს გუბერნატორი, პოლიცმეისტერი, ქალაქის მაგისტრი და მრავალი სხვა წარჩინებული მოხელენი და თავმოდრეკით წარუდგინენ კვაჭის და ნიულოცეს მშვიდობიანებას ერთმანეთი მოიკითხეს, აათვალ-ჩაათვალაიერეს, ერთმანეთს გაუღიმეს, ამბავი გამოჰკითხეს, თან თავს უკრავდნენ და იკუზებოდნენ.

კვაჭიმ ყველას მოჰფინა თვისი მადლი, ყველას დაურიგა თბილი ღიმილი და უსიტყვო დაპირება მფარველობისა და დახმარებისა: თავის მდივანს იმ მოხელეთა გვარები და ორდენები ჩააწერინა, რაც იმის ნიშანი იყო, რომ ოდესმე, როცა პრინცი დაბრუნდებოდა უცხოეთიდან, ის მოხელენი თავიანთ ორდენების სიას ალბათ ბუხარის ორდენებით შეივსებდნენ.

მერე ისევ თავის ქნევით და ღიმილით ვაგონიდან ბატებივით გაიკრიფნენ, ხოლო ბუხარის პრინცი და მისი მხლებელნი სიცილით იხოცებოდნენ.

— რა ამბავია აი, როგორ გაიგეს აქინე ჩემი მგზავრობა? — იკითხა კვაჭიმ.

— ჰამე? ობერ-კონდუქტორს მე უთხარი, რომ ჩვენთვის მეტი პატივი დაედო, იმანაც ალბათ სხვა ვინმეს უთხრა, იმ სხვა ვინმემ დეპეშით შეატყობინა მთელ „ლინიას“.

— აჰ, მაი მეტად სახიფათოა. აქინე რამე კვანტი არ მოგვდონ. გზა უნდა ავრიოთ, თვარა...

ჩუმათ კრაკოვის მატარებელზე გადასდნენ და ავსტრიისკენ ჩაუხვიეს.

კატტოვიცს რომ მიუახლოვდნენ, ჟანდარმმა მგზავრებს პასპორტები ჩამოართვა გასასინჯად და უცხოეთში გასვლის ნებართვის მისაცემად.

კატტოვიცში ორი ჟანდარმი შემოვიდა ვაგონში. კვაჭი კუპეს კარებიდან ჰხედავდა, რომ ჟანდარმები ყოველ მგზავრს გვარსა და სახელს ეკითხებოდნენ, მერე პასპორტების დასტიდან იმის გასინჯულ პასპორტს ამოარჩევდნენ და ჩააბარებდნენ.

ბოლოს იმის კუპეშიც შემოვიდნენ.

— თქვენი გვარი და სახელი?

კვაჭის მეხი დაეცა და ცივმა ოფლმა დაასხა. აირია, გაფითრდა, გაწითლდა და ცახცახმა აიტანა, უცებ მოაგონდა, რომ ერთი საათის წინ ბესომ კვაჭის ეჭვისი პასპორტიდან ერთი პასპორტი ამოიღო, რომელიც ხელს მოხვდა და გაუსინჯავად ჩააბარა იმ ჟანდარმს.

— ჩემი გვარი? — ელვის სისწრაფით გაიფიქრა კვაჭიმ. — რა ვიცი, რომელი პასპორტი ჩააბარა? ჩავუთათრულო? იქნება ბარონი ტიზენჰაუზენის პასპორტი მისცა. ჩავუქართულო? იქნება თავადი ტრუბეცკოის პასპორტი აქვთ ხელში?

— თქვენი გვარი და სახელი? — ხელმეორედ ჰხითხა ჟანდარმმა.

კვაჭი ოფლში იწურებოდა და თვალებს უახროდ ჰბლიტავდა, თან ბესოს მოლოდინში კარებისკენ იცქირებოდა. ჟანდარმი იჭვით შესცქეროდა.

— თქვენი გვარი და სახელი მეთქი! რა ამბავია, რა დაგემართათ, ხომ არ დამუხჯდით?

რაო, ხომ არ დამუნჯდითო?! რა თქმა უნდა, კვაჭი დამუნჯდა! დიადი იქ
 ჟანდარმმა კარგად გაიგო და გამოიცილა: კვაჭი მუნჯია, დაბადებდითვე მუნჯია!
 კვაჭის გულს მოეშვა, გაიღიმა და აყბუუნდა: *ჰა-ჰა-ჰა-ჰა-ჰა!*
 — შშშ... შშშ... შშშ... — წყმუტუნებდა კვაჭი, თან *ჰა-ჰა-ჰა-ჰა-ჰა!* მონად მუნ-
 ჯობისა პირზე ხელს იღებდა და პასპორტებს ეტანებოდა. ჟანდარმებმაც გაი-
 ლიშეს.

— ჰო, მუნჯი ყოფილა. — სთქვა ერთმა და პასპორტების დასტა გაუშვირა: —
 აბა, თქვენვე მოსძებნეთ თქვენი პასპორტი.

კვაჭიმ აქეჭა პასპორტების ხროვა.

ძლივს! მადლობა ღმერთსა! — წამოიძახა გულში და ერთი პასპორტი ჟან-
 დარმებს გაუწოდა.

— თავადი ირაკლი გიორგის ძე ბაგრატიონ მუხრანსკი! — ხმამაღლა წა-
 იკითხა ჟანდარმმა და გაიღიმა, დადნა და გალხვა.

სწორედ ამ დროს კუბეში სედრაკამ და ბესომ შემოიხედეს.

— გამცემენ ეს ოხრები, უეჭველად გამცემენ! — გაიფიქრა კვაჭიმ და
 უმალ ორივეს მივარდა, თავისი პასპორტი მიაჩეჩა, თან ფეხებს აბარტყუნებდა,
 ხელებს მუნჯურად იქნევდა და ჰღმუოდა: —

— შშშ!... შშშ!... შშშ!...

ორივემ თვალები დააჭყიტეს და პირები დააღეს:

— ვააა, დამუნჯებულააააა?! — გაიკვირვა სედრაკამ.

გახარებული კვაჭი ისე ნძლავრად იქნევდა თავს, რომ კინალამ კისრის
 ძარღვები დაიწყვეტა: ჰო, ჰო! დავმუნჯდი, დავმუნჯდიო!

სედრაკამ ბესოს თვალი ჩაუკრა:

— დამუნჯებულა, რალა!

— საბრალო თავადი, ჩაურთო ერთმა ჟანდარმმა. — ასეთი ახალგაზრდა,
 ასეთი ლამაზი და მუნჯი!

— მერე რა გვარი აქვს! — დაუმატა მეორემ. — ბაგ-რა-ტიონ მუხრან-სკი
 ირაკლი გიორ-გი-ე-ვიჩ!

— მაშ! მაშ! დაბადებიდანვე მუნჯია. ამიტომ მიგვეყავს განთქმულ ეჭიმ-
 თან ვენაში.

ჟანდარმებმა სედრაკას და ბესოსაც პასპორტები ჩააბარეს და გავიდნენ.
 უმალ სამივემ კარები ჩაიკეტეს.

— რა ამბავია? რა მოხდა?

— ეშმაკმა წაიღოს ბესოს თავი და ტანი, აი ამბავია!

და ყველაფერი უამბო.

— ჰა-ჰა-ჰა!.. ჰო-ჰო-ჰო! ასტყდნენ სედრაკა და ბესო.

— რას იცინით, ყაზილარებო! — გასწყრა კვაჭი. — კილამ დევიფსე და დე-
 ვილუბე კაკალი კაცი!

მერე მოაგონდა თავის დამუნჯების ამბავი და თვითონვე გამხიარულდა.

გაიარეს კრაკოვი. დილით ვენაში ჩავიდნენ. საუკეთესო სასტუმროში ოთ-
 ხი ოთახი დაიქირავეს და ქალაქის სანაააჟად დაემზადნენ.



შემოვიდნენ სასტუმროს პატრონი, მოურავი და მეტრ-დოქტელი დიდი „ჭიურსტის“ ბაგრატიონის მოსაკითხად და პატივსაცემად. მეტრ-დოქტელი აუცილებელმა, ყველაფრის მცოდნემ და ყველგან მყოფმა, რუსეთის ყველაშიც შემოპყო თავი.

— თავადს ვახლავართ... გიდი ვარ... ოცი წელიწადია ვენაში ვცხოვრობ... ყველაფერს გიჩვენებთ... დღეში ათი კრონა ეღირება.

გავიდნენ და დაათვალიერეს ქალაქი.

ხუთი დღე იარეს. გიდი კვაჭის ისტორიულ-ხელოვნურ ძეგლებისაკენ ეწეოდა, უნდოდა ეჩვენებინა მუზეუმები, უნივერსიტეტი, პარლამენტი, სან-სტეფანეს ტაძარი, შოტბურგ-თეატრი, ბირჟა, საშხატვრო აკადემია, რატუშა, სასახლე და ათასი სხვა საჩვენებელი, მაგრამ კვაჭი ისე დაიღალა და დაიშრიტა მარტო ერთი მუზეუმის დათვალიერებით, რომ მაშინვე თავის ტკივილი მოიმიზეზა და ყველაფერი მომავლისათვის გადასდო, გარდა უზარმაზარი რინგშტრასესი და პრატერისა, სადაც დღეს აღამებდა და ღამეს ათენებდა. ეს უზარმაზარი ქუჩები, ხეივნები, ბალები, მოედნები, ინგლისური ტალა, ვივარიუმი, სამხეცეთი, ათასნაირი რესტორანები, ყავახანები, ლუდხანები, ლვინის სარდაფები, ბალაგანები, მარიონეტის თეატრები, კარუსელი და უთვალავი სხვა გასართობი მუდმივ საღეს იყო ხალხით და ქალებით, — განთქმული; ვენური ქალებით: ყველანი თითქოს განგებ იყვნენ შერჩეულნი: მაღალნი, თვალადნი, ჯიშინანი; ოქროს თმინანი, ფირუზ-თვალეზიანი, ფაფუკნი, ფუნჩულიანი და თეთრნი ვითარცა ჩამავეალი მზისაგან ოდნავ შეწითლებული მყინვარი.

ამ ცოცხალმა ზამგახებმა უმალ გზა დაუბნიეს კვაჭის, ძილი დაუფრთხეს, მადა დაუკარგეს, დავრთრები აურიეს და ისე აუფორიაქეს სული და გული, რომ რამდენიმე კონტად გამონასკული კომბინაციაც კი დაივიწყა და გადასდო იმ საბაბით, რომ ის მალე პარიზში ჩავიდოდა და ამ საქმეებს იქაც „გააიშას-ქნებდა“.

კვაჭი რამდენიმე დღეში დათვრა, დაითენთა და მიიღია თეთრი ტომის მოუქნელი, უხეში და მძლავრი სიყვარულით; სამაგიეროთ იმ თეთრ ქალებსაც აჩვენა და აგემინა სიცხე შავი ზღვის სისხლისა, სიფიცხე ჯმუბა ბიჭისა, სიმწვავე გიშრის უღვაშებისა, ჟინი მარილიანის, ქორულ თვალებისა და აღვირაწვეტილი ვნებიანობა მზისა და ჟამისაგან გაკაჭებულ ქართულ ძარღვისა.

სედრაკამ და ბესომ თეთრ აღქაჯების ბადეში გადავარდნილი კვაჭიკო ძლივს გამოჰგლიჯეს იმ ქალებს და პარიზისკენ მოიტაცეს.

ორიან-ექსპრესი გრიგალივით მიჰქრის ანკარა სალცჰახისა, ინნის და დუნაის ნაპირებზე.

— კვაჭი, ზალცბურგში მივედით. ბედეკერის წიგნში ძალიან აქებენ ამ ძველ ქალაქს. გავიდეთ, ვნახოთ.

— აჰ, ძველის ნახვა მგზარება, მკვდარს მაგონებს.

— კვაჭი მიუნჰენში ავედით. ბავარიის დედაქალაქია. მეტად სუფთა და კონტა ყოფილა. თურმე საქვეყნო მუზეუმია შენობებისა და ხელოვნებისა. ბევრი

რამ ყოფილა სანახავი: ბერძნული პროპილეი, ზიგესტორი, ვაგნერის თეატრი, ოდეონი, გლიპტოტეკა და...

— და ლუდი, მიუნჰენის შავი ლუდი. აჰა, ბესო, ^{მეტივე რეკონსტრუქციები} ბოთლი ჩქარა! დანარჩენი ეშმაკებმა წეიღონ!

— კვაჭი, სტრასბურგში მივედით. აიხედე, აგერ ის ტაძარი მთელ ქვეყანაზე განთქმული ყოფილა.

— აჰ, მაგიზა არც კი ღირს წამოდგომა. — და განაგრძო სინჯვა ტიტველი ქალების ალბომებისა, რომელნიც ვენაში და მიუნჰენში იყიდა.

სალამოს ათ საათზე ბესომ უთხრა:

— სწორედ ნახევარი საათის შემდეგ პარიზში ჩავალთ, გვიხედე, მოსჩანს კიდევაც.

კვაჭი გველნაკბენივით წამოვარდა და ფანჯარას ეცა.

შორს, წყვილიადში, ცის ტატნობი თვალუწვდენელ მანძილზე წითლად იყო შეღებილი, თითქოს დედამიწის ზღურბლი იწოდა და იმ ხანძარის ანარეკლი ზეცაში მოსჩანდა.

გაათრებული რკინის ფრინველი აღარ ისვენებდა და ქშენით, დგრილითა და წივილით იმ ხანძარისკენ მიჰქროდა. ბოლოს ქალაქში შევარდა, კიდევ კარგა ხანს ირბინა და ოხვრიით და კვნესით აღმოსავლეთის სადგურს მიაღწა.

მაშინვე გაჩნდა ყველგან მყოფი ბერდიჩვეელი ურია:

— ოცი წელიწადია რაც პარიზში ეცხოვრობ. ყველაფერი ხუთი თითივით მაქვს შესწავლილი. ექვსი ენა ვიცო. დღეში ოცი ძრანკი და ჭამა-სმა.

ოთხივენი ავტომობილში ჩასხდნენ და სტრასბურგის ბულვარით საუკეთესო სასტუმროში გასწიეს. კვაჭის ბრძანებით ავტომობილი ნელა მისცურავდა ხით დაგებულ ქუჩებზე.

— დიდ ბულვარზე გავედით. — აჩვენებდა მსოფლიო ქალაქს გიდი. — ეს არის ბულვარი სენ-დენი... ეს — ბონნუა... ეს — ჰუასონიერი... აი განთქმული მონ მარტრი... ეხლა შევედით იტალიელების ბულვარზე... აი სახელოვანი ოპერა და ოპერის ავენიუ... ეს კაპუცინების ბულვარია... აი მადლენის შესანიშნავი ტაძარიც...

კვაჭის ყრუდ მოესმოდა გიდის მოყრილი სეტყვა, აღსავსე უცხო და გაუგებარი სიტყვებით. მას არაფერი ესმოდა გიდის ლაპარაკისა, რადგან შთაბეჭდილებამ უმაღლესია გონებას და დაახშო იგი.

კვაჭი და მისი ამხანაგები უცებ ჩაცვივდნენ მსოფლიოს დედაქალაქის გულში და უმაღლესი დაიბნენ, აირივნენ და გამოშტერდნენ.

იმ უზარმაზარ ბულვარების ნაპირებზე აღმართულიყო ორი კედელი შვიდრვა სართულიანის გაჩაღებულ შენობისა. ამ კალაპოტში ორი თვალუწვდენელი ხალხის მდინარე მიდიოდა ზევით და ქვეით. ქუჩის ერთი ნაპირიდან მეორეზე გადასვლა თითქმის შეუძლებელი იყო. იგი გატენილი იყო ახდილი და დახურული ეტლებით, ორსართულიანი ავტობუსებით, ტრამვებით, ავტომობილებით და მრავალნაირ შარეტით. ჯვარედინებზე პოლისმენები იდგნენ და პატარა

ჯობებით ჰბრძანებლობდნენ: კარგი მერაბივით იმ მდინარეს ^{საი ურთ ქუჩაზე} შეაჩერებდნენ და მეორე კალაპოტში გადუფდებდნენ, ხან ხუთი წუთით მეორეს შეაგუბებდნენ და პირველ ქუჩას დასცლიდნენ. შიგნით ^{ქანქანებდა} მორთულ-მოკაზმული ხალხით სავსე უთვალავი ყავახანში ^{ცეცხლში} იწოდნენ. თვალსა სჭრიდა ათასნაირი ჰაეროვანი რეკლამა: ცაში ასგან და ათასგან ელავდნენ წითელი, ყვითელი, ცისფერი და მწვანე ელექტრონის წარწერები. ქალაქის იდუმალი ხმაურობა-გრგვინვა, დუდუნი, ზანზარი, სუნთქვა, ოხვრა და კვხესა კვაჭის ჰბორკაუდა, ნერვებს უღიჭინებდა და გონებას უბნევდა.

— ა, ბესო, მეიგონე აწი შენი სამტრედია და ქუთაისიც. — ჩაილიმა კვაჭიმ.

— სამტრედიას ქე სჯობია, მარა ქუთაისს რავა შეედრება! — ჩაიხუმრა ბესო შიქიამ.

— ვაა, ჰაელაბარია? — ჩაიხითხითა სედრაკამ. ჩაუხვიეს მადლენს და გავიდნენ თანხმობის უხარმაზარ მოედანზე, გადასჭრეს იგი, შეერიდნენ ხუთ რიგად ჩანწკრივებულსა და დაბურულ ელისეს ხეივანებს და ვარსკვლავების მოედანზე მიადგნენ საუცხოვო სასტუმროს „ელისეს“, სადაც ბელეტაქში შვიდი ისეთი ოთახი დაიჭირავეს, როგორიც შეეფერებოდა დიდი რუსეთის დიდ თავადს, ბუხარის ემირს, ბარონს და იმის მზღებლებს.

კვაჭი, ბესო, სედრაკა და ყორანაშვილი, რომელნიც წინადლით ლათინურ უბანში იპოვეს, ეიფელის კოშკის კენწეროზე სდგანან.

სამასი მეტრის სიმაღლიანი რკინის კოშკი თითქოს გუგუნებს, ზანზარებს და ქანაობს-

ოთხივეს ოდნავ თავბრუ ეხვევათ. მათ ფეხქვეშ გადაჭიმულია პარიზი — ქვეყნის თვალი, მზეთუნახავი დედაქალაქი, პირველი პირველთა შორის, შუაგული მსოფლიოსი და მზეთა მზე ყოველთა კუთხეთა და ხალხთა ქვეყნისათა.

პარიზის ზღურბლთა გადაღმა ყოველივე მიმართულებით, სადამდინაც თვალი მისწვდება, მოსჩანან უთვალავი დიდი და პატარა ქალაქები, დაბები და სოფლები, რომელნიც ქვეყნის გულს ელტვიან და გარს ეხვევიან, თითქოს იმ მზეთუნახავს თავს ევლებიან, სდარაჯობენ და ემსახურებიან.

მარნის გორაკების თავზე დილის ბურუსიდან უუხარმაზარი წითელი ბურთი ამოგორდა და ვარდის ფერად შექლება პარიზის ირგვლივ ჩამწკრივებული მწვანე გორაკები.

დილის ნისლი ლეჩაქივით ჩაწოლილა და წაჰხურებია იმ თვალუწედნელ სიერცის ნაოქებს, გორაკების კალთებს, ქალაქების და სენის ხეობას.

პარიზი ნელნელა ნისლოვან ლეჩაქს იხდის, თანდათან იღვიძებს, იხლაზნება, იზმორება და დილის ღიმილით იღიმება.

იგი ბურუსი, ღამის ნაორთქლი და ნასუნთქი იმ მზექალაქისა, თანდათან გორაკებზე აიკრიფა, დასავლეთისკენ ჩაუხვია და სენ-ვერმენ-არჟანტელის მიდამოებში და სენის ქვემო ხვეულებში ჩაწვა.

და იმ ოთხი ქართველის თვალში გაიშალა და გაიფურჩქნა იგი მზეთა-
მზე: დაეარცხნილი და დაბანილი, კეკლუცი და სპეტაკი, დიმიტრი და სიცი-
ლიანი, კაშკაშა და ბრწყინავი, უსახდვრო და თვალუწვიმელი, სპეტუდარი და
ტაძარი, სანატრიონი და სიზნარეთი ყოველთა სულიერთა, მეცნიერთა და ხელო-
ვანთა ამ ქვეყნისათა.

იღვნენ ოთხნი ქართველნი სამასი მეტრის სიმაღლენე:

იღვნენ და თრთოდნენ ესოდენი სიმაღლით და მშვენიერებით.

შორს, მეტად შორს, სამხრეთით და აღმოსავლეთით ორი ანკარა მდინა-
რე მოიკლაკნებოდა, — მარნა და სენა; ორივენი პარიზის განაპირას, შარანტონ-
თან ერთმანეთს ერთოდნენ და ებუტებოდნენ, მერე ის ერთიანი მდინარე პა-
რიზს შუაზე გადასჭრიდა, ისევ სამხრეთით დაბრუნდებოდა, მერე სენ-კლუსთან
და ბულონთან ისევ ჩრდილოეთით იზამდა პირს, სენ-დენისთან კვლავ სამხრე-
თით წამოვიდოდა, სენ-ჟერმენთან ისევ რკალს მოჰხაზავდა, კიდევ ჩრდილოე-
თით შეუბრუნდებოდა, ერთხელ კიდევ მოიგრიხებოდა და დასავლეთით ნის-
ლოვან სენ-ჟერმენის უზარმაზარ ტყეში იკარგებოდა.

მდინარეზე ზევით და ქვევით გემების და ნავეების ქარავნები დასცურავ-
დნენ, და იმ სიმაღლიდან ისე მოსჩანდა, თითქოს გრძელსა და დაკლაკნულ სარ-
კეზე ბუზები და ჭიები დასცოცავდნენო.

იგი სარკე-მდინარე ორმოციოდე რკინის და ქვის ხიდ-სარტყელით იყო
გადაქედილი და ოციოდე მწვანე კუნძულით იყო გაპობილი და გაწყვეტილი.

იმ ქვეყნის თვალს გარშემო სამ რიგად ედგნენ ორმოცამდე დარაჯი და
გუშაგი, ნახევრად მიწაში ჩამძვრალნი, რკინის და ფოლადის აბჯარით და ათა-
სი ზარბაზნით შექედილნი. მათ შორის მრისხანედ, მუქარით და შუბლ-შეჭმუხ-
ვნით გასცქეროდნენ გერმანელთა ქვეყანას შარანტონი, ვენსენი, მონ-ვალერიენი
და სენდენი.

იმ კეკლუცს ყოველი მხრიდან ათიოდე რკინის გზა გრძელ ისრებივით
შიგ გულში ჰქონდა ჩარქობილი, ხოლო გარშემო რამდენიმე ქამარი ჰქონდა
შემორტყმული: ასეთივე რკინის გზების, ზარბაზნების, ბულკარების განიერი და
ღრმა თბრილისა, და მალალი, სქელი, ნათალი ქვის გალავნისა.

რამდენიმე ათეული მატარებელი, ორთქლით და ბოლით მსუნთქავი, 'მა-
ვი გველებივით იკლაკნებოდნენ და სხვადასხვა მიმართულებით მისცურავდნენ.

ესოდენი დაბა-ქალაქები, უთვალავი შენობები, გზები და არბები თითქოს
განგებ დასერილი, დახატული და მოქარგული იყო თვალუწვიმელ მწვანე ხა-
ლიჩაზე.

პარიზის ფილტვები-ტყეები, ბალები და ქალები ჯერ კიდევ დილის ოხ-
შივარით სუნთქავდნენ.

აღმოსავლეთით გადაჭიმულიყო ვენსენის დიდი ტყე ტბებით; სამხრეთით
მედონის, სენ-კლუს, სევრისა და ვერსალისა; ხოლო დასავლეთით — ბულონის
და სენ-ჟერმენისა.

შიგ პარიზში მწვანე სითხესავით დაღვრილიყვნენ ტიულერიის, ლიუქსემ-



ბურგის, ბოტანიკურის, მონსოს, ტროკადეროს, მონსურის, ელისეს / და მრავალი სხვა ბაღები, ჭალები და ხეივნები.

ინვალიდების სასახლის ოქროს გუნბათი ცეცხლიველი ^{ქვემოთ} ~~იქნა~~ შენობების ზღვიდან ძალუმად აღმართულიყვნენ და გაჭიმულიყვნენ პანთეონი, იესოს გულის ახალი ტაძარი, პარიზის ღვთისმშობელი, სენ-ჟერმენი დე-პრე, სენ-სიუპლისი, მადლენი, ლუვრი, პალე-როიალი, დიდი ოპერა, სორბონა, ბირჟა, ტროკადერო, კოშკები, სასახლეები, მუზეუმები და მრავალი სხვა თვალსაჩინო ძეგლი და ახალი შენობები.

იმ სიმაღლეზე მკაფიოდ მოისმოდა გაღვიძებულ საარაკო ქალაქის დრტვინვა, გუგუნნი, ქშენა, ზანზარი და სუთქვა.

კვაჭი კვაჭანტირაძე არ ჰგრძნობდა საერთოდ ბუნების შვენებას, რომელიც არ ხვდებოდა იმის 'სულსა და გულს: იგი არასოდეს აღელვებულა, არ მოხიბლულა, არ დამტკბარა არც ცამდის აყუდულ მთებით, არც თვალ-უწვდენელ ზღვით, არც ბარის აჭრელელებული პეიზაჟით, მაგრამ ეხლა, სამასი მეტრის სიმაღლიდან რომ დასცქეროდა თავის ფეხქვეშ გადაწოლილ პირი-შვე პარიზს, მან ღრმად იგრძნო თავბრუ დამხვევი სიტკბოება და შვენება მსოფლიო ქალაქისა, რომელიც ვინ იცის ვის, როდის და როგორ მოექარგა ესოდენა ქვით, რკინით, ორთქლით და ბოლით.

კვაჭის არც სმენა ჰქონდა. იგი ორს ნოტას ერთმანეთისგან ვერ არჩევდა, ამიტომ მუსიკა არ უყვარდა, არც მისი ესმოდა რამე, მაგრამ ეხლა, სამასი მეტრის სიმაღლეზე იგი მოჰხიბლა, დაათრო და ზეცაში აიტაცა ამ ქალაქის იდუმალმა გუგუნმა, ბუტბუტმა და ფშვინვამ.

ამავ დროს დილის ნიაგმა ბელვილის მაღლობებიდან აიტანა ვიძელის კოშკზე ქვანახშირის და ნავთის სუნი, რომელიც კვაჭის უუნაზეს სასუნებლად მოჰხვდა ცხვირში.

დიღხანს იდგნენ გაჩუმებულნი, მეტის აღტაცებით დატვირთულნი და უჩვეულის გრძნობით მოქარბებულნი. მხოლოდ ყორანაშვილი ხანგამოშვებით გაიშვერდა აქეთ-იქით თითოს და ახალ-ახალ საგანძურებს უჩვენებდა:

— თქვენი სასტუმროს წინ რომ უუხარმაზარი კამარა აღმართულა, მის გარშემო თორმეტი ქუჩა-ხეივანი იყრის თავს მნათობის სხივებივით, ამიტომ დაარქვეს მაგ ალავს ვარსკვლავის მოედანი-ეტუალი... აგერ ელისეს სასახლე, პრეზიდენტის სამყოფელი... აი ბურბონთა სასახლე, ეხლანდელი პარლამენტი... აი ჩვენ ფეხქვეშ რომ მოსჩანს, სამხედრო აკადემია გახლავთ... აგერ დიდი და მცირე სასახლენი ხელოვნებისა და მრეწველობისა.

აი პარიზი ჰგავს ცოცხალს მზეთუნახავს, ფრანგს ტიტველ დედაკაცს, რომელიც სენის ნაპირებზე, საქვეყნოდ გადაწოლილა და ამიზაა რომე ყოველი კაცი ქვეყნის ყოველი კუთხიდან მორბის აქინე მისი სანახავად, თვარა სხვა რა მოარბენიებს აქინე გაკოტრებულს ღვანკითელსა და სამტრედელ კუდაბზიკა აზნოურებს?—განმარტა კვაჭიმ.

სედრაკა არ დასთანხმდა:
— ვაა, მარტო მილიონერების ხომ არ ცხოვრებენ პარიზში! ერთი აქაური

აღარ უგდებდა. უთვალავ ქანდაკებათაგან შიშველ ქალებს არჩევდა, სხვებს კანო-
ვას ნათალს ამჯობინებდა, იმის ტიტვლებს ყოველი მხრიდან უვლიდა, აკვირ-
დებოდა და თანდათან იტენებოდა გატაცებით და თაყუშნისკენი.

როცა ელინურ დარბაზში შევიდნენ და დაათვალიერეს ღვთაებრივი სკო-
პასი, მირონი, პრაქსიტელი, როცა იხილეს ზეციური ამბროდიტები და ვენერები
— მილოსელი, ჩაკუნტული, უფუბონი, უხელონი და უთვალონი, მეტის მღვლევა-
რებისაგან გატენილმა კვაჭიმ წამოიძახა:

— ნეტა რომელ ხელს გოჟკეთებია აი მშვენიერი ქალები! ბესო, ერთი
შეხე მაი უთავო და უხელო ჩაკუნტულ ვენერას, დაადე ხელი თეძოზე და გაი-
გე, ცოცხალია მაი თუ მარმარილოა?.. რაო, ხელის ხლება არ შეიძლებაო? კაი
მარა... ღმერთო მიშველე, რავა გააკეთა ვინცა გლახა ქვის მთელმა ბერძენმა
ისტე, რომე მაი ქვას ცოცხალ ხორცის სუნი და სითბო ასდის! ბესო, წა გენა-
ცვა, გეიგე, რავა გაჰყიდიან აი ამ ვენერას, მილოსს კაი რამე ყოფილა, —
ალბათ ვინცა პოლონელის ან რუსის თავადი მილოსსკის ცოლი იქნებოდა; თუ,
ათას ძრანკზე მეტი არ დაგიფასეს, ვიყიდი და ჩემს ბინაზე კიბესთან დავდგამ
მოტეხილ ხელებსაც გავაკეთებინებ, ერთ ხელში ყვავილებს ან ყანწს ჩოვუდებ,
მეორეში ელექტრონის ლამუას დავაჭერიებ. მე შენ გეტყვი, ვერ დაამშვე-
ნებს კვაჭანტირაძის სასახლეს?!

მერე მიჰყვნენ იმ უხარმაზარ შენობას და სამი საათი ქუდმოგლეჯილნი,
გაშტერებულნი და თვალდაბრეცილნი დარბოდნენ. მხოლოდ ყორანაშვილი იყო
გულმშვიდად, რადგან ყველაფერი ათჯერ ჰქონდა ნახულ და მიხელებული. და-
ირბინეს გალღერეები აპოლონის, პორლოეი, ყვავილებისა და ძველი ტიულერი.

აპოლონის დარბაზში ერთს შეუშაბანდიან ყუთს კვაჭი მუსუსივით მიეკრა
და აღარ ჰშორდება: თვალები აენტო და დაებრიცა, გული აუკანკალდა და
მთელი სხეული აუქაგდაგდა. იმ ყუთში ეწყო მტრედის კვერცხის ოდენა რამო-
დენიმე თეთრი ბრილიანტი, ნაპოლეონის მახვილი — ისიც მთლად ბრილიანტე-
ბით მორთული, და მრავალი სხვა განძეულობა. იგი ყუთი ისე იწოდა და
ლაპლაპებდა, როგორც კვაჭის თვალები იმ წუთში. კვაჭიმ მაშინვე მიიხედ-მოი-
ხედა. ერთი დარაჯი არხეინად დასვირნობდა დარბაზში. აიშალა და აცქმუტუნ-
და კვაჭი. ჯერ ყორანაშვილს ჩააცივდა, მერე იმ დარაჯს ჩაუმტვრია:

— კომბიენ კუტ სეტ შოხ, სილ ვუ პლე (რამდენი ელირება ეს ნივთი)?

— სე პა მესსიე; ონ დი კარანტ უ სენკანტ მიიონ (არ ვიცი, ბატონო,
ამბობენ ორმოცი ან ორმოცდა ათი მილიონი).

ძლივს მოსწყდა კვაჭი იმ განძეულობას. მას შემდეგ დაბნეული, დარეტიან-
ნებული და ჩაფიქრებული დადიოდა, თითქოს იმის თავში ეშმაკებმა დაიბუღე-
სო, თითქოს იქ რალაც აზრი მწიფდებოდა, იკვანძებოდა და იხლართებოდაო.

— აი შედეგები, დარჩეული ნიბუშები მსოფლიო მხატვრობისა. — განაგ-
რძობდა ყორანაშვილი. — დავიწყოთ იტალიურ რენესანსიდან.. აი კორრეჯიო...
ეს ტიციანია.. ეს არის პერუჯიო... აი ნაზი, რომანტიული ბოტიჩელიც... აჰა
ღვთაებრივი ლეონარდო დევენჩის ჯიოკონდა..

— აიხა ჯიოკონდა?—გაიკვირვა კვაჭიმ.—აი იყო შარშან რომე მეიპარეს?.. იმე, თლა სულელი ყოფილა მაის ქურდი! რა ღირს აი სურათი?

— უფასოა, არ გაჰყიდიან, ხოლო მცოდნენი ერთ-მხრივს აქვასებენ. მი-
ლოსელი ვენერაც ამდენივე ეღირება.

— იმე, რამდენი სულელი ყოფილა ქვეყანაზე! ათ მანეთს არ მივცემ მა-
გაში. შეხედე ბესო, შეხედე რაეა დოუბრეცია თვალები! აჰ, თლა სულელები
ყოფილან, თვარა ვინ ტუტუცი მისცემს ვინცხა კაროუნას სურათში თუნდ ას
მანეთს? ნიძლავს დავდებ, რომე ას მანეთად დღესვე ამაზე ლამაზს ხუთ ცოცხალ
ქალს ვიშოვი, მაგ „კარტიჩკაში“ რაეა მივცემ მეტს!

— ვაა, ერთი ნახეთ რალა, აჰ რა ამბავი ყოფილა!—გააწყვეტინა კვაჭის
სედრაკამ მეორე დარბაზის კარებიდან.

შეუხვიეს ფრანგული მხატვრობის დარბაზში, სადაც ტიტველი ქალები
უხვად იყვნენ კედლებზე გაბნეული.

— როზა ბონნერი... პრუდომი... დელაკრუა... ვატტო... მეისონიე—გა-
ნაგრძობდა ყორანაშვილი. მაგრამ მას ყურს აღარ უგდებდნენ, რადგან სამივენი
შემოეხვივნენ კუთხეში მიწოლილ ენგრის შიშველ მხევალს, უსისხლოს, უძ-
ვლოს, ფამფალას, ფაფუკს და ცომ-ცომას.

— ვაა, ერთი ამის გავას შეხედე, და!—სცქმუტავდა სველ თვალი სედ-
რაკა.

— ქალიც აი ყოფილა და სურათიც, ასეთი ცოცხალი ქალიც ათასი მანე-
თი ღირს და სურათიც.

— ცოცხლისა რა მოგახსენოთ, ხოლო ათას მანეთად ამ სურათის ასლს
გააკეთებენ. აი მხატვარიც აქვე გახლავთ.

იქვე სამი მხატვარი მუშაობდა, ასლებს იღებდნენ.

ჰკითხეს ერთ-ერთს, მორიგდნენ, მისამართი მისცეს და გზა განაგრძეს.

— აი ესპანური მხატვრობა... მურილლიო... ველასკეზი... გოია... ეს ინ-
გლისური სკოლა გახლავთ: რეინოლდსი... რესკინი... აი ფლამანურ-ჰოლანდიუ-
რიც: ვან-დეიკი... რიუსდალი... რუბენსი... აი გენიალური რემბრანდიც...

სედრაკა აანთეს და აახურეს რუბენსის დედაკაცებმა: ჩასუქებულნი, ჩაქო-
ნებულნი, მონუმენტალურნი, წითურნი და თეთრნი, ვითარცა ოღნავ ღვინო-ნა-
რევი რძე.

კვაჭის ქანცი გამოეღია, თვალებს ჰბლიტავდა და ფეხებს ძლივს მიათ-
რევდა.

— დაახლოვებით მესამედი მოვიარეთ. დანარჩენსაც ეხლავე თვალი გა-
დავაჯლოთ. მერე, თუ გნებავთ ცოტაოდენი მაინც დაიხსომოთ, ორი კვირა მაინც
უნდა იაროთ.—ურჩია ყორანაშვილმა.

— აჰ, აჰ, აჰ!—ჩაიქნია ხელი კვაჭიმ.—მაი სად შემიძლია, ამისთვის კი არ
ჩამოვსულუართ აქინე. წევიდეთ, კმარა.

გავიდნენ. რამოდენიმე ეზო გაიარეს, მოედანი გადასჭრეს და იქიდან გაჰხე-
დეს ერთ ვერსზე გაჭიმულ ნათალი ქვის ლუჯრს, რომელიც გარდი-გარდმო გა-



დაჭრილი იყო ქუჩებით; იმის ეზოებში და ალაყაფის კარგებებში ~~ომნობუსები~~ და ავტობუსები დადიოდნენ.

— ნეტა გამაგებია, გასცვლის თუ არა ტრანცია საქართველოში? — შენობას უოლიფერი სიმდიდრით, აქინე რომ ალაგია? — თითქმის თავისთავს ჰკითხა კვაჭიმ.

ავტო დაიჭირავეს და გარშემო მოუფარეს შატლეს და ბერნარის თეატრებს, სენ-ფაკის კოშკს, ქალაქის საბჭოს, პარიზის ღვთის მშობელს და იქიდან ლათინურ უბანში გავიდნენ.

— აი სორბონა... აი საფრანგეთის კოლლეჯი... სენეერმენის წიგნთსაცავი... აი განთქმული პანთეონიც. იმის წინ რომ ბრინჯაოს ძეგლი სდგას, საფრანგეთის სახელოვან მოქანდაკე როდენის ნამუშევარია. იგი გამოჰხატავს ადამიანს, რომელიც აზროვნებს.

ბრინჯაოს ბუმბერაზი ადამიანი იჯდა. ფეხი ფეხზე გადაედო, ნიკაპი მუშტზე დაებჯინა და ფიქრობდა; ფიქრობდა ისე მძლავრად, ისეთის ღინითა და ნებისყოფით, რომ ფეხის ძარცვებიც კი დაჭიმული ჰქონდა, თითქოს ფიქრი იმ ძარღვებსაც აწეებოდა, ძალას ატანდა და იშველიებდა.

კვაჭი დააცქერდა ბრინჯაოს ადამიანს, მერე სთქვა: — რაცხა დიდ კომბინაციას აიმასქნებს აი კაცი. ნეტა მაჩვენა აგი, კაი ამხანაგი გამევიდოდა.

— აი ლიუქსენბურგის და კლიუნის მუზეუმებიც, ვნახოთ.
— აჰ, დევილალე, კმარა! აწი შევიდეთ კარგ რესტორანში და ვისადილოთ. დიუვალთან შევიდნენ. კვაჭიმ იტყვიცა:

— რაა აი! არ ვარგა, რაცლა სტუდენტების სასადილოს ჰგავს. აქინე უკეთესი აფერია?

ყორანაშვილმა არ იცოდა კარგი და ცუდი რესტორანების, არაფერი ესმოდა, რადგან თვითონ, ისიც ზოგჯერ, ერთ ფრანკიან სასადილოში იკვებებოდა.

— აჰა მაშ ჩვენს ოტელში წვევიდეთ... რაო გრცხვენიათ? ტანისამოსი არ გაქვთ? აჰა მაშ მშვიდობით ბრძანდებოდეთ. ხვალ გვნახეთ.

და ავტოთი წავიდნენ, ხოლო მაღა-მოსული ყორანაშვილი თავის მანსარდში დაბრუნდა.

* * *

მეგობრებმა რედინგოტები ჩაიცვეს, სკერდზე თითო ხრიზანტემა მიიკრეს და სასადილოში ჩავიდნენ.

სასტუმროს პატრონი და მოურავი მაშინვე ახალ სთუმრებს ეახლნენ, მოწიწებით მოიკითხეს და შთაბეჭდილებანი გამოჰკითხეს.

წყნარი, მშვიდობიანი, ჩურჩულიანი და მშრალი რესტორანი იყო არც კეიფი, არც სადღეგრძელო, არც სიმღერა.

საუზმე რომ გაათავეს, გუშინდელი გიდი შაცმანი კარებში გაუხვდათ. სამიუენი ტყვედ ჩაიგდო და ავტოთი მოიტაცა.

— ა ლონ შან, სილ ვუ პლე!

დაჰყვნენ გრანდ-არმიეს ხეივანს, გადასჭრეს ბულონის ქალაქი და გაიღნენ ლონზანის სალონებზე, რომელიც უკვე ხალხით იყო სავსე, მერე რამდენი და როგორის ხალხით! კვაჭის ანგარიშით ოცი ათასი სულელები იქნებოდა. აქ იყო პარიზის ნამდვილი „ბომონდი“ და „ტუ პარი“ (რჩეული, მთელი პარიზი). თვალუწვდენელი მიდორი ცოცხალი ყვავილების გირლიანდით იყო შემოვლებული; იქაურობა აკუნწულ ფუტკარივით ბზუოდა და ფუსფუსებდა. კვაჭის ხარბმა თვალმა ორიოდე საათში ვერ მოასწრო ქალთა უღეფი ზღვის დაშრეტა. სამაგიეროთ, როცა დოღი ვათავდა, ვიდმა შაცმანმა ხერხი ასწავლა: ბულონის ქალა-ბაღშს გზის ნაპირას დიდი კაფე-რესტორანი იდგა, არმენოვილად წოდებული. „ბომონდს“ იმ გზაზე უნდა გაეელო, ხოლო მოჭედივე პარიზს იმ კაფეში უნდა შეესვენებინა „აპერეტივის“ (მცირე დასალევის) მისართმევად, ეოთმანეთის საჩვენებლად და სანახავად.

კვაჭიმ ჯერ საჯდომი ჯიშინი ცხენი იყიდა, რომელმაც იმ დღეს ლელო გაიტანა, მერე იმ რესტორანს მიაშურა. დასხდნენ ნაყინვი მოითხოვეს და გაუთავებლად ისვეს მალამო აფხანებულ გულზე. და ასვეს ტკბილი წყალი თავიანთ ხარბსა და წყურვილიან თვალეზს.

მართლა მთელმა პარიზმა მათ თვალწინ გაისეირნა, რამდენიმე ათასმა ცხენოსანმა, ავტომ, ფიაკრმა, ლანდომ, კარეტამ და კებმა წინ გაუარეს კვაჭის, რომელიც იმ რჩეულთა შორის რჩეულებს ჩაციებით ჰსინჯავდა და აცქერდებოდა, ხოლო მეტად ლამაზსა და კარგად მოყვანილ ქალებს თვალებით ტანისამოსსაც ჰხდიდა, თან ისე კობტად და მარდად ხმარობდა მონოკლს, რომ იმის მასწავლებელს — კარის მინისტრს ბარონ ფრედერიქსსაც შეჰშურდებოდა.

შაცმანი გზა-კვალს უკვლევდა:

— აი პრეზიდენტი პუანკარე... ესენი ელჩები არიან: რუსეთისა — იზვოლსკი, გერმანიისა... ინგლისისა... აი მინისტრები და ნამინისტრალნი — სარრიენი... კაიო... კლემანსო... აი მილიონერები — შოშარი... როტშილდი... გირში... დიუვალი... აი მეფე ფოლადისა... მეფე სახლებისა... მეფე ბანკებისა... აი ცხენით მოდის გენერალი პალიტე. ხომ გაგიგიათ პალიტეს შალვარი? ამ კაცმა პარიზში დახვრიტა რამდენიმე ათასი კომუნარი... აი ჰერცოგი... თავადი... მარკიზი... ბარონი... გრაფი... ავერ ხელოვანი და ჟურნალისტები: სტენლეი... მარსელ პრევი... კალმეტი... სარა ბერნარი... როენი... ლოზანი...

თან მოკლედ მათს თავგადასავალს და ინტიმურ ამბებს მოუთხრობდა. მერე იმ ხალხსაც მოუბრუნდა, რომელიც იმ რესტორანში შემოვიდა:

— აი ეს ქალები ცოცხალი მოდელები არიან. მოდეების მალაზიები უფასოდ აცმევენ, ყველგან ჰგზავნიან და ასეთის ხერხით აჩვენებენ ქვეყანას ახალ მოდას და თავიანთ ნამუშევარს... აი ბარონ გრევეს საყვარელი... ეს კონდეს საყვარელია... ეს კიდევ...

და ათიოდე ხანშესული დედაკაცი აჩვენა და ამდენივე მილიონერი დაასახელა.

— როგორ, — გაიკვირვა კვაჭიმ, — ასეთი ხნიერი დედაკაცები? ახალგაზრდები ველარ იშოვენ?

— ჰა, ჰა! — გაიღიმა შაცმანმა. — გეტყობათ ახალგაზრდობა და გამოუცდლობა. პარიზის დემი-მონდი არ მიიღებს ახალგაზრდა ქარაქუცას, გამოუცდულს, გაუხედნავსა და უსწავლელს. ასეთი ახალგაზრდა ქარაქუცა, ქარაფშუტა, ალტაცებული, კეკლუცი, დაუდგრომელი, კისკასიანი და კისკისა ბელობას სტუდენტების ყავახანებში იწყებს. ამ მხრივ პარიზი ორ ქვეყნად არის გაყოფილი: სენის გაღმა და გამოღმა, ლათინური უბანი და მონმარტრი. ახალგაზრდა ქალი გაღმა იწყებს და გამოღმა ათავენს; იქ ინათლება, აქ კი ჰასაკში შედის და ფესვებს იკეთებს; იქ ხნავს და სთესავს, აქ კი იმკის; გაღმა იგი ქალია, გამოღმა კი დედაკაცია; გაღმა მას სტუდენტები სიყვარულს ასწავლიან. გამოღმა კი იგი თვითონ გამოღის ოსტატად და პროფესორად; ლათინურ უბანში ქალის სიყვარული მორცხვად იღიმება, კისკისებს, ზოგჯერ ნახად იცრემლება და გულის ლიტინსა და ცელქობას მიადევს, ხოლო მონმარტრში დედაკაცი მძლავრის ხმით იცინის და ხარხარებს; მისი დარდი ჰომუის, მისი სიყვარული ყმუის, მისი ვნება ბლავის! გაღმელთა ალერსი ნიავია. გამოღმელთა-გრიგალია; იქაურთა ვნება ალია, აქაურთა ნაკვერჩხალია; კეკლუც ქარაქუცებს ვარდის და მის სუნი ასდით, მონმარტრის დედაკაცებსა და მილიონერების საყვარლებს — წნილისა და... და კამამბერის ან როკტორის ყველისა, ან კიდევ... რაო, როკტორის ყველი ჯერ არ გინახავთ? გარსონ! მოიტა ორი როკტორი და ორი დაობებული კამამბერი... ჰო, იმას მოგახსენებდით. ვის აქვს მილიონები? მოხუცებს. მაშასადამე რჩეული დედაკაცებიც იმათია. ქალს კობტა ტუჩებისა და ლამაზი თვალების გარდა უნდა ჰქონდეს ჭკუა და ხასიათი. ჩემისთანა ხანშესულ ადამიანს არ უყვარს პრანჭია, ქარაფშუტა, კისკისა, ანცი, კაპროზიანი, ცრემლიანი და ყბედი კაქკაქი; ჩვენ გვირჩევენია დინჯი, წყნარი, ნაცადი, ბებერი, ანგარიშიანი და ბრძენი ყორანი. დიალ, ამას მოგახსენებთ მე, ბერდიჩეველი ურია, უკვე დამეავეებული შაცმანი, რომელმაც ნახეჭარი საუკუნე იბეტიალა ამ ქვეყნად და ყველაფერი ნახა, გაიგო, გამოსცადა და შეიგნო. ერთი მტკაველი მიწა არ დამრჩა უნახავი. ცხრა ენა ვიცი, ცხრა ხელობა მაქვს გამოცდილი... აი კამამბერი და როკტორიც მოიტანეს. აბა იგემეთ და უსუნეთ... ამის სუნი ასჯერ სჯობია უბიგანს და ლორიგანს... მიირთვით, ნუ იჭმუხვნებით. როცა შეეჩვევით, ჯიბეშიც კი აღარ გამოილევთ. ხომ ასდის ამ ყველს დედაკაცის სუნი?! ასდის, განა!. აგრე.. იმას მოგახსენებდით: ცხრა ხელობა მაქვს მეთქი. ჯერ მესაათე ვიყავი, მერე ოქრომჭედელი, მერე რევოლიუციონერი. ნუ გიკვირთ, ესეც ხელობაა, მეტად საბიფათო და უმადური; ოცდაათი წლის წინად ამერიკაში გავიპარე ციმბირიდან. ბოსტონში ნაგავისა და ჩრების გამოსაყენებელი ქარხანა მქონდა, კლონდაიკში ოქროს ვეძებდი, ვირგინიაში ბამბის პლანტატორობა დავიწყე, კუბაში შაქარს ვაკეთებდი, გრელანდიაში თევზს ვიჭერდი, ალიასკაში ვნადირობდი, პრეტორიაში აღმასებს ვთხრიდი, ზანზიბარში სპილოს ძვლით ვვაჭრობდი, ცეილონზე ზღვის ძირში მარგალიტებს ვკრეფდი. ათიოდე სხვა საქმეც მქონდა. ხუთჯერ მილიონერი გავხდი, ათჯერ გავკოტრდი, ხოლო

ეხლა... ეხლა თქვენისთანა პატიოსან ხალხს კუდში დავდევ და ასე ვმოულობ ჩემის ოჯახისთვის ერთ ლუკმა პურს.

კიდევ დიდხანს უვლებდნენ ყურს გაოცებული და შინაგანად მტკიცებული კვაჭი და მისი ამხანაგები მოხუც შაცმანს, რომელსაც მართლა ყველაფერი უნახა, გაეგონა და გამოეცადა.

ისევ ჩასხდნენ ავტომობილში და მოიბინეს პარიზის ზოგი მიდამო: სევერი, სენ-კლუ, კურბევუა და კლიში. სალამო ჟამზე კაფე-რიშის დერეფანში დასხდნენ და თითო გრენადინი მოითხოვეს. ძალით სვამდნენ იმ სასმელს და დიდ ბულვარებს ათვალიერებდნენ.

მზე ჩასაეალს იყო. მადლენის მხრით ცაზე მოსჩანდა უცნაური ღრუბელი, რომელიც საარაკო წითელი ფრინველივით ფრთებ-გაშლილი თავდაღმა მიეშურებოდა. იმ ცეცხლოვან ფრინველს თითქოს ნისკარტით ეჭირა უუზარმაზარი წითელი ბურთი, წითელი მზე, რომელმაც ის უთავბოლო ბულვარი — მაღალი შენობები, ხეივანი, მღელვარე ზღვა ხალხისა და ასნაირ ეტლებისა ალისფერით შეღება:

ალაგ-ალაგ ფანჯრებისა და ვიტრინების დიდრონი მინები წითლად იწოდნენ, სისხლით ლაღლაღებდნენ; ჰაერი გაიჟლინთა ოქროს ნისლით და ამ ნისლში დასკურავდნენ ქალ-ვაჟთა ცოცხალი ტალღები.

ვინ არ ერია იმ ტალღაში! მდიდარი და ღარიბი, რანტიე და მუშაკი, სახლისკენ მინაჩქარი მეოჯახე და უსაქმო ფლანიორი, სნობი და მათხოვარი, სეველიანი და უღარდელი ფრანგი და, ვინ იცის საიდან, რისთვის ან რომელ ტალღით მოტანილი — რუსი, ინდოელი, არაბი, ინგლისელი, და ამ ქვეყნის ყოველი კუთხიდან მოგლეჯილი ბედის მამიებელი.

კვაჭი რაღაც უცნაურ სულის ღიტიანსა და გულის ფრიალს ჰგონობდა: ირგვლივ ყველაფერს ხარბად აცქერდებოდა და ეძებდა ამ გაუგებარ აღმაფრენისა და სიტკბოების გასაღებს. ბოლოს, იგი იდუმალემა რომ ვერ გახსნა, ისევ შაცმანს მიუბრუნდა:

— მარკ აბრამიჩ! ხშირად ვყოფილვარ ასეთ სალამოს ნევის პროსპექტზე; ვენის რინგიშტრასსე და პრატერიც მინახავს; დარიც ასეთი მშვენიერი იყო, არც ხალხი ყოფილა ნაკლები, მაგრამ... მაინც... მაინც არ მესმის მიზეზი ამ ბულვარების განსაკუთრებულ შვენიებისა.

— ხა! — ჩაიციხა შაცმანმა. — მე ასჯერ მეტი მინახავს: ბერლინის ფრიდრიხშტრასსე, რომის კორსო, ლონდონის პიკკადილი, მადრიდის პრადო, ნიუ-იორკის მეხუთე ხეივანი, დელი, ქაირი, ტონკინი, ჩრდილოეთი და სამხრეთი, აღმოსავლეთი და დასავლეთი, მაგრამ ამისთანა ჯადოსანი ქალაქი არც მე შემხვედრია. მიზეზი? ოცი წელიწადი ვეძებდი მიზეზს, ბოლოს ძლივს მივაგენი. ხა! აბა შეხედეთ ამ შენობებს. გინახავთ სადმე უკეთესი?

— ვენის შენობები სჯობია. უფრო ახლები, ფერადიანები და კობტები არიან.

— რაც მართალია, მართალია! ეხლა შეხედეთ ამ ცას, შეისუნთქეთ ეს ჰაერი.



- ვენის ცა და ჰაერი უფრო სუფთაა, უფრო ნაზია.
- ვგეც მართალია. გადახედეთ ამ ხალხს.
- ვენის ხალხიც ასე სუფთად, კოპწიად და კობტად მჩინებულნი.
- უფრო კობტად და უფრო სუფთად, უფრო! ეხლან უკლებლად შეადარეთ. ქალი ამშვენებს ყოველ ხალხს; იგი დიდი ჯიშიანი ვარდია მინდვრის ასკილთა თაიგულში; იგი ცისკარია მკრთალ ვარსკვლავებით მოჭედილ ცაზე; იგი ულამაზესი სამკაულია ყოველ ოჯახის, ქალაქისა და ხალხის. ეხლა შეადარეთ ვენელი და პარიზელი ქალები.

— ვენელი ქალები? უფრო ტანადნი, თვალადნი და ჯიშნიანი არიან, ხოლო აქაურები უფრო... უფრო...

და სიტყვა რომ ვერ იპოვა, თითები ააცმაცუნა:

ისევ ბებერი შაცმანი მიეშველა:

— უფრო მალხაზნი, კეკლუცნი და კოპწიები არიან. პარიზელებს თვალში, მიხვრა-მოხვრაში და სისხლში ულეველი აქვთ ღვთაებრივი ცეცხლი, პილპილი, გემოვნება, შნო, ყნოსვა შვენეიერებისა, უნარი სიცოცხლისა, ჭკუა მეტად მახვილი. მაშ სად არის საიდუმლოება პარიზის მიმზიდველობისა? მოგახსენებთ: აქაური ჰაერი და ცხოვრება დაბანგულია, რაღაც თილისმით არის გაქლენთილი, რაღაც იდუმალის ძალით არის მოჯადოებული. რა ჰქვიათ ამ ჯადოს, ამ თილისმას? ხალხის სული და სისხლი, — აი მარტივი გასაღები საიდუმლოებისა.

— მაშ ფრანგებს სხვანაირი სისხლი ჰქონიათ! — ირონიით წამოიძახა კვაჭიმ.

— შექველად! დაუჯერეთ ბებერ შაცმანს; ყველას რომ ერთნაირი სისხლი ჰქონოდეთ, ერთნაირი ექნებოდათ ენაც, კანონიც, ტანიც, სარწმუნოებაც, ზნეობაც და ჩვეულებაც. შაცმანი მეცნიერი არ არის, მას გიმნაზიის კარებიც არ უნახავს, სამაგიეროდ მან მთელი მსოფლიო მოიარა; მას აქვს თვალი, სმენა, დაკვირვება და ტვინი, ამიტომ მან ყველაფერი ნახა, მოისმინა და გაიგო. ჭკუას არ წააგებთ, ბებერ შაცმანს დაუჯერეთ მეთქი!.. ჰო, იმას მოგახსენებდით. ღმერთმა რომ ფრანგი გააჩინა, ძარღვებში ცხელი სისხლი ჩაუსხა, მკერდში ცეცხლ მოკიდებული გული ჩაუღო და თავში კარგად გარეცხილი ტვინი ჩაულაგა, თან სიცოცხლის უნარი და მშვენიერების ალლოც მისცა, ზედ პილპილიც წააყარა. ამ ხალხმაც აიღო და იგი ალლო, უნარი, ცხელი სისხლი და სული გარეთ გამოიტანა, ყველგან მიაბნ-მოაბნია და აი ამ ბულვარსაც, შენობებსაც და ჰაერსაც თავისი ბეჭედი დაჰკრა და დაამჩნია, მორჩა და გათავდა! ამას მოგახსენებთ ბებერი შაცმანი! დიად, ამას მე მოგახსენებთ, მორჩა და გათავდა!

კიდევ დიდხანს ასწავლიდა კვაჭის ბებერი შაცმანი ბებრულ ჭკუა-გონებას, თან ხშირად მავალებზე უთითებდა:

— აგერ დიდებული არტისტი მუნე სიულლი... აი გიჟი ლებოდი, სახარის მეფე, გაკოტრებული მილიონერი... აი „ქოლი ბერჟერის“ პრიმადონა... აგერ გულდი, — ამერიკელი მილიარდერი, რომელსაც ძაღლებზე, დოღზე და ცხენებზე მოეშალა ტვინი... ეს გაპარსული ჯენტლემენი შეკლტონია, უდიდესი ინგლისელი მოგზაური გახლავთ...

* * *



გრანდ-პოტელში ისაძილეს, მერე პარიზის ლამის ყველა სახეობის მოედვნენ. დაიწყეს ლათინურ უბნიდან. შეიხედეს ამერიკულ „ნარკოზი“, „სუფლოში“, „დარკურში“, მერე ჩაჰყვნენ სევასტოპოლის ბულვარს, იქიდან ჩავიდნენ „ქოლ ბერჟერში“ მოითხოვეს კონსომასიონი, ნახეს ნახატი ქალები და მოისმინეს დღიური „რევიუ“, თუმცა მისი ბევრი ვერაფერი გაიგეს, რადგან იგი აშენებული იყო სიტყვების თამაშზე და საჭირო იყო ფრანგულის ზედმიწევნით ცოდნა.

კვაჭი იქაურთა ცეკვას და მიხვრა-მოხერას რომ დააკვირდა, პეტერბურგის „არკადია“ გაიხსენა, შეადარა და სთქვა:

— თეთრი დათვი და ქურციკი მაგონდება.

აღრე გამოვიდნენ, „ოლიმპიაშიც“ შეჰყვეს ცხვირი, მერე ნელ-ნელა მონმარტრის აღმართს შეუდგნენ, რომელიც მხოლოდ შუალამეზე იღვიძებს, თან კაბარეებში იხედებოდნენ, თითონ სასმელს გადაჰკრავდნენ და ახალ-ახალ სანახავებით ითრობოდნენ.

გაიარეს ათიოდე კაბარე, ნახეს „მონიკო“ და „ლამპრონსესი“, ბოლოს „მულენ რუეს“ მიადგნენ.

კარის ჭრელი დარაჯი, მეტრ-დპოტელი და კაჭკაჭივით თეთრგულა ფრაკოსანნი, ღიმილით და მოწიწებით დაუხვდნენ, ხალხით გაქედდნენ უზარმაზარ დარბაზში შეიყვანეს და საპატიო ლოჯაში შეაცილეს.

იმავე წამს ორკესტრმა რუსული სამეფო ჰიმნი „ბოჟე ცარია ხრანი“ დაიწყო.

ყველანი წამოდგნენ, გაიჭიმნენ და პირი კვაჭის ლოჯისკენ მოიბრუნეს.

— ვივ ლა-რიუს! ვივ ლა-რიუს! — იგრიალა დარბაზმა, თან გამოჭიმულ კვაჭის ტაშის გრიალი მიაყარეს და აქეთ-იქიდან უხვი საჩუქრები მოუგზავნეს — ყვავილები, ტკბილეულობა, შამპანური, მარსალა, ბენედიქტინი და მრავალნაირი სხვა სასმელი.

სანამ საჩუქრები მოდიოდა და შეხურებულთა ტაში მოისმოდა, კვაჭი ლოჯიდან ყველას თავს უკრავდა და ღიმილითა და ხელით მადლობას უგზავნიდა. მერე მობრუნდა და ორკესტრს ნიშანი მისცა.

ორკესტრმა ცეცხლიანი მარსელიეზა დაუკრა. ისევ ფეხზე წამოდგნენ და გაიჭიმნენ.

— ვივ ლა ჭრანს! — მძლავრად დასძახა კვაჭიმ, როცა მარსელიეზა გათავდა.

— ვივ ლა ჭრანს! ვივ ლა ჭრანს! — გრიალეზა და ჰქუხდა დარბაზი.

— გთხოვთ გაუგზავნოთ ორკესტრს სამასი ჭრანკი და ათი ბოთლი შამპანური, — მისცა კვაჭიმ მეტრ დ-ოტელს ბრძანება, — ხოლო ვინც პატივი დამდო საჩუქარით, ერთი ორად მიართვით, ქალებს — ყვავილები, შამაკაცებს — სასმელები.

და თავჩაღუნულ მეტრ დ-ოტელს დასარიგებლად ერთი დასტა სადარბაზო ბარათები გადასცა ოქროს წარწერით:



თავადი ირაკლი

შ ა გ რ ა ც ი ა თ ნ მ უ ს ტ ა ნ ს ვ ი

ძლიველ-ადიუტანტი სრულიად რუსეთის იმპერატორისა.

დალაგდნენ და საჭმელ-სასმელი მოითხოვეს.

უცვებ კვაჭი შეჭკრთა. დარბაზის კუთხეში მან თვალი მოჰკრა ორს თვალს, ორს ნალვერდლიან თვალს, რომელიც მწვავე ისარივით გაეყარა იმის გულს.

— მაღამ ლაპოში, ბესო! სედრაკ!.. მაღამ ლაპოში!

ერთმანეთი იცნეს, ერთმანეთს გაუღიმეს; თვალი თვალს დაატაკეს და გული გულს მოახვედრეს.

— სედრაკ, წა შეიპატიჟე მალე, თვარა... ჩქარა!!

ხუთი წუთის შემდეგ მკერდამდე ტიტველი და სპილოს ძვლისაგან ნათალი ლიზეტ ლაპოში სედრაკამ კვაჭის მოჰგვარა; და იმ სპილოს ძვალმა, გიშრის ბულულამ, სისხლიანმა ტუჩებმა და ცეცხლ მოკიდებულმა ნახშირის თვალებმა ის ლოჯა გააცოცხლეს, გაანათეს და დაამწვენეს.

კვლავ გაიხსნა ძველი ჭრილობა, გამოჩნდა პირშეკრული იარა, გაღვივდა ნავლწაყრილი ცეცხლი და აჩუხჩუხდა მიღეული შადრევანი უდროოდ გაწყვეტილის ეინისა და სიყვარულისა.

ერთმანეთს ხელები დაამტვრიეს, სევდიანი საყვედური უთხრეს და ადეს-სური წარსული გაიხსენეს.

მერე კვაჭიმ ჰკითხა:

— უ ეტილ, ვოტრ მარი (სად არის თქვენი ჭმარი)?

ლიზეტმა სევდიანად ამოიოხრა:

— ილ ე მორ, მონ შა (მოკვდა, ჩემო კატუნო).

— ვა, კარგი საჭმე უქნია, რაღა!—გადაჰკრა სედრაკამ.

— ძალიან მიჰქარა, რომ ასე დაიგვიანა.—გადმოუგდო კვაჭიმ.

ნელნელა აჰყვნენ ქეიფის აღმართს; შეიკეთეს, შეხურდნენ და ადულდნენ. უზარმაზარი დარბაზი იწვის;

ბროლის ურიცხვი მძივებით აკუნწლული ლიუსტრა აღმასივით ბრწყინავს; ისმის სევრის ფაიფურის წკარა-წკური; ბაკკარა კრიალებს;

ვერცხლის კასრებში გაყინული და არტახებში გახვეული შამპანური ბროლის თასებში ოქროს წინწკლებით იწინწკლება;

გაბერილ სურიდან თაულის ფერი კიურასო-შიპრი ჩამოჩუხჩუხებს.

მუსკატი, მარსალა, ბენედიქტინი, ბორდო და ბურგუნდული წითელ-ყვითლად ბზინავენ და ქათქათებენ;

ბროლის ჭიქებში ცეცხლმოკიდებული შარტრეზი ცისფერი ალით იწვის;

ათფერად იწურება მრავალნაირი ეკზოტიური ხილი: ანანასი, ფორთოხა-
ლი და მანდარინი;

თავის-თავად დნება ფრანგული მსხალი — სენეერმენი ^{ქარქინული} და იდუქნები;

ბამბასავით თეთრ მაგიდებზე უხვად გაბნეულა ალანძული ატამი, კალ-
ვილი, მწვანე, ყვითელი, წითელი და შავი ყურძენი, იშვიათი ვარდი და ყვა-
ვილი;

ლადლადა კიბო და ომარი გაფარჩხულან, გაბობლილან;

შემწვარ და მოხრაკულ ფრინველს შეწითლებული გულმკერდი და ფეხები
ზევით აუყრიათ;

ათასნაირად შეზავებული საქმელი ნაწიწკნი და ხელუხლებელი ჰყრია;

უხვად მოსჩანს ნაირ-ნაირი ფერის, მოყვანილებისა და ჯიშის ტიტველი
ბეჭი, მკერდი, მკლავი და აბლაბუდაში გახვეული წვივი;

ერთმანეთში არეულა ასფერი ფარჩა, ატლასი, ხავერდი, ლეჩაქი;

თვალს იზიდავს ვენეციური, ბრაუსელური, ვალანსური და აღმოსავლური
ნაქარგი, ნაქსოვი და ოქრონემსული;

გიშრის, წაბლის, მიზაკის, ჩალისა და ოქროს თმები აპენტილან, აბულო-
ლებულან;

თვალსა სჭრის ბრილიანტი, აღმასი, ლალი, ფირუზი, ზურმუხტი, ამეთვის-
ტონი, მარგალიტი, ბადახში და ლაჟვარდი;

თამბაქოს ბოლი, ლურჯი გველებივით დაკლაკნული, ქერისკენ ისვეტება
და ისრუტება;

ყნოსვას ასისინებს თილისმურის ალერსით ნელსაცხებელი;

ესტრადაზე ერთმანეთს აღარ აცლიან ფრანგნი, იტალელნი, ეპანელნი,
ალეირელი ურიები, ტუნისელი არაბები, იაპონელები და ქვეყნის ყოველი კუთხი-
დან წამოსული მოციკვავენი;

გიჟობს, ლაღობს და დაჰქრის ალვირაწყვეტილი ესპანური, ჰუნგრული
ჩარდაში და პოლონური მაზურკა; ურცხვად იკუხება კეკ-უოკი. ზომიერებას გა-
დასცდა მატჩიჩი, იგრიხება და იკლაკნება ღინიანი ტანგო, შიშვლდება ვნებიანი
მუცლის ცეკვა;

დაჰბტის ათნაირი ფერისა და ფორმის წვივი და ბარძალი, შრიალებს
ფარჩის კაბა, ელავს თეთრი საცვალი;

ქალ-ვაჟნი ერთმანეთში ჩახლართულან, ჩაკრულან, ჩაწნულან; და ერთმანე-
თის სუნთქვით და ხორციით დამთერალნი და თავბრუდახვეულნი ლალად და გა-
ტაცებით დასცურავენ და დაჰბტიან ცეკვის ტალღებში;

ისმის ტრფობის ჩურჩული, ნართაული ოხუნჯობა და აღგზნებული კისკასი;

დარბაზს სჭრის ხშირი ელვა სურვილით ანთებულ თვალებისა;

ავის ღელვით ჰღელავს შიშველი მკერდი;

სისხლისფერ ტუჩებზე და ელვიან კბილებზე თრთის ალბური აშლილის
ქინისა;

ნარკოტით აღესილი და მწვავე სასმელ-საქმელით აღეწილი ხორცი ეძებს
დაცხრომას;



ეროვნული
გაზეთი

აპილპილებული აჩუხჩუხებული სისხლი მოუთმენლად და დაჭინებოთ მოითხოვს შენელებას და ჩაქრობას;

გაჩაღებული დარბაზი ვნების აღში და ბანგში გახეული ილრინება და მძვინვარებს პირსისხლიანი, კბილალესილი, ფაფარაყრილი და ახურებული მხეცი სიძვისა და მრუშობისა;

იწვის, დნება და ინთქმის იგი დარბაზი გარყენილების და აღვირაწყეტილ უინის ხანძარში.

კვარიც აპყვა ამ ხანძარს, მოაჯდა პირსისხლიან მხეცს, შესცურდა გაბანგულ ტალღებში და თავგამწევი ცხენივით გადავარდა მრუშობისა და ვნების მორევში; გადავარდა და ორიოდე კვირა იხჩობოდა იმ ზღვაში და იხრუკებოდა იმ ცეცხლში.

ყველაფერი ნახა და იგემა: ჯოჯოხეთი და სამოთხე, აპაშების სარდაფები, მეძავთა პრიტონები, გარეუბნების ბალები, ქალ-ვაჟთა შესახვედრი სახლები და დაქირავებული სიყვარული, რომლითაც ქანც-გამოლეული საჭურისნი ჭუჭრუტანებიდან სტკებოდენ და თერებოდნენ.

და გაბრუებულ, გამხეცებულ კვაჭანტირაძეს ირგვლივ ესმოდა მხოლოდ გაკაპასებულ ვნების ყმუილი, გატიტვლებულ სიტკბოების ღრიალი, წკმუტუნნი და კვნესა:

კვაჭი ჰხედავდა და ჰვრძნობდა მხოლოდ შიშველს, ფეხაყრილ პირუტყვს, მუდმივს ნაღიმსა და ზეიმს, ლხინსა და განცხრომას, ფუფუნებას და მოსვენებას.

და კვაჭიც დარწმუნებული იყო და ფიქრობდა, რომ ის მზეთა-მზე ქალაქი და ფრანგთა მთელი ქვეყანაც კვაჭივით ატარებენ თავიანთ სიცოცხლეს და ჰხარჯავენ თავიანთ ძალღონეს.

ის კი არ იცოდა ფლიგელ-ადიუტანტმა, სილიბისტროს შვილმა, ან საიდან გაიგებდა, ან როგორ მოიფიქრებდა და დაიჯერებდა, რომ სწორედ იმ დროს, როცა იგი დღეს აღამებდა და ღამეს ათენებდა ვნების ხანძარში და სიტკბოების მორევში, იმ უთვალავ ხალხის ოთხმოცდა-ცხრამეტი ნეასედი ერთ ლუკმა პურისთვის, თავის ოჯახისთვის და პატროსნებისთვის დღე-ღამეს ასწორებდნენ, წელეებზე ფეხს იდგამდნენ და მთელ თავის სიცოცხლეს მუდმივ ფუს-ფუსსა, დაუდგრომელ შრომასა და ჯაფაში ჰლეუდნენ.

* * *

ელისეს ხეივანზე კვაჭის დაქირავებული აქვს პარიზულად მოწყობილი პოტელ-სასახლე. კვაჭის გარდა იმ სასახლეში ბუდობენ ბესო, სედრაკა, ჩიკინჯილაძე, ჩხუბიშვილი, კამერდინერი ვასილა, კვაჭის წამკითხველი და ფრანგულის მასწავლებელი სუსანა,—შაცმანის ნაშოენი, დაბალი, ფუნჩულა, ცქრიალა, მარდი და მხიარული,—ხუთიოდე „გრიზეტი“ და ათიოდე მსახური,—კარის დარაჯნი, ლაქიები, მზარეულნი, მებაღე, მეჯინიბე და შოძერი.

კვაჭიმ ადვილად დაისწავლა ფრანგული, ადვილად გაიგნო გზები და ბილიკები იმ ქალაქში და მალე შეითვისა იქაურ რანტიებისა და ქლანიორების ხე-ჩვეულებანი, ადათი, წესი და კანონი.

თითქმის ყველა მისი ნაცნობ-მეგობრები თავადების, ჰერცოგების, გრაფების, მარკიზებისა და ბარონების ტიტულებს ატარებდნენ და ნარჩენები ფულიანები და ზრდილნი მაინც უნდა ყოფილიყვნენ.

დილით ადრე კვაჭი გრუმს გაიყოლებდა, ჯიშთან ინგლისურ ცხენით ელისეს ხეივანს დაჰყვებოდა, ბულონის ქალაქს მოივლიდა; მერე დილის ყავას დიდ ბულვარებზე მიირთმევდა, საუზმეს მეგობრებთან ერთად თავის სასახლეში ვიახლებოდათ; ხუთი საათის დაიწყო-ო-კლოკს „კარლტონის“ ან „ინგლისის“, ხან „მადრიდის“, ხან კიდევ „ელისეს“ ყავახანაში დაღვვდა, შვიდ საათზე „მაქსიმთან“, ან „გრანდ ოტელში“, ან სხვა რჩეულ რესტორანში ისადილებდა და სალამოსა და ლამეს კაბარე-შანტანებში ატარებდა.

ხშირად ჰყავდა სტუმრები და თვითონაც პატივად კაფე-რესტორანში მიდიოდა, რადგან მისი მეგობრები უცხოელნი იყვნენ და სასტუმროში სცხოვრობდნენ, ხოლო ფრანგების სიფრთხილე და მორიდება კვაჭიმ ჯერ ვერ დასძლია და მათი ოჯახის კარები ჯერ ვერ გააღო.

რესპუბლიკის მუზეუმში ნაპოლეონის ოქროს სერვიზი ნახა:

— იმე, იმაზე ნაკლები ვარ, თუ? სახელი მაინც მაქვს მისი!

და თავისთვის ოქროს ჭურჭელი იყიდა.

დიდ ბულვარებზე ერთხელ ქერა ქალს შეეფეთა:

— რებეკა! ჩემო რებეკა! ჩემო ტურფავ, ძვირფასო რებეკა!

ადესიდან გაქცეულს ლებეკას ქმარს, რომელიც კვაჭიმ ჩამოხრჩობას თუ არა, კატორღას მაინც გადაარჩინა, ჰოსმანის ბულვარზე დიდი მალაზია ჰქონდა და მთელი დღე შიგ ტრიალებდა.

— უფრო კარგი.— მოიწონა კვაჭიმ და გახარებული რებეკა მაშინვე მოიტაცა.

მას აქეთ კვაჭი და რებეკა კვირაში ორჯერ მაინც ჰხედებოდნენ ერთმანეთს ორი-სამი საათით— ხან კვაჭის სასახლეში, ხან რებეკას კობტა ბინაზე მალერბის გაშლილ ბულვარზე.

კვაჭი არსიდ აკლდებოდა და ყველგან ჰქონდა თავისი ალაგი. გამოფენის ვერნისაჟს, ოპერას, სეირნობას, დოღს, თეატრ-ვარიეტეს, ფოლი-ბერჟერს, ოლიმპიას და ყოველნაირ საზეიმო სახანაობას და გასართობს.

ერთხელ პარიზის სალონის ვერხისაჟზე კვაჭი მოულოდნელად დაფეთდა:

— ელენე!.. ტანია!.. ღმერთო ჩემო... საიდან, როგორ?

ექვსი თვე იქნებოდა, რაც ელენემ და ტანიამ „არკადიაში“ გრიშკას მიერ ატეხილ სკანდალს თავი მოარიდეს, მას აქეთ პარიზში სცხოვრობდნენ ფობურგ-სენტ-ჰონორეს ხეივანზე, მაგრამ აქამდის არ იცოდნენ კვაჭის ყოფნა პარიზში.

თავადი ვიტგენშტეინიც პარიზში ჩამოსულიყო და ტანიას და ელენეს დასდევდა, უფრო კი ტანიას ევლებოდა თავს, რადგან იმ ხანებში თვითონ გაკოტრებულიყო და გაკვაჭებულიყო.

კვაჭის არ ეწყინა ეს ამბავი. პირიქით, გაუბარდა კიდევაც, რადგან სამიოდე ახლად ნაშოვნ საყვარელის გარდა, საზრუნავი და მოსავლელი ჰყავდა ლიზეტი, სუსანა, რებეკა და ელენე.



რადგან გაუმაძღარი და ქანცდალეული კვაჭი სულ ახალახლებს ეძებდა და ჰპოულობდა, ამიტომ მალე გამართლდა იმის თავზე ეძებდა: კვაჭი თავისს საყვარლებს ამარილებდა და აცმევდა, ხოლო სხვები ჩინებულ-უცნობნი—იმ ქალებს ჰხდიდნენ და კვაჭის ჰშველოდნენ.

* * *

კარგა ხანია კვაჭის არც ერთი საქმე არ „გაუმასქნებია“. გრიშკა რასპუტინის მეოხებით ნაშოვნი ფული თოვლივით დნებოდა. კვაჭის ეს ამბავი არც ძალიან აწუხებდა, მაინც ბოლო დროს საფიქრებელს მიეცა და ცხვირი და ტვინი აამუშავა.

ლუვრში სიარულს მოუხშირა. მეგობრებს ეუბნებოდა:

— უნდა ძველი მხატვრობა შევისწავლო.

აპოლონის დარბაზი შეუყვარდა. ნაპოლეონის იარაღს და ბრილიანტებს თავს დასტრიალებდა, იმ ყუთს ჰსინჯავდა, იქაურობას ათვალთვლებდა და შენობის გეგმას წიგნში იხატავდა.

ერთხელ კვაჭიმ დრო იხელთა და განძეულობის ყუთი ქვეიდანაც დაათვალიერა. აღმოჩნდა, რომ პატარა მაგიდის ოდენა ყუთი ოთხ ფეხზე ბურღებით იყო მიმაგრებული. მას აქეთ კვაჭი უფრო ჩაფიქრდა, დიდ საგონებელს მიეცა.

სედრაკას ჰკითხა:

— ხატვა იცი?

— ვა, ისეთი ხატვა ვიცი, რომ... სერიოზო რომ დაეხატო, ჯორის თავი გამომივა.

— კაი, ხუმრობა იქით იყოს. დეიქირავე მასწავლებელი და შეუდექი გრაფიონობის საქმეს. ხატვა ჯერ საჭირო არ არის. ყველაფერს მერე აგიხსნი. ვაიგე?

— ვაიგე. ხვალვე შევუდგები...

მერე ერთ ვაჭართან მივიდა, რომელსაც იმიტატურ თვალ-მარგალიტის მალაზხია ჰქონდა.

— თავადი ტრუბეცკოი გახლავართ. ერმიტაჟის მუზეუმმა დამავალა შევიძინო ასლები იმ განძეულობისა, რომელიც ლუვრში აწყვიდა.

მოილაპარაკეს და მორიგდნენ. იმ ვაჭარს ხელოვნურ ბრილიანტებისაგან უნდა გაეკეთებინა სრული ასლი იმ განძეულობისა, და არც ერთი ბრილიანტი არ უნდა ყოფილიყო არც ერთი კარატით ან მეტი, ან ნაკლები.

მერე ბესო დაარია:

— წადი ვინმე გრაფიორთან და შეუკვეთე აი ამ ზომის ორი ფიცარი. ზედ უნდა დახატული იყოს საერთო მოხაზულობით აი ეს სურათები.

და გადასცა ორი სურათი, გადმოღებულ აპოლონის დარბაზის კედლებიდან.

— სერიოზო წა ხელოსანთან და გააკეთებე კაკლის ხის ნამდვილი ასლი ამ

ყუთისა. ფეხები საჭირო არაა. აი ფოტოგრაფიული სურათიც. ქვერიდან/ ასეთი ბურ-
ლები უნდა ჰქონდეს. ა ნახატიც და ზომაც.

ერთი თვის შემდეგ ყველაფერი მზათ იყო.

ქვერიდან
სიგარეტები

— სედრაკ, წა იმ დარბაზში და ეს გრავიურა დაასრულე. ეილე ნებართვა.
ნელა იმუშავე. არ გეიგონ, რომე ფინაჩი ხარ, თვარა...

სედრაკა დღეში ერთი საათი ზის აპოლონის დარბაზში და ჩხირკედ-
ლობს. უფრო ხშირად დარაჯს ეხუმრება, სიგარეტით, კონიაკით და შოკოლადით
უმეგობრდება. ორჯერ-სამჯერ სალამო პტი-კაფესა და პტი-კაბარეში გაატარეს.
სედრაკას ფიქრები და იარაღი ერა, შუშაბანდიან ყუთში აქვს ჩაწყობილი, რომე-
ლიც არაფრით განირჩევა იმ ყუთისაგან, საცა განძეულობა აწყვეია. სედრაკა რომ
საქმეს გაათავებს, თავის ყუთს უფრო დიდს და უშნო ყუთში ჩასდებს, მაგრად
დაჰკეტავს და იქვე კიბის თავზე, ქერქვეშ შეინახავს.

დარაჯი, სერიოჟა, გაბო და სედრაკა ერთმანეთს შეეჩვივნენ.

წინა ღამეს კვაქიმ თავის ამხანაგებს რთული დარიგება მისცა. მეორე დი-
ლით ხუთივე ამხანაგი ლუვრს მიადგნენ.

სედრაკამ კიბის თავიდან თავისი ყუთი აპოლონის დარბაზში შეათრია.
შეჰყვენ გაბო, ბესო და სერიოჟაც.

— ბონჟურ, მონ ამი! (გამარჯვება, მეგობარო!)

— ბონ ჟურ მონ შერ! (გაგიმარჯოს, ჩემო ძვირფასო!)

— სავა ბიენ (კარგად ხარ)?

— კომ ტუჟურ, მერსი ბიენ (როგორც ყოველთვის, მადლობელი).

სედრაკამ ყუთი გახსნა, იქიდან ყველაფერი იმოილო და მუშაობას შეუდ-
გა: სპილენძის მეორე დაფას სერიოჟა აწვალებდა.

ადრეა. იმ დარბაზში სხვა არავინ არის.

ნახევარ საათის შემდეგ სედრაკამ მუშაობას თავი დაანება და დიდ ფან-
ჯარას მიადგა.

— მეგობარო, აქ მოდით ერთის წუთით.

დარაჯიც იმ ფანჯარას მიადგა.

— ერთი მითხარი, აგერ, სენის გაღმა რომ მოსჩანს, რა შენობაა? უცხო-
ელი ვარ, აქაურობის ჯერ არაფერი ვიცი.

— როგორ, აქამდის არ იცი? ის არის პოტელ-დე-მონე (თულის საქ-
რელი)...

— ესა?.. ისა?.. ეს ხიდი?.. ის შენობა?.. — ეკითხებოდა სედრაკა,

— აქეთ სამეცნიერო ინსტიტუტია... უფრო ქვეით ხელოვნების სკოლა
გახლავთ... უფრო ქვეით, სენის გაღმა მოსჩანს ორლენის სადგური... კიდევ
ქვეით საპატიო ლეგიონის სასახლე... გაღმა სანაპიროს ჰქვეიან ორსეის სანაპი-
რო... ეს ხელოვნების ხილია... ის კარუსელის ხილია...

სანამ დარაჯი ყბედობდა, ამხანაგები ორი ყუთის გარშემო ფუსფუსებდ-
ნენ. ყუთის ბურლები ორი დლით ადრე იყო მოშლილი. ორ წუთში მოხსნეს
ერთი ყუთი, მის მაგიერ დასდგეს მეორე; პირველი ყუთი, განძეულობით საესე
ჩასდგეს ხის ყუთში, დახურეს იგი და წავიდ-წამოვიდნენ.

კვაჭი შემოსავალ კარებიდან გულის ფანჯრალით ~~დაღვნივლი~~ /თვალყურს მუშაობას.

ხუთი წუთის შემდეგ სედრაკამ იარალი ჩაალაგა:
 — ორევეუარ, მონ შერ!
 — ორევეუარ, მონ ამი!

ის ყუთი ისევ კიბის თავზე აიტანა. კვაჭიც აპყვა. ორ წუთში მინა ალმასით ჩასჭრეს, ბრილიანტები ჯიბეებში ჩაიწყეს, ძვირფასი იარალი ნაპოლეონის მახვილი—შპაგა კვაჭიმ პალტოს ქვეშ ამოიღო. სხვები ქვემო კარებთან იცდიდნენ.

მოუსვენს და მოჰკურცხლეს.

იმ საღამოს, როცა ფული გაინაწილეს და ჯიბეებში ჩაიწყვეს, ამხანაგებმა ასეთი ბაასი გააბეს:

— კნიაზ, იცი რა უნდა გითხრა? მოდი ჭკუაზე მოვიდეთ. — დაიწყო ჰავ-ლაბრიანმა.

— რას ლაპარაკობ, შე ყაზილარო, ჭკუაზე არ ვარ თუ?..

— თუ დამიჯერებ, ჭკუაზე ყოფილხარ, თუ არა და შენ — იცი. ეს ხომ კარგი საქმე გავაკეთეთ. ამოდენა ფულს ვერც მამაშენი სილიბისტრო, ვერც მამაჩემი გალუსტა სიზნარშიაც ვერ ჰნახავენ, ერთ კვირაშიც ვერ დასთვლიან. მოდი ჭკუა ვიხმაროთ და გავათავოოთ... ჰამე?.. ვიცი, რომ ჯერ-ჯერობით ქეიფის მეტს აღარაფერს აპირებ, ჰამა ეს ფულიც გათავადება, განა! ნერე ისევ თავიდან უნდა დავიწყოთ. ერთიც იქნებაა, კოკა წყალზე გატყდებააა. მერე? ყველაფერი შხამად ამოგვივია! თავზე საყრელი ფული გვააქვს. ეს „ხაგრანიცაც“ დავიარეთ; თუ გინდათ, ცოტა კიდევ ვიხეტიალოოთ; ამოდენა ქეიფი გავწივთ, ღუნისას ქალები „დავპრობეთ“, ებლა დავსხდეთ და კეთილად ვიცხოვროთ. ჰამ ციხესაც თავიდან ავიშორებთ, ჰამ პატივიც შეგვრჩებაა, ჰამ სიკეთესაც დავთესავეთ, ჰამ ოჯახსაც ავიშენებთ და საქმესაც გავიჩიენთ. ჰა, ჩემი სიტყვა ჭკუაში დაგიჯდათ თუ არა?

— იმე, აი სედრაკა თლა „გამეშჩანებულა“! — წამოიძახა კვაჭიმ. — პარიზს თავი დავანებო და თლათ დაფსილ საქართველოში გავიქცევ! აი მზეთუნახავი პრინცესები აქინე დავტოვო და ღვანკითელ კაროენას გამევეკიდოო! აი სასახლედან გამევიდე და სამტრედიის, თუნდ თბილისის საქათმეში შევიდე!

— „ოლიმპიას“, „მულენ რუეს“, „კაჟე-რიშს“ მოვცილდე და დანიელა ურიას, ლაითაძეს და ერემოს ვადვეკიდოო?! — გაიკვირვა ბესომაც.

— აქოურ აპაშების კაბარე და დიდ ბულვარზე ერთი გასეირნება მირჩენია თლა საქართველოს. — დაადასტურა ჩიკინჯილაძემ. — თლა გედირია აი სედრაკა.

— რას ეძებ, რა დაგრჩენია იქინე, შე სულელო, შენა? — ჰკითხა კვაჭიმ.

— ზოგი გითხარით, ზოგსაც გეტყვით, რალა! იცით რა დამრჩენიაა? მოხუცებული დედ-მამა, ჩემთვის რომ ასე დაიტანჯნენ; ღარიბი ნათესავები, ამდენ ხანს რომ პირში შამომცქერიან და ჩემს ჩასვლას რომ ცის მანანასავით ელიან... ამხანაგებმა სიცილით გააწყვეტინეს.



— აკი ვთქვი, თლათ „გამეშჩანებულა“ თქვა!

— რა დამრჩენია? ვაა, ყველაფერი: თელავის ვენახებზე-ქაფიკვარის გადასახადი, ცივგომბორის ნიაფი; კახური ღვინო, ჩვენებური ყურყურა თვალე-ბიანი გოგოები, ერთგული ძმა-ბიჭები...

— უჰ, შენი ჭირიმე, შენი!—წამოიჭრა და აღელდა გაბო ჩხუბიშვილიც.— გორში რა დამრჩენია? გორის ციხე, — ვენაცვალე იმის ამშენებელსა!—იმის თავზე რომ ძმა-ბიჭები სუფრას გავშლით, მწვადებს რომ ავაშიშინებთ, ერთ სუფრულს რომ დავსძახებთ და ტკბილ დუღუკს რომ ავაკანკალებთ...

სედრაკამ სიტყვა ჩამოართვა:

— რიჭრაქზე რომ მეზურნე მაღლობზე გადმოდგება, საარს დაჰკრავს და გათენებას რომ მიესალმება...

მერე ერთმანეთს აღარ აკლიდნენ:

— დილით რომ მტკვარზე ტივი ჩამოივლის, ზედ რომ სუფრას გავშლით და ისარივით ქვეით დავეშვებით...

— ვენახში რომ მუშაობით ოფელში გაიწურები, მერე უუზარმაზარ კაკლის ჩრდილში ჩამოჯდები და ცივ კიტრს, ჩიხირთმას და მაწონს რომ მოუჯდები...

— სალამო გამზე რომ ღიახეში გაბანდები, მერე იმის ტოტს რომ დასწვეტავ და თევზზე იხელავებ; იქვე რომ ცეცხლს ააგუგუნებ და ცოცხალს მოხარშავ...

— სთველში რომ ტკბილი ბუდეშურით გაძლებით, მერე კომშიან ციკანს რომ მიადგები და ზედ რომ საფერავის ან რქაწითლის მაჭარს დააყოლებ, თან დედას ლევანა რომ კახურსაც შემოსძახებ...

— ნანადირევე ქედანსა და კურდღელს რომ ქალაში ააშიშინებ...

— მერე უღრან ტყეში რომ შეერევი და გაგრილდები...

— იმე, რა მოუფიდათ აი ყაზილარებს!

— მეგონა, აი კაცები გაეგროპიელდენთქვა, განათლდენ და ცივილიზაცია შეითვისესთქვა, ნამდვილად კი თლად ახიელები ყოფილან!

— მაიზა მეიგონა დარვინმა ატავიზმის კანონი. ხეხილი რომე გააჯიშიანო, უცბად თავს შეიგიჟიანებს და ძველ ჯიშს დაუბრუნდება, ამათაც ამ ატავიზმის ამბავი დეემართათ.

— რა ესმით მაგ ატეიზმისა ამ ყაზილარებს! — აურია ერთმანეთში კვაჭიმ ატავიზმი და ატეიზმი.

გაბომ კიდევ დაასაბუთა თავისი გატაცება, წყურვილი სახლში დაბრუნებისა, და სამშობლო ახსენა.

ეს სიტყვა ხელზე დაიხვიეს:

— თელი ქვეყანა ჩემი სამშობლოა. — სთქვა კვაჭიმ, — საცა განვითარებული ქვეყანაა, იგია ჩემი საცხოვრებელი; მე მიყვარს კულტურა, ცივილიზაცია, პროგრესი, სუფთა ქუჩა, მოკრიალებული ბინა, კაი-კაი გასართობი; მომწონს გახამებული პერანგი, ცილინდრი, ლაკრონის ფეხსაცმელი; მიყვარს ჯიშიანი გარეცხილ-გაბანებული ქალები, ფარჩის საცვალი რომ აცვიათ და იმ საცვალს კვირაში ორჯერ მაინც რომ გამოიცვლიან; არ მესმის, რავე შეიძლება ცხოვრე-

ბა ისეთ ქალაქში, საცა არ არის რამოდენიმე უმაღლესი სკოლა, ათიოდე თე-
ატრი, მეცნიერება, ხელოვნება, საცა გონებრივი ცხოვრება მიხელებულია, ან
სრულებით არ არსებობს.



— საცა გემრიელი ლუკმა მაქვს, ჩემი სამშობლები ჩემს ჩაურთო
ბესომაც.

— რაში უნდა გამევიყენო საქათმეების და მეცხვარე-მებაღეების სამშობ-
ლო? — გაიკვირვა სერიოკამ.

— ევრიჭაა! — წამოიძაბა გაბომ — მაშ ასე ყოფილა: თუ დედა-ჩემი ძალიან
ბებერი, საწყალი და უშნოა, უნდა ხელი ვკრა, დავივიწყო და თავი მივანე-
ბო, რაღა!

— ან კიდევ, — გააწყვეტინა სედრაკამ, — თუ ჩემი მშობლები ახალგაზრდე-
ბი, ლანაზები, ჯანიანები, განათლებულები და მილიონერები არიან, მაშინ უნ-
და გავუწიო შვილობა, განა! აფსუს ჩემო ბებრუცანა გალუსტავ! აფსუს ჩემო
უკბილო მართა! მაგისტვის შემომწირეს თავიანთი სიცოცხლე და ახალგაზრდო-
ბა, რომ უმაღურმა სედრაკამ სიბერეში ზურგი შეაქციოს და სამადლოდ მიუგ-
დოს ვინმეს!?

— ლაპარაკობს, რაღა! — ჩამოართვა სიტყვა გაბომ, — სიტყვებით კოჭაობს,
თორემ რათ აუთრევიან თვითონ კვაჭის თავის დედ-მამა?

სიტყვა ბანზე ააგდეს, ისევ ჭამა-სმას გადასწვდნენ და გაპყვნენ სედრაკას,
რომელმაც იმ დღეებში ლათინურ უბანში ერთი პატარა აღმოსავლური რესტო-
რანი იპოვა.

შევიდნენ და გადაატრიალეს ბერძნების თავშესაფარი. თვითონაც დატ-
რიალდნენ და ყველამ ერთად შეთინთხლეს და სუფრაზე გაშალეს ყველი და
მწვანილი, კვიპროსის წითელი ღვინო და ბერძნული კონიაკი, ტაბაკა და ფლა-
ვი. ლულა-ქებაბი ლავაშით, მწვადი ხახვით, დოში, მოთალი, ჩიხირთმა და ცო-
ცხალი.

დილამდის იქეიფეს ქართულის ქეიფით, თან ბერძნებიც ჩაითარეს, და-
ათერეს და იქვე იატაკზე მიაწვინეს. მერე გაბომ და სედრაკა გზის სამზადისს
წეუდგნენ და მეორე დღესვე შინისკენ წამოვიდნენ.

რამდენიმე თვის შემდეგ პარიზში დარჩენილმა ამხანაგებმა გაიგეს, რომ
გაბომ დიდი ცხვრის ფარა, სახლ-კარი, სახნავ-სათესი, ტყე და საძოვარი მთე-
ბი, იყიდა, ხოლო სედრაკამ თელავში დიდი სავაჭრო გახსნა, თავის ვენახს კი-
დევ სამი ვენახი მიუმატა და ტფილისთან ალებ-მიცემობა გააბურა.

ორივემ შეისრულეს ნატვრა: დედმამა გაანარეს, მოყვრობა და ძმა-ბიჭობა
გაიმრავლეს, თბილი ბუდეები აიშენეს.

ორივენი მუშაობით იღლებიან, კაკლების ქვეშ ისვენებენ, დუღუკით და
ზურნით ქეიფობენ, ზოგჯერ ბანაობენ, თევზაობენ და ნადირობენ.

ხშირად მწვადსა და ჩიხირთმას შეექცევიან, ზედ წითელ კახურსაც მია-
ყოლებენ, სუფრულსაც იტყვიან და თვალუუუნა გოგოებსაც დასდევენ.

წარსულსაც ხშირად იგონებენ და ტოლ-ამხანაგებს უხეშის ენით, ბორ-



ძიკით და ლულულულით ადესის, პეტერბურგის, ვენისა და პარიზის/ამბებს უამბობენ.

ქვეყნის

კვაჭის სიტყვები გამართლდა: გაბო და სედრაკაზნი და სხვები დაიბნენ, ქვეყანას ჩამორჩნენ და დაბნელდნენ: საპონს თითქმის აღარ იკარებდნენ, საცვალს იშვიათად იცვლიდნენ, თეთრ საყელოს და ხელთათმანს აღმაცერად შესცქეროდნენ, გაზეთს ხელში აღარ აიღებდნენ, თეატრს აღარ ეკარებოდნენ და ქალაქის სუფთა ხალხს თითქოს ერიდებოდნენ და იზამუშებდნენ.

სამაგიეროდ თავიანთ ქვეყანაში სცხოვრობდნენ, იმის ჰაერით სუნთქავდნენ, იმის მიწას ჰხნავდნენ, და იღუმალის გრძნობით და ალღოთი იმის დარდით დარდობდნენ და იმის ლხინით ლხინობდნენ.

ხოლო კვაჭი, ბესო და სეროიჯა ისევ ევროპაში დაჰქროდნენ, დიდი ბულვარებით ჰსუნთქევდნენ, ყავახანებში სცხოვრობდნენ, კაბარე-რესტორანებში იღეოდნენ, ქალებში დნებოდნენ, ჯენტლმენობდნენ, თავადობდნენ, მარკიზობდნენ და დროგამოშვებით კომბინაციებს „გააიმაქნებდნენ“.

ვინ იცის, ვინ გაიგებს, ვინ წააგო და ვინ მოიგო: კვაჭიმ და იმის ამხანაგებმა, თუ გაბომ და სედრაკამ?

* * *

კვაჭიმ იგენა და შეითვისა ევროპის გემო და უსაქმო, ფულიანი კაცის მადა, ადათი და ხალისი ცხოვრებისა.

პარიზში კობტა პოტელ-სალონი ჰქონდა, ექსლე-ბენში და ბიარიცში თითო კოპწია ვილლა, ნიცცაში — იახტა, სადგურზე — სალონ ვაგონი, გარაჟში — სამი ავტომობილი, საჯინიბეში — ექვსი ცხენი და ჯიბეში — ჩეკის წიგნაკი.

ქალებისა და საყვარლების ანგარიში ხომ დიდი ხანია აერია. ტანია, ელენე, რებეკა, სუსანა და ლიზეტი დაჰრდილეს დემიმონდის უფრო დაგეშილებმა და წარჩინებულებმა.

ერთხელ ფრანგულის მასწავლებელმა მამუელმა სუსანამ თავის შეგირდს — კვაჭის ყურში მორცხვად რაღაც ჩასჩურჩულა.

— შეუძლებელია! დაუჯერებელია! — წამოიძახა შეშინებულმა კვაჭიმ. — იქნება... გამოტყდი, იქნება შესცდი სადმე.

სუსანა ატირდა.

რამდენიმე დღის შემდეგ კვაჭიმ სუსანას სხვა ალაგი უშოვა, ხოლო ხუთი თვის შემდეგ პენსია დაუნიშნა თავის შვილის გასაზრდელად, რომელიც ახლო არ მიიკარა იმ მიზეზით, ვითომ სუსანა სხვას გადაჰკიდებოდა და შვილიც სხვისა ყოფილიყო.

იმავე ხანს კვაჭიმ ტრუვილში გაისეირნა. საღამოზე პლაჟზე გავიდა, საცა ამ დროს მობანავე ქალები თავიანთ შიშველ ტანს გამოჰჟენდნენ ხოლმე.

მუშტრის თვალი გადაავლო იმ გამოფენას. გული მოიფხანა და თვალი გაიძლო იმ უცხო და იშვიათ სანახაობით. ყველა ჯურისა და ტომის ქალს გა-

მოეტანა იმ პლაჟზე თვისი ტანი; ოდნავ დაფარული სხეულსხევა ფერის ტრიკოტი:

მაღალნი, გაფშეკილნი, ძარღვიანნი, წითურნი, მიუტანებელი და კნაჭა ინგლისელები; ჩასუქებულნი, ბატივით გაფაფხულნი, განბერნი, მხარ-თქმოიანნი და ფამფალა ფლამანელ-ჰოლანდელები:

ახოვანნი, მედიდურნი, ფარშევანგიანნი და თეთრნი სკანდინავ-გერმანელები; მოსხლეტილები, გამხდრები, მარდები, ამპარტავანნი, შავგვრემანნი და ბრინჯაოს ფერის ესპანელები;

არეულის ფერისა და ტანადობის იტალელები და ფრანგნი — მკვირცხლნი და კეკლუცნი; რხეულნი და მოხდენილნი; ცეცხლოვანნი და შმაგიანნი, ქურციკოვანნი და გედოვანნი; მორცხენი და თამამნი; მაღალნი და დაბალნი; სრულნი და გამხდარნი; ქერანნი და შავგვრემანნი; მამხელები, მადამები, მილედები, მისსები, მისტრისები, დონნები და ყოველი წოდების, წონის, ტომის, ფერისა და ჯურის ქალწულები და დედაკაცები.

უცებ იქვე, ზღვის ტალღებიდან ამოვიდა ქავის ფერის იმ ქვეყნიური აქროდიტა, შვენიერი ოკეანიდა, მზეთუნახავი ალქაჯი: კვიპარისოვანი, მოსხლეტილი, დიდმკერდიანი, თქმოიანი, წელწერილა, თხელძვალა, მაღალკისერა, ალისთმიანი და ცისტვალა. იმ ალმა კვაჭი ვერ შეამჩნია. იქვე წყლის პირას შესდგა, თეთრი მკლავები კისერზე ჩაიწნა, გადმოიზნიჭა და ტკბილად გაიზმორა.

— ღმერთო დიდებულო! — წამოიძახა გულში კვაჭიმ და მაშინვე აინთო, აიშალა და აიღეწა. — აი ცოცხალი, ახლად დაბადებული აქროდიტა! აი ნამდვილი ქვეყნის თვალი! ქალიც ეს ყოფილა და დედაკაციც! ღმერთო მიშველე! ღმერთო ხელი მომიმართე და მერე მიმსახურე; ფიცს გაძლევ, უუვალო ძლიერო, რომ ერთ ეკლესიას ააღიშენებ და სანთელს ჩაუქრობელს არ გამოგიღევ.

ამ დროს იმ ალქაჯმა მოიხედა, დიდრონი ცისფერი თვალები კვაჭის მიანათა, იმ თვალებით, ჯადოსნური ღიმილით და მძივის კბილებით კვაჭის ცისკარი გაუხსნა, იგი რაინდი ცეცხლის ალში გაჭხვია, დასწვა და მიზნიდა; მერე უცებ თვალები დაიბურა, კისერი გაიჭიმა, რამდენიმე შველურის ნახტომით კაბინში შევარდა და იქ ვერცხლის ხმით გადიკისკისა.

ერთი საათის შემდეგ კვაჭიც იმ პოტელში გადავიდა, საცა ის აქროდიტა ბინადრობდა. კარის კაცს ხელში ერთი ოქრო მიაჩნია და იმ ქალღმერთის ვინაობა გამოჰკითხა.

— ლედი ჰარვეი, — უპასუხა კარის კაცმა, — ქვრივი ლორდ ჰარვეისა, რომელიც შარშან ინდოეთში ნადირობის დროს ბენგალიის ვეფხმა გაგლიჯა. უუვარს ცურაობა, რულეტზე თამაში, სისხლიანი ბიჭშტექსი, ნადირობა, თევზაობა, ყვაფილები და... თქვენისთანა შავგვრემანი ვაჟკაცი.

მთელი ღამე კვაჭი კაზინოში ლედი ჰარვეის დასტრიალებდა. რულეტი ბზრიალით ტრიალებდა, კრუპიე შეჩვეულსა და გაზეპირებულს გაიძახოდა:

— Medames et monsieur s, faites vos jeux!.. Rienne ne vaz plus!
 მოლარენი პაწაწინა არნადებით იხვეტდნენ მოგებას და მიურწყავდნენ წა-

გებას. მოგებულნი ილიმებოდნენ, წაგებულნი ილუშებოდნენ, სოლო ყველანი საერთოდ ზოგნი მალულად და ზოგნიც აშკარად ჰლელადნენ, ჰფიცობდნენ, სტოკავდნენ.

ლედი ჰაერვეის გვერდით ედგნენ მისი კომპანიონი მისი ჰოპკინსი, — კნაჰა, ბეცი, სუსხიანი და ხნიერი ცერბერი, და ოციოდე წლის ქერა ჰაბუკი, — ქალივით ხაზი, მორცხვი, მორჩილი, ფუნჩულა და უცოდველი ბრიტტი.

მამაკაცი ლედის თვალს არ აშორებდნენ, აჩრდილებივით დასდევდნენ. ენებს ილოკავდნენ, გულებს იფხანდნენ და თვალს წყალს აღუვინებდნენ.

ლედი ჰარვეიმ ორიოდე ათასი წააგო, კვაჭიმ — ოციოდე ათასი. ქალაჩუნა ჰაბუკი ხანგამომშვებით უზიდან ფულს ამოიღებდა და ლედის ჩუმიად ხელში ჩაუდებდა; მისი ჰოპკინსი სტკნუტავდა, ლედი ჰარვეი ღვთაებრივ შუბლს იტმუხენიდა და იმ ფაფუკ ბიჭის მეტს ახლოს არავის იკარებდა.

ბოლოს გედის ყელი მოიღერა, იქაურობა ცის შუქით გაანათა, აბრეშუმის კაბის შლეიფი აიკრიფა და ფარშევანგის ნაბიჯით დარბაზიდან გაცურდა, თან მამაკაცთა ღიმილი, ზეთიანი თვალები და ნდობა-სურვილი გაიყოლა.

კვაჭიც გაჰყვა. ჰოტელის კარის კაცს შეუკვეთა:

— ხვალ დილით ლედი ჰარვეის საუკეთესო ყვავილების კალათა მიართვით, ესეც შეუგზავნეთ.

და თავის სადარბაზო ბარათი გადასცა.

მეორე დილით კვაჭის ვერცხლის სინით შეუტანეს ატლასის პაწაწა ბარათი. ერთ მხარეს ეწერა: „გმადლობთ. გზაში ძალიან მიყვარს ყვავილები. ნუ მეძებთ!“ მეორე მხარეს დაბეჭდილი: ლედი ელიზაბედ ჰარვეი. ლონდონი. ვესტენდი. ჩერინგ-კროსი, 276.

— როგორ, ნუ მეძებო? ქალი რომ მეტყვის, ნუ მეძებო, პირუკულმა უნდა გაიგო, უნდა მიჰყვე და მოსძებნო. ეხლავე გამიგეთ, საით წავიდა? როდის წავიდა? ბესო, აიბარგე! ჩქარა, ნუ იცოხნები!.. რაო, ჰაერში წავიდა გემით? მაშ კარგი, ალბათ ლონდონში მიდის. ბესო, ჩქარა დაიქირავე მოტორიანი ნავი. კარგი დარია, დავეწევი, ან ინგლისში მიმავალ გემს მივუსწრობ.

ჩასხდნენ დიდ ნავში და ჰაერისკენ გაუტიეს. რომ მიუახლოვდნენ, იმ ნავს გვერდით დიდმა გემმა გაუარა. გემის ბაქანზე კვაჭიმ თვალი მოჰკრა მოაჯირზე გადმოყუდებულ ლედი ჰარვეის, რომელმაც იცნო კვაჭი, გაუცინა და ხელსახოცი დიდხანს უჭნია.

კვაჭი ნავის პატრონს ეცა:

— სად მიდის ეს გემი?

— საფრანგეთს და პორტუგალიას ჩაუვლის, მერე ესპანეთის ნაპირებს აჰყვება და მარსელში ამოვა.

— შეიძლება დავეწიო?

— მხოლოდ რკინის გზით, ბრესტში ან სენ-ნაზარში, ისიც თუ ექსპრესი შეგხვდათ.

ერთი საათის შემდეგ კვაჭი საგანგებოდ დაქირავებულ სალონ-ვაგონით მიჰქროდა და მისდევდა გაფრენილ ახალ საბედოს. ორთქლმავალმა მიმინოს



ფრთები გამოიბა. სხვა მატარებლები სადგურებზე ისვენებდნენ და გაფათრებულ კვაჭის გზას უთმობდნენ. გაირბინეს რუანი, ლე-მანი, ანკე, ნანტი და დილით აღრე სენ-ნაზარს მიადგნენ.

- გემი „ბორდო“ მოვიდა?
- ერთ საათში წავა კიდევაც.
- მადლობა უფალსა! ბესო, ჩქარა!

ორი საათის შემდეგ, როცა გემი ოკეანეში გავიდა, ლედი ჰარვეიმ მეორე მზესავით ზემო ბაჭანზე ამოანათა. თავდახრილი კვაჭი წინ დაუხვდა:

- მილედო, ბოდიში და სათნოება. მწერდით, ნუ მომძებნითო. თქვენი პირველივე ბრძანება ვერ შევასრულე.

გაოცებულს, გაშტერებულ ლედის თითქოს ენა დაება:

- როგორ... საიდან... ეს გემი რომ ჰაერიდან წამოვიდა, თქვენ ჰაერში მიდიოდით.

- საგანგებო მატარებლით დაგეწიეთ, მილედო.
- თხოვნა მაინც არ შემისრულეთ.
- წყალში გადავარდნა რომ გებრძანებინათ, უფრო ადვილად დაგეთანხმებოდით, ვიდრე თქვენს დაკარგვას.

ინგლისური ყინულის გული მოჭიბლა და დაადნო კვაჭის რაინდობამ და გატაცებამ.

საფრანგეთ-ესპანიის საზღვართან—ქ. ბიარიცში, ბასკების ქვეყანაში, ორივენი გადმოსხდნენ.

სანამ გემი ნავთსაყუდარს მიადგებოდა, კვაჭიმ ბინოკლით კლდის წვერზე გადმოყუდებული კოპწია მავრიტანული ვილლა ლედის დაანახვა და ჰკითხა:

- როგორ მოგწონთ, მილედო.
- მშვენიერია. იმ სიმაღლეზე ცხოვრება სამოთხე იქნება. დიდი ბალიც აქვს. ნეტა თავისუფალი იყოს, დავიჭირავენბდი.

- თქვენთვის თავისუფალი გახლავთ, მილედო. ეგ ვილლა ჩემი გახლავთ. პატივი დამდეთ, გამაბედნიერეთ.

- თქვენია? მართლა? იქ ცხოვრება ჩემთვის უუდიდესი სიამოვნება იქნებოდა, მაგრამ...

- კვაჭი მაშინვე მიუხვდა:
- ნუ შესწუხდებით, მილედო. მე მეორე ვილლაზე დავბინავდები.

მორიგდნენ, ლედი ჰარვეი სიხარულით ცას ეწეოდა.

ორივენი დღე და ღამე სტკბებოდნენ, ილხენდნენ და ლალობდნენ. ხან პლაჟეზე წავიდოდნენ და იბანებდნენ, ხან მოტორიან ნავით შუა ოკეანეში ვაფიდოდნენ ან ბაიონაში შეივლიდნენ, ხან ავტოთი პირენეეს ქედს შეჰყვებოდნენ, ხშირად მთელი დღით იქ დარჩებოდნენ და ბასკთა შორის დროს ატარებდნენ.

ერთხელ ერთმა ბასკმა, ყავახანის პატრონმა ლედი ჰარვეის უპასუხა:

- ჩვენ ყველაზე ძველი ხალხი ვართ ევროპაში. ჩამომავლობით იბერიელნი გახლავართ.

-- იბერიელნი?—გაიკვირვა კვაჭიმ. — მეც იბერი ვარ, ივერიელი, ქართველი.

ორივენი განშტორდნენ. დიდხანს უცქირეს ერთმანეთს, უცხოდ რომ გამოჰკითხეს, ორივე ენა შეადარეს, ზოგი სიტყვები ერთმანეთს: ჩინაბუდრეს, მაგრამ მაინც ახლოს ვერ მიუდგნენ, ვერ დაენათესავენენ.

კვაჭიმ მხოლოდ ის გაიგო, რომ ერთ დროს ბასკები საუკეთესო მეზღვაურები და პირატები იყვნენ; რომ იმათ აღმოაჩინეს ყინულოვანი ოკეანე; რომ ბასკებს ერთ დროს ძლიერი სახელმწიფო ჰქონდათ; რომ ისინი საბოლოოდ არ დაჰმორჩილებიან არც რომაელებს, არც ესპანელებს; რომ ხანგამოშევებით პირენეეს ქედს ბასკები მოსდებდნენ ხოლმე აჯანყების ცეცხლს და მორწყავდნენ თავისუფლების სისხლით.

ბასკურ ენაზე სწავლა და სამართალი ეხლაც აკრძალული ჰქონდათ, ყოველი ბასკი იქადნის და ამაყობს თავისი სისხლით და თავისუფლების სიყვარულით; ბატონ-ყმობის უღელი არასოდეს გამოუცდია ბასკების ამპარტავან ქედს. რიცხვით ერთ მილიონამდე არიან; მრავალნი ლუკმა პურისთვის გადახვეწილან მექსიკას, კუბას და არგენტინას.

კვაჭიმ ისიც შეამჩნია, რომ ბასკები ესპანელებზე და ფრანგებზედაც უფრო მოსულნი, ლამაზნი და მარდები არიან; წვერს სუფთად იპარსავენ; წითელსა და ცისფერ ქუდს, ქამარს და მოკლე ახალუხს ატარებენ; ძალიან უყვართ ბურთაობა, ცეკვა, სიმღერა და სახალხო წარმოდგენა-გასართობი; დედაკაცები საუკეთესო ძიძებად ითვლებიან და მეტად მძიმე სამუშაოს ეწევიან.

კვაჭის გულში რაღაც ჭიამ გაუფაჩუნა, რაღაც მეტად შორეული, იღუმალის სისხლი უჩქეფდა; ერთის წუთით მან სუსტად იგრძნო ნათესაობა, მახლობლობა, სულიერი ერთობა იმ ხალხთან, მაგრამ ის ალი მაშინვე ჩაქრა და მიწელდა.

მალე ყველაფერი მიივიწყა, რადგან ამაყი ლედი ჰარვეის ერიდებოდა, ეჩოთირებოდა, არც სცალოდა.

სალამობით კვაჭი და ლედი ქალა-ბალებში დასეირნობდნენ, კონცერტებს ისმენდნენ, ხოლო შემდეგ ხან ერთ კაზინოში ივახშმებდნენ, ხან მეორეში, თან რულეტს ეტანებოდნენ, ხან მცირედს მოიგებდნენ, ხან მრავალს წაიგებდნენ.

ლედი ჰარვეის ყინულის გულმა კვაჭი ჩამოახმო და გააძვალა, მისი ცხელი გული დაადნო, დაჰლია და დააჰკნო.

ერთხელ კვაჭიმ ვახშამის შემდეგ ოდნავ ნასვამი მიღედი თავის აგარაკის ბნელ ხეივანში გულში ჩაიკრა. ორივენი ერთხელ კიდევ დაიწვნენ და ჩაიფერთლნენ ვნების ცეცხლში; კვაჭი ლედის ფეხქვეშ ჩაუვარდა; ეხვეწებოდა და ემუდარებოდა, თან ჭურციკის ფეხებს გულში იხუტებდა და ცრემლით უსველებდა.

ლედი ჰარვეი სიცილით გაუსხლტა და სახლში შევარდა. გამწარებული კვაჭი ბნელ ხეივანში ტრიალებდა, გულში მუშტს იცემდა და ბუტბუტებდა:

-- მაშ კაი... მე ვიცი აწი... მე ვიცი...

როცა ლედის საწოლ ოთახში შეუქი ჩაქრა, კვაჭი ფენაკრუთით აივანზე ავიდა და წინდაწინვე გაღებული ფანჯარა შეაღო.

— თავადო!.. ჯენტლმენ!.. როგორ გეკადრებათ!.. ეგვიპტეში... დავიყვირებ... მისს ჰოპკინს! მისს ჰოპ...
 ზიზღილიყიყიყი

კვაჭიმ ტუჩებით გააჩუმა შეშინებული ლედი და ჩაიბლუჯა, დაიურვა. ხუთიოდე წუთის შემდეგ კარების ჯკან მოისმა ჩუსტების ფაჩი-ფუჩი და მისს ჰოპკინსის ნამძინარევი ხმა:

— მილედო!.. ლედი ჰარვეი!.. თქვენ მეძახდით? ეძებთ რამეს?..
 სულ შეგუბებულმა ლედიმ ძლივს გააგონა თავის კომპანიონს ნაწყვეტიანი ჩურჩულით:

— არაფერს, მისს... არაფერს... ვიპოვნე... ვიპოვნე...

— თქვენც იპოვნეთ, მაგრამ არც მე დავრჩი ხელცალიერი.— ჩუმის სიცილით ჩასჩურჩულა ყურში კვაჭიმ ლედის.

— ტსს... ჩუმათ, შე გიჟო!— თავის მხრივ გახურებულ ტუჩებით გააჩუმა კვაჭი გარდაქმნილმა ლედიმ და გრძელი, მძლავრი მკლავებით სული შეუხუთა, კისრის ძარღვები დაუწყვიტა და დაახრჩო უკვე დამშვიდებული თავადი.

სამი დღე და ღამე არც კვაჭი და არც ლედი ჰარვეი აღარავის უნახავს, არც კაზინოში, არც პლაჟზე, არც ჭალაბალებში.

ბედნიერმა კვაჭიმ მეტის სიტკბოებით მოთენთილ ლედის მადლობის ნიშნად მავრიტანული ვილლა აჩუქა და მარმარილოს მაღალი მკერდი თხილის გულის ოდენა მარგალიტების მძივებით დაუმშვენა.

მერე ორივენი გაგიჟდნენ ნიმფომანიით, სატირიაზით და სირბილის სიგიჟით. ფეხი ვერსად მოიკიდეს და აფორიაქებული სისხლი ვერ ჩაინელეს. კვირაში ერთხელ მაინც სადგურისაკენ მირბოდნენ და ცეცხლმოკიდებულნი მთელი ევროპის სააგარაკოებში დაჰქროდნენ:

— ვიში!.. ოსტენდე!.. კარლსბადი!.. ტრუვილი!.. ექს-ლე-ბენი!.. მონტრე!.. ვევე!.. ლუგანო!..

ბოლოს, როგორც იყო, ნიცცაში— „პოტელ ნებრასკაში“ გაიდგეს ფესვი, გაგრილდნენ და მაისვენეს.

* * *

მონტეკარლოს კაზინო გაჩაღებულია. ირგვლივ ლაპლაპებს, იწვის და კრიალებს ოქრო, ბრინჯაო, ვერცხლი, მარმარილო, ძვირფასი სურათი, გობელენი, ხალიჩა, ფარჩა, ხავერდი და ატლასი. ქვეყნის ყოველ კუთხიდან ბედის საცდელად მოსული ხალხი იმ დარბაზებში ბუზივით ირევა.

ისმის ასი ენა და მოსჩანს ასი ტომი: ქერა ჩრდილელნი—რუსები, სკანდინაველნი, გერმანელნი და ინგლისელები; მკვირცხლი, ფიცხი, შავგვრემანი ფრანგები, იტალიელნი და ესპანელნი; ხელგაშლილი, მშრალი და ურყევი იანკები; ცხელი, აშლილი, ნერვიანი მექსიკელნი, ბრაზილელნი და ნარევი მულატები;

არაბი და ოსმალო, სპარსელი და ინდოელი, ჩინელი და იაპონელი, აზია და ევროპა, ამერიკა და აფრიკა—ყველას იქ მოუყრია თავი, ყველას ეტყვიანებას ბედის ჩარხს და ჰლამობს გამდიდრებას და განდიდებას.

ყველას ეძინევა პირსახეზე მოგება და წაგება. ერთნი სიხარულის ღიმილით იღიმებიან, ლალობენ და უღარდელად იცინიან; მეორენი წაგებას გლოვობენ, იქუშებიან, იშხამებიან და ინალვლებიან; ხოლო ზოგნი—გაკოტრებულნი და დაძირულნი უიმედო სასოწარკვეთილებას ეძლევიან, მათხოვრობენ, ზოგჯერ კი იქვე, საარაკოდ მორთულ ბაღს თავიანთის სისხლით ჰრწყავენ.

ზოგნი ისე შესჩვევიან ცრემლისა და ბედის ღიმილის სასახლეს, რომ იქვე სამადლოდ ბერდებიან.

მათ იციან თამაშის საიდუმლოება! მათ მიაგნეს მოგების კარს! მათ აღმოაჩინეს გამდიდრების ხერხი! იგი იდუმალი გასაღები მათ ხელში უჭირავთ—დიფერენციალური აღრიცხვა, ათიოდე თაბახზე ატრელებული მათემათიკური ფორმულები,—უცოდველი, სწორი და ჭეშმარიტი, ნაყოფი დიდი ქონების წაგებისა და ხუთიოდ-ათიოდე წლის დაკვირვებისა. თუ მოგება გნებავთ, დაუჯერეთ იმ ხალხს. გასამრჯელო მცირედია: წაგება თქვენი, მოგებაში კი წილი დაუდეთ, ან ასიოდე ძრანკი მიეცით ახალი საცვლის სასყიდლად და ფეხსაცმელის გამოსაცვლელად; მეტს არ მოითხოვენ, რადგან იმ კაზინოში უქმელობისგან სიკვდილი უფრო ადვილია, ვიდრე ოდნავ მტვერ-ნაკრავი პერანგით შესვლა. სპეტაკი ტანისამოსი, უნაკლო ზრდილობა და უსიტყვო მორჩილება,—აი რას მოითხოვს ამ ჯურის ხალხისგან კაზინოს დირექცია ნაცვლად იმ სასახლეში უფასოდ შესვლისა.

კვაჭი და ლედი ჰარვეცი ყოველ ღამე ბედს სცდიან იმ კაზინოში. ხან „ტრანტ ე კარანტს“ მიადგებიან, ხან „რუე ე ნუარს“, ხან „პტი შვოს“ და ხან სხვა სათამაშოს.

იმ თამაშში ლედი ჰარვეცი დიდი ხანია გამოიფიტა. კვაჭი მიეშველა, მაგრამ ბედი ვერ მოატრიალეს, წანაგები ვერ დაიბრუნეს. თან-და-თან შესტოპეს, ჩავარდნენ და ჩაიფლნენ. ხან თავის ჭკუით თამაშობდნენ, ხან გაკოტრებულებს მიიშველებდნენ, მაინც დღითი დღე დნებოდნენ და ილუპებოდნენ.

ერთხელ ბანკიდან კვაჭის ჩეკი დაუბრუნეს, თქვენი ანგარიში ამოიწურაო. დაღონდა კვაჭი, ძალიან დაღონდა!

— ბესო, დღესვე წადი ექს-ლე-ბენში, ერთ კვირაში გაყიდე ჩემი ვილლა და დაბრუნდი... რა სთქვი?... ვიცი, მარა სხვა გ'ხა არ არის.

ბესომ ფული ჩამოიტანა. ის ფულიც კრუპპიემ მიითვალა.

— ბესო, დღესვე წადი პარიზში, ერთ კვირაში გაყიდე ჩემი პოტელი და დაბრუნდი... კაი, კაი... ვიცი რომ ვილუპები, მარა სხვა გ'ხა არ არის. ნუ გეშინიან, სანამ დაბრუნდები, ერთ საქმეს დავამზადებ.

* * *

იმავ ხანებში ლონდონიდან ორი კვირით ჩამოვიდა ლედი ჰარვეცის ძმა—

ლორდი ბროუქსტონი, —ახალგაზრდა დიპლომატი, ფულიანი ~~დენდი~~ და დიდი ჯენტლმენი.

კვაჭიმ და ლორდმა ერთმანეთი მოიწონეს. ორ კვირის განმავლობაში და მონტე-კარლო გადააბრუნეს, იქაურები გააკვირვეს, ცოტაოდენი ზოიგეს და ასი იმდენი წააგეს.

ბოლოს ლორდმა უთხრა კვაჭის:

- ფრენს, სტუმრად მეწვიეთ ლონდონში.
- ოლ რაიტ! თანკეი. (ძალიან კარგი. მადლობელი.)
- ერთად წავიდეთ?
- იეს (დიად). ბესო, ყოლიფერი დაამზადე.

პარიზში ავიდნენ. კვაჭიმ და-ძმა თავისს ჰოტელში მიიპატიჟა, რომელიც მისი აღარ იყო, მაგრამ ჯერ დაცლილი არ ჰქონდა.

რამდენიმე დღით დარჩნენ. კვაჭიმ ერთხელ კიდევ მოიგიჟიანა. თავი და გააოცა სტუმრები თავისს საუცხოვო სასახლით, მორთულობით, მოსამსახურეთა სიმრავლით, გავლენით და ნამდვილ არისტოკრატის გემოვნებით და მანერებით.

წასვლის წინ სერიოჟა ჩიკინჯილაძეს საიდუმლო დარიგება მისცა. ბესო და სამი მოსამსახურე სამი დღით ადრე მრავალის ბარგით ლონდონში გაჰგზავნა, ხოლო თვითონ ოთხი მოსამსახურე კიდევ გაიყოლა.

დღურში რომ გემიდან გადასხდნენ, ბესომ საგანგებო მატარებელი დაუბეჭდრა.

ლორდმა ბროუქსტონმა უსაყვედურა:

- ფრენს, მეტად დიდი ხარჯი მოგდით.
- ჩემი მეგობრებისთვის მეტად დიდი ხარჯი არ არსებობს.
- თქვენ ჩვენი სტუმარი ბრძანდებით.
- მაგაზე ლონდონში მოვილაპარაკოთ.

ბესომ წინდაწინვე დაუმზადა კვაჭის სასტუმრო „ასტორიაში“ შვიდი ოთახი, ავტომობილები და ლანდო ლერბებით, საჯდომი ცხენები და რეპორტერები.

მეორე დღეს გაზეთებში დაიბეჭდა კვაჭის ჩასვლის ამბავი. ეწერა: „ინგლისს ეწვია მეფის ჩამომავალი კავკასიელი პრინსი... დიდი მეგობარი ინგლისისა... მომხრე რუსეთ-ინგლისის დამეგობრებისა... ჩამოჰყვა ბრწყინვალე ამაღლა... პრინსი ჩამოხტა „ასტორიაში“.. შვიდი ოთახი... პირადი მეგობარი ლორდ ბროუქსტონისა...“

მეორე დღეს ლორდმა ბროუქსტონმა და ლედი ჰარვეიმ კვაჭი ლონდონის სანახავად წაიყვანეს. აჩვენეს პიკადილი, ვესტენდი, ტრაქალგარი, ჩერინგ კროსი, სენდ-ჯემსი, ტაუერი, ვატერლოო, პავლეს ტაძარი და მრავალი საოცარი სანახაობა.

ვესტმინისტერში კვაჭის პოლატის სკიპერი დაუბეჭდა, ბრიტიშ-მუზეუმში — მთავარი დირექტორი; საადმირალოში — დიდი ამირბარი.

იმავ საღამოს ბროუქსტონმა თავის სასახლეში კვაჭის პატივსაცემად დიდი სადილი გამართა; მეორე დღეს კვაჭი იახტ-კლუბში მიიწვიეს, მესამე დღეს



— სპორტ-კლუბში. მერე მარჯვნივ და ნარცხნივ ეწეოდნენ და მოსვენებას აღარ აძლევდნენ.

ქარიცხენს...

ორი კვირის შემდეგ კვაჭიმ ყველას მადლობა გადაუხადებდა ისეთი საზღაპრო ნადიმი მოაწყო, რომ სტუმრებს ეხლაც ხშირად აგონდებათ ის დიდება, შევენება და უცხო სანახაობა.

იმ ვახშამს დაესწრო სამასზე მეტი სტუმარი, სულ რჩეული საზოგადოება ლონდონისა: ლორდები, ვიკონტები, ჰერცოგები, ინდოელი რაჯები, ბანკირები, მექარხნები და მრავალნი სხვანი ფულიანნი, წარჩინებულნი და დიდებულნი.

სამი საუკეთესო ორკესტრი უკრავდა. მღეროდნენ ყოველ მხრიდან საგანგებოდ მოწვეული საუკეთესო მომღერალნი: კარუზო, ბატისტინი, ნელი მელბა, მარიამ ჰაი და ტიტო რუჭი. უზარმაზარი შენობა რივიერიდან გამოწერილი უნახავ ყვავილებით და ტროპიკულ მცენარეულობით იყო მორთული. აღმოსავლური და დასავლური ხელოვნება და გემოვნება შეერთდნენ კვაჭის სტუმრების გასართობად და დასატკობად.

მეორე დღეს მთელი ლონდონი და პრესა ალაპარაკდნენ. კვაჭისაც ეს უნდოდა.

კვაჭი რომ ლონდონში ჩავიდა, მეორე დღესვე პარიზიდან დეპეშით გამოგზავნილი ათი ათასი გირვანქა სტერლინგი მოუვიდა. იმავე დღეს ის ფული ბესომ დეპეშით ისევ ჩიკინჯილაძეს გაუგზავნა პარიზში. მესამე და მეოთხე დღეს იგივე ფული ისევ დეპეშით მოვიდა ლონდონში და ლონდონიდან ისევ პარიზს დაუბრუნდა.

დაგეშილი ბესო დროს მოიხელთავდა და ფულის მოსვლის ამბავს — დეპეშას სწორედ იმ დროს გადასცემდა თავისს ბატონს თავად ბაგრატიონს, როცა მას სტუმრები ჰყავდა.

კვაჭი ბოდის მოიხდიდა სტუმრებთან:

— მისტერ, ნება მიბოძეთ. საჩქარო დეპეშა უნდა იყოს...

მერე ბესოს განკარგულებას აძლევდა:

— ახლავე მიიღეთ ეს ათი ათასი სტერლინგი... ორმოცი ათასი ეხლავე გაუგზავნეთ ჩემს მოურავს ტფილისში... განკარგულება მიეცით ჩემს ბანკირს პარიზში, რომ თვითურად აძლიოს ჩემს მთავარ მდივანს პარიზში თავად ტრუბეცკოის ერთი მილიონი ფრანკი, ხოლო პეტერბურგის ჩვენს მთავარ კანტორას შეატყობინეთ, რომ მთელ საქმეებს თვითონ მოუარონ, მე ნულარ შემაწუხებენ... მომბეზრდა!

— თქვენი ბრწყინვალეების იახტა ლონდონში მოდის.

— კეთილი.

— ტფილისის კანტორა გეკითხებათ, რამდენი შეუძლიან მას დახარჯოს თვითურად მიმდინარე საქველმოქმედო საქმეებზე?

— სამასი ათასი მანეთი.

— კიდევ არის ერთი დეპეშა: გრაფი ორლოვი თანახმაა თქვენ მიერ შეძლულ ფასში — სამ მილიონ მანეთად მოგყიდოთ ოქროს მაღაროები კიმბირში,

— თანახმა ვარ. მიეცით დეპეშა მთავარ კანტორას. დანარჩენი მერე



იყოს... კიდევ ერთი ბოდიში, ძვირფასო მეგობრებო, უღროლოთ შემაწყვეტინეს ბაასი.

ასეთს, ან დაახლოვებით ამგვარს დიალოგებს ხშირად ვაპყრობდნენ ხოლმე კვაჭი და ბესო წარჩინებულ ლორდების და ბანკირების დასწრებით.

საით მიჰყავდა კვაჭის თავის საქმე, არავენ იცოდა. გავიდა ორი კვირა იმ განთქმულ და დღემდის დაუვიწყარ ვაბშამის შემდეგ.

კვაჭი დილის გახეთს ათვალერებდა. უცებ თვალი მოჰკრა ერთი გოჯის ოდენა ასოებით დაბეჭდილ ამბავს; ეწერა: პარიზში ფოსტის მოხელეთა გაფიცვა დაიწყო. უმაღლეს გახეთს ხელი გაუშვა და ჩაფიქრდა, ძალიან ჩაფიქრდა. მერე ფანქარით ერთი რამ დაჯლაბნა და ბესოს დაუძახა:

— აი სია ჩემი ლონდონელ ნაცნობ-მეგობრებისა. ყველას აი ასეთი წერილები დაუგზავნე. ერთ დღეში ყველასგან პასუხი უნდა მივიღო. წაიკითხე... მიხვდი?

ბესომ ჩაილიმა. მიხვდა ბესო?

— კაი, მოკლედ მოსკრა და გავიდა.

გეგმა უბრალო და მარტივი იყო.

მეორე დღეს სამოციოდე ლორდმა, მისტერმა და ბანკირმა ასეთი წერილები მიიღეს:

„ღრმად პატივცემულო ლორდო (ან მისტერ)!“

ხვალ საკმაოდ დიდი თანხა უნდა გაუგზავნო ჩემს მთავარ კანტორას პეტერბურგში ყოვლად გადაუდებელ ხარჯების დასაფარავად. მეტი ნაწილი ამ თანხისა ხელთ მაქვს, დანარჩენი გამოვიწერე ჩემის პარიზელ მოურავისაგან;

მაგრამ დღევანდელ გახეთებიდან გავიგე მეტად სამწუხარო ამბავი: საფრანგეთის ფოსტა-ტელეგრაფი გაფიცვის გამო აღარ მუშაობს. ამ გარემოებამ ოდნავ არივ-დარია ჩემი ანგარიშები და შეაფერხა ჩემი ჩვეულებრივი ფინანსიური ოპერაციები.

ეს კიდევ არაფერი. თქვენც გაიგებდით, რომ შეიძლება ინგლისის ფოსტაც გაიფიცოსო.

აღნიშნული გარემოება მაიძულებს, ღრმად პატივცემულო ლორდო (ან მისტერ), ვისარგებლო თქვენის გულუხვი მასპინძლობით, ნდობით და მეგობრობით. ხუთი ათასი გივრანქა სტერლინგი (ზოგს მისწერა სამი ათასი, ზოგს ორი, ზოგსაც ერთი) დამიხსნის უხერხულ მდგომარეობიდან. ყოველ შემთხვევისათვის გიგზავნით ვექსილს ათი დღის ვადით. დღესვე ვგზავნი პარიზში ჩემს ერთ-ერთ მდივანს ფულის მოსატანად, რადგან მეშინიან გაფიცვის გაგრძელებისა.

ამიერიდან მოველოდები შემთხვევას, რათა შესაფერად დავაფასო თქვენი გულკეთილობა და სტუმართმოყვარეობა.

წინდაწინვე გითვლით, ძვირფასო ლორდო (ან მისტერ) გულითად მადლობას დახმარებისათვის და ჩემს მწუხარებს თქვენი შეწუხებისათვის.

მიიღეთ ჩემი გულწრფელი სალამი და უუღრმესი პატივისცემა.

ირაკლი ბაგრატიონ მუხრან-ბატონი.

„თავადი და ფლიგელ-ადიუტანტი სრულიად რუსეთის იმპერატორისა“.

კვაჭის ანგარიში საესეებით გაუმართლდა. ათიოდე ადრესატს იმ დღეს ვერსად მიუსწრეს, დანარჩენებს წერილები ჩააბარეს და თითქმის ყველასაგან ფულიც მიიღეს. ღორდმა ბროუქსტონმა პირადად ინახულ კვაჭი და ნათხოვნი თანხა ერთი ორად ჩაუთვალა.

დასხდნენ იმ საღამოს კვაჭი და ბესო, და ორი საათი მოანდომეს ფულის დათვლას. მერე ზოგი რამ ჩაალაგეს და ავტომობილები მოითხოვეს.

ბესომ სასტუმროს დირექტორს განუცხადა:

— მათი ბრწყინვალეობა ბირმინჰემში მიბრძანდება რამდენიმე ქარხნის წყობილების სანახაევად და სასყიდლად. ზეგ დავბრუნდებით. ბინას ვიტოვებთ. მიუბე-მოუხვიეს ლონდონის ვიწრო ქუჩებში და მდინარე ტემზით ზღვას მისცეს თავი. მეორე დღეს კვაჭიმ და ბესომ ბირმინჰემის მაგივრად ანტვერპენში ამოჰყვეს თავი.

* * *

დარბის და დაჭერის მას აქეთ კვაჭი კვაჭანტირაძე ათიოდე გვართით თელს ქვეყანაზე. იგი ხან თავადი ბაგრატიონია, ხან ბუხარის ემირის უფლისწულია, ხან გრაფი ტიშკევიჩია.

ვინ მოსთვლის, ვინ ასწერს კვაჭის ხელმარდობას, მისი ნამუშავარის ფერადობას, ნატიფობას და მახვილობას.

ნიუ-იორკში მან ერთი თავისს ჰკუისა და გამოცდილების ქალი ჩაიგდო ხელში.

დაიწყეს მცირე ვარჯიშობიდან.

კვაჭი ერთ მალაზიაში ბრილიანტების სასყიდლად შევიდა, აირჩია თხილის ოდენა ხუთიოდე ქვა. ხუთივეს ხელში ატრიალებდა, ჰსინჯავდა. ამ დროს მისი ახალი ხელქვეითი ქალი შენოვიდა და დახლთან მალაზიის პატრონს ბაასი გაუბა. კვაჭიმ ხელმარდად ერთი ბრილიანტი გაუშვა. იგი ისე ღბილად დაეცა ხალიჩაზე, რომ მისი ხმა ვერავინ გაიგო. იმ ქალმა ადგილი შეიცვალა, იმ ქვას ფეხი დაადგა, მერე ბაასი გაათავა და წავიდა, თან ფეხის გულზე აკრული ბრილიანტი გაიყოლა.

მალაზიის პატრონმა შეამჩნია ძვირფასი ქვის დაკარგვა. კვაჭიმ იტყვიცა და თვითონვე მოითხოვა თავის გაჩხრეკა. მეორე ოთახში გაიყვანეს და ტანისამოსი გაჭაბდეს. მერე ბოდში მოიხადეს და აღშფოთებული კვაჭი ავტომდე გააცილეს, თან წამლად რამდენიმე ათასი დოლლარი ჩაუდეს მკერდის მარცხენა ნახევარზე იმ ადგილის მოსარჩენად. სადაც კვაჭიმ თავმოყუარეობის ტკივილი იგრძნო.

ანტვერპენში, აღმასების ქალაქში, თავისი მეგობარი ქალი ერთს ახლად დაარსებულ კერძო საგიყეთში შეჰგზავნა.

— იცნობთ მესსიე ვერმეს?—ჰკითხა იმ ქალმა საგიყეთის დირექტორს.

— სამწუხაროდ არ ვიცნობ. მე ახლად მოსული კაცი ვარ ანტვერპენში.

— ვერმე ჩემი მამა გახლავთ. ჰკუაზე შესცდა საწყალი. სულ ბრილიან-

ტებზე და მარგალიტებზე ფიქრობს და ლაპარაკობს. ერთი პატარა ჩემოდანი აქვს, ხელიდან არ უშვებს, ჰგონია ვითომ იგი აღმასვლით იქოს/გატენილი. ზოგჯერ ისე ნოიგიტიანებს თავს, რომ დასამწვიდებლად უნდა წაიჭირობო. უნდა მიიღოთ თქვენს სამკურნალოში.

— დიდის სიამოვნებით, ქალ-ბატონო!

რაც ძვირფასი ნივთიულობა მქონდა, წამართვა; და იმ ჩემოდანში ჩააღაგა, მაღაზია უნდა გაეხსნაო. გაფრთხილებთ, ძალიან გაძალიანდება.

— ეგ არაფერი, მოვერევი. თქვენ თვითონ მოიყვანთ?

— დიალ, დღეს ან ხვალ მოვიყვან.

მერე ის ხელმარდი ქალი მესსიე ვერმეს მაღაზიას ეწვია.

საუცხოვრო საყურეები, დიდი დიადემა და სხვილი მარგალიტების მშვენიერი მძივი აირჩია.

— რამდენი ელირება?

— ეს ასი ათასი... ეს სამოცი... ეს ოთხმოცი.

ივაჭრეს.

— ოთხმოცდაათი უკანასკნელი ფასია.

ქალმა საათს დაჰხედა. დალონდა.

— გამოგიტყდებით, მესსიე ვერმე. დღეს ჩემი დანიშვნის დღე გახლავთ. მამამ სამოცდაათი ათასი მაჩუქა და მე თვითონ მომანდო საჩუქარის არჩევა. ეს მძივი ძალიან მომწონს. ოცი ათასი მაკლია. მამა არ დაიშურებს და დამიმატებს, მაგრამ დავვიანებისა მეშინიან. სანამ სახლში დაებრუნდები, სანამ ჩეკს დამიწერს და სანამ ბანკში მივალ, ბანკიც დაიკეტება. ნუ დაიზარებთ, გამომყეთ.

მესსიე ვერმე ჩაფიქრდა. დიდმა მოგებამ წასძლია.

— კეთილი. წავიდეთ.

— სამივე ნივთი წამოიღეთ, იქნება მამამ საყურეები ან დიადემა აირჩიოს. მე მძივი მომწონს, მაგრამ მაინც... ეინ იცის.

ვერმემ არჩეული ნივთები პატარა საკში ჩააწყო. ორივენი ავტოში ჩასხდნენ და იმ სამკურნალოს მიაღებენ. რომელიც უფრო სასახლეს ჰგავდა ვიდრე საგიყეთს.

თავაზით და ღიმილით დაუბზდნენ:

— მობრძანდით... დაბრძანდით... მშვენიერი დარია...

ის ქალი ისე იქცეოდა, როგორც საკუთარ სახლში. პირდაპირ დირექტორის კაბინეტში შევიდა. მესსიე ვერმე სასტუმრო ოთახში იცდიდა.

— მოვიყვანე... თან პატარა საკით წამოიღო ჩვენი ძვირფასეულობა...

გაფრთხილებთ, გაძალიანდება, ბოდვას მოჰყვება, ის საკი ჩამოართვით.

— ნუ სწუხდებით, დაჩვეულები ვართ, გამოცდილება დიდი გვაქვს.

სასტუმრო ოთახში გავიდნენ.

— მესსიე ვერმე, ბონჟურ!.. დიდათ სასიამოვნოა თქვენი გაცნობა... აქეთ მობრძანდით...

გაიყვანეს მეორე ოთახში.



— ქალბატონო, მამა თქვენი გთხოვთ ერთის წუთით.

— ბოდიში... ეხლავე გიახლებით... — და გავიდა.

ორი წუთის შემდეგ „მარკიზი პალავაჩინი“ გაბრუნდა და იმ სახლში სამარისებური სიჩუმე ჩამოვარდა.

გავიდა ათი წუთი... ხუთმეტი... ოცი...

ვაჭარი ატოკდა. ადგა, დატრიალდა, ჩაახველა. მერე მეორე ოთახში გავიდა.

არაეინ იყო.

შესამეში შეიხედა.

არც იქ იყო ვინმე.

ისევ დაბრუნდა მეორე ოთახში, რომელიც ზედ ეკრა სასტუმრო ოთახს. საცა ნახევარი საათის წინ ის ქალი და ვაჭარი თავადს უცდიდნენ; ერთი რამ დაინახა: კედელში რკინის განჯინა იყო გამართული და მისი კარები გაღებული იყო. განჯინაში შეიხედა. ელდა ეცა, მეხი დაეცა: ეს კარებიც იმ განჯინისა იყო, საცა იმ ქალმა პირველი ოთახიდან ძვირფასი თვალ-მარგალიტი შეაწყო.

დაფეთებული და გაგიჟებული ვაჭარი თმებს იგლეჯდა, ცალიერ ოთახებში დარბოდა და ყვიროდა:

— პოლისმენ!.. მიშველეთ!.. გამჭურდეს!.. გამცარცვეს!..

კვაჭი და მისი დანიშნული ისევ მიწამ ჩაჰყლაპა.

ვენაში კვაჭიმ ერთ მდიდარ ებრაელ ბარონს თვალი დაადგა. კლუბში უცაბედად იმ ებრაელს ხელი გაჰკრა და თვითონვე შეიძახა:

— ფრთხილად!.. უზრდელო!.. სალახანავ!..

— ბოდიში... მე... მე...

კვაჭიმ აღარ დააცალა და ნიკაპში ოდნავ ორი თითი აჰკრა.

ასტყდა ჩოჩქოლი. კვაჭიმ და ბარონმა ერთმანეთს თავიანთი მისამართები მისცეს.

მეორე დღით კვაჭის სეკუნდანტები ბესო და სერიოჟა იმ ებრაელს ეწვივნენ:

— უსისხლოდ ეს საქმე არ გათავდება.

მერე გაკვრით ჩაურთეს:

— ნუ აჩქარდებით, ჯერ სეკუნდანტებს ნუ მიმართავთ... ხვალამდე მოითმინეთ... ბუხარის უფლისწული განთქმული მსროლელია... გაფრენილ ბუხს არ აცდენს... თუ გნებავთ, თქვენვე დარწმუნდით... დღეს, სწორედ ხუთ საათზე პრინცი პრატერის ტირში იქნება. მოგზავნეთ ვინმე, ნახოს და დარწმუნდეს. საღამოზე ხელმეორედ გიახლებით... მოვილაპარაკოთ, შეიძლება სისხლი არ დაიღვაროს, თუ, რა თქმა უნდა, თქვენც თანახმა იქნებით, რომ...

— დუელი აუცილებელია!

— დიალ, დუელი უეჭველად მოხდება, მაგრამ... შეიძლება ისე მოეწყოს, რომ... სისხლი არ დაიღვაროს... მოიფიქრეთ... საღამოზე გიახლებით... მშვიდობით ბრძანდებოდეთ!



ხუთიდან ექვსამდე ის ტირი კვაჭიმ დამბაჩით დააწტვრია და დახვრიტა. საიუღუმლოდ მოგზავნილმა ბარონის კაცმა დაარწმუნა ეს, რადგან რომ ბუხარის უფლისწული მართლა გაფრენილ ბუხს ჰკლავსო. ბიბლიისა

— პრინცი უფლისწულის პატიოსან სიტყვას გალძევთ, — ეუბნებოდა ბესო იმავე საღამოს იმ მდიდარ ებრაელს, — და მაჰმადის წმიდა სახელს ჰფიცავს, რომ ის თქვენს სისხლს არ დაჰღვრის, თუ... თუ მოვრიგდით. ორჯერ ან სამჯერ გაისვრიტ ჰაერში. მერე შერიგდებით და დამეგობრდებით კიდევაც.

— საქმეზე გადავიდეთ. რამდენი გნებავთ?

— თქვენი სიცოცხლე დაუფასებელია. თქვენ ათი მილიონის შეძლება გაქვთ. ჩვენ ერთი მილიონიც გვეყოფა.

— მე მირჩევნია დღესვე გადავიკარგო ვენიდან.

— სირცხვილს ვერსად წაუხვალთ. მთელს ქვეყანას მოვლებთ თქვენს ლაჩრობას.

— ებრაელებს არასოდეს დაუკვებნიათ გულადობა, არც ვაჟკაცის სახელი უყიდნიათ ასე ძვირად.

— ნუ დაივიწყებთ, რომ ავსტრიის ბარონი ბრძანდებით. „ნობლეს ობლივი“!

— გავათავოთ. ასი ათასი.

— ცხრაასი!

— ორასი იყოს. გავათავოთ!

— რვაასი!

— ორასს ვერაფერს მოვუმატებ.

— მაშ ხვალ დილით თქვენს სეკუნდანტებს ველით. მშვიდობით ბრძანდებოდეთ!

— მოითმინეთ! სამასი. მეტი არ შემიძლიან.

ნახევარ მილიონზე ნორიგდნენ. ნახევარი მაშინვე მიიღეს.

კვაჭიმ და ფულის ბარონმა ხელწერილებით შეჰკრეს ერთმანეთი.

ორი დღის შემდეგ შენბრუნის ტყეში ერთმანეთს ორჯერ არხეინად დამბაჩები დაახალეს, მერე ხელი ხელს მისცეს, შერიგდნენ და წავიდნენ.

იმავე საღამოს საბოლოო ანგარიშები გაასწორეს, ერთმანეთს ხელწერილები დაუბრუნეს და სამუდამოდ დაშორდნენ.

გავიდა ხანი. კვაჭიმ ამ ფულსაც მალე მოუგრიხა კისერი.

ისევ გაუჭირდა. უარესად დაიწია და დახურდავდა.

ბადენ-ბადენში შემთხვევით ტანიას წააწყდა. იმ ღვთისნიერ დედაკაცს თავადი ვიტგენშტეინი უკვე გაეძევებინა, რადგან იგი მეტად მოუსვენარი, შფოთიანი და ორგული გამოდგა.

კვაჭიმ დრო იხელთა: ძველს მეგობრობას ეამის ნავლი აჰყარა, უანგი და ხავსი ჩამორეცხა, ფიცით და დევნით უწინდელი ნდობა და თანამდებობა დაიბრუნა.

მაგრამ როგორ იკმარებდა ეხლა გაღალტებული და ფრთაგაშლილი ევროპის არწივი მხოლოდ ბინას, ჭამა-სმას და ჩაცმა-დახურვას!

ბევრი უტრიალა კვაჭიმ მობერებულ დედალს, მაგრამ ~~იმ დღისთვის~~ დე-
დაკაცს ქვის გული და რკინის ხასიათი აღმოაჩნდა.

— კაი! — სთქვა ერთხელ გაბრაზებულმა კვაჭიმ და ~~შენსა და მისა~~ — ბესო:
რამდენიმე დღეში ისწავლე ფოტოგრაფის ხელობა.

ერთი კვირის შემდეგ ბესომ კვაჭის მოახსენა:

— ფოტოგრაფია შევისწავლე. აპპარატიც ვიყიდე.

წაიჩურჩულეს.

ერთხელ დღისით, როცა კვაჭი და ტანია გახურებულ ალერსში იყვნენ,
ტანია უცებ შეჰკრთა, შეშინდა:

— კარების ფარდა შეირხა... რა ამბავია?!

— მოგეჩვენა. ალბად ნიავნა დაჰბერა. დამშვიდდი, ჩემო სულიკო.

იმ დღიდან ტანიას კვაჭი აღარ უნახავს. იმის მაგივრად მეორე დღეს ბე-
სო მივიდა:

— ფული გვჭირდება, ძალიან გვჭირდება.

— ვინ ბრძანდებით?

— ეგ სულ ერთია. თუმცა... შეიძლება თქვენვე მიხვდეთ. გუშინ კვაჭან-
ტირადის ოთახში ფარდა რომ ოდნავ შეირხა...

— გაეთრიეთ აქედან!

— კეთილი, მივდივარ, მაგრამ ერთი სახსოვარი უნდა დაგიტოვოთ.

და ფოტოგრაფიული სურათი შიართვა.

ტანიამ ოდნავ შეჰკივლა, პირსახეზე ხელები აიფარა; გაწითლდა, სირცხვი-
ლის ცეცხლში ჩაიწვა და ჩაიხრაკა.

— მშვიდობით ბრძანდებოდეთ!

— მოითმინეთ... დაიცადეთ... რა გნებავთ... რამდენი გინდათ...

— ეხლავე ერთი მილიონი და თვეში ასი ათასი.

— შეუძლებელია... ყველაფერი რომ გავყიდო, მაინც ვერ გადაგიხდით.

— ვერაფერს დაგიკლებთ. მოიფიქრეთ. ხვალ შემოვივლი.

სანამ ტანიამ მამული გაჰყიდა, ერთი თვეც გავიდა. მერე ბესოს ნახევარი
მილიონი ჩააბარა, ნეგატივი გამოართვა და ბადენ-ბადენიდან გაჰქრა.

მაგრამ სად დაემალებოდა კვაჭის თვალი და ცხვირი! ზოგჯერ იტალიაში
ხან ესპანეთში, ხან კიდევ ეგვიპტეში ის სურათი, მრისხანე მუქარა და მილიო-
ნების მადა წინ დაუხვდებოდა ბოლმე. ტანიამაც აძლია რამდენიც შესძლო, თან
ბესოს ათჯერ პატიოსანი სიტყვა ჩამოართვა, რომ მას აღარ აქვს არც ნეგატი-
ვი, არც სურათი.

მერე, როცა ფულიც გამოუღია და იმედიც დაეკარგა, სამუდამოდ გაჰქრა
და გადაიკარგა.

ზოგნი ამბობდნენ, ტასმანიას კუნძულზე წავიდაო, ზოგნი — ცეილონზეო,
ზოგნი კიდევ ათონის მთის დედათა მონასტერს ასახელებდნენ.

კიდევ დიდხანს ეძება კვაჭიმ დაკარგული მეწველი ფური, მაგრამ, რომ
ველარ იპოვა, სხვა ახალი ბადეები დასწნა და გაშალა.

თევზი უხვად მოდიოდა, მაგრამ მოულოდნელად დაიქვედა და ევროპის
ედემში მუხი ჩამოვარდა.


დაიწყო მსოფლიო ომი.

და კვატიც უმალ გარდიქმნა: ქრონტი შეიცვალა, ახალი ბადე-ბაფანგები
მოიგონა, ერთი ცხოველივით პირისახე სხვანაირად შეიღება, დროს შესაფერი
აბჯარი ჩაიცვა და ახალი იარაღით აღიჭურვა.



ქრონტი

ბადე-ბაფანგები



ივ. იოსელიანი



ბ რ თ ე ც ი ს უ ლ ი

რა ეშველება. ალბად მშიერია, როცა კარჩაკეტილი გარეთ არ გამოდის. ღამით სანთელი არ უნთია და ერთხელ, ფანჯარა რომ გააღო, დახურულ დერეფანში ჰაერი მოიწამლა.

მეზობელ ოთახებში ღმერთს არავინ ემდურის და ამიტომ ყველა უზომოდ გულკეთილია: ებრალებათ ბედდამწვარი ახალგაზრდა.

რა თქმა უნდა—მადლია ღარიბის დახმარება, მაგრამ ეს კაცი ამაყი უნდა იყოს. იმ დღეს სადილი გაუგზავნეს და არ მიიღო. ვნახოთ სანამდი გაუძლებს...

ერთხელ, ეზოში გავლილს, თვალები გაადევნეს... მიდის არხეინად, თითქო არაფერი უჭირდეს.

მალალი შენობის მესამე სართულიდან ბანკირის თეძოგანიერმა მეუღლემ ბინოკლი დაუმიზნა. ამ ქალს, საპატიო მიზეზის გამო, მობეზრდა ბაიყუში ქმარი და, თუ ვინმე მოეწონა, უეცრად გაყმაწვილდება.

ქალი გამოცდილ მუშტარივით დააკვირდა უცნობს: ტანი მოქნილი აქვს, სახე სანდომიანი... არც უჯიშო უნდა იყოს, მაგრამ საცოდავი! აცვია როგორც მათხოვარს და ეს გახუნებული შარვალი მალე გაიცინებს.

რა უშავს შეხვდეს სადმე ქუჩაში და გაიცნოს როგორც მეზობელი. მერე გულის მოსაგებად თავი შეაცოდოს, უთბრას: მისი სიცოცხლე თუ როგორ სკვნება უსიხარულოდ, რომ დაჰკარგა ცხოვრების მიზანი და ვნებადამცხრალი ქმარი მხოლოდ ფულის ყუთია და სხვა არაფერი.

ბოლოს ვაჟიც იტყვის თავისას, ქალი ფულს ასესხებს და ასე გაიბმება სიყვარულის პირველი სიმი... კარგი საქმელი ძალას შემატებს, ძვირფასი ტანი-სამოსი—შნოს, და ყველასათვის საიდუმლოდ დარჩება ერთი ღამისი რქა მისი მეუღლის გატიტვლებულ თავზე...

განზრახვისათვის დანიშნა შაბათი—საღამო, მაგრამ წინა დღით ოჯახს



ეწვია იშვიათი სტუმარი, რომელმაც ქმარი სირცხვილს გადაარჩინა, ცოლი კი სიყვარულის ინტლუნციას.

ახალგაზრდა ვეკილს ძლიერ უყვარდა წარსულში მსგავსი და გემრიელ საცივის მოლოდინში, როცა რედერერი ზედი-ზედ გადაჰკრა, ასე დაიწყო:

— ბატონებო, ამ სახლში ერთი იშვიათი ადამიანი ცხოვრობს. მისი აქ ჩამოსვლა შემთხვევით გავიგე და, უნდა მოგახსენოთ, ძლიერ მეუცხოვა.

— ვის შესახებ ამბობთ?

— მოგახსენებთ... ეს გახლავთ ახალგაზრდა კაცი, ქვემო სართულში რომ ცხოვრობს. ნუ თუ არ შეგინიშნავთ? გველის თვალები აქვს და მოგრძო სახე, რუსეთში ყოფნის დროს მეფისტოფელი დაეარქვით. მისი ბოროტი ღიმილი ახლაც მახსოვს 4 წლის განშორების შემდეგ. ჩვენ ბავშობიდანვე ერთად ვსწავლობდით. ყოველთვის მაოცებდა მისი ბუნება დაუცხრომელი და გამბედავი.

მუდამ მზიარული, უხრუნველი და... რალაც აღტაცებული, ბევრს სულელი ეგონა, მაგრამ ჩვენ კარგად ვიცოდით მისი ჭკუამახვილობის ამბავი.

რამდენი დანაშაული ჩაუდენია, რამდენჯერ აუფორიაქებია მთელი სასწავლებელი, მაგრამ დამნაშავე მუდამ უჩინარი იყო და სხვა ისჯებოდა.

ნიჭთან ერთად იშვიათი ზარმაცი იყო და თავის უსაქმობის ოსტატური გამართლებით, ბევრი მიმბაძველი გაიჩინა.

ეს უჯარდელი ბუნება ხშირად მოისხამდა მწუხარების ზანტიას და ცხოვრებას ისე შეგვაძულებდა, რომ ზოგი ჩვენგანი მგონი სამუდამოდ დასნეულდა.

ერთმა ახალგაზრდამ თავი დაიხრჩო ბაწრით და სამი სიტყვა დაგვიტოვა პატარა ქაღალდზე: „მშვიდობით, სიცოცხლე მომბეზრდა“.

მარტო მე მწყალობდა გივი და ისიც ხანდახან. სიმწიფის მოწმობები რომ დაგვირიგეს—სოფელში მიმიპატიუა.

ძვირად მინახავს ასეთი კარგი ოჯახი, რომელსაც უცვლელად შერჩენოდა დოვლათიანი წარსულის იერი.

მახსოვს: მზე ცხრებოდა, როცა შევალეთ დიდი ჭიშკარი. უცრად სული მოვითქვი. ჩემს წინ ნამდვილი სამოთხე იყო: ეზო გაშლილი და მწვანე როგორც ზღვა, ეზოში ტბა ძეწნებით დახვინული და ბებერი ოდის წინ 120 წლის გოლიათი ქადარი.

გივის მოხუცი დედმამის სიხარულს მე ვერ აგიწერთ. როგორც საკუთარი შვილი ჩამიკრეს გულში და გადამკოცნეს. ეს კი, ბოროტი სულივით იდგა განზე და ილიმებოდა. მეორე სტუმარივით გაუწოდა ხელი სიხარულით თვალცრემლიან მშობლებს და... მეტი არაფერი... გამიკვირდა!

მეორე დღეს შაშვის ხმამ ალიონზე გამალვიდა და გივის ლოგინი ცარიელი ვნახე. მთელი დღე არ მოსულა. როცა დედამისს ვკითხე, მან ტუჩების ცაცხით ძლივს მიპასუხა:

— შვილო, მაშ რამ მოგვაბუცა ასე უდროოთ! ერთი იმედი გვყავდა და ისიც გაგვინადირდა. უხეირო ძიძის ძუძუნაქმევეია, გლეხის ქალმა გახარდა და უცნაური ხასიათი გამოჰყვა. არ უნდა ჩვენთან ყოფნა, ვაგვირბის. ხან ზღვა მოენატრება და მეტივეს უნდა გაყვეს, ხან მთებში გადაიკარგება, ახლა კურ-

დღეებზე ნადირობს. შარშან... შეილი ხარ, რაღა დაგინალო. ჩვენს ახლო თეთრი კარვებით დაბანაკდენ მოხეტიალე ბოშები. მათმა ქვრივობამ სოფელი აიკლო. სამი დღის შემდეგ, როცა აიყარნენ, გივიც თანაგზავნიდა, რომელიც არ გვინახავს. კარგი სანახავი კი დაგვიბრუნდა: დახეულ, დაქანსულ, შავი — შავი, ნახშირივით!..

ენკენისთვის პირველ რიცხვებში მე და გივი ერთად ვეწვიეთ ნევის ნაპირებს. მე ვასილის კუნძულზე დავსახლდი, მან აირჩია ვიბორგის მხარე. მერე დაგვარგეთ ერთმანეთი. მე არ მეცალა — ვსწავლობდი. ის კი, თურმე, ცხოვრობდა თავზე ხელალებით.

სწორედ რ თვის შემდეგ მოვიცალე. იმ დღეს ბრწყინვალედ ჩავაბარე რომის უფლება და გადავწყვიტე ორი დღე უქმად განეტარებია.

თუ არ ვცდები, დილის ათი საათი იქნებოდა, როცა მე ვიბორგის მხარეზე ვიყავი. ბევრი ძიების შემდეგ ძლივს მოვნახე გივის ბინა, მაგრამ ოთახში არ დამიხვდა. მისმა მზიარულმა დიასახლისმა ორიოდ წუთში ყველაფერი მიაშობო და, ბოლოს, ასე დამარიგა:

— იჩქარეთ, თუ ნახვა გინდათ, ფოსტაში მიუსწარიტ, თორემ ფულს მიიღებს და მერე მშვიდობით!

ფოსტა შორს იყო და მეც ავჩქარდი. გზადაგზა დამალონა ამ ქალის სიტყვებმა. ვფიქრობდი: ვინ მისცა გივის იმდენი ფული ქვეყანა რომ გააღალღო-მეთქი და ვერ გამეგო. მხოლოდ გვიან, სამი წლის შემდეგ, გივის მოხუცი მამის წერილმა ყველაფერი სთქვა.

დარბაისელ ფარსადანს მოთმინება დაკარგოდა:

„გივიმ ოჯახი დააქცია. გავყიდეთ ქალა, წალდოულა, საკურდღლია, ნავენახარი... თორმეტი ნაყმევი ოხრის ფასად გავანთავისუფლეთ, ახლა ეზო და დაგვრჩენია და მასაც ეს ბედი ელის. ათასხუთასი თუმანი გავვიგზავნია, ნეტავი სად მიდის ამდენი ფული“. შემდეგ დაეჭვებული მწერდა: მაგ ჩვენი ცოდვით სავსე ხან ავად არის, ხან ევროპაში მიდის, ხან კი ჯვარს იწერს ვიღაც გრაფის ქალზედო.

ბოლოს მოხუცი მთხოვდა გამეგო ნისი ამბავი და ერთი მართალი მაინც მიმეწერა.

მე ყველაფერი ვაცნობე, მაგრამ გვიან იყო. გივიმ მოასწრო უკანასკნელი ორასი თუმნის მიღება და გაყვა გემს, რომელსაც მსოფლიო უნდა შემოევლო.

— ნეტავი, ფოსტაში თუ მიუსწარიტ? — იკითხა დიასახლისმა და ისევ დაასხა სასმელი, რომელიც მოლაპარაკეს ნელინელ ეკიდებოდა.

— ველარ მივუსწარი. ფული მიელო და წასულიყო. მერე დიდხანს არ მი-ნახავს. ნაცნობებს სანწუხარო ამბები მოჰქონდათ ჩემთან:

— ოთახი არ აქვს და ღამეებს შეშით დატვირთულ ნავეებზე ათენებს...

— ცხენების დოღზე ფული მოუგია და ავტომობილებით ახალი სოფლის-კენ წასულა...



— თავშესაფარის დეტალიერების დროს შემთხვევით წავაწყდით. არაყით მთვრალი იყო და მაწანწალას გვერდით ეძინა...

გავიდა ხანი. გივი ყველას დაავიწყდა და მე გვხანტავიწყდა ის შორს იყო ჩვენგან, ძლიერ შორს...

მახსოვს 917 წლის 26 თებერვალი. ნისლიან ცის ქვეშ შიოდა ყველას და პეტერბურგი საგიჟეს დაემსგავსა. ქუჩებში ისმოდა თავგანწირული:

„პუტური!.. პუტური!“

ბრწყინვალე ნევის პროსპექტზე ჩვენ პირველად ვხედავდით მაზუთში დასვრილების უხმო და მრისხანე არმიას.

— ვინ არიან?— ვკითხულობდით: გაოცებით.

— პუტილოვის ქარხანა!— გვიპასუხებდნენ.

— ესენი?

— ობუხოველები!..

ჰაერში ააქაქანეს ტყვიისმფრქვევლები. დაქროდნენ ხმალშიშველი დონის ყაზახები, მაგრამ არ იყო შიში. ქალებმა დასცალეს გარეუბნები, სარდაფები, მოყავდათ მშიერი ბავშვები და ყვიროდნენ:

„პუტური!.. პუტური!..“

ლიგოვკაზე გაჩაღდა ხელჩართული ბრძოლა და ჰაერი ქვის ნატეხებით სწვიმდა.

— წინ, თავრიდის სასახლისკენ!

იგრიალა ქუჩამ და რალაც უნებურმა ძალამ მეც ნაფოტივით წამიღო. მივეყვებოდი.

მე დამავიწყდა ჩემი სადიპლომო გამოცდები, დამავიწყდა მოხუცი დედმა, ჩემი პირველი სიყვარული და მივდიოდით წინ, როგორც განწირული...

მაპატიეთ, რომ აქ თავის თავზე მიხდება ლაპარაკი... ტრაბახი არ გეგონოთ:

— როგორ გეკადრებათ! სთქვით, სთქვით —სიამოვნებით გისმენთ!

— მოვახსენეთ, მაგრამ ჩვენს შორის კი დარჩეს! მე არა ვარ წმინდა წყლის რევოლიუციონერი. მე, ასე ვსთქვათ, თავისებური რევოლიუციონერი ვარ... რევოლიუცია მიყვარს შორიდან, როგორც მიჯნური, სანამ გაიაფდებოდეს, სანამ საქვეყნო გახდებოდეს. სინამდვილეში კი, ჯოჯოხეთია როგორც მოგეხსენებათ...

ზომიერებას მუდამ ვაფასებ, მაგრამ არის წუთი, როცა საზღვარის გადალახვა ბუნებრივია.

იმ დღეს ხალხის მეთაური გავხდი. განა ვიფიქრებდი?

ჯერ ისე მშვიდათ მივდიოდით — უბრალო გასეირნება მეგონა: აქა-იქ სიცილი, ხუმრობა, ძმური საუბარი, თითქო ყველა ნათესავეები ვიყავით და, ბოლოს სიმღერა, ჩვენ სიმღერით მიუახლოვდით ერთ პროსპექტს, სადაც თურმე სიკვდილი გვიცდიდა.

გაქცევა ვინ გაცალა! გრძელი, წვეტიანი შუბრებით მოქროდნენ ისინი და ველური ყიჟინით თავზარი დაგვეცეს, დავიბენით.

არა, არ მეგონია რომ ეს თავგანწირული ჩემი ნახტომი შიშის ბრალი ყოფილიყოს. არასოდეს! ამაში ღრმად დარწმუნებული ვარ! მაგრამ მთელი ჩემი



არსებით ვგრძნობდი, რომ ხალხის წინა რიგებში მყოფს, სიკვდილი არ ამცდებოდა. ამ საშინელმა გრძნობამ უეცრად დამძრა ადგილიდან მსხვერპლად გადავბტი როგორც ნამდვილი ვეფხვი. მერე აღარაფერი მახსოვს რა ჩავჩლიხე.

წინა დღით დანგრეულ ბარიკადებთან ქვეები დარჩენოდათ. თურმე დავხრილვარ და ერთი სხვილი ქვა ისე მარჯვედ მისვრია, რომ თავვახეთქილი ყაზახი ცხენიდან გადმოვარდნილა. ხალხი გამხნევებულა, დაუვლია ქვეებისთვის ხელი და, ღმერთო ჩემო, როცა გონს მოვედი, ყაზახები გარბოდენ. ველური ყინით გარბოდენ ისინი და მე კი ზევით, სულ ზევით მივყავდი ბრბოს და ჰაერში ბურთივით მისროდა.

— ვინ არის!

— ეს გმირი ვინ არის ჩვენი დამსხნელი?

მესმოდა გარშემო.

— კავკასიელს ჰგავს!

— ოსი თუ არის!

— იქნებ სომეხია!

სომეხს რა უგავს, ქართველი იქნება!..

უთვალავი თვალები სიყვარულით შემომცქეროდენ, ათასი გაფითრებული სახე მომდევდა მე და ვიგრძენი, რომ დაყოვნება საქმეს წაახდენდა.

— წინ, ძმებო, წინ!

დავიძახე მე და ეს ბრბო ტალღასავით დაქანდა.

ქუჩებზე სასწაულებს ვახდენდით: დიდი პროსპექტები ბარიკადებით გადავრახეთ. დავლევით სატუსალოები, იერიშით ავიღეთ იარაღის საწყობები, ტელეფონის სადგური, ფოსტა... დავლევით სამი საპოლიციო უბანი, კიდევ ერთი შეტაკება და გარბიან მშიშარა თანდარმები...

— ღმერთო ჩემო, სანამდე მიგვიყვანს ასეთი თავდავიწყება?— ვფიქრობ მე და, მზრუნველი ხელებით ჰაერში აზიდულს, მომენატრება:

ჩემო საყვარელო პატარა სამშობლო, ნეტავი ხედავდე ახლა, ნეტავი იცოდე მაინც თუ როგორ ვქმნი ახალ ისტორიას.

და მართლაც, საკმაო იყო ერთი ჩემი ხელის გაქნევა, რომ... დიახ! ყოველი ჩემი ხელის გაქნევა თითქო ახალ სტრიქონს სწერდა ისტორიის ფურცლებზე.

ეჰ, რას წარმოადგენს, ბოლოს და ბოლოს, ისტორიაც? ან და, თუ გნებავთ, ისტორიული გმირი? ბედია მხოლოდ და მეტი არაფერი!..

იტალიის საელჩოსთან ღია ავტომობილი დავგვეწია. მე დაეინახე თუ როგორი სიმკვირცხლით გადმოხტა ვილაც ქერათმიანი. ეს კაცი ელვის სისწრაფით მოვარდა ჩემთან, გადამეხვია, მხურვალეთ გადამკოცნა და ლოყა ცრემლებით დამისველა. როცა გამოვერკვიე, უცნობი ჩემთან აღარ იყო: უკანასკნელი სალამი გვესროლა ავტომობილიდან და გაფრინდა. მე გვიან გავიგე, რომ ის ქერათმიანი თვითონ კერენსკი ყოფილიყო. საბრალო, ის სტიროდა უზომო სიხარულისგან!..

შორით თოფების გრიალი მოგვესმა.

— თქვენ ტყვიას მოერიდეთ, თორემ დაილუპება საერთო საქმე!



ქართული
საბჭოთაო

მთხოვს ვილაც.

— ძლიერ ცივა, ინებეთ ჩემი ხელთათმანები!
მემუდარებიან.

— გმადლობთ, გმადლობთ, ამხანაგებო! — ვუპასუხებ, რა დროს სიტყვითილია, სიცივე რას დაგვაკლებს! წინ!..

ბატონებო, თქვენ გააცდინეთ ძვირფასი სადილი, დაიღალეთ კიდევ, მაგრამ ჩემი ამბავიც მალე დასრულდება...

ამბობდნენ, რომ იმ დღეს აჯანყებულთა რიცხვმა 300 ათასს გადააჭარბაო. შესაძლებელია.

ჩვენ ვუახლოვდებოდით თავრიდის სასახლეს, როცა მოულოდნელად შევეფეთეთ ჩვენსკენ მომავალ ჯარს. მთავრობის ერთგულებით სახელგანთქმული ციმბირის პოლკის ერთი ბათალიონი მოდიოდა თავიდან ფეხებამდე შეიარაღებული.

დღეს ვილას ახსოვს, რომ იმ დროს, თუ ჩემი გამბედაობა არა, უთუოდ გამეორდებოდა 9 იანვარი.

ჯარი იცნო ხალხმა და ყველას თავხარი დაეცა. არ იცოდნენ რა ექნათ. კიდევ რამოდენიმე წუთი და საშინელი კივილი ჰაერს შესძრავდა. არავის დაინდობდნენ ეს გაბოროტებული ჯარისკაცები, რომელთაც არა ერთხელ აუკლიათ შინაური მტრები... ამ უბედურების მოლოდინში, უნდა გენახათ, რა დიდი იმედი გავხდი ყველასათვის. ყველა მე შემომწყურებდა, ყველა ჩემს ხმას ელოდა. მეც ვამხნეებდი მათ. როცა ჯარი მოგვიახლოვდა ნე ხალხსა და ჯარს შუა მოვექეცი. მივუბრუნდი ჯარს და ხმა მალლა შეესძახე:

— ციმბირის არწივებო! შესდექით! მიიღეთ გულწრფელი სალაში გამარჯვებულ ხალხისაგან. მთელი ქალაქი ჩვენს ხელშია! ქალაქის გარნიზონმა მთავრობას უღალატა! ახლა თქვენზეა სიტყვა! ციმბირის არწივებო!..

ამ დროს სწორედ სასწაული მოხდა: პოლკი შედგა, როგორც ერთი ადამიანი, და სულგანაბული ისმენდა ჩემს სიტყვებს. მე გავილაშქრე მოღალატე მთავრობის წინააღმდეგ, რომელმაც ოჯახში სიმშვილი გააჩაღა და ფრონტზე დამარცხება, ვამბობდი მომავალ ბედნიერ დღეებზე, როცა სამშობლოს ერთგული შვილები დამშეულ ქვეყანას პურით გააძლებდნენ და ომს გამარჯვებით დაავიჯვინებდნენ...

ხალხის აღფრთოვანებამ სახლვარი გადალახა; ისმოდა ვანუწყვეტილი ტაში და ვაშას ძახილი.

— გაუმარჯოს ხალხის ერთგულს.

— გაუმარჯოს რევოლუციის ბელადს!

რალა დაგიმალათ: ვგრძნობდი, რომ ეს ურიცხვი ხალხი უჩემოდ ფეხს ვერ გადადგამდა. გაცხარებული სიტყვის დროს, იყო წუთი, როცა ჩემი მჭერმეტყველება თვითონ მაოცებდა.

ამ დროს ჯართან ერთად ხალხიც დაიძრა ადგილებიდან და მეც უნდა გაეყოლოდი, როცა სრულიად მოულოდნელად ისეთი მწარე ტკივილი ვიგრძენი ზურგიდან, რომ უეცრად წამერთო თვალის სინათლე და გონებაც დაეკარგე.



ეს კი ვიგრძენი, რომ ვილაცას გავყავდი ხალხიდან მხარზე აკიდებული და ისიც გავიგონე:

— თავი დაანებეთ საწყალ ადამიანს, ავი ზნე უფლებს... მისივე უპატრონებ, თქვენ გასწით წინ...

„ვინ უნდა იყოს ეს ადამიანი... რა მომივიდა... ძლივს მოვასწარი ამის მოფიქრება და... კიდევ დაბნელდა.

როცა ისევ გათენდა, ნე ქუჩის განაპირას ვიჯექი; თავს მადგა ვილაც ახალგაზრდა, რომელიც გაყინულ თოვლით მიხელდა ყურებს, შუბლს, გაღვლილ მკერდს და კისერს. გარშემო მიმოვიხედე. სხვა არავინ იყო.

— ყოჩაღ! ასე, ასე, გამოცოცხლდი შე კაი კაცო. რა გემართება? ეხ, რა სუსტი გულის პატრონი ყოფილხარ! შემაშინე. ერთმა უბრალო ჩქმეტამ გონება როგორ დაგიკარგა.

მეუბნება ეს კაცი ქართულად და მე, გაოცებული, თანდათან ვფხიზლდები. ძლივს მოვიკრიბე დასუსტებული გონება და უცნობს დავაკვირდი. გივი იყო.

ამაყენა და მიეყავარ ნელის ნაბიჯით.

— ნუთუ ეს უბრალო ჩქმეტა იყო? — ვეკითხები გივის, — ვინ რას მერჩოდა, რა დავაშავე?

— მაპატიე, ევგენი, თუ ძმა ხარ, მაპატიე! ეს მე ვქენი. რა ვიცოდი თუ ასეთი ბოლო ექნებოდა! მე მინდოდა მხოლოდ გონზე მომეყვანე. იცი? ძლიერ გაგიტაცა გმირობის სურვილმა. ვინ იცის სანამდე მიგიყვანდა ეს ხალხი, ცოტა რომ დაგცლოდა.

მიპასუხა ამ ვაჟბატონმა და გაიღიმა იმ ღიმილით, რომლისთვისაც ჩვენ, როგორც ვსთქვი, მეფისტოფელი დავარქვით.

— აჯანყებულ ხალხის ბელადობა საბიფათო საქმეა, მით უმეტეს, როცა შენი კეთილშობილი გვარი ყოველთვის შორს იყო ასეთი სურვილებისგან. დაწყნარდი, ჩემო ევგენი, დაწყნარდი! ბედნიერი კაცი ხარ: გელის მყუდრო ოჯახი, ლამაზი ცოლი. მალხაზი ბავშვები და გვიანი სიკვდილი საკუთარ ქერქვეშ“ ო.

მე იქვე გავეცალე ამ ბოროტ სულს, რომელიც ყოველთვის შურით და გესლით იყო სავსე.

— რა გულწრფელი ხარო, ძვირფასო ევგენი, რა უცნაური გულწრფელი! თქვენს ადგილზე ამ ამბავს სხვა დაფარავდა, როდი იტყოდა!

გულის დასამშვიდებლად მიუგო სტუმარს ოჯახის დიასახლისმა.

— მართლაც რომ ბოროტი სული ყოფილა! დასძინა მისმა მელოტმა: ნუ თუ ეს მავნე ადამიანი აქ ცხოვრობს, ჩვენს ეზოში!

— სწორედ რომ აქ ცხოვრობს. ერთდეთ ყოველ შემთხვევაში! პატიოსან ოჯახებში მისთვის კარები დაკეტილი აქვთ!





ს ე ს ე თ ი

ლ ე ნ ი ნ

არის ლენინში კერევის ნება
და დეკრეტებით მოძღვრის ძახილი,
თითქოს იმისთვის ნგრევის გაგება
ზღვების ხმაურში იყოს ადვილი.

მიწა მუეიკის დოვლათი არი
და ეკლესია მოუსყიდველი
ხალხს ააღელვებს, ისე ვით ქარი
ზარის ხმაურით სიტყვა წითელი.

ეს ხმა ალური ჩვენ გვეგონების —
კემუნტის ფერად იქ ცეცხლი დელავს
და ბასმას ჩვენი შავი მონობის
იოანეს ფეხი უშიშრათ სთელავს.

ბარისი — მურზა ოქროვან ორდის
რეკავს იოანე დილის ზარებით
ცეცხლი და რისხვა ლენინით მოდის
ახალ სიწმინდეთ და ზიარებათ.

სმოლნას თაღები სიბნელეს იტევეს;
და მძაფრი სუნი ჰაერში არი,
მძიმე მათხოვერულ კუბოში იქ დევს
დიდი რუსეთის სნეული მკვდარი.

„საღლა დაემარხოთ მიცვალებული“
 ამბობს კაბუკთა მამაცი გროვა,
 კოვენცის მიწა ამტვერებულა
 და ზღვის ტალღებიც ტორტმანით მოვა.



ან შევეკითხოთ ღრუბლებს, ვარსკვლავებს,
 დაისებს, ველებს წითლად რომ ალაფს,
 გამეხებული სახე აქვთ კალებს
 და მეფის ბირმებს წიაღი მალაფს.

როგორც ყორანი, მათ ბედი თალხი
 სდარაჯობს ჩუმათ ბნელ საფლავეებში
 რაღას დატირის მწუხარე ხალხი
 თავის სევდიან თათრულ ჰანგებში.

თარგმ. კოლაუ ნადირაძის.

ნ. ბუხარინი



აშხ. ნ. ბუხარინი—ლიბედინსკის მოთხრობის „შვიდი დღის“ შესახებ

გაზეთ „Правда“-ს № 7, 1923 წ. მოთავსებული იყო აშხ. ბუხარინის წერილი სათაურით „პირველი მერცხალი“ ლიბედინსკის მოთხრობის შესახებ. მოგვყავს ეს წერილი შეუმოკლებლად.

სალიტერატურო კრებულის: „Наши дни“-ს № 2-ში მოთავსებულია იური ლიბედინსკის მოთხრობა „შვიდი დღე“. ამ მოთხრობის შესახებ მე მინდა ვსთქვა რამოდენიმე სიტყვა.

რევოლიუციის შემდეგ ხანების ლიტერატურამ წარმოშვა მრავალი ნიჭიერი მწერალი. მათ შორის ბევრია ყოფა-ცხოვრების ნიჭიერი გამომხატველი, მაგრამ იმ მწერლებში, რომელთა შორის მოიპოვებოდა ბევრი მეტად საინტერესო და ნიჭიერი, რომლებმაც უკვე მოგვცეს პროზის ახალი ფორმა,— დღემდის არ გვყავდა „მთლიანად ჩვენი“ მწერალი.

ამ მწერლების უმრავლესობა შესდგებოდა „თანამგრძნობლები“ სგან, რომელნიც **ხცდილობდნენ** მუშურ რევოლიუციასთან ერთად სიარულს, მაგრამ არსებითად რევოლიუციის მიმართ **ცივად** იყვნენ განწყობილნი.

უკეთეს შემთხვევაში თავიანთ მოთხრობებში ისინი ეხებოდნენ გლეხურ სტიქიას, მასსიურად კი, აღწერდნენ მეშჩანების დამშეულ ყოფას, რაც მეტად დაშორებული იყო მუშათა კლასის ისტორიულ გონებისგან.

რევოლიუციის ჰენიის ფრთების თრთოლა, ის დიადი, განუსაზღვრელი და უკვდავი, რაც მარად იცოცხლებს საუკუნოებში, ყოველთვის რჩებოდა თანამედროვე ბელეტრისტების სულიერი ხედვის გარეშე.

ამ მხრით „შვიდი დღე“—ბრწყინვალე გამოჩენისია და, თუ არ ვცდები, იგი პირველი მერცხალია.

აქ არ არის არც მყვირალა, რეკლამური პათოსი, არც სიმბოლიური, მოხეტიალე ფიგურები, არც „საწარმოო“ სიტყვების, ტერმინების ნიშნების უთავბოლო დაგროვება. ყველაფერი თავიდან ბოლომდის—ყოფაა, მაგრამ ამ ყოფაში სცემს ცოცხალი პულსი დიადი რევოლიუციის, თქვენ მღელვარებით, წყურვილით ეწაფებით, ამ მოთხრობას. „ეს ემოციონალური გადადება“—ყოველ თეო-

რეტიულ მსჯელობაზე უკეთესად ამტკიცებს ამხ. ლიბედინსკის ნაწარმოების მაღალ მხატვრულ ღირსებას.

ვისი შინაარსი შეეხება პროვინციალურ ქალაქებს და მცხოვრებ კომუნისტების ყოფას, სასურსათო რაზვიორსტკის, ბობოლეების აჯანყების, აფიკრების შეთქმულების და სიმშობის ხანაში. ცხოვრების დაჭიმული რიტმი გადმოცემულია მწვენიერად. სხვა და სხვა ფსიქოლოგიური ტიპები—ინტელიგენტ-კომუნისტის, „მოწინავე“ მუშების, უპარტიო მასწავლებელ ქალის რელიგიიდან რომელიც კომუნისტისაა—სულის უწვრილესი ნიუანსები და მოძრაობანი გადმოცემულია შესანიშნავად, —შეულამაზებლად, სადათ, მდაბიოთ. თქვენ ხედავთ ცოცხალ ცხოვრებას, იგი იშლება თქვენ წინ ისე, თითქოს თქვენ უშუალოდ თითონ იღებთ მონაწილეობას ამ ცხოვრებაში.

ამბობენ ავტორი 24 წლის ახალგაზრდა, კომუნისტი, წითელ არმიელია. თუ ეს ასეა—მაშინ ეს ზედმეტად ამტკიცებს მას, რომ ჩვენ გვაქვს საკმე ახალგაზრდა დიდ ტალანტთან, რომელსაც ყოველ მხრივ უნდა შეუწყობთ ხელი, რომ ის გაიფურჩქნოს და აყვავდეს.

მოთხრობა „შვიდი დღე“ კი საჭიროა გამოიცეს ცალკე წიგნათ...

იური ლიბედინსკი



შ ვ ი დ ი დ ლ ე

სადაფის სინათლეში, ნოტიო, უძრავი ღრუბლების შორის ლურჯდება მზიარული ცა. სამი დღე იყო მზიანი გაზაფხული, ნაკადულები ამსხვრევდნენ თოვლის ნაბუქს და მიჰქონდათ იგი ქალაქს გარეთ, მდინარისკენ; ქუჩებზე გაჩნდა ხმაურობა და ტალახი. მეოთხე დღეს გაზაფხულს ჩასთვლიმა. დაიდო თავი მუბლებზე და დაიძინა სადღაც შორს ტყის მინდორზე. მხოლოდ ერთხელ შუადღისას მზემ გაულიმა დედა-მიწას და ხელახლა ამოეფარა გაქვავებულ ღრუბლებს.

მაგრამ გაზაფხულის მზიარულება დარჩა, მხოლოდ იგი იყო სადღაც მიმალული, ისე ვით მზე ყომრალ, ლურჯი და შროშანის ფერ ღრუბლებში, საათობით რო ჰკიდთან დედა-მიწის ზევით, როგორც ნაცრისფერი, სოფელი ქვები.

გარეუბნის ღობეების და სახლების გვერდით, წებოვან თიხის ნიადაგზე ფეხის დასხლტომით, თუ ახვალ თოვლისგან დაცარიელებულ მაღლობზე და შემდეგ მოიხედავ უკან, მაშინ დაინახავ: მაღლობის დაბლა, ფართე მოედანზე, თითქმის მდინარემდის ხის ნაცრისფერი სახლების კვარტალებით— გაწოლილა პატარა ქალაქი. ხალხი ცოტა სჩანს; ეტყობა— ყველას სძინავს; ყეფენ ძაღლები; როგორც სჩვევიათ გაზაფხულზე— ხმა მაღლა ჰყვირიან მამლები. ფართე ქუჩებზე, ნათელ შესახვევებში კიდევ კრთის დარჩენილი თოვლი. ცოტა მაღალი, ორსართულიანი სახლები, მაგრამ ბევრია ეკლესიები. ქარხნების განცალკევებული მიწები აფრქვევენ ცისკენ შავი კვამლის უსაზღვრო ზოლს და შორს, ქალაქს გარეთ, ეცემა ფერფლი თოვლის ზვინებს.

დაბალი, ნაცრისფერი მტვერიანი კოშკი მწყობრად უშვებს ხმაურს ნისლიან სიჩუმეში და ორი წყნარი წუთის შემდეგ მის საპასუხოდ სამრეკლოდან მოისმის მზიარული რეკა, დიდხანს ტრიალებს ჰაერში და იკარგება შორს, ქალაქის იქით, სოფლების ნოტიო ნისლში.

ამ უბრალო, შეუმჩნეველ საათში, როცა მზე მკრთალი, თეთრი წინწყალით გადიხარა სამხრობისკენ, ცირკის შენობასთან, ვრცელ მოედანზე გროვდება ხალხი, — მიდიან დაბალი ღობეების გვერდით, გაფანტულ თოვლის ბილიკებით, ცარიელ ადგილებით, სადაც თოვლის ზვინებიდან ამოშვერილა შარშანდელი გამხმარი თალგამი. გადადიან გაზაფხულის ტალახიან ქუჩებზე, მიწაში

შეჭრილ ქვაფენილებით. ჩქარობენ, ერთმანეთს ხედებიან, ხან და ხან ღიმილით ესალმებიან ერთიმეორეს. მამაკაცები და ქალები, უფრო ახალგაზრდები, ვიდრე მოზუცებულები, ნაცრისფერ მაზარებში გაცვეთილ შავი და ყურთუქალტოებში, სხვადასხვა ღიმილი, თვალები, მიხვრა-მოხვრა, — მაგრამ ყველაფერში მაინც მოსჩანს რალაც მზგავსება, თითქოს ყველას ანათებს ერთი და იგივე შორეული დილის მზე.

ცირკში სიწყნარეა მთელი დღე და დიდი, ნაცრისფერი ვირთხები ჩუმად დარბიან ცირკის მოწყენილ, ყვითელ მოედანზე. მაგრამ, აი, მთელ სიფართოებზე იღება კარები, რომელზედაც ჰკიდიან ძველი აფიშების და ანონსების ნაგლეჯები; მათი დაბნეული სიტყვები და გაწყვეტილი ფრაზები ლაპარაკობენ რალაც წარსულზე, ძველზე. ცირკი განათლდა და ხალხი ნაკადებივით მოედო ადგილებს, ასე რო მალღდებიან მოედნიდან; ავსებენ ვეებერთელა შენობის თავდაჭერილი ნაბიჯის ხმაურით.

მრგვალ მაგიდასთან, მოედნის შუა რო დგას, გამოჩნდა ორი კაცი. მათკენ ცირკის ყოველ კუთხიდან თითო ოროლა ხმები ისვრიან გვარებს და, აი, ასეული ზევით აწეულ ხელების ნებით, ამხ. კლიმინ ჯარისკაცის მაზარაში ცირკის მკრთალ სინათლეზე სახის დაშლილი ხაზებით, მაგრამ ლამაზი, წყნარი, ყურადღებით სავსე თვალებით, მოედნის შუა ადგილიდან წარმოსთქვამს:

— ამხანაგებო, რ. კ. პ. ქალაქის რაიონის კრებას გახსნილად ვაცხადებ. დღის წესრიგში არის სამეურნეო საბჭოს თავმჯდომარის მოხსენება კუთხის ეკონომიური მდგომარეობის შესახებ. წინააღმდეგი არაეინაა? სიტყვა ეკუთვნის ამხ. ზიმანს.

ცირკში ჩამოვარდება სიჩუმე და კრება ვეებერთელა, ნაცრისფერ, ალერსიან მხეცივით განაბდება თავმჯდომარის ფეხებთან და მრავალ თვალებიან ცქერას მიაპყრობს მეორეს, რომელიც აგრეთვე სდგას მოედნის შუა ადგილას და ნერვიულ ხელით კეცავს ქალაქის ფურცლებს.

წყნარად და ყრუთ, პურის ფუთების, შეშის საყენების, ორთქლმავალების და ფულის მსხვილ ჯამის, დღეების და კვირების ციფრებზე, ხმის აწევით აკეთებდა ზიმანი მოხსენებას. მაგრამ ყველა ისმენდა გულდასმით და ყველას ესმოდა, რომ სიტყვა ეხებოდა მეურნეობას, სურსათს, სათბობს, სანოვაგეს და შეკითხვებიც თეთრი ქალღდების გუნდებით მოპქროდენ პრეზიდენტის მაგიდისკენ.

ლაპარაკობდა ზიმანი იმაზე, რომ ქალაქი დაშორებულია დიდ მაგისტრალებს და რუსეთის დანარჩენ ნაწილებთან მას ერთიანებს 500 ვერსიანი რკინისგზის ტოტი. მხარეში თითქმის არსად არის ტყე, საკუთარი ქვანახშირი არ კმარა და გზაც თითქმის აღარ მუშაობს. წელიწადი კი იყო მოუსავლიანი. რაზვიორსტკამ წაიღო უკანასკნელი მარაგი, და თუ თესვისთვის ვერ მოვიტანეთ თესლი, მაშინ დაიმშევა ქალაქიც და სოფელიც.

ყველამ იცოდა რას ნიშნავდა ეს სიტყვები: სიმშლილი აიძულებს გლეხებს უაზრო, სასტიკ აჯანყებისათვის, ქარხანა შეაჩერებს მუშაობას და მუშებიც გაიქცევიან, ბანდიტების ბრბოები კი, რომელნიც დახეტიალობენ შორს მინდვრებში, — გათამამდებიან, მოვლიან და აშლიან რკინის გზას. თესლის მოსატანათ



საჭიროა სათბობი, ის უკვე დამზადებულია ქვედა-ელანის ნაზრანში, მთებში, რკინის გზაზე აქედან 200 ვერსის მანძილის მოშორებით. მაგრამ უკვე კვირაში იმას აქ ვერ ჩამოიტან. თესვის კამპანიის ჩაშლა თითქმის აუცილებელია. და მოუწოდებდა მომხსენებელი სიმტკიცისკენ. მაგრამ მშრალი იყო მისი სიტყვები. კრება ვერ ითვისებდა მათ და უთვისტომოთ, უმიზნოთ ტრიალებდნენ ისინი ისე, როგორც ქალაქის ნაფლეთები ქარში.

გაათავა ზიმანმა და სიტყვა მომხსენების გამო აიღო წითელ არმიელმა უწარბო, წითელი, ფართე სახით; მან სთქვა; ორ წელიწადს იბრძოდა იგი ფრონტზე საბჭოების ძალა-უფლებისთვის და სოფლებში კი მდგომარეობა უარესდება. აწუხებენ სოფლებს რაზვიორსტკით, დიდი მამაძაღლობა არის ყველა ამ სამეურნეო საბჭოებში, სასურსათო კომიტეტებში და სახალხო მეურნეობის საბჭოებში. საწყალ კაცისთვის ცხოვრება გასჭირდა. ხალხი მთლად გავწმინდეთ პურისგან, ახლა კი ვსტირით. ეკ,—ჩააქნია ხელი და დაბრუნდა თავის ადგილზე.

— როგორ, ისევ ვიშიმშილოთ?— დაიწყო მტირალი ხმით მეორემ მოედნის შუაგულიდან— იყო ის გამზდარი, ყელზე ჭრილობით. ლაპარაკობდა დიდხანს, რომ ძნელია ფუთიან პაიოკით მთელი ოჯახის შენახვა... ჭურდობენ...— და უმატა გესლიანათ თავის სიტყვის ბოლოს.

გამოდრიდნენ სხვა სიტყვებითაც, მუშები და წითელ არმიელები აღელვებული გადიოდნენ მოედნის შუა ადგილას და შებოჭილნი ბრბოს უჩვეულო ყურადღებით, ისინი მაინც ამბობდნენ მოუხეშავ სიტყვებს; უსაყვედურებდნენ ზიმანს, მაგრამ ეთანხმებოდნენ მასში, რომ საჭიროა მეტი სიმამაცე. ჯვარედინად ხელებ დაჭდობილი ჯდომა არ ნიშნავს სიმამაცეს და იგინიც ეძებდნენ გამოსავალს ხელის ფაცურით, როგორც ბრმები. მაგრამ არ ესმოდა კრებას დაულაგებელი ლაპარაკი და ერთი ორატორი ეკამათებოდა მეორეს თუმცა ორივე ლაპარაკობდნენ ერთი და იმავეზე.

ზიმანმა შესწყვიტა უკვე უკანასკნელ სიტყვისათვის საწინააღმდეგო აზრების ჩანიშვნა; პატარა, შესაბრალი იგი აქნევდა თავს მღელვარებისაგან, ისმენდა საყვედურის სიტყვებს და მას აბრაზებდნენ განსაკუთრებით ის მოლაპარაკენი, რომელნიც საიდგანაც გამოსავალს ხედავდნენ.

თითონ კი ვერ მოენახა იგი გამოსავალი და გულმოსული ფურჩულებდა „დემაგოგია, მიტინგობია,“ ორატორები კი თრთოლით თავს ამტვრევდნენ მინის კედელს და ვერ შესძლეს ეთქვათ კრებისთვის თავიანთ გარკვეულ გეგმებზე, ამბობდნენ რაღაც დეტალებზე, მასზე, რომ სადღაც „შეიძლება ხერხების, ნაჯახების შოვნა“. კრება კი ღელავდა, და მიუხედავად თავმჯდომარის ზარისა, ადგილებიდან ისმოდა ხმაურობა. მაგრამ, აი, გამოვიდა ერთი, ტანად საშუალოლოზე მაღალი, მოხრილი, კვადრატის მზგავს დიდი თავიდან მოიხსნა ძველი, ლურჯი ქუდი და გამოუჩნდა მაღალი შუბლი გარდიგარდმო ნაოკებით.

სიტყვა ეკუთვნის ამხ. რობეიკოს,— წარმოსთქვა თავმჯდომარემ და კრებამაც გაჰნაბა სული დაბალი ხმით წარმოთქმულ სიტყვის მოსასმენათ.

რობეიკოს ხომ არ შეუძლია ლაპარაკი, მას ყელის ქლექი აქვს, მას არ

უნდოდა გამოსვლა, იგი სხვებს უსწენდა და უკვე დიდი ხანია დიქტობდა. ულონოა ზიმიანი და ვერ ხედავს გამოსავალს, რომ ბევრი მათგანი გინც გავიდა სალაპარაკოთ ამას გრძნობენ, მაგრამ ვერ ასახელებენ. დასრულებულია პარტკომზე, რატომ გამოიტანეს საჯაროთ ეს მოხსენება? და სულ უცდიდა, რომ ვინმე დაასახელებს ამ გამოსავალს, გამოსთქვამს მას სიტყვებით და იხსნის რობეიკოს ზედმეტი ტანჯვისგან. რობეიკოს ხომ არ შეუძლია ლაპარაკი... ხმები სწიწქნიან მის ყელს წითელ, სისხლისფერ, ბოჭკოიან ნაჭრებით. საჭიროა ცოტას თქმა, სულ რამოდენიმე სიტყვის, საკითხი გამორკვეული იქნება, ყველას გაუნათლდება სახე, რადგან ყველას ეცოდინება რა დაარქვას, ამ გზას, იმ გამოსავალს, რასაც ბევრი ხედავს გაურკვეველად. წყნარი ხმით—თითქოს ემინია რომ არ გააღვიძოს ტკივილი, რომელიც სთვლემს მისი ყელის სიღრმეში—მან დაიწყო ლაპარაკი. მაგრამ არაფერი არ ისმოდა, ხალხს მოწამებრივად წამოეწია კისერი და რობეიკოც გათამამდა, — მისმა ხმამ თითქოს გააკეთა ნახტომი და ყველას ესმოდა მკაფიოდ ყოველი სიტყვა და ყველას სახე მადლობით გამოიყურებოდა. მაგრამ ყოველი სიტყვა ჭიჭის წვეტიანი ნატეხივით ებჯინებოდა ყელში და სწიწქნიდა მის ნაზ ქსოვილს ნაჭრებად და იწვევდა საშინელ ტკივილს, ცრემლები ღვარად მოდიოდნენ თვალებიდან, შუბლი ოფლიანდებოდა და ხმა წყდებოდა და წკრიალებდა.

ის ამბობდა, რომ ზიმიანი მართალია თავის მოხსენებაში და ამისთვის ის არ არის საყვედურის ღირსი. სიმართლე ხომ ზიმიანს არ შეუქმნია, მან მიგვითითა ჩვენ საფრთხეზე და ამისთვის იგი მადლობის ღირსია. მხოლოდ არ უნდა დავიბნეთ, უნდა მივიხედ-მოვიხედოთ და სადმე გამოსავალს ვიპოვნით. უნდა დაუფიქრდეთ საქმეს დამშვიდებით, გულცივად. განა პარტიას არ უნაბავს გამოსავალი უფრო ცუდ მდგომარეობიდან? საქმის დამშვიდებულ შესწავლაში და გადამწყვეტ მოქმედებაში არის ჩვენი ძლიერება და სიბრძნე.

გამოსავალი არის, ბევრი ხედავს მას, მაგრამ მისი გადმოცემა არ შეუძლიათ, მთელი დაბრკოლება სათბობ მასალაშია, — ცხადია. ცოტა სათბობი და ხელათ გაჩნდება ქ. ელანსკიდან შეშა. და რაკი შეშა გვექნება, მაშინ ერთ კვირაში მოვიტანთ სათესლე მარცვალს. ყველაფერი სათბობ მასალისგან არის დამოკიდებული, რამოდენიმე ასეულ კუბის შეშისგან. სად ვიშოვოთ ის?

ცხადია, ქალაქში ბევრი ბაღია და ქალაქს გარეთაც 12 ვერსის მანძილზე მონასტრის ახლოს დიდი ტყეებია. აი, შეშა, — ეს სრულებით საკმარისი იქნება. ერთი კვირის შემდეგ სათბობი ქ. ელანსკიდან გაჩნდება აქ და ჩვენც დავიწყებთ სათესურ მარცვლის მოტანას. მაგრამ საჭიროა ყველაფერი შესრულდეს სწრაფათ და გაბედულათ, თითონ უნდა ავიღოთ ნაჯახი და ხერხი, გაუძღვეთ წინ მუქთახორებს და ბურჯუაზიას, ჩავაბათ ამ საქმეში წითელი ლაშქარი და ყველა მშრომელები, მხოლოდ ნუ დავაგვიანებთ. თუ ორი კვირის შემდეგ თესლი გვექნება აქ, მაშინ ჩვენ შეგვიძლია ყანებიც მოვთესოთ.

მაგრამ სიტყვა შეწყდა ხმელი, ნაწყვეტი ხველებით. ხველება გაგრძელდა ორ სამ წუთს და ხალხი კი დაქიმულ ყურადღებით ელოდა, ბევრი, ძალიან ბევრი თანამგრძნობი ალერსიანი სახეების ლანდი კრთოდა რობეიკოს თვალე-

ბის სარკვეში და ის კი ახველებდა, იგრიხებოდა ხველებით, და ყველა ხედავდა ამას, მაგრამ სდუნდენ და მხოლოდ ნალვლიანის თანაგრძნობით რხრავდა ხან ერთი, ხან მეორე.

ქრქრქრქრქრქრ
 ზმზზმზმზმზმ

* * *


პატარა ქალაქს კი ჩვეულებრივ, ცის ქვეშ, თითქოს მიეძინა შუადღის მძიმე ძილით. ყოველ სახლში ფანჯრებზე ჰყვავის ჰერანი და მის ლამაზ ფოთლებზე გაწოლილან ყვავილები, რომელნიც მიაგავან ლურჯ და ვარდისფერ მწერებს. ო, რა ბევრია ეს ხის საფერფლე კოლოფები, ქუჩიდან ქუჩაზე მიყვებიან იგინი, როგორ ვიწროთ გრძნობ და გეხუთება სული მათ კედლებში! წინა კუთხეში ბევრია მრისხანე ხატები, პატარა მაგიდებზე კი, რომელნიც დაფარულია მოქსოვილ სუფრის საფრებით ძვეს ხავერდის ალბომები. სამზარეულოებში უსუთთაობაა, კედლებზე გარბიან ხოჭოები და ფანჯრის შუშაზე დაღონებულად ბზუიან ბუზები.

ცხოვრება იმ ხალხის, რომელნიც ცხოვრობენ ამ ვიწრო სახლებში, მიაგავს სექტემბრის ნაცრისფერ დღეს, როცა ნელი ავდარის დროს წვიმის წვეთები ერთფეროვნად ხმაურობენ შუშაზე და დაორთქლილ ფანჯრებიდან მოსჩანს ნაცრისფერი მესერი და ტალახში მოხეტიალე ქერა ხბო. ასე ათეულ წლებით მიდის ეს ცხოვრება. ყოველდღე ხანში შესული ქალი ადრიან დილით წველის ძროხას და კალათით მიდის ბაზარში და სადილის შემდეგ სამზარეულოში რეცხავს გაქონილ ქურჭელს. მელოტი მამაკაცები კი ჩალამებული თვალებით, ძველი გამონემსილ შარვლებით, დაკერილ ბატინკებით მიდიან სამსახურში, რალაცას ვაჭრობენ, ხელოსნობენ სათითაოდ პატარა, ბნელ ოთახებში. კვირაობით ქალები მჭიდროთ ივარცხნიან თმას, იცვამენ ლილისფერს, ყვითელს, ლურჯ ტანისამოსს, მიჰყავთ ბავშვები ეკლესიაში, სალამოთი კი გროვდებიან ერთად ჩაის დასალევად; მამაკაცები კი თვრებიან არაყით და ბურახით, ეხეტქებიან შუბლით მაგიდას.

მაშინ, როცა მწუხარეთ ფრთებ დაშვებული, ქალაქის ზემოთ სევდიანათ დაჰქრიან ზარის ხმები შაბათის მწუხრისკენ, რო მოუწოდებენ — ყველა ისენი გამსჭვალულია სიძულვილით მათ მიმართ, რომლებიც იკრიბებიან ცირკში. და ამ მშიშარა სიძულვილმა, მთელი ქალაქი თითქოს შეუმჩნეველად, გააერთიანა ერთ შავ გუნდათ.

ამ საათებში მიდის სასეირნოთ რაფიელ ანტონისძე სენატორი, რომელიც სცხოვრობს ორ სართულიან ხის სახლში. სახლის ქვედა სართულში აფთიაქია. აფთიაქს რეკვიზიცია უყვეს. ჩამოხსნეს შავი აბრა, ოქროს ასოებით ალერსიანად რო აცხადებდა: „ქრისტეს შობის სახელობის აფთიაქი“. რ. ა. სენატორი, ახლა კი მის მაგიერ წითელი ფიცრიდან ურცხვად ყვირიან შავი ასოები: „ჯანმრთელობის განყოფილება. კომმუნალური აფთიაქი № 1“.

დგას რაფიელ ანტონისძე ქვიშნარიან მალლობზე, იკრებს ატმოსფერულად თავის არსებაში ფარულ სიძულვილს, რაიც მოჰქრის პატარა სახლებიდან, ხსნის მასში თავის მწარე გაბოროტებას, შურს და ჩუმად უგზავნის ყველა ამათ ცირ-

კის მისამართით, სადაც მიდის მისთვის გაუგებარი, მტრული  ცხოვრება, პატარა, მსხვილი ნაცრისფერ პალტოში.

გაცვეთილ ქუდში (ამ ქუდებს ეძახიან „გამარჯვებულ ნახვამდის“) ის დიდხანს დგას მაღლობზე. ქუდის წინა კოხიროკიდან ანათებენ წაბლის ფერი თვალები, და როცა ის მობრუნდება და გაივლის ნელა ეზოში, მაშინ იხედება მსუქანი, წითელი კისრის ნაქერი, რომელზედაც ბევრია მოკლე გათეთრებული და შავი თმის ღეროები.

ის ეხმარება ცოლს საოჯახო საქმეებში, ხერხავს ქოშინით შეშას, გააქვს ნარეცხი ძროხისთვის. როცა მისი ცოლი წველის მას, ის ჩუმად უყურებს თუ თითებიდან როგორ ჩხრიალებს რძის თეთრი ზოლი აქაფებულ ქოთანში. და წველის მწყობრი ჩხრიალი, ღობის გარეთ ღორების მშვიდი ღრუტუნი, მწვავე სუნი ნახევრად ჩაბნელებულ ბოსელის, ყველაფერი ეს ამშვიდებს მას და იგი აუწყებს ცოლს

— შე ვიყავი ხანებიებისას, მათ ჩამოუვიდათ ძმა ტულიდან. ის ამბობს, რომ ჩქარა დადგება ბოლშევიკების დასასრული, ხალხი აუჯანყდა მათ, პოლონელებს ისევ უნდათ ომი და, ასე გაშინჯე, მოსკოვში მუშებიც...


— ღმერთმა ქნას, — ფურჩულებს ცოლი და რაფიელ ანტონისძე დადის წინ და უკან ეზოში, ხელები ამოუფარებია ზურგს უკან და ჩვეულებრივად ითვლის სახლის აშენების შემდეგ გადარჩენილ ძელების რიცხვს, — ეშინია არავინ მოჰპაროს.

მაგრამ როცა ნაცრისფერი, ღრუბლიანი დღე, დასრულდება აღისფერ დაისით და მხეც გამდნარ ღრუბლებიდან უძღვნის მიწას ირიბი სხივების უკანასკნელ ოქროს და, როცა დაისზე ჩამოწოლილი ღრუბლები აღტაცებით და სინანით შეეხარებიან რაღაც წუთიერს, გარდამავალს და აცილებენ მზეს ტანის თრთოლით — ამ დროს ბნელ კიბეზე, უსუფთაო ფეხის ადგილის სანაგავე ლაგანის გვერდით, თავის ოთახისკენ გარბის რაფიელ ანტონისძე და ოხრავს მეტი ქოშინისგან.

ამ დროს ხომ დაისის ცეცხლში ცირკისგან მოჰქრის ინტერნაციონალის ხმები და შედგარი ბგერის ტალღებით მიჰტრინავს ქალაქის ზევით საღამოს მზისკენ, როგორც წითელი, შურის პაძიებელი ანგელოზი. აწი საცაა დაბრუნდება რობეიკოც, რომელმაც დაიკავა ბინა რაფიელ ანტონისძეს სახლში და რომელიც ისე სძულს რაფიელ ანტონისძეს და ყოველთვის ეშინია მასთან შეხვედრის.

II

ელექტრონის ლამფის მყუდრო სინათლის ქვეშ კაბინეტში, რომელიც იყო მორთული მუხის დგამით, დაიწყო პარტკომის კრება. რობეიკომ გააკეთა მოკლე მოხსენება. მან გააცნო ამხანაგებს შეშის დამზადების გეგმა. მაგრამ ისინი კარგათ ვერ უსმენდნენ, მოხსენების დროს ხმამაღლა ეფურჩულებოდნენ და აღერსით უღიმოდნენ ერთი მეორეს. მთელი დღის ნერვიული და დამქანცველ მუშაობის შემდეგ, — სასიამოვნო იყო ამხანაგების ერთმანეთთან შეხვედრა. ამიტომ



რობეიკოს ცეცხლიანი მოწოდება ჰქრებოდა, როგორც წყალში ჩავარდნილი ნაპერწკალი. არავინ არ დაუჭირა მხარი მის წინადადებას და მხოლოდ მისი შემდეგ კი ზიზანს დიდხანს უხდებოდა მტკიცება იმის, რომ შეუძლებელია პროექტის შესრულება, რომ არეულობა შეგვიშლის ხელს რკინის გზის ლიანდაგთან შეშის მოზიდვაში, რომ არ იკმარებენ ხერხები, ნაჯახები და ურმებიო.

პატარა ტანის პუხპალტერიის წიგნის მოსაწყენი ციფრის მხგავსი იქერდა იგი ფრთებით რობეიკოს მფრინავ აზრებს.

შემდეგ წინააღმდეგ ილაპარაკა კარაულოვმა, ყაზახმა მოყვითალო — შავგრემანი სახით, გარეშამო შემოვლებულ თხელი წვერით, იგი ყალიონიდან უშვებდა კვამლის ბოლს და ბურტყუნებდა ყრუ ხმით: „ბანდიტები ეხლა ქალაქს გარეთ ძალიან მოძრავლდნენ... და თქვენ კი წითელ არმიელები მიგყავთ ქალაქიდან 12 ვერსის მანძილის მოშორებით. უმათოთ ხომ ვერ მოსქრით მონასტრის ტყეს. გამოწვეულ ბურეუებით და ილაჯ გაწყვეტილ საბჭოთა მოსამსახურეებით შორს ვერ წახვალთ.“

და რობეიკოც გამწარებული ხველებით შენიშვნების წიგნაკით ხელში უბასუხებდა ზიზანს, და კარაულოვს კი ჩახლეჩილი ხმით ეუბნებოდა, რომ არ არის სხვა გამოსაფალი... რომ რეგოლიუცია მოითხოვს... მაშასადამე საჭიროა გაბედვა.

— გაბედავ, — აიღებენ ქალაქს, ამოვლეტენ კომმუნისტებს, რამოდენიმე თვით მოსწყვეტავენ კუთხეს ცენტრს — გარკვევით, გესლიანად, ჩუმად, მაგრამ ყველას გასაგონად, ამბობდა კარაულოვი და შემდეგ იმაღლებდა ხმას და ყვიროდა გაბრაზებით: — ეჰ, რას გვაბედნიერებ შენ, რობეიკო; გამოიწვიო აჯანყება, — ეს ხომ ხუმრობა არ არის. ჰკითხე კლიმინს. ის, როგორც ჩეკის თავჯდომარე, მოგიყვება თუ რა მღელვარებაა ახლა სოფლებში.

კლიმანი კი გაშტერებული სდუმდა, ოცნებობდა რაღაც მხიარულზე, ბრწყინვალეზე, მისი თვალები იყვნენ ნაზი და მხიარული გამომეტყველების. თავის გვარის გაგონებაზე იგი უეცრად შეხტა, მიატოვა ოცნება და გაუგებარ შეუგნებლობით მიაპყრო სმენა რობეიკოს სიტყვას, სრულებით ეთანხმებოდა ზიზანის დამშვიდებულ მსჯელობას, კარაულოვის ბრაზიან სიტყვებს, — და ყველაფერი ის, რაზედაც ლაპარაკობდა რობეიკო ეჩვენებოდა მას მის ავადმყოფ ენტუზიაზმის ნაყოფათ.

— უნდა დავჭიმოთ ნებისყოფა, რომ გამოვიდეთ ჩიხიდან სხვანაირად... ყანებს ვერ დავთესავთ!

და ხველებით რობეიკომ გაიშვირა ხელი წყვედიადით მოწოლილ ფანჯრისკენ. მას გააყოლა კლიმინმა თვალი: შეხედა ლამეს თვალებში: სადათ და მკაცრად იხედებოდა იგი ოთახში და კლიმინმა წარმოიდგინა თავისთვის უსაზღვრო მხარის ვეებერთელა სიფრცე, რომელზედაც გადაფარებულიყო ლამის ზეწარი. მანდვრები, გამოღვიძებული გამდნარი თოვლის გორების ქვეშ. ყანები, რო ელოდებიან: მოთესვას, გლეხებს, რომელნიც ყორესთან შეგროვილი შავ გუნდათ მსჯელობენ ამინდზე, მოსავალზე და შემდეგ იგონებენ, რომ ცარიელია ბელები, რომ არ არის სათესლე, იშლებიან ჩუმად და თრთოლით ელიან ქალაქის-

გან შველას და, ყოველი დღის მოლოდინით მათ სულში იზრდება შავი ღვარძლი კომუნისტების სასურსათო კომიტეტების და საბჭოების მიმართ.

და კლიმანიც უეცრად მიხვდა თუ რატომ არის უსუსურობის და აღელვებული რობეიკო, მიხვდა, რომ „არ არის გამოსავალი“. და უცბად გაიღვიძა მისმა პრაქტიკულმა, ნათელმა ჰეუამ სწრაფად გაითვალისწინა მთელი გეგმა, კლიმანიც ახრათ წარმოიდგინა მისი შესრულების მთელი გზა და თავის მაღალი, ძლიერი ხმით მსჯელობის დროს მხარი დაუჭირა რობეიკოს.

რობეიკოს სრულებით არ შეეძლო ლაპარაკი. იგი ნახევრად წამოწოლილი ისვენებდა რბილ ტახტზე, და თავის ქნევით, ღიმილით უსმენდა კლიმანს, რომელიც ხელად თავის პრაქტიკული წინადადებით შეეტოქა ზიმანს და, როცა უყარეს კენჭი, მაშინ „წინააღმდეგ“ მხოლოდ კარაულოვმა ასწია თავის მაგარი ხელი ყინვისაგან დამახინჯებული, მოლუნული თითებით... პარტკომის დანარჩენი წევრები კი აენათენ იმ წყნარი, აუღელვებელი ცეცხლით, რომელიც კრთოდა კლიმანის სიტყვებში.

გათავდა თუ არა პარტკომის სხდომა, მაშინვე შეიკრიბა კომისია, რომელიც იყო არჩეული შეშის დასამზადებელი გეგმის ცხოვრებაში გასატარებლად. ამ კომისიაში შევიდნენ კლიმანი, რობეიკო, კარაულოვი და ზიმანი. ხვალ პარტიის ნებით, კომისიის ხელმძღვანელობით დაწესდა მუშაობა.

ხვალ გახეთის მოწინავე ხმა მაღლა აუწევს ყველას სიმშვილობის საშიშროებაზე და მოჭმელების აუცილებლობაზე.

ხვალ მიტინგებზე და კრებებზე სამხკომისრები და აგიტატორები მოუყვებიან ყურადღებით სავსე წითელ არმიელებს, რომ თუ უნდათ მათ, რომ ყანები დაითესონ, საჭიროა შეშის მოსატრელად გამგზავრება!

ხვალ ზიმანი ყველა საწყობებიდან შეაგროვებს ხერხებს და ნაჯახებს და კომუნალური მეურნეობა გამოიწვევს ურმებს. ხვალ რობეიკო მტკივანი ყელის დაუზოგავად გაატარებს პროფკავშირების საბჭოში წინადადებას კავშირების წევრების მობილიზაციის შესახებ და წარმოებებში მუშათა საერთო კრებები გამოიტანებენ მოუხეშავ რეზოლიუციებს... ხვალ!

* * *

ქალაქის ზევით, უსაზღვრო თოვლის გორების და მთების მაღლა, წყნარად ამართულა ლურჯთვალა მთვარიანი ღამე. იყო საღამო მოუსვენარი, ქარიანი, სწრაფად გარბოდენ ღრუბლები ვარსკვლავებისა და მიწის შორის, დაისის ცეცხლში მოსხანდა წითელი ზოლი. ქარი არხევდა აბრას, რომელიც მღეროდა ქრიალით და მისი შავი ლანდი ზანტად დახეტიალობდა ქვაფენილზე. შემდეგ ქარმა გადარეკა ღრუბლები და ჩადგა. ცოტათი გაჰყინა. ქუჩები ცარიელია. გარკვევით მოისმის ნაბიჯი ქუჩაში შემთხვევით გამოვლელის. ცა კი ღრმა და ვარსკვლავებით მოჭედილი.

კლიმანი გამოვიდა ჰაერზე, ამოისუნთქა ფართელ მთელი მკერდით, უეცრად იგრძნო სიხარული. ჰაერში უკვე იფრქვეოდა სურნელება შორეულ ტყის მინდორზე მთვლემარე გაზაფხულის.



სად წავიდეს? საცაა გათენდება, სინათლე ჩუმაღ მთიბარება მბლალ სახუ-
რავიდან და ღამეც მკრთალდება, ფერს იცვლის, თითქოს ვეღაც ინათებს ქუ-
ჩებს შორეული, დიდი ფანარით. ჩქარა დადგება დილა და დაიწყებს იქნება
ისევ მუშაობის დაწყება. ფხიზელი, მტკიცე ნაბიჯით წავიდა იგი ცარიელ ქუ-
ჩებით ჩეკაში, რომ თავის კაბინეტში, ტახტზე გამოძინების შემდეგ, ხვალ ისევ
შეუდგეს მუშაობას.

უნდოდა საჭმელი და უფრო მეტი ძილი, თავში კი უტრიალებდა ფრაზე-
ბის ნაწყვეტები, ამხანაგების ხმები და მათი სახეები: გაშტერებული მხერა რო-
ბეიკოსი, ზიმანი ზეზე რომ ხატავს ქალაქზე რაღაცას და კარაულოვი, რომე-
ლიც ღიმილით აბაკუნებს იატაკზე ვეებერთელა ფეხებს.

ქალაქი მოუცავს ღრმა მდუმარებას და არც სინათლე სჩანს არსად. მხო-
ლოდ ჩეკას ორსართულიანი შენობა აფრქვევს სინათლის შუქს თოვლის ლურჯ
გორებს და ფხიზელი გუშაგები სდგანან სადარაჯოზე შესავალ კარებთან. შენო-
ბის შიგნით, ელექტრონით მკრთალად განათებულ ცარიელ ოთახებში, გაპყი-
ნულან სკამები, მაგიდები და შკაფები გეგონებათ თითქოს გაქვავებულან ფხი-
ზელ ძილშიო, რომლიდანაც არც ისე ძნელია გამოღვიძება.

საგანგებო კომისიის მორიგე გამომძიებელი გორნიხ, მაგიდაზე დაყრდნო-
ბილი რაღაცას სწერს. მას აქვს სახე მოწყენილი, ძარღვიანი და ფართე, ღრმად
ჩამჯდარი თვალები, შუბლს კი ფარავს ქუდი ბანჯგვლიანი ბეწვებით. ერთის
შეხედვით გეგონება ხანში შესული, მაგრამ თუ გვერდიდან შეხედავ, დაუკვირ-
დები პირის სახის მოხაზულობას, რბილ ოვალს, მაშინ ნათლად იგრძნობ, რომ
ის ჯერ სრულიად აბალგაზრდაა.

მას უნდა დაიძინოს, გაშალოს ფეხი მაგიდის ქვეშ, ჩამოდოს ხელი სავარ-
ძელის სახელურზე და დაიძინოს ტკბილად და უღარდელად. მაგრამ ძილი არ
შეიძლება, მძინარ ქალაქში, მძინარე კუთხის მთელ სივრცეში, სადაც ასე ბევრი
ტყუებია, ხრამები და ყრუ, გაუგებარი გზები, — მართო ერთ გორნიხს არ სძი-
ნავს, როგორც გუშაგს სადარაჯოზე. ყოველ წუთში შეუძლიათ დაურეკონ მას
ტელეფონით, გამოუძახონ პირდაპირ მავთულთან... ძილი არ შეიძლება.

გორნიხს კი ორი დღე და ღამე არც ერთი წუთი არ სძინებია. წინა ღა-
მით იყო ოპერაცია, ჩხრეკის მთელი რიგი. უკან დაბრუნებისას ცარიელ ქუჩებზე
ისუნთქავდა გორნიხ დილის გაყინულ ჰაერს და ოცნებობდა მასზე თუ როდის
გაიხდის და დაწვება ქვეშაგებში. მაგრამ ჩეკაში ის მოულოდნელად შეაჩერეს,
მას მოუხდა მორიგეობა ავადმყოფი ამხანაგის მაგიერ. მაგარი და ალერსიანი
შეგინების შემდეგ მიიღო გორნიხმა მორიგეობა და მთელი ღამის განმავლობაში
ერთხელაც არ ჩასთვლემია. რამოდენიმეჯერ რეკავდა ტელეფონი. ტელეგრაფი-
დან მოჭკონდათ საიდუმლო შიფრიანი დეპეშები. მაგრამ რამდენადაც ღამე
გრძელდებოდა, მით უფრო ძლიერდებოდა დაღლილობა, ერთდებოდენ სტრიქო-
ნები გორნიხის თვალებში. მან მიატოვა წერა და დაუგდო ყური ვენტილიატორის
მწყობრ შრიალს. იგი უცქერის ფანჯრიდან ლურჯ ცას. თვალები თავისით იხუ-
ჭებიან და ხევიდან და ირგვლივ მას ეხვევა თხელი ნისლი სახეების, ხმები,
შრიალი, ხმაური... ხმაურობს ვენტილიატორი და მისი ხმა ისმია, როგორც

ფეხქვეშ ქარისაგან შერბეულ მაღალი ბალახის შრიალი... თუთრად/გამოწყობი-
ლი ქალწული მიდის ბალახზე, რომელიც იკეცება და იშლება მის/ფეხქვეშ. მი-
სი სახე — სადღაც უნახავს, თითქოს ნაცნობია... რა მსუბუქი მშვენიერობა
და რა ალისფერი, ტკბილი ტუჩები აქვს... შიშვენიერება

მოესმა გაღებულ კარების კაკუნი და მას უეცრად გამოეღვიძა. მაგრად შე-
უკურობა საკუთარ თავს ჩათვლენისათვის და ახლად დაწყებული ძილი სადღაც
უკვალვით გაჰქრა. ეს რაა? ქარის კაკუნია? დეკემბი? გამოძახება?

არა, ეს კლიმინია. გორნიხი იცნობს მას მიხვრა-მოხვრით. მიესალმენ.
კლიმინმა მოუკიდა ცეცხლი ქუჩაზე გამქრალ პაპიროზს.

კაბინეტში შესვლისას უსმენდა გორნიხი კლიმინს სამი კრების შესახებ,
რომელსაც დაესწრო კლიმინი, უსმენდა ამბებს ზიშინის მოხსენების, რობეიკოს
გამოსვლის, პარტკომის კრების შესახებ. — კარაულოვმა რაღა სთქვა? — აღელვ-
ებით შეეკითხა ის.

დილის ტკბილი ძილისაგან აბარბაცებულმა, როგორც ბუხმა სურნელოვან
მურაბაში, გაიმეორა კლიმინმა ნოთხრობა და გაათავა ის ძილის პირის მთქნარე-
ბით. გორნიხმა ჩუმად ჩააქნია თავი. წავიდა თავის ოთახში. თაროდან ჩამოიღო
სქელი პაპკა მიმდინარე მუშაობის საქმეებით და ყურადღებით დაუწყო თვალღი-
რება ზოგიერთ საქმეებს.

აი, უკვე ორი წელიწადი გავიდა მას შემდეგ, რაც მიყრუებულ ქარხნიდან
17 წლის ყმაწვილი გორნიხ გამოიყვანა რევოლიუციამ სამუშევარზე და პარტიამ
კი გააგზავნა სამუშაოდ ჩეკაში. მას შეეძლო ჩაქუჩის დარტყმა ლოჯისთვის, ხე-
ლებზე დაუხედავად და მასთან უშიშრად იგი იყო აგრეთვე დარწმუნებული თა-
ვის თავში და თავის მუშაობის შედეგში. სრულებით არ გამოდიოდა მიტინ-
გებზე და ძალიან იშვიათად ესწრებოდა უჯრედის კრებებს.

გორნიხი ყოველთვის იყო ფრთხილი. მას შეეძლო ყოველი დანაშაული
დაეკავშირებია ბევრისთვის შეუმჩნეველ მღელვარებასთან, რომელიც, როგორც
წყალქვეშა ღრმა მდინარება, მარად ღელავს ხაღხში, გადადის სოფლებში, ბაზ-
რებში თავის მდინარებაში ღეკავს ათასობით ქალაქის მეშჩანებს. ხანდახან ეჩვე-
ნებოდა მას, რომ თითონ ის და ათასი მისი ამხანაგი მიდიან წვრილ და თხელ
ყინვის ქერქზე, რომლის ქვეშ ცოფიანობს გაბრაზებული წყალი, რომელიც მზად
არის ყველაფერი შთანთქას და დაჰფაროს. ამიტომ, როცა კლიმინი მოუყვა მას
კარაულოვის საწინააღმდეგო გამოსვლაზე, მან თანხმობის ნიშნათ ჩააქნია თავი
და, როცა გადაშინჯა უკანასკნელი საქმეები და ინფორმაციული ცნობები, —
ჩაილაპარაკა თავისთვის: „ყოჩაღ კარაულოვ“!

შეუმჩნევლად, ნაზად თუმცა საგრძნობი ძლიერებით, ფერმკრთალი სინათ-
ლე დაეპატრონა ოთახს.

ამოდიოდა მზე არა მცხუნვარე, მაგრამ ალისფერი დი ნათელი. იგი ის-
ვროდა ოთახში ყვითელ შუქს. გორნიხი ხარბად ეწვოდა პაპიროზს, რომელიც
ეჩვენებოდა მას რბილად, ივინებოდა გულმოსული, რადგან უძილო ღამისგან
ტკიოდა თავი და მოქანცული სხეულიც თხოვდა მოსვენებას. სამუშაო დღე ჩე-
კაში უკვე იწყებოდა; ერთი მეორეზე მარდები — სწრაფად რაწყუნებდენ მანქა-

ნები და გარედან ჩეკას მყუდროებას ყოველ წუთში არღვევდნენ ტელეფონების ხარების წკრიალი.

კლიმინის ყურთან გაიწკრიალა ტელეფონის ვერცხლისფერი ხმა, და ნაწყენმა გორნიხზე, ხელის ჩაქნევით, კლიმინმა აიღო ტელეფონის მილაკი ხელში. შორიდან მოისმა გაურკვეველი, თითქოს ბურუსიან ქალაქზე დაწერილი სიტყვები. მაგრამ ხმა კი თუმცა დიდი ხანია არ მოუსმენია და ტელეფონშიაც გადასხვაფერებული იყო, მაგრამ ხელად გაიგო და იცნო.

გორნიხმა შეამჩნია, როგორ ლაღად გაბრწყინდა კლიმინის სახე და ახლა უფრო ნათელი გახდა, რომ ის ახალგაზრდაა, თუმცა სახეზე ნაცრისფერი კანი აქვს და ბევრი ნაოჭი თვალების ქვეშ. მაგრამ თეთრ კბილებში გამკრთალმა ლიმილმა სახე აანთო და უცბად იქცა იგი ახალგაზრდა, ალერსით შემკრთალი. „ნეტა რა ემართება?“—გაიფიქრა გორნიხმა.

— გამარჯობა, გამარჯობა შენი... დიდი ხანია რაც დაბრუნდი მოსკოვიდან? სადგურიდან? ცხენი გამოგიგზავნო? კარგი... თითონ მოვალ.—ის ადგა მაგიდიდან და ჩამოჰკიდა მილაკი. აშხ. გორნიხ, სიმკოვის ქალი ჩამოსულა მოსკოვიდან და ჩამოუტანია ლიტერატურა. მე ახლა არ მცალია, შემდეგ მოვილაპარაკოთ.

ის უკვე ჩამორბოდა კიბეების საფეხურებით ეზოსაკენ.

* * *

ცხენი თქრიალით მიჰქროდა ქუჩებზე. ქვაფენილებზე იდგა ხალხის მზიარული ხმაური... კლიმინს გულზე მოეშვა, თითქოს მის სულს ჩამოაშორეს მტვერიანი საბურველი. გეგონებოდა, თითქოს უკანასკნელ თვეებში მუშაობის გარდა აღარათფერზე არ ფიქრობდა, დღითი დღე სცხოვრობდა მის განუწყვეტელ რიტმში და მხოლოდ ახლა მიხვდა, რომ შორეულ ასულზე ფიქრი ყოველთვის სცოცხლობდა მისი ტვინის შორეულ კუთხეში.

— გორნიხი გაეცნო მას პარტკომის კრებაზე; მას ჰქონდა ოქროსფერი თმა დახვეული უშნო ნაწნავად, რომელიც გარს ევლებოდა თავზე შარავანდელათ და ეცემოდა თვალებს, მრისხანე და ჩაფიქრებულ შუბლს გარდი გარდმო ნაოჭებით ხშირად ხვდებოდნენ ისინი პარტიულ მუშაობის დროს ერთმანეთს, მან იცოდა რომ იგი იყო გამგე პოლიტგანყოფილების, კულტგანათლების, რომ რევოლიუციამდის იგი იყო სოფლის მასწავლებლად და პარტიაში კი შევიდა 1918 წელს. მასწავლებლობიდან მას დარჩა ჩვეულება ხმა მაღლა, გარკვეული, დამაჯერებელ-ალერსიანი ინტონაციით ლაპარაკის, თითქოს იგი ებაასებოდა მოწაფეებს. და მის მოხსენების დროს, კლიმინი ხშირად ივიწყებდა სიტყვების აზრის გაგებას, და უსმენდა მხოლოდ ხმის რბილ ქცევას და სტკბებოდა მზიარული, ტრედისფერ ლიმილით, რომელიც იხედებოდა მისი თვალების ფსკერიდან, ლიმილით, რომელიც არ იყო პარმონიულად შეთანხმებული მისი სახის მკაცრ გამომეტყველებასთან.

ხშირად ამჩნევდა იგი თავის სისუსტეს, მასში, რომ იგი გაფაციცებით ადევნებდა თვალყურს მის პატარა, მაგრამ მაგარი ხელის მოძრაობას, ისე ღო-

ნივრად რო უპასუხებდა ხელის ჩამორთმევის დროს, მანქანისებურ მოძრაობას მისი გრძელ თითების, რომელთა მსუბუქ შეხებაში გამოიხატებოდა ამდენი სინაზე, მამაკაცისთვის დაფარული. როცა წარმოიდგენდა მანქანის საქციელს — სინილისი ქენჯნიდა მას. ასეთ ლამაზს, საღს, მაღალს მოყვანილ ტანზე ოქროსთმიანი თავით, — იგი იცნობდა მას ცოტა ხანს, ტიფის ეპიდემიამ, რომელმაც მოიცივა მთელი ქალაქი, — დააწვინა იგი ექვსი კვირით ქსენონში. და გართული ციებიან ბრძოლაში შეთქმულებასთან, ბანდიტიზმთან და ტიფთან მან თითქმის დაივიწყა ის და, როცა, ავადმყოფობის შემდეგ, შეხვდა მას — თითქმის ველარ იცნო. ის იყო მკრთალი, თითქო უსისხლო, გაყვითლებული ლოყებით და ტუჩებით, გაპარსული თავი იყო მქისე და თითქოს დახაშმული მისი თვალები იყვნენ უფრო გამჭვირვალე და მძიმე ავადმყოფობის შემდეგ კიდევ დიდხანს დარჩა მათში დაღლილობა.

ხშირად ამჩნევდა კლიმინი, თუ როგორ ჩასთვლენდა ხოლმე მას, ვარდასფერ ხელზე თავჩამოდებულს, ხანდახან მოხსენების დროს, მერე შეხტებოდა და მის თვალებში ანათებდა მოქანცული ღიმილი. ხანდახან კრების შემდეგ ლაპარაკობდნ ისინი პოლიტიკაზე, პარტიის ცხოვრებაზე, მიმდინარე მუშაობაზე და ჩქარა უკვე მიმართავდნ ერთმანეთს ამხანაგური შენობით, რომელიც აერთიანებს ვეებერთელა ქვეყნის კომმუნისტებს ერთ მთლიან ოჯახათ. მაგრამ არა თუ სიყვარულის, არამედ მეგობრობის სიტყვებიც კი არ თქმულა მათ შორის. არც დრო ჰქონდათ დაფიქრებულ იყვნენ თავისი პირად განცდებაზე, ნამეტანი სასწრაფო მუშაობა ჰქონდათ და ძალიან ცოტა დრო რჩებოდათ თავისუფალი. მხოლოდ გამგზავრების წინ, საჩქაროთ გამომშვიდობებისას, ღრმა ახალგაზრდულმა გატაცებამ უკარნახა კლიმინს ეკოცნა მისთვის გაღიმებულ ტუჩებში.

იგი იწვიათად იღიმებოდა ხოლმე და მისი წყნარი სიცილი კლიმოვმა გაიგონა მხოლოდ ახლა სადგურის ალიაქოთსა და ჩოჩქოლში, როცა იგი ეხმარებოდა მას წიგნებით სავსე ტომრების წაღებაში. კლიმოვს წარმოუდგა იგი სრულიად გადასხვაფერებული: იგი გაშავებულიყო, გამხდარიყო, თმები წამოზრდოდა, მოძრაობა მოდუნებული ჰქონდა. მან გაიცინა წყნარი, მხიარული სიცილით და შეკითხვებზე სწრაფი პასუხის გაცემით, — იგი მოუყვა მას პარტკომის მიმდინარე მუშაობის, კუთხის მდგომარეობის, შეწის პროექტის შესახებ... და როცა ისინი მოდიოდნ ქალაქისაკენ თოვლისგან ვერცხლისფრად აელვარებულ გზაზე კლიმინს წყდებოდა გული მასზე, რომ მან არ უთხრა მას ის, რაც მისთვის ყველაზე უსაქიროესი იყო.

დაბლა კი სადგურის ვიწრო მოედანზე, შევებულებაში მიმავალ წითელ ლაშქრელთა და სადგურზე თავმოყრილ ხალხის ჩოჩქოლში ჩვეულებრივად დაბნეულ გლეხების გვერდით შეხვდნენ ერთმანეთს ორი კაცი, — მისალმების შემდეგ ერთი მიმართავს მეორეს;

— ხედავ ჩეკის თავმჯდომარეს... აი იქ ქალთან.

— ვინ არის ის ქალი?

— პარტიულია... — მოპასუხე იყო მსუქანი გლეხი, მოზრდილი, ქერა წვერებით... გრძელ ქურქში გახვეულს შეეტლეს ხელში მათრახი ეჭირა, თავზე

ეხურა დახეული ბოხობი ქუდი, რომლიდანაც შუბლზე მოსდრიოდა ოფლის წვეთები.

მეორე — იყო მოყვანილი აგებულობის, ტანზე ეცვეტა ^{ქუდი} ქურქი, რომელიც მჭიდროთ ეკვრებოდა მაგარ ფიგურას, თავზე ეხურა წითელ მოლაშქრის შავი ჩაჩქანი დიდი წითელი ვარსკვლავით.

მას ჰქონდა ტრედისფერი თვალები, ლამაზი, გრძნობიერი სახე. სახელოზე ეკერა ვარსკვლავი და ორი კუბიკი — მაგრამ სიარულში, მოყვანილობაში, ყოველ მიმოხვრაში ემჩნეოდა, რომ იგი იყო კადრის აფიცერი. ის ახლა ჩამოვიდა, ხელში უკავია ნივთების პარკი. და მისი თვალები კი ყურადღებით და თან მტრული განწყობილებით მისჩერებიან კლიმინს და სიმკოვისას, სწავლობენ, იმახსოვრებენ მათ ყოველ მოძრაობას.

წავიდეთ ჩქარა... ბინა ვიშოვე აქვე... ერთ ებრაელთან... იგი ძალიან გვეხმარება ჩვენ, გვაძლევს ფულს და ორჯელ მიხსნა მე დამალვით. საბუთები ხომ გაქვთ თქვენ?

— ოლქიდან მივდივარ სამხედრო კომისარიატის განკარგულებაში, როგორც სამხედრო სპეცი... ჩემი სახელი და გვარია — ბარის რეპინ და ჩემ სამსახურის სიაშიც — აღნიშნულია — ორი წლის სამსახური წითელ ლაშქარში... მადლობაც მაქვს მიღებული ბრძანებით...

ისინი უკვე მიდიოდნენ ქუჩაზე და მეეტლე დრო გამოშვებით იხრებოდა მარხილის უკან და წასჩურჩულებდა რეპინს:

— ჩვენ კი სრულებით არ მოველოდით.. მე, როგორც კი გავიგე, რომ თქვენ დაგამარცხეს, ვფიქრობდი, მორჩა, მეტს ვეღარ ვნახავდით... ახლა სამხედრო ძალები აქ ძალიან ცოტაა, გაბნეული არიან სოფლებში და ქარხნებში.. გლებობა ჩვენს მხარეზეა.. სათესური არა აქვთ სოფელში.. ღვთის შემწეობით — მაგათ ვაჩვენებთ სეირს.

III

ქუჩებზე ჰყინავს ისე, როგორც სჩვევია გაზაფხულის ადრიან დილას: გრილი, წითელი ნზე ჰყიდია ჰორიზონტზე; დასავლეთის ოთახებში, ბნელ კუთხეებში, კიდევ სჩანს ლამის წყვილიადის კვალი და პოლიტგანყოფილების მდივანი კი უკვე მოსულა სამსახურში და ხელს აწერს ფურცლებზე, რომელიც მთვლემარე მორიგეს წინ უძევს: „მატუსენკო“. და ყოველი ასო მისი ნაწერის — არის მრგვალი, გარკვეული, დათავებული და მხოლოდ ბოლოში აქვს მიწებებული პატარა კუდი, წვრილი და გაუბედავი ხაზით.

მატუსენკომ გაიძრო მაზარა და ჩამოჰკიდა. შემდეგ ვადივარცხნა თმა და შევიდა გამგის კაბინეტში. იქ სდგას მისი სუფთა მაგიდა, გადაფარებული ვარდისფერ საშრობით. მატუსენკო იხედება გამგის სამელნეში — არის თუ არა მელანი? შინჯავს გამგის კალამს — ცუდი კალანია.. მატუსენკო გამოსცვლის მას, აწუბს ჭაღალდებს გამგის მაგიდაზე და ათვალთვლებს პოლიტგანყოფილების მოადგილის გაურკვეველ ნაწერს. მატუსენკო მორჩილი ტანისაა, აცვია სუფთად დაუთოვებული შარვალი ზარის ფასონის, თითებზე ბეჭდები აქვს, სახე ფარ-

თე, მოწითური გაქვავებული ღიმილით, რომელიც მიაგავს ^{სულის} მოწერის კედს, მატუსენკო რო უკეთებს თავის გვარს ბოლოში. სუფთა, სამხედრო ხალათზე — ნინანქრის ვარსკვლავი აქვს მიკერებული. დღეს კვირა და მხოლოდ თერთმეტი საათისთვის გროვდებიან პოლიტგანყოფილებაში ნინანქანე ქალიშვილები და გადამწერლები, — მხიარულობის და ხმაურობის მოყვარული საზოგადოება. მაგრამ მატუსენკო მათ ერიდებათ ან, უკეთ, ვერ ამჩნევს მათ, არ ფიქრობს მათ არსებობაზე, როგორც არ ფიქრობს იმ საგნებზე და ცხოველებზე, რომელნიც მას არ ებებიან, ყველა ადამიანებზე, რომელნიც მას მიაჩნია თავის თანამდებობაზე დაბლა, წითელ არმიელებზე და მასწავლებლებზე, რომელნიც მოდიან პოლიტგანყოფილებაში.

მაგრამ მატუსენკო სამაგიეროთ ძალიან ბევრს ფიქრობს მათზე, ვინც მასზე მეტია თავის სამსახურის მდგომარეობით დაწყებული პოლიტ-განყოფილების უფროსის გოლოვლევისგან და გათავებული ლენინით და ტროცკით. უფროსებსაც ის სწვა და სხვანაირად აფასებს: ერთნი მას მოსწონს და მეორენი არა, მაგრამ საზოგადოთ უფროსებზე იგი ბევრს ფიქრობს და უთვალყურებს მათ თავის პატარა თვალებით.

გოლოვლევი მყვირალა, უხეში მოუპარსავი ნიკაპით, ბინძური ტანისამოსით მატუსენკოს არ უყვარს. ერთხელ მატუსენკოს უნდოდა მოხმარებოდა გოლოვლევის პალტოს ჩაცმაში, მაგრამ მან არ მოისურვა ასეთი სამსახური, გადახედა დაცინვით და წარმოსთქვა მეტად გაუგებარი და შეურაცმყოფელი სიტყვები:

— ამხანაგო მატუსენკო! რისთვის ჩადიხათ თქვენ ამას, თქვენ ხომ კომმუნისტი ხართ. ვინ გეხვეწებათ იქცეთ ლაქიათ? „გასაგებიცაა, — ფიქრობს მატუსენკო, — გოლოვლევი — ქამია, მუშა, სწერს გრამატიკული შეცდომებით და, როცა გული მოუვა, — უზრდელად იგინება“.

და თუმცა მატუსენკოს არ უყვარს და ეშინია გოლოვლევის, მაგრამ გოლოვლევი უფროსია და ეს კი ნიშნავს იმას, რომ უნდა დაემორჩილო და ღიმილით მოისმინო მისი უხეში შენიშვნები. ხშირად დაფიქრებულა მატუსენკო ამ უცნაურ წესრიგზე, რის გამოც მას, — აღზრდილს, ნასწავლ კაცს, რომელსაც აქვს სამხედრო მოხელის წოდება, — უხდება დაემორჩილოს გაუნათლებელს, საძაგელ გოლოვლევის.

მართალია, რესპუბლიკას ჰქვია მუშურ-გლეხური და გოლოვლევიც — მუშაა, მაგრამ სულის სიღრმეში მატუსენკო სთვლის ყველა ამ სახელწოდებას: „სოციალისტური ფედერატიული რესპუბლიკა“, ყველა ამ დევიზებს და ლოზუნგებს ისეთივე ოფიციალურ სახელად, როგორც ხელმწიფის ტიტულს, რომელიც მატუსენკომ ზეპირად იცის.

მარტინოვის მოსვლამ შეაწყვეტია ფიქრები მატუსენკოს და ზრდილობიან საღამოზე მანაც თავი დაჰხარა და მიესალმა ტკბილი ღიმილით.

მარტინოვი არ გავს გოლოვლევის. იგი ყოველთვის სუფთაა, კეთილი სახის, ყოველთვის გაპარსული, თუმცა გლახათაა ჩაცმული, — რაც მატუსენკოს ყოველთვის უყვარს.



ის არას დროს არ ყვირის და წითლდება როცა უნდა ჩაიბე ბრძანება გასცეს.

კეთილშობილი აღზრდა აქვს მიღებული, გიმნაზიაში სწავლობდა — ფიქრობს მატუსენკო. მარტინოვი კი ყოველთვის უხერხულად დაუძინებს თავს, როცა სამსახურის მოყვარე მატუსენკო შეცრად მიიღებს მის ულუფას და თითონ მოუტანს ბინაზე.

მაგრამ ძალიან ბევრს ფიქრობს მარტინოვი რევოლიუციაზე, კომმუნისტებზე, თავის ცხოვრებაზე, კაცობრიობაზე და სრულებით ვერ ამჩნევს, რომ ყოველგვარ სამსახურისთვის მზად მყოფმა, მორჩილმა მატუსენკომ უკვე დიდი ხანია შეისწავლა მარტინოვის პიროვნება, შეისწავლა და თავისებურად განმარტა.

აი, მატუსენკო წყნარი, ნაზი ხმით ეკითხება მარტინოვს: „რისთვის სწამს ხალხს ღმერთი? რა არის იმპერიალიზმი? როდის იქნება მსოფლიო კომუნისტური რევოლიუცია?“ მარტინოვი გამოცოცხლდება. იწყებს პასუხის გაცემას და თან ფიქრობს მატუსენკოზე: „ცნობის მოყვარე ყმაწვილია, მხოლოდ თავმოყვარეობა, საკუთარი რწმენა არა აქვს“. და არ იცის მან, რომ მატუსენკო ძალიან დაჯერებულია თავის თავში, იცის თავის ცხოვრების გზა, ნადიროვით ფხიზლად ადევნებს თვალყურს ყველაფერს და სრულებით არ ისმენს მარტინოვის გრძელ განმარტებას.

მარტინოვისთვის სწრაფად მიჰქრიან ჩამწკრივებული დღეები, და შეუმჩნევლად გაიარა აგრეთვე ურალის გრძელმა ზამთარმაც.

დადგა გაზაფხული და მარტინოვმა არა ჩვეულებრივი სიხარულით შეცრად იგოძნო, გაზაფხულის ნაზი ალერსი. დღესაც, როგორც ყოველთვის, პოლიტგანყოფილებაში შემოდინან სამხედრო კომისრები (უკანასკნელი ცირკულიარული წერილი ბევრმა სწორად ვერ გაიგო) და სრულიად რუსეთის საგანგებო კომისიის ბატალიონის სამხ. კომისარი, ახალგაზრდა, ლამაზი ყმაწვილი, წითელ შარვალში და კახტა ფრენჩში გამოწყობილი, ჩვეულებრივ ეჭვით უყურებს ყოველ წვრილმანს, და ყველაფერში ხედავს პოლიტგანყოფილების ბიუროკრატიზმს და ეშმაკურ ღიმილით ამბობს დამშვიდობებისას: „ქარგი, ანხ. მარტინოვ, თქვენ გვიბრძანებთ — ჩვენი საქმეა ბრძანების შესრულება... მხოლოდ ეს ხომ ბიუროკრატიზმია“... შეცრად გაიელვებს მატუსენკო, მოაქვს ქალაქები ხელის მოსაწერად, იქვე დგას ვილაც მასწავლებელი, მიუცია პატაკი, რომ ვერ ივლის სამსახურში — „ფეხსაცმელები არ აქვს!“ და ის უჩვენებს თავის დასველებულ ნაბდის ფეხსაცმელზე... მაგრამ ყველაფერი ეს, განათლებულ რევოლიუციით, წინათ საინტერესო წვრილმანებშია(ც, — დღეს მოსაწყენია და ინტერესს მოკლებული. და მარტინოვი ხშირად გამოირბენს ხოლმე ქვის დერეფანში, რომელზედაც გადნა თოვლი, და ნეტარებით თბება მზეზე.

სადილის შემდეგ ახმაურებულ საბჭოთა სასადილოში ჩამოვარდა, მარტინოვისთვის უჩვეულო, თავისუფალი დრო: არ იყო არც ლექცია და არც კრება. მხიარულ, ტალახიან ქუჩაზე ის ნელა მიდიოდა თავის ბინისკენ, ვერ შეამჩნია როგორ დაუსველდა ფეხები და თავის ნელი ნაბიჯით იგი უშლიდა ბავშვებს გამშრალ ქვაფენილებზე კოჭის თამაშობას.

მიდიოდა და ჩვეულებრივად ფიქრობდა, ბავშობიდანვე ნაცრობი სახლები, მომაბეზრებელი აბრები და ნაცრისფერი, მესრები, ბზობლიური ქალაქი, აღვიძებდნენ მასში წარსულ ცხოვრებას, მოგონებას, ციმბირში მგზავნილის ოჯახის, გიმნაზიელი ამხანაგების შესახებ, რომელთა უმრავლესობა ახლა თეთრგვარდიელებია და საკვირველი ბედის შესახებ, რომელმაც იგი პატარა ვაჟბატონათ აღზრდილი ბურჟუაზიულ ოჯახში, მიიყვანა კომუნისტურ პარტიაში, რომლის მსოფლმხედველობა შეიქნა მის მსოფლმხედველობათ, რომლის დიად საქმეს ისე მზურვალეთ ერთგულობს და მაინც, როგორც ჭიქის კედელი, რაღაც აცილებს მას პარტიის რიგებიდან, ქმნის მას განცალკევებულად და ეს გარემოება მას მეტად სტანჯავს.

და ფიქრობდა მარტინოვი მასზე, რომელიც სცხოვრობს აქვე ქალაქში, ძველი ეკლესიის ახლოს ძვირფასი, საყვარელი... მაგრამ, ამ უამად რევოლუციისგან შორს გატყორცნილი უკანასკნელად იგი დაინახა მან ზამთარში... მოელვარე თოვლის თეთრი ფარდიდან უეცრად წარმოუდგა მისი ტანადი ფიგურა, აი, თანდათან ახლოვდება მისი საბე, თოვლის ფიფქები დაფრქვევია თმაზე, ზავი თვალები უკრთის სანდომიან ღიმილით. მოჰკრა თუ არა თვალი, — უეცარი სიბარულით აენთენ თვალები, შემდეგ ისევ შეიპყრო სევდამ, მან გაიარა გვერდით... და ახლა როცა იგონებდა ამ წუთებს ჩურჩულებდა იგი უნაზეს სიტყვებს, რომელთაც არაეინ არ ისმენდა, და, რომელნიც იკარგებოდნენ ისე, როგორც მარგალიტები უძირო ჭის ფსკერში.

ასე ცხოვრობდნენ ისინი ერთ ქალაქში, რამოდენიმე კვარტალით დაშორებული, ერთ ურთის ახლობლები და იმავე დროს შორებლები.

და ახლა, როცა დაბრუნდა თავის ოთახში იგი უცქეროდა ფანჯრიდან ლურჯ ღამეს და სცდილობდა იქ, მთაზე, საიდანაც ნათლად მოსჩანს ძველი ეკლესიის ვეუბერთელა შენობა გაერჩია სახლი, სადაც ცხოვრობს იგი. წარმოიდგენდა მის მყუდრო ოთახს, მორთულს საყვარელი გრავიურებით და კუთხეში კი, მოძველებულ საბატეში წმინდანების მრისხანე საბეებით. მანქანისებურად მიიბრინა მარტინოვმა ოთახში. გაიძრო მაზარა და, თითქოს ახლა გამოიღვიძაო, მიიხედ-მოიხედა ირგვლივ.

კრაოტი, შიშველი მაგიდა პურის ნამცეცებით, მაგიდაზე წიგნები, მთელ ოთახში სიკალიერე და აწეწილობა, როგორც უცხოვრებელ ბინაში.

მას შეეზიზლა თავის ოთახის მხერა. „წავიდე სადმე, — გაიფიქრა მან — მაგრამ სად, ვასთან? მას ხომ, მიუხედავად მისი რევოლუციისადმი ერთგულებისა, არა ჰყავს ამხანაგები კომუნისტებს შორის“.

მთელი ზამთრის განმავლობაში მარტინოვი მხოლოდ ერთხელ იყო სტუმრად მატუსენკოსთან, რომელმაც თითქმის ძალით წაიყვანა სახლში. მარტინოვი სახლში გამომცხვარ თეთრ პურს უსვამდა ყვითელ კარაქს, წყურვილით სვამდა სურნელოვან ჩაის რძის ნაღებით — ასე გემრიელად დიდი ხანია არ უჭამია მარტინოვს და ჰკვირობდა გულუბრყვილოდ: „საიდან აქვს ყველაფერი ეს მატუსენკოს?“ — მიირთვით თაფლი, ანბ. მარტინოვ. ჩენი ცოლი სასურსათო კომიტეტში მსახურობს, და იქ მას კარგ პაიოკს აძლევენ. აი, რძეც მიირთვით, — სა-

კუთარი ძროხისაა. მეოჯახე კაცს ყველაფერი შეუძლია მოაწყოს იცით, მე მე-
ურნეობა მიყვარს და თავს სიმშლით როგორ მოვიკლავ? ამის შესახებ ხომ
ჩვენს პროგრამაში, ხე, ხე, არაფერია ნათქვამი, ხომ მარტინოვმა ვინმე მარტინოვ?
მაგრამ რატომ არაფერს მიირთმევთ თქვენ? გრუშა შეგიძლიათ შეჭრათ — ხუმ-
რობით, მაგრამ სერიოზული კილოთი მიმართა მან ცოლს...

მარტინოვმა გადახედა მატუსენკოს ცოლს, მაღალ მკერდიან ქალს, ქერა
თმით ოქროს ნაპერწკალი ელავდა მისი თვალების მწვანე სიღრმეში და ეს თვა-
ლები ამბობდნენ სიყვარულის ვნებაზე, გრძნობელობით სიტკბოებაზე, რომელ-
ნიც ჯერ კიდევ არ განუცდია მარტინოვს. მარტინოვის ცოლს ღიმილი უელვა-
რებდა თეთრ კბილებს. იგი თავაზიანად მისწევდა ქალებს და ტკბილეულობას
სტუმრისკენ და ტკბილი ხმით ამბობდა: „მიირთვით, გეთაყვა“.

მატუსენკო უგემურად განაგრძობდა თავისებურ ტკბილ საუბარს, რომე-
ლიც ისე ჩამოაჭავდა შაქრით დატკბილულს ქალებს.

მარტინოვი ათვალეობდა მატუსენკოს ოთახს, ფანჯრების პორტიერებს,
პრგვალ მაგიდებს, ჩინეთის შირმას, ტახტს და ბალიჩას და აგონდებოდა თავის
ახლობელი წარსული, მაძღარი ცხოვრება საკუთარ სახლში, რომელშიაც ახლა
ბავშთა თავშესაფარია მოწყობილი, გაიხსენა ნაცნობი დგამი, სახლის მორთუ-
ლობა და გულში უეცარი სინანული იგრძნო.

უკვე გვიან იყო. მარტინოვი გრძნობდა, რომ ახლა იგი ვეღარსად წავა,
რომ პოლიტგანყოფილებაშიაც ის ვერავის ვერ იპოვის, რომ იქ ახლა არის
მხოლოდ ცარიელი მაგიდები და ფეხშიშველი მხვეტავი ქალები რეცხავენ
მტკრიან ლინოლეუმს. ჩაწვა მარტინოვი თავის მაგარ ქვეშავებში, ამოჰყო თავი
ბალიშს ქვეშ, რომ არ დაენახა თავისი მიულაგებელი ოთახი.

ისევ მოიგონა მან თავისი წარსული ცხოვრება. — არა უკანასკნელი ხანები,
რევოლიუციის შემდეგ, როცა პოლიტიკურმა რწმენის სხვადასხვაობამ მისი ოჯა-
ხი გაჰყო ორ ბანაკად, არამედ შორეული წარსული, ბავშობა, თბილ ოთახებში
მალულობის თამაში, გარდაცვალებულ დედის ალერსი, შობის ხე და მთელი ამ
მყუდრო და მხიარული ცხოვრების განუწყვეტელი მიმდინარეობა, მაძღარი სა-
დილებით, ვახშმებით და დილის ჩაით.

ნუ თუ ის მართლა ცხოვრება იყო?

ბალიშის ქვევით ამოიღო ლურჯი, მოქსოვილი სათბური, ერთად ერთი
ნიეთი, რომელიც მას დარჩა თავის სახლისგან. სათბური, რომლითაც იგი წრია-
პებით ფეხზე დაკრული მირბოდა ყინულზე სასრიალოთ, — მან ხომ იქ გაიცნო
იგი... ო, სევდა, სევდა!

მარტინოვმა მოიხურა ნაზარა და გავიდა ქუჩაში. ირგვლივ სიბნელე სუ-
ფევდა; ცაზე აჭა იქ მოსჩანდნენ ვარსკვლავები, ბრწყინავდნენ გაყინული ტბო-
რები და ბნელ თხრილებში მიჩხრიალებდნენ რუები. მარტინოვი მიდიოდა ჩქა-
რი ნაბიჯით და არ ფიქრობდა ახლა არაფერზე. ესმოდა ლეღების ჩხრიალი,
სახურავიდან დაცემული წვიმის წვეთების ხმაური, შრიალი ტიტველ ტოტების
და სადგურიდან ორთქლმავლების ყვირილი. მაგრამ ყველა ამ ხმებს ჰყარავდა —
ელექტრონის სადგურის მძლავრი ღრიალი. ქუჩაზე არავინაა, პატარა სახლებში

სიწყნარეა და მხოლოდ წითელ არმიელთა კლუბთან მარტინოვს შეხვდა ვილაც კაცი წამოხურული მაზარით.

იგი მიუახლოვდა მარტინოვს, დააკვირდა სახეზე და მარტინოვს ერთმანეთი — წინათ ხედებოდენ ერთიმეორეს პარტიულ კრებებში.

— ეს საყვირი განგაშის ხომ არაა? — შეეკითხა იგი.

— განგაშის? რატომ? გაუკვირდა მარტინოვს და ამ კითხვის დროს უკვე მიხვდა ელექტრონის სადგურიდან ახლობელ საყვირის გააფთრებულ ღრიალის მნიშვნელობას. გვეგონებოდა თითქოს ვილაც ყვირის. იშუქრება გეძახის შველადო...

— გესმით? — მიუგო მეორემ — საყვირმა ორჯერ შესწყვიტა ხმა, წავიდეთ ჩქარა კომასეულში. მარტინოვისთვის უეცრად გაჰქრა გაზაფხულის საღამოს წყნარი სიამოვნება, ყველაფერი შეიქნა რალაც იდუმალი და მტრულად განწყობილი.

„დღეს ხომ სამხედრო მდგომარეობაა“, — გაიფიქრა მარტინოვმა და წარმოიდგინა, რომ ის ამ წუთში უცხო, დაღუმებულ ადამიანთან ერთად მიდის ტანჯვისთვის და სიკვდილისთვის, რომელნიც ამართულა ქალაქის თავზე და მზად არის მოსპოს, გაანადგუროს იგი.

სირენა კი ძველებურად ღრიალებდა ქალაქში, სადგურიდან მას ეხმაურობოდა ორთქლმავალების გუნდი, დებოს საყვირი და მოწოდება ამ არა ადამიანური ხმების ინთქებოდა შორს, ქალაქს გარეთ, თოვლით დაფენილ სოფლებში და მინდვრებში.


ეს მოწოდება იყო უფრო ძლიერი, ვიდრე შიში სიკვდილის და ტანჯვის და ქალაქის ყველა კუთხიდან ვიწრო მოსახვევებით გროვდებოდენ კომასეულში ასეულობით. მარტინოვიც აგრეთვე გამოცხადდა კომასეულის ფანარით განათებულ, ფართე ეზოში. დაჩქარებით, ერთი მეორეზე ჯგუფ-ჯგუფად შედიოდნენ იქვე კომუნისტები, სწრაფად ეწყობოდნენ ოცეულებათ, განყოფილებებათ.

მარტინოვიც ჩადგა რიგებში, გასწორდა მარჯვნივ მწკრივში.

ალარ იყო შიში, იგი დარჩა ამ გამოცოცხლებულ ეზოს გარეშე, იქ, ცარიელ ქუჩებში. და მარტინოვიც სჯიდა თავის თავს იმ აზრებისათვის, რომელნიც ფლობდნენ მას რამოდენიმე წუთის წინათ. იდგა იგი მარცხენა ფრთასთან, ალაყაფის კართან მის გვერდით შედიოდენ ეზოში, ფანარი აფრქვევდა შუქს ადამიანების სახეებს.

ზოგის სახეზე მოსჩანს დაბნევა. ზოგი — ზრუნვას შეუპყრია, ზოგიც უსაზღვროთ აღელვებულან. ზოგიერთების სახიდან კრთის ძლიერი და მაგარი ლტოლვის ცეცხლი, რომელიც ენთება როგორც კოცონი ზაფხულის უქარო ღამეში. შემოდინა ქალები და ასულნი; ერთნი ვერ მალავენ კობწია ღიმილს, მეორენი — გაფაციცებით ეძებენ ვილაცას თვალებით, მესამენი ნერვიულად და ხმა მაღლა იცინიან.

და აი, ერთი, — ჯერ კიდევ ყრმა, ანთებულ ლოყებით, ტყავის ჯუბაში ტიტველ, ლამაზი ყელით, სახეზე უდარდელ ღიმილით, უძახის ამხანაგს მზიარული ხმით:



— მიტკა, მივდივართ ბანდიტების საცემრად არა? — და შენდევ ისიც იკარგება ბნელ მწკრივში.

— ამხანაგო, ეწევით თქვენ პაპიროზს? — ჰკითხა ვიშნაძემ მარტინოვს, და თავის გვერდით მარტინოვმა დაინახა კაცი მშვიდი, უბრალო ნაყვავილარი სახით. იცნო—სტალმახოვია—სასურსათო კომიტეტიდან.

იგი უკვე ართმევს ხელს და ეუბნება:

— გამარჯობა, ამხ. მარტინოვ, კინალამ ვერ გიცანით!

მარტინოვს უეცრად დაავიწყდა მოუსვენარი ფიქრები განგაში, ყოველივე ის, რაც ქენჯნიდა მის სულს. მან დამშვიდებით განაგრძო ბაასი.

— მე პაპიროზს არა ვწევ, ამხანაგო... რატომ არის განგაში არ იცით?

სტალმახოვმა ვერ მოასწრო პასუხი, როცა ლაპარაკში ჩაერია მარტინოვის მეორე მეზობელი ზევით ღვედით შემოქერილ, მსუქანი, სამოქალაქო პალტოში.

— მე მითხრეს, რომ ბანდიტები მოუახლოვდნენ ქალაქს... შეიარაღებული ყოფილან ტყვია მფრქვეველებით—წაიფურჩულა მან.

— არა, ამხანაგო, საეჭვოა რომ ბანდიტები იყვეს, არ უნდა გაავრცელო შეუსწორებელი ცნობა.

— მე მგონია რომ არავინ დანიშინებია—მიუგო მსუქანმა კაცმა—მითხრეს ბანდიტებიაო, და მეც მას ვამაობ...—მე თითონ არ მინახავს.

— ჰო, მეც ვიცი, რომ თქვენ არ გეზინიათ,—დამშვიდებით წარმოსთქვა სტალმახოვმა, მხოლოდ რათ იწუხებთ თავს? სჯობს გაჩუმდეთ,—და სტალმახოვი მიბრუნდა იქით.

მწკრივებში ხმაურობა იყო. ყველას, როგორც მარტინოვს, დაავიწყდა შიში, ეჭვი და მღელვარე ფიქრები.

სწორდით! სმენა! — გაისმა მწკრივებში. დაჩუმდნენ რიგები, გასწორდნენ, როგორც ლარი. ერთი მოწოდება და ძლიერ ლტოლვით აძგერდება თითოეულის გული და ლალად შეუერთდება საერთო ბრძოლის სიმჟონიას.

ყველა ყურადღებით უყურებს, უსმენს, რიგების გასწვრივ მიდის სამი კაცი: კარაულოვი, კლიმინი, რობეიკო.

გარკვევით, ხმა მალლა, ისმის კლიმინის ხმა:

— ამხანაგებო, კომმუნისტებო! ბევრი ლაპარაკი არ არის საჭირო, თქვენ ყველამ მოისმინეთ გუშინ კრებაზე და აგრეთვე დღესაც წაიკითხავდით გაზეთში, რომ ჩვენ წინაშე დგას ამოცანა—მოვიტანოთ სათესლე მარცვალი ყანების მოსათესად. თესლის მოსატანათ საჭიროა—სათბობი. ხოლო სათბობისთვის—საჭიროა მუშა ხელი. თქვენ უნდა შეაგროვოთ და აამოძრავოთ მთელ ქალაქში მუქთახორები და პარაზიტები, რომელნიც დღეს არიან არ აკეთებენ. ისინი უნდა იქცენ მუშა ხელათ. უნდა გამოიკვლიოთ, გაიგოთ, ვინ შეგვიძლია გამოვიყენოთ შეშის დამზადების საქმეში, ისე, რომ ქალაქის ჩვეულებრივ ცხოვრებას ზიანი არ მივაყენოთ. ასეთებს დღეს ჩვენ წავიყვანთ რამოდენიმე დღით, ამავე დროს ჩვენ გავსწმინდავთ ქალაქს კონტრ-რევოლუციონური ელემენტებისგან. ამხანაგი კარაულოვი დანიშნულია ჩხრეკის ხელმძღვანელად. ის თქვენ და-

განაწილებით რაიონებში და მოგცემთ ინსტრუქციებს. იმუშავებთ მშურად, იყავით ყოჩაღად და ფრთხილად!

ნაწყვეტი ფრაზებით, თითქოს განკარგულებას აქვდა ლაპარაკი კარაულოვმა. მაგრამ მარტინოვი არ უსმენდა მას. ჩვეულებრივ, ყოველდღიურ საქმეთ მიაჩნდა მას ეს შეკრებილება და ამხანაგების ნაცნობი სახეები. მაშასადამე წინ არა თავის დადება, სიკვდილი, ტანჯვა, არამედ მხოლოდ უძილო ღამე!

მარტინოვი მოხვდა სამეულში, რომელსაც ჰქონდა დაეალებული, ბინების ჩამოვლა, მასთან ერთად იყო მისი მსუქანი მეზობელი და სტალმახოვი. სტალმახოვმა შეიარა კომასეულში თავის რაიონის მისაღებათ და, როცა ისინი სამივე მიდიოდნენ ცარიელ ქუჩაზე, მარტინოვი შეეკითხა სტალმახოვს:

— სად არის ჩვენი რაიონი? შორს ხომ არაა?

— არც ისე შორსაა... ოთხი კვარტალია კიდევ... იცით ჩვენი რაიონი არის ქრისტეშობის ეკლესიიდან ფოსტამდის. და მარტინოვმა გაიფიქრა, რომ დღეს იგი მოხვდება იმ სახლში, სადაც წინათ იყო და ახლაც სცხოვრობს ნადია როსტოვეცი, იმ სახლში, სადაც მან გაატარა თავის წარსული ცხოვრების საუკეთესო დღეები.

ის იყო მისი სიყვარული; სიყვარული, რომელსაც შეიძლება უღალატო, მაგრამ, რომელსაც ვერ დაივიწყებ ვერასოდეს. რატომ მაინც და მაინც ის ამოირჩია თავის ტოლ ქალიშვილებიდან, რომლებთანაც ის თამაშობდა ხოლმე პატარაობისას. მაშინ ის ხომ უღამაზოთ ეჩვენებოდა: გაშავებული, ძარღვიანი სახე, ოდნავ გაბრტყელებული ცხვირი და მსხვილი, ალისფერი ტუჩები, შავი, მოგრძო თვალები ჰქმნიდნენ მას უცნაურად მომხიბვლელს.

შემდეგ კი იქცა მომჯადოებელ ქალწულად, რომელიც ინახავდა თავის ღიმილს მხოლოდ მარტინოვისთვის, ღიმილს, რომელიც ასე უხდებოდა მის ჭკვიან და ალერსიან სახეს. მას ჰქონდა აგრეთვე მოხდენილი და მკაცრი გრაცია მოძრაობაში... და მაშინ მიხვდა მარტინოვი, რომ სხვა სიყვარული და სხვა ტუჩები მას არ იზიდავს და არც უნდა.

არ უყვარდა მათი ოჯახი, სადაც წარამარა ისმოდა ტრაბახი ნადიას მამის—პოლკოვნიკის და მისი ფრანტი შვილების—ახალგაზრდა აფიცრების თაყიანთ აზნაურის ჩამოშავლობის შესახებ. —მაგრამ მაინც ატარებდა მათთან საღამოებს, ისმენდა ნადიას დარბაისლურს, ჭკვიან სიტყვებს, უკითხავდა მას მისთვის მიძღვნილს პირველ ლექსებს!

რა ცოტა ხანი გავიდა მას შემდეგ და დღეს კი რა შორეულ წარსულად ეჩვენება! და თუ არსებობს უკვდავება, მაშინ სული, გუშინ გარდაცვალებულ ადამიანის, უთუოდ, ამნაირად, იგონებს თავის წარსულ ცხოვრებას!

მათ შუა ჩადგა რევოლიუცია, ნადიას არ ესმოდა მისი მგზნებარე სიტყვების მნიშვნელობა, იღიმებოდა და ხელში ქალაღდის ნაგლეჯის ხვევით, — მას ჰქონდა ასეთი ჩვეულება, — უბასუხებდა: ყველაფერი ეს ყოფილა, ვალოდია, ყოველი რევოლიუცია ხომ სიხარულით და ხეციერი სასუფევლის მიწაზე დამ-

ყარების ლოდინით იწყება და შედეგათ კი მოაქვს ინდენი ტანჯვა, რომ სიხარული ვერ გამოიყიდას ბრძოლაში ნობოებულის ერთ ნამცეცხსაც.

და ყოველი მომენტი რევოლიუციის უფრო და უფრო ინტენსივობა მარტინოვს, ნადია კი ხდებოდა მორწმუნე, კითხულობდა აპოკალიპსს, ელოდა ქვეყნის დასასრულს—და უფრო მეტად სხვაედებოდენ. შორდებოდენ იგინი ერთმანეთის გაგებისაგან.

ოქტომბრის რევოლიუციის დროს მარტინოვი იყო ბოლშევიკების წინააღმდეგი და ამიტომ იყო კიდევ ორი კვირით დატუსაღებული. მაგრამ ამ დაჰქერამ არა თუ დაახლოვა იგინი, არამედ უფრო დააშორა.

როცა მარტინოვი გამოვიდა სატუსაღოდან—ნადია შეხვდა მარტინოვს, როგორც წამებულს. თუმცა მარტინოვს ჰქონდა სულ რაღაც პატარა „განსხვავება“ ბოლშევიკებისაგან.

ჩქარა ამის შემდეგ მარტინოვი აღარ დადიოდა მასთან. იგი ვერ ითმენდა იმ ბრმა სიძულვილს, რომლითაც იყვნენ გამსჭვალულნი რევოლიუციისა და საბჭოთა ხელისუფლების მიმართ ნადიას ოჯახის ყველა წევრები. სამოქალაქო ომმა ისინი დიდი ხნით ჩამოაშორა ერთმანეთს და, ბოლოს, როცა გამარჯვებულ წითელ ლაშქართან ერთად მარტინოვი, უკვე კომუნისტი, დაბრუნდა ქალაქში და გაიგო, რომ მისი ძმა—კონტრ-რევოლიუციონერი დაუხვრეტიათ,—მან ვერ გადასწყვიტა ნადიასთან შევლა და მხოლოდ ქუჩაზე შეხვედრის დროს აძლევდა სალამს მას, ახლა უკვე საკმაოდ გალამაზებულს, მაგრამ ყოველთვის დაღონებულს. ყოველ შეხვედრის კვალი ნადიასთან ღრმად ისახებოდა მარტინოვის სულში... ამხანაგები მიდიოდენ ჩუმად, სწრაფად და სათითაოდ გართული იყვნენ თავის ფიქრებში... აი, მათი ბალის ლობე, რომლიდანაც დაბლა გადმოხრილა იასამანის და აკაციის ტოტები.

— დავიწყეთ ბარემ კუთხიდან, —უეცრად დაარღვია სიჩუმე სტალმახოვმა.

— კუთხიდან!—აი, იქ სდგას წითელი აგურის სახლი და დახურული დარბაზების ჭუჭრუტანებიდან იფრქვევიან მკრთალი და ალერსიანი სხივები, როგორც მაშინ... წინათ...

— არა, ამხანაგო სტალმახოვ, მე ამ სახლში არ შემოვალ. მე გთხოვთ თქვენ თითონ შედით—და მარტინოვმა წაავლო ხელი სტალმახოვს სახელოზე—და წასჩურჩულა: —თქვენ ორი შეხვალთ შიგნით... აქ ჩემი ნაცნობები ცხოვრობენ... უხერხულია ჩემთვის... მე, რასაკვირველია, ბოდიშს ვიხდი.

— კარგი, კმარა... მე კინალამ დამავიწყდა, რომ თქვენ... აქაური ხართ... ჩაილაპარაკა სტალმახოვმა და ყურადღებით და ოდნავ დაცინვით, გადახედა მარტინოვს.

— წავიდეთ ამხანაგო,—ნიმართა სტალმახოვმა მესამეს და მცირე ხნის შემდეგ მათ დაიწყეს ხმა შალლა რახუნნი.

მარტინოვის თავში ათასნაირმა ფიქრებმა გაიელვეს და როცა გაისმა ალყაფის პატარა კარების ჭრიალი და შეშინებული ხმა: „რა გნებავთ, რისთვის არახუნებთო“.—მარტინოვი გულისცემით ჭანც მიღებული, თავის მკვლელის გამბედაობით შევარდა დიდ ეზოში. სტალმახოვმა მოიხედა მისკენ.

ზნელ დერეფანით შევიდენ იგინი მარტინოვის ნაცნობ სასადილოში, იქ აბაუურის მოელვარე შუქის გარშემო სვამდნენ ჩაის. ყველაფერი — ესე ნაცნობი იყო ამ სასადილოში მარტინოვისთვის! აი, თითონ პეტროვიჩის როსტოვცევი, პატარა, პირხმელი მოხუცი, გაცვეთილი ფრენჩით, რომელზედაც ისევ მოსჩანან გაუხუნებელ ნაჭრებად ის ადგილები, სადაც ოდესღაც ეკერა სამხრეულები. ახლა ის მსახურობს სამხედრო კომისარიატში და ჩქარობს მთრთოლვარე ხელეებით ამოიღოს მოწმობა.

აი, მისი ცოლი, მოღალი, ლამაზი ქალი მკრთალი სახით და ისეთევე თვალებით როგორც აქვს ნადიას, რამელთაც ასე ძლიერ უყვარდათ მარტინოვი. თვალების აულებლად იგი განაგრძობს სტაქნების წმენდას.

და იქ კი კუთხეში თითონ ნადია... რამდენი ხანია არ უნახია იგი ასე უბრალო ტანთსაცმელში! აი, ის ადგა მაგიდიდან, აღელვებულია და გულმოსული, — მარტინოვი ხომ დიდი ხანია იცნობს ყოველ ხაზს, ყოველ მოძრაობას მის სახეზე.

ნადია ლამფის შუქზე სცდილობს გაარჩიოს შემოსულების სახე, აშტერდება პირდაპირ მას, იცნო-გაყვითლდა...

ის სალამს აძლევს მას... „რატომ? ეს არ არის საჭირო!“ — რაღაც ხმა ესმის სულის სიღრმიდან, მაგრამ არა, იგი უკვე მიესალმა.

ნადია იხრება დედისკენ, რაღაცას წასჩურჩულებს ყურში და იგიც მისჩერებია იმ კუთხეს, სადაც მარტინოვია.

ეს ვინ არის მის გვერდით, ასეთი მაღალი, ლამაზი, ნაცრისფერი, გაბედული და ჭკვიანი გამომეტყველებით? — სტალმახოვი ყურადღებით ათვალიერებს მის საბუთებს. შეიძლება ეს მისი საქმაროა?

ვლადიმერ სერგეის-ძე, როგორ, ველარ გვიცანით? — გაისმა ამაყი, ოდნავ დაწეული ხმა ნადიას დედის — ხედავ, ანდრო, ეს ხომ ვლადიშირ სერგოს-ძე არის — მიმართავს იგი ქმარს.

მარტინოვი დაცინვას გრძნობს ამ სიტყვებში. შიში და დრტვინვა როსტოვცევის სახეზე. გაოცება და დაცინვა ამბანაგების მხრით.

მაგრამ ის წყნარი სალამით ართმევს როსტოვცევს გამხმარ ხელს. როსტოვცევის მეუღლის პასიურ თითებს და უპასუბებს მათ კითხვებზე, რომ შშობლებისგან კიმშირიდგან არ მიუღია არავითარი ცნობა. იგი უკვე ნადიასაც ესალმება, მათი თვალები ხვდებიან ერთმანეთს... ნადიას გადაურბინა სახეზე ღიმილმა, რომელსაც ჩქარა ისევ ცვლის ტირილის გრიმასი და იგიც სწრაფად გადაის ოთახიდან.

მარტინოვს კი ესმის სტალმახოვის დაჟინებით ფურჩული: „გაათავეთ ჩქარა, მივდივართ“. სახლიდან გამოსვლის შემდეგ მარტინოვი დაბნეულად უამბობს ამბანაგებს, რომ ესენი მისი ძველი ნაცნობებია... მეტად რეაქციონური ოჯახია...

— ჰო, მეც ვიცი, — აწყვეტინებს სტალმახოვი, გასულ წელს დახვრიტეს მათი შვილი — პორუჩიკი როსტოვცევი. საეჭუო საზოგადოებაა. აი, ესღაც ვილაც სამხედრო სპეცი იყო მათთან. მისი გვარია — რეპინ. მაგრამ მისი მოწმობები ველაფერი რიგზეა, მათზე აღნიშნულია ქალაქის კომენდანტის შენიშვნა. თქვე-

ნი ნათესავები მართლა კოლჩაკს გაჰყვნენ? ამ კითხვაზე მარტინოვი იბნევა... იგი ხომ ბურჟუაზიული ოჯახიდან არის; მამამისი — კაპიტან-პატრონი იყო ადგილობრივი ტყავის ქარხნების. მისი ოჯახი ~~ახლა~~ მაგრამ თითონ მან, რასაკვირველია, გასწყვიტა კავშირი თავის ოჯახთან.

სტალმახოვი სდუმს და აბოლებს პაპიროზს, იგინი, შედიან სხვა სახლებში, სადაც მათ ხვდებიან იმავე შეშინებული კითხვებით: „რა გნებავთ?“ და მარტინოვი გაქონილი საბუთების მანქანისებურად დათვალეირების დროს ფიქრობდა მასზე, რომ ნადიასთან ყველაფერი უკვე გათავებულია, მაგრამ საკუთარი გამოცდა მან ბრწყინვალედ დაიჭირა და ახლა იგი ღირსია კომმუნისტის სახელის. მაგრამ რისთვის სძულს იგი სტალმახოვს?

როსტოვცევის ბინაში კი ისევ სიმშვიდეა და ისევ წყნარად შემოსხდომიან ჩაის მაგიდას—არ სჩანს მხოლოდ ნადია. რეპინ გადასცემს ცარიელ ჭიქას დიასახლისს და ეკითხება:

აქ რომ კომმუნისტი იყო—თქვენი ნაცნობია?—დიახ, უპასუხებს იგი,—კარგი ოჯახიდან არის, მან გაათავა გიმნაზია, ბშირად იყო ხოლმე წინად ჩვენსა, მაგრამ ახლა, რასაკვირველია...

თავხედი და გაბედული ბავში იყო მაგ თავიდანვე—უხეშად აწყვეტინებს სიტყვას როსტოვცევი—იგი ბოლოს შეუერთდა ამ საძაგლებს. ახლა კიდევ ეყო კადნიერება მოსულიყო ჩვენს სახლში... წინად მას მოსწონდა ნადია, ეგ ეშმაკიც, ალბად, იმიტომ გაიქცა იქით ოთახში, ნადია, —უძახის ხმა მაღლა, —გამოდი აქ! ანდრო, —საყვედურით ეუბნება როსტოვცევის მეუღლე, —დაანებე თავი, არაა საჭირო!

ძილის წინ ნადია მხურვალეთ, ვიდრე წინად, ლოცულობდა ვალოდიასთვის, არა იმ ვალოდიასთვის, რომელიც რამოდენიმე ხნის წინად ჰკოცნიდა მას ყინულზე სრიალის დროს ტუჩებში და, რომლის წერილები ახლაც კოლოფში აქვს შენახული; არა იმ მშვენიერ ვაჟისთვის, რომელსაც ჰქონდა ლამაზი სახე, ლურჯი თვალები, არამედ ახლა ვიღაც სხვა გამხდარ, დიდ თვალებიან ვაჟისთვის, რომელიც მან ნახა უკანასკნელად ზამთრის თოვლიან დღეს ერთ-ერთ საბჭოთა დაწესებულების შესავალთან. და მან შეამჩნია მაშინ, რომ მას ეცვა დახეული ფეხსაცმელი, რომლის ძირი ბაწრით ჰქონდა მიმაგრებული ზედა პირთან.

ლოცულობდა, იგონებდა და სტიროდა. სტიროდა მისთვის, რომ უყვარდა იგი და ვერ გაეგო ის უცნაური ძალა, რომელმაც ასე მაგრად შეჰბორკა, მოაჯადოვა იგი. სტიროდა მისთვის, რომ სურდა მისი სიყვარული, ენატრებოდა ნამდვილი ახალგაზრდული ცხოვრება, მაგრამ მას ჰქონდა თვალები ახვეული და არ შეეძლო დამდგარიყო იმ ბრწყინვალე გზაზე, რომელსაც გაჰყვა ვალოდია. ლოცულობდა ნადია ცოდვილ ვალოდიას სულის გამოსახსნელად და გულ რამწვარი ავედრებდა ღმერთს მის სიცოცხლეს და ჯანმრთელობას.

მძინარე ქალაქში კი იყო გახურებული მუშაობა რამოდენიმე ასეული კომმუნისტების. დაცარიელებულ ქუჩებზე იდგნენ პიკეტები, ქვაფენილებზე ისმოდა ნაღების თქრიალი—ჩხრეკის ხელმძღვანელები დადიოდნენ თავიანთ რაიონებში,

და ამხანაგების სამეულის ათი ხუთმეტი წუთის შემდეგ სახლობიდან გამოყავდათ დანფრთხალი და მძინარა მამაკაცები, გადასცემდნენ მათ პიკეტებს, რომელნიც აგზავნიდნენ მათ დაქერის ცენტრალურ შტაბში, სადაც მათ ატარებდა რეგისტრაციაში, ჰკითხავდა და არკვევდა მათ ვინაობას ჩუმი გორნინი, რომელსაც აგერ სამი დღე და ღამეა არ სძინებია. ის იყო ამოდიოდა მზე, როცა მარტინოვი დაქანცული მიემართებოდა თავის ბინისკენ. მას სტკიოდა თავი და სხვის ბინებში ძრომიალი ეჩვენებოდა მას თავის დამცირებად. მოდიოდა იგი და თვალეში უელვარედა ღამის განმავლობაში დათვალეირებულ ოთახების კალეიდოსკოპი.

თავის ბინის ახლოს, კედელზე, მან დაინახა პლაკატი: ძოწისფერ ხალათში გამოწყობილი წითელ არმიელი, რომელიც იცავს ქალაქნიებიან გლეხს. გლეხი ხნავდა ამწვანებულ მინდორს და მარტინოვმა დაიჭირა თავისი თავი: — გულის სიღრმეში მან იგრძნო რაღაც სიძულვილის მზგავსი ამ პრიმიტივის — უხეშ ფერების და ვულგარულ მოხაზულობის მიმართ.

IV

პოლიტგანყოფილების უპარტიო მოსამსახურეებისაგან სუბბოტნიკზე მხოლოდ წითელ არმიელთა მასწავლებელი ლიზა გრაჩიოვი მირბის ტალახიან ქუჩაზე, ეშინია დაიგვიანოს და უხარია როცა ქუჩიდან ხედავს ამხანაგების მხიარულ ჯგუფს.

მისი მოსვლა ხელად შეამჩნიეს. იგი პატარა ტანისაა, გამხდარი, ყოველთვის მოწყენილი და გაჩუმებული თუ ხანდახან კორფლიან სახეზე, — ვით მინდორზე გამკრთალი მზის სხივი, — გაიელვებს ღიმილი — ეს გრძელდება მხოლოდ ერთს წუთს. შემდეგ იგი წყნარდება და შემკრთალი იხედება ირგვლივ. იგი ასწავლის წითელ არმიელებს ანგარიშს და მისი წკრიალა ხმა, რომელიც ოდესღაც ამშვენებდა გიმნაზიის მგალობელთა გუნდს, სადღაც, შორეულ ქალაქში, სადაც იგი სწავლობდა, — ახლა ყოველ დღე მოისმის მთავარი ქუჩის ერთ ერთ მალაზიის დიდ ფანჯრების სარკვეებიდან. იქ არის მოთავსებული მისი სკოლა.

მას ყველაფრის ეშინია ქვეყანაზე. მშობლები დიდი ხანია დაეხოცნენ. გაიხარდა იგი სხვის სახლში, სადაც მას ამადლიდნენ პურის ყოველ ნაჭერსაც კი. შიში შემდეგ ჩვეულებად ექცა. იგი აიძულებდა მას ყოველ საღამოს დაჩოქილი ელოცა ვიღაც უხილავის, თუმცა საშინელის, მაგრამ ყველაფრის მხილველის, ყოველივეს მიმტოვებელის და კეთილის წინაშე.

პირველ ხანებში მას წითელ არმიელებისაც ეშინოდა, გაკვეთილებზე წითლდებოდა მათ წინ, რომელნიც თითქოს ჩუმად იყვნენ, მაგრამ ამავე დროს ვითომც რაღაცას ფიქრობდნენ გულში და ყოველთვის ელოდა მათგან უმგვანო საქციელს. მისი ხმა თრთოდა და წყდებოდა. მას ეშინოდა გამოეკითხა თავის მოწაფეები, და დალონებული უცდიდა გაკვეთილის გათავებას.

მაგრამ ერთხელ, როცა თებერვლის ქარში გაყინულ ხელებით მიჰქონდა სახლში თავის ულუფა, — მას მიუახლოვდა ორი წითელ არმიელი — ესენი იყვნენ მისი მოწაფეები. მას ჩვეულებრივად შეეშინდა, გაწითლდა. ერთმა მათგანმა,



ახოვანმა, ცისფერ თვალებიანმა ზრდილობიანათ შესთავაზა დახმარება და სანამ მისგან მიიღებდა დასტურს—მსუბუქად შეიღვა მხარზე ქრისტეშენი ქომასიკა.

ამ დროიდან იგი უფრო დაუახლოვდა თავის მოწაფეებს, სათითაოულოდ, გაიცნო ყველა, უფრო შეუყვარდა თავის მუშაობა და თავის სწავლების დროსაც უფრო სცდილობდა უბრალოდ და გასაგებ ენით აეხსნა ვაკვეთილი.

იწყო წითელ არმიელთა ნაწილის საერთო კრებებზე დასწრება. ყურადღებით უსმენდა მოხსენებებს და სიტყვებს, თუმცა ბევრი რამ არ ესმოდა.

წინათ ეშინოდა მას რევოლიუციის, რადგან ეშინოდა ყოველივე მისი, რასაც ახასიათებს ძლიერება, ხმაური, მძულვარების და სიყვარულის ნათელი ფერადები. მაგრამ ახლა, როცა მან გაიცნო ახლოს თავის მოწაფე—წითელ არმიელები და შეიყვარა იგინი, — ამ სიყვარულმა მიიყვანა იგი რევოლიუციის გაგებამდის. მან გაიგო ის თავისებურად. მან შეჰქმნა თავის რევოლიუცია და კომმუნისმი და ქრისტეშენი, ნაზარეთის დურგლის შეიღმა, რომელსაც იგი ევედრებოდა როგორც ზეციურ მეფეს, — მიიღო მისთვის ახალი მნიშვნელობა, — იგი ჩამოვიდა მიწაზე და იქცა მფარველად ყველა რევოლიუციონერების, ყველა მათი, ვინც იბრძვის კაცობრიობის ბედნიერებისთვის.

ახლა იგი მოწიწებით ეპყრობოდა კომმუნისტებს, ხშირად ტრიალებდა მათ შორის, თუმცა ხანდახან არ ესმოდა მათი საქციელი.

განსაკუთრებით აშფოთებდა მას საგანგებო კომისიის ათასეულის სახკომისარი, რომლის სკოლაშიაც იგი მასწავლებლობდა. „როგორ აჩერებენ ამისთანებს პარტიაში“, — ფიქრობდა იგი, როცა უყურებდა მის კობტა წაღებს, წითელ გალიფეს და როცა ესმოდა მისგან დედის გინება.

სცხოვრობს ლიზა სენატორის სახლში, უკავია გრძელი და ვიწრო ოთახი, რომელიც თავის გარეგნობით მიაგავს წუმწუმის კოლოფს. ოთახში არ არის დგანი, მხოლოდ კრაოტია—ფიცრებით, საბნით დახურული, და კიდევ ნახევრად გამხმარი, უცნაური ყვავილი, რომელიც ჩამოჰკავს მალლა ატყორცნილს ნაძვის ხეს. მაღამ სენატორმა სცადა რამოდენიმეჯერ ოთახიდან მისი გატანა, მაგრამ კარებში არ გაეტია და ამიტომ თითქოს წყალობის ნიშნად დაუტოვა ისევ ლიზას. ყვავილი დასჭკნა ყინვისაგან, რადგან, ზამთარში ოთახში ნამეტანი სიცივეა და, როცა ლიზა დილით იღვიძებს, მან არას დროს არ იცის, რომელი საათია; მხოლოდ ერთად ერთ გაყინულ ფანჯრიდან შემოდის მკრთალი სინათლე.

დილით ლიზა ჩვეულებრივად არ სვამს ჩაის. მაგრამ დღეს სუბბოტნიკზე წასვლის წინ მოუხდა მას ცხელი ჩაის დაღევა. სამზარეულოში დიასახლისი სამოვარს დგამდა, ხმაურობდა მილი, შიშინებდა ტაფაზე კარაქი.

მაღამ სენატორი აცხოვდა ქაღებს და სამზარეულოს სურნელება გამოდიოდა ლიზას ოთახში!

უნდა სთხოვოს ცოტაოდენი წყალი პატარა ჩაიდანით, მაგრამ ეშინია.

თავის სიძულვილი გაუგებარ ძალისადმი, წითელ დროშებისადმი, და დაწესებულებების უცნაურ სახელებისადმი, მთელი შურის ძიება, რომელიც ეკუთვნის კომმუნისტებს, შეუბრალებლებს, მკაცრებს და ამაყებს, ღვარძლი, რომელიც იფარება ზრდილობიან სიტყვებით, — ბატონ სენატორებს ხომ—ყველაფერი

ეს შეუძლიათ ცხადათ გამოსთქვან მარტო სუსტ, საცოდავ ლიზას წინაშე, რომელიც იწვევს ზიზღს თავის სიღარიბით.

— სულ ღმერთს ლოცულობს და აგრეთვე... ასწავლებს, წითელ არმიელებს, ქაშებს... რას ასწავლის იგი მათ? ცარცვას?

ამის შემდეგ ის კიდევ ლოცულობს ღმერთს.—მადამ სენატორი წაჰკრავს მუჯლუგუნს ქმარს,—და, ცხადია,—სცხოვრობს კომისართან!

ასე საუბრობენ ისინი სამზარეულოში, როცა, ლიზა, მოკრძალებით შეაღებს კარებს და თხოულობს: „ცოტაოდენი მღულარე წყალი არ შეიძლება?“ და პატარა ჩაიდანი თრთის მის ხელებში.

— ჩვენ ხომ ბურჟუები ვართ და თქვენ ბურჟუისგან თხოულობთ! რა საჭიროა თხოვნა? გაგვცარცვეთ, წაგვგლიჯეთ ბარემ! წუწუნებს საპასუხოდ მადამ სენატორ და რაფიელ ანტონისძეც მასთან შეხმატკბილებით იმეორებს:—რასაგვირველია, გაგვცარცვეთ, რაღაი თქვენც შეუერთდით ამ ყაჩაღებს!

ლიზა თითქმის სტირის დარცხვენილი, და ჩამორბის კიბეზე გაჩქარებით ძირს ქუჩისკენ.

ლიზამ ვერ მოასწრო დადგომა რიგში, რომ ის იყო პოლიტგანყოფილების უჯრედი დაიძრა. წაეიდნენ, სიცილით და ლაპარაკით გავიდნენ ძთავარ ქუჩაზე და თავის ალისფერი დროშა პარტიულ ლოზუნგით შეუერთეს დანარჩენ დროშებს. აი, დეპოს მუშებს მოაქვთ თავის, 1917 წლიდან დარჩენილი დროშა წარწერით: „ომი სასახლეს, მშვიდობა—ქოხებს“. აი, მზეჭდავები, ნაცრისფერი სახით, მოღუნული ბეჭებით, და აი, იქ კი „ახალგაზრდათა კომკავშირი“, პატარა, მხიარული ხროვა ახალგაზრდების, ვეებერთელა ბაირალის ქვეშ, რომელზედაც გამობატულია მუნა, უზარმაზარ ჩაქუჩს რო ურტყამს გრდემლს. მიდიოდენ და აბნეულად მღეროდნენ როგოლიუციონურ სიმღერებს, ერთგან ისმოდა „ინტერნაციონალი“ და მეორე ადგილას, გვერდით, კომმუნალური სასადილოს მუშა ქალები გაჰკიოდენ „ვარშაიანკა“-ს.

მზე იყო დამალული ღრუბლებში, როცა პოლიტგანათლების უჯრედი, ქალაქის რაიონის დანარჩენ უჯრედებთან ერთად მიუახლოვდა ქალაქის ბაღს. მკრთალად ბრწყინავდენ ხელებში ხერხები და ნაჯახები, ქალაქის ბაღი იყო გამსჭვირვალე, როგორც ბაჭთი, მაღალ, ტიტველ ხეებიდან ჩხაოდენ ჭილყავები.

რამოდინიმე წუთში ეს უწყესრიგო, თავის მრავალფერობაში, ლამაზი, ხეების ხროვა უნდა გადაქცეულიყო შეშის პატარა ნაპობებათ.

ოდესღაც ამ ბაღში, აი იქ ჩრდილოვან ხეივანში, ივლისის სურნელოვან საღამოებში დასეირნობდა მარტინოვი ნადიასთან ერთად. მარტინოვმა დაინახა აგრეთვე ის ხე, რომლის ქერქზე მან ჯერ კიდევ გიმნაზიის მე-ნ კლასის მოწაფემ დანით ამოსჭრა ნადიას სახელი და გვარის ინიციალები. ახლა ის მოსჭრის ამ ხეს და აქცევს მას შეშათ. და ისევ სუფევდა მის სულში მწარე სიხარული. წკრიალებდა ხერხი და ხეებიც თრთოდენ. როცა მათ გადასჭრიდენ ძირში იგინი მძიმედ ეცემოდნენ, დაცემის დროს ლეწავდენ თავის და მეზობელ ხეების ტოტებს. მათ ტანზე სრიალებდა ხერხი და სწრაფად, თვალის დახამხამებაზე იკეცებოდენ მრგვალ მორებად. მორები დაცვარული იყვნენ სურნელოვან ცრემლქაბით; სიკვდილის დროს ხეები აფრქვევდნენ სურნელს და ვერხვის მწარე სუხი უერთდებოდა არყის ხის წვენის არომატს.

(დასასრული იქნება).

თარგმანი ვასო გორგაძის.



ფ ე ნ ე ვ ლ ე თ ი

ერნსტ ტოლლერ



გურჯაანის ტუსაღები

ჩვენ ვიტანჯებით მეოთხე წელი.
 უიმედობა დაგვეუფლა კუნთების მღრღნელი.
 ჩვენი თვალები დაბინდული შიშვე ტრაურით
 რკინის ფანჯრების მესერებიდან
 ცის ლურჯ ნაფლეთებს შესჩერებიან.
 ამხანაგებო, გამოგვეხმაურეთ!
 ველით მქუხარე აფეთქებას, მოხეთქილ ზვავეს,
 და მაშინ ჩვენაც ამ ბნელ კოშმარს დავალწევთ თავებს.
 ამხანაგებო!

ჩვენ აქ დავდივართ დაქინებით და გამხეცებით,
 ო, სამი წელი როგორ უნდა უვლიდე ერთ წრეს!
 ხსოვნა დაბნელდა. დახოცილნი გზაზე ვეცემით.
 ახ, ეს გზა ალბად თვით ქაჯებმა რკალივით შეჰკრეს!

ისე უღმერთოდ დაგვექანცენ ყველა კუნთები,
 რომ ამ ჯურღმულში გვემძიმება განძრევა ხელის.
 შემოქმედება ჰქრება ჩვენში, ოდესღაც ცხელი,
 და აღარ ძალგვიძს თვით დავლუწოთ ჩვენი ხუნდები.

აქ ჩვენს წინაშე ამართულა რუხი კედელი,
 და ამ რუხ კედელს, სულ ამ კედელს უცქერით უღევს!
 ის, როგორც ლოდი ჩამქოლავი და ჩამწყვეტელი,
 შეუბრალებლად დააწვა ჩვენს ტვინებს და გულებს.

აქ ჩვენი მზერა უსიცოცხლოდ დაეხეტება
ფერმკრთალ დღეების სიმძიმით და სევდით, თარგუნულ
ქვებში ამოსულ ნორჩ ყვავილზე თუ შეჩერდებიან
იგი იქნება მისი შვება და სიხარული.

აქ ჩვენი მზერა—ეს ვართობა ძველ დროს გვაგონებს —
ვალერსება ცის სივრცეებს გაფენილს ლურჯად,
ვიდრე ჩვენ ციხის ყარაული, მდგომარე მუნჯად,
სიგნალს უეცარს და საშიშარს არ გაგვაგონებს.

მაშინ ჩვენ ფორობებით უკან ვიხევთ და ჩვენი მზერა
ისე ანათებს, ვით თვალები დაჭრილი მხეცის.
ტანჯვის გვირგვინი კვლავ ჩვენს შუბლებს ეკლებით სერავს
და გული ისევ საშინელი ტკივილით გვეწვის.

ასე ბნელ წრეში მომწყვდეული ვჩურჩულებთ მარად:
მოვა დღე იგი და დარეკენ სანიშნო ზარებს!
მაშ კვლავ გავმაგრდეთ, ვიქონიოთ იმედი ფარად,
რომ მალე განვლით ჩვენ ამ ციხის დაღეწილ კარებს!

ამხანაგებო! არ მოვბრილვართ ამაყი ქედით!
ჩვენ გადავიტანთ ცოფმორეულ ჯალათთა რბევას!
მშრომელთა საქმე ჯადოსნურ წრეს გაარღვევს მკერდით
და გამარჯვების სასახლეში დიდებით შევა!

თარგმანი კონსტანტინე კიკინაძის.

ბ ა ი რ ო ნ ი



კ ა ე ნ ი

(დასასრული)

მ ო ქ მ ე დ ე ბ ა მ ე ს ა მ ე

ს ც ე ნ ა პ ი რ ვ ე ლ ი

მიწა ედემის ახლო, როგორც პირველ მოქმედებაში.

კ ა ე ნ ი და ა და (შემოდინან).

ა და

ჩუ! ნელა, კაენ, ნელა!

კ ა ე ნ ი

კარგი; მაგრამ მიზეზი?

ა და

ჩვენმა ენოქმა პაწაწინამ აგერ ფოთლების
ლბილ სარეცელში ჩაიძინა კვიპაროსის ქვეშ.

კ ა ე ნ ი

ო, კვიპაროსი! მოლუშული ხე არის იგი;
ის იმნაირად იმზირება, თითქოს დასტირის
იმას, რასაც ის თავს ადგია: რად აირჩიე
შენ იგი ბავშვის საჩრდილებლად?

ა და

იმის ჩრდილის ქვეშ

ბნელა იმგვარად, ვით ღამეში; ამიტომ იმას
უფრო უხდება, ვიდრე ყველა დანარჩენ ხეებს,
ძილის დაჩრდილება.

კ ა ე ნ ი

ჰო, მარადის... უკანასკნელის.
მაგრამ, რა უყოთ, სულ ერთია, მიმიყვა მასთან.
(მიდიან ბავშვთან)

რა ლამაზია! და ელფერი მისი ლოყების
უფრო ცოცხალი არის, ვიდრე ვარდები მის ქვეშ.

ა ღ ა

ან ეს კოკობი მოწითალო გახსნილ ტუჩების —
მშვენიერება არ არის ეს? არა, ნუ ჰკოცნი;
მცირეოდენი მოთმინება, — სულ მალე თვითონ
გამოიღვიძებს: უთავდება უამი შეუადლის
დასვენებისა; მაგრამ მისი გამოღვიძება
ნაძალადევად შენანება.

კ ა ე ნ ი

შენ მართალს ამბობ.
როგორც იქნება შევაჩვრებ დროებით ჩემს გულს.
სძინავს და ტკბილად იღიმება! იძინე აგრე
გალიმებულმა, ჯერ ესოდენ ნორჩი მსოფლიოს
ნამცეცა მკვიდრო! ჯერჯერობით უმანკოება
შენ ნებას გაძლევს იძინო და იღიმებოდე.
შენ აკრძალული ნაყოფი არ მოგიწყვეტია.
არ იცი, რომ შენ შიშველი ხარ, დადგება უამი,
როდესაც პასუხს მოგთხოვენ შენ შენთვის უცნობი
და არც ჩემ მიერ ჩადენილი ცოდვების გამო.
მაგრამ იძინე, ჯერჯერობით იძინე ტკბილად!
აჰა, იმისი მხიარული სახის ელფერი
უფრო აენტო; ის ცახცახებს; მისი თვალების
ქუთუთოები ირხევიან მუქ წამწამებით,
როგორც მის თავზე ამართული ეს კვიპაროსი;
და მათ ქვემოდან მოცინარე თვალები თითქოს
მზერას ღამობენ. ის ოცნებობს... რაზე? ედემზე?
ჰო, იოცნებე მის შესახებ! ის გადაიქცა
ოცნების საგნად მარტოოდენ, ო, შვილო ჩემო
მემკვიდრეობას მოკლებულს! არა, არასდროს
იმ უნეტარეს სამყოფელში არ გელირსებათ,
რომ იოცნებოთ შენ და შენმა შვილებმა ცხადლივ!

ა ღ ა

ნუ დასჩურჩულებ, ჩემო კაენ, წარსულის გამო
ნაღველითა და სინანულით აღსავსე სიტყვებს
ჩვენს მძინარე შვილს. ან კი მაინც რა საჭიროა
სულ ამ ედემის დატირება? ნუ თუ მის ნაცვლად
არ შეგვიძლია ჩვენ რომ შევქმნათ სულ სხვა ედემი?

კ ა ე ნ ი

სად?



ა ღ ა

ყველგან, სადაც მოისურვებ; შენთან მახლობლად,
 სადაც იქნები სულ ერთია, მე იმ სამოთხის
 გადავიწყება შემოძლია, უშრეტო ცრემლით
 რომ დავიტირეთ: ნუ თუ არ მყავს მე შენი თავი,
 ბავშვი ძვირფასი, მამა, და-ძმა, დედა მშობელი,
 რომლის წინაშე, არა მარტო მისთვის, რომ გვშობა,
 ვალი მიგვიძღვის.

კ ა ე ნ ი

ჰო, სიკვდილიც მან მოგვანიჭა:
 და ესეც მისგან ჩვენ დაგვედო ვალად.

ა ღ ა

ო, კაენი

ზეიადმა სულმა, რომელმაც შენ აქედან სადღაც
 მოულოდნელად წაგიყვანა, უფრო ზედმეტად
 გაგაბრაზა და აღგაშოთა. მე კი მეგონა,
 რომ იმ ღვთაებრივ სამყაროებს, შენგან ნახულებს,
 როგორც შენ ამბობ, ზოგს გარდაცვლილს და ზოგს ამ ქაშად
 აყვავებულებს, შემეცნების სიმშვიდე შენთვის
 უნდა მოეცათ; მაგრამ ამის ნაცვლად მე ვხედავ,
 რომ ბოროტება მოგაყენა იმ სულმა, კაენ.
 მადლობელი ვარ მაინც მისი, რომ ასე მალე
 მან შენი თავი დაგვიბრუნა.

კ ა ე ნ ი

როგორ თუ მალე?

ა ღ ა

რაც ჩვენ დავშორდით, იმის შემდეგ სულ არ გასულა
 ორი საათი, ჩემთვის გრძელი ორი საათი,
 მაგრამ მაინც სულ მხოლოდ ორი თანახმად მზისა.

კ ა ე ნ ი

და იმავე დროს მე ამ მზესთან ვიყავი ახლოს,
 ვნახე ქვეყნები, რომლებსაც ის თავს დანათოდა
 მაგრამ არასდროს მომავალში არ გაუნათებს;
 ქვეყნები, სადაც ის არასდროს არ ანათებდა.
 ასე მგონია ამის შემდეგ გავიდენ წლები.

ა ღ ა

საათებიც კი ძლივს გავიდენ.

კ ა ე ნ ი

მაშასადამე

ქკუა განიცდის ესთა დენას არა საათთან

შეთანხმებით, არამედ მას ზომავს სიტყბოთი,
 ან მწუხარებით, მისი რისხვით ან მოწყალებით,
 რასაც უცქერის. მე ვიხილე მოქმედებანი დაუსაბამო
 არსებათა; თავზე დავექროდი უკვე ჩაქრობილ
 სამყაროებს; მე ავითვისე მარადისობა და მეგონა,
 საუკუნეებს ვიტანდი მასში; მაგრამ ეხლა ვიგრძენი
 კვალად მე სიბედშავე საკუთარი. მართალი იყო
 სული, როდესაც მე მიწოდა არარაობა.

ა ღ ა

რად ვითხრა მან ეს? იელოვას ჩვენთვის მაგგვარი
 არა უთქვამს რა.

კ ა ე ნ ი

არა, მაგრამ იმისგან ისიც საკმარისია,
 რომ ჩვენ შეგვექმნა არარაობად. მოგვხიბლა
 ერთ ხანს სამოთხეთი და უკვდავებით, მაგრამ
 ისევე ჩამოგვართვა და მტვრად გვაქცია. რისთვის?

ა ღ ა

იმისთვის, რომ მის სიტყვებს არ უგდეს ყური
 ჩვენმა მშობლებმა.

კ ა ე ნ ი

მერე ჩვენ აქ რა შუაში ვართ? იმათ
 შესცოდეს და სიკვდილიც მათ მიუსაჯოს.

ა ღ ა

ო, შენ ცულ სიტყვებს ლაპარაკობ, კაენ! ეგ აზრი
 ისევ იმ სულმა შთაგაგონა. ახ, როგორ მინდა
 რომ მე მოვკვდე და ჩემს მაგიერ იცოცხლონ იმათ!

კ ა ე ნ ი

მეც ვისურვებდი, რომ ვიცოდე ასეთი მსხვერპლით
 თუ გაიძღებდა გულს ვეშაპი, და უცოდველი
 ეს ჩვენი ბავშვი არასოდეს არ განიცდიდა
 და არც ანდერძად გადასცემდა შთაბოძავლობას
 თავისი მამის წამებას და ხვედრს სასიკვდილოს.

ა ღ ა

ვინ იცის ეგებ ამნაირი მსხვერპლის გაღებით
 ჩვენი ცოდვების გამოსყიდვა გველირსოს ერთ დროს.

კ ა ე ნ ი

ცოდვილთა ხსნისთვის უცოდველის მსხვერპლად მიტანა!
 როგორ გავიგოთ გამოსყიდვა ასეთნაირი?
 ან კი რაში ვართ დამნაშავე? რა ჩავიდინე
 მე ისეთი, რომ მსხვერპლი გავხდე იმისი, რასაც
 ჭდგილი ჰქონდა უმაღლეს, ვიდრე მე გავჩნდებოდი?
 ან რისთვის უნდა მჭირდებოდეს მე გამოსყიდვა

იმ უსახელო და იღუმალ შეცოდებებისა...
და ან კი თითქოს ცოდვა იყოს ძიება ცოდნის!



ეროვნული
ბიბლიოთეკა

ა ღ ა

ვაიმე, კაენ! შენ ღმერთს სცოდავ მაგვეარი ზრახვით!
შენი სიტყვები, ვით რაიმე უწმინდურობა,
სმენას მიწამლავს.

კ ა ე ნ ი

თუ აგრეა, დამტოვე მარტო.

ა ღ ა

ო, არასოდეს, თუნდა ღმერთმაც რომ მიგატოვოს!

კ ა ე ნ ი

რა არის ჩვენს წინ იქ რომ მოსჩანს?

ა ღ ა

ის არის ორი

საკურთხეველი: დღეს აბელმა დასდგა ისინი,
რომ შენთან ერთად შეასრულოს მსხვერპლის შეწირვა.

კ ა ე ნ ი

რა იცის იმან, რომ ვისურვებ მეც მასთან ერთად
მსხვერპლის შეწირვას, ისე როგორც ყოველდღეს იგი
მონური შიშით შეპყრობილი სწვავს საკურთხეველს
და სცდილობს ღმერთი მოატყუოს ცრუ სასოებით.

ა ღ ა

არა, აბელი, ჩემო კაენ, კარგად მოიქცა.

კ ა ე ნ ი

ორი სამსხვერპლო ზედმეტია: შესაწირავი
მე არაფერი გამაჩნია.

ა ღ ა

მიწის ნაყოფი,

დამწიფებულნი სხვებზე უმაღლესი, ყვავილნი მისნი,
ყველა იმისი მცენარენი საუკეთესო:
აი უფლისთვის საამური ძღვენი, როდესაც
შეეწირვიან მას ისინი უმორჩილესი
და ნაღვლით სავსე სულის მიერ.

კ ა ე ნ ი

ვიყავ მორჩილი

უმძიმეს წყევის, დედამიწას ვთხრიდი სულ მუდამ
ოფლში მცურავი. და ნუ თუ ეს არ კმარა კიდევ?
რად უნდა ვიყო მე მორჩილი? მუდმივ ბრძოლისთვის
სტიქიონებთან, ასე მტრულად რომ გვექცევიან?
ამ უმწარესი პურის გამო, რომელსაც ჩვენ ვსჭამთ?
რისთვის შევსწირო მას მადლობა? იმისთვის, რომ მე
მტვერი ვარ მხოლოდ და ვიბობლებ სულ მუდამ მტვერში
მანამდე, ვიდრე მე ისევე მტვრად არ ვიქცევი?
არა, თუ კი მე არაფერი არა ვყოფილვარ,

ფარისეველი არ გავხდები რაც უნდა იყოს;
 მე არ ვაჩვენებ თითქოს ტანჯვა მეადვილებს;
 მე რისთვის უნდა ვინაღვლო და ვიტყვო თქვენ
 მშობელი მამის ცოდვის გამო, რომელიც
 გამოვისყიდეთ ჩვენ იმითი, რაც გადვიტანეთ,
 რომელიც კიდევ ჩვენს უბედურ შთამომავლობას
 გამოსასყიდათ გაუხდება უსაზღვრო ტანჯვით?
 ჩვენმა პატარამ, ასე ტკბილად რომ სძინავს ავერ,
 ჯერ როდი იცის, რომ იმაში მარხია თესლი
 სამარადისო წამებისა განწირულ ძეთა,
 რომელთა რიცხვი უსაზღვროა. რამდენად უფრო
 იქნებოდა ეს ბედნიერი, რომ ამ ძილის დროს
 ავიყვანო და დაეანარცხო ქვებზე მე იგი,
 ვიდრე ცოცხალი დარჩეს მისთვის, რომ...

ა ღ ა

ბავშვს არ შეეხო!.. ჩემს ბავშვს!.. შენს ბავშვს! ო, კაენ, კაენ!

კ ა ე ნ ი

არა, ნუ შიშობ! რომ მაჩუქონ ცის მნათობები,
 რომ მომცენ ძალა, რომელიც მათ განაგებს, მაინც
 არ შეეხები ამ პატარას სხვაებრ თუ არა
 ხვეწნით და კოცნით მამობრივით.

ა ღ ა

მაშინ ასეთი საშინელი სიტყვები, კაენ?
 რა საჭიროა,

კ ა ე ნ ი

მე ვამბობ მხოლოდ: სჯობს მოესპოს სიცოცხლე იმას,
 ვიდრე იცოცხლოს იმ უმძიმეს წამებისათვის,
 რომელიც უნდა გადიტანოს და უანდერძოს;
 მაგრამ, რადგანაც ეს სიტყვები არ მოგეწონა
 მაშინ ვსთქვათ მხოლოდ: უმჯობესი იყო იმისთვის,
 რომ მას სრულებით დაბადება არ ღირსებოდა.

ა ღ ა

არა ნუ ამბობ ამას. მაშინ სად იქნებოდა
 უნეტარესი დედისათვის ბედნიერება.
 რომელიც იმის სიყვარულში, პატრონობაში
 და აღერსშია მოქცეული? აი შეხედე —
 გამოუღვიძა. ჩემო შვილო!
 (მიღის ბავშვთან)

აბა მოდი და

უყურე, კაენ, თუ სიცოცხლით როგორ გავსილა:
 ჰყვავის, იცინის—რა ლამაზი, რა ჯანსაღია!
 როგორ ჩამომგავს და შენც როგორ დაგმსგავსებია,
 როცა არა ხარ გულმოსული. მაშინ ჩვენ ყველა
 ვგვევართ ერთმანეთს; მართალია ხომ, ჩემო კაენ,
 რომ ჩვენ სამივე ჩვენი საბის მოხაზულობას,
 რომელნიც წყალში მოსჩანს, როცა შიგ ვიხედებით,

ვხედავთ აშკარად ერთმანეთში. გიყვარდეთ კაენ!
 და შენი თავიც შეიყვარე ჩვენი გულისთვის:
 ჩვენ ხომ გვიყვარხარ ასე ძლიერ! შეხედე ამას, როგორ იცინის,
 ხელებს სწვდის და მტრედის თვალებით გიმხერს
 შენ თვალებში, ხოლო ტანი კი, მისი პატარა
 სხეული კი, თრთის სიხარულით, როგორც
 პატარა ჩიტის ბარტყი ფრთებ მოცახცახე;
 ალბათ ამითი მისალმება სურს გამოხატოს
 მშობელის მიმართ. ნურას ამბობ ტანჯვის შესახებ!
 აკურთხე შეილი! და რადგანაც ის პატარაა
 მისთვის, რომ სიტყვით შემოგწიროს მადლობა
 თვისი, ამიტომ იგი მადლობელი იქნება გულით.

კ ა ე ნ ი

იყავ კურთხეულ, შეილო ჩემო! თუ კი მოკვდავის
 ლოცვა-კურთხევა გადაგარჩენს გველის დაწყევლას.

ა დ ა

ო, რა თქმა უნდა! მამობრივი შენი დალოცვით
 ბიწიერება აშორდება ამას გველური.

კ ა ე ნ ი

ვეჭვობ ძალიან; მაგრამ ამის მიუხედავად
 მე ვლოცავ ჩემს ბავშვს.

ა დ ა

აი აგერ ჩვენი ძმაც მოდის.

კ ა ე ნ ი

ვხედავ: შენი ძმა აბელია.
 (შემოდის აბელი)

ა ბ ე ლ ი

მშვიდობა კაენს.
 სული უფლისა გადმოვიდეს შენზედა, ძმაო.

კ ა ე ნ ი

შენზედაც, აბელ.

ა ბ ე ლ ი

დამ გადმომცა, რომ რაღაც სულმა
 ჩვენს ახლო-მახლო მიდამოებს შენ გაგაცილა
 ძალიან შორს სასეირნოდ. თუ ეკუთვნოდა

ის იმ სულთა რიცხვს, კავშირი რომ უჭირავთ ჩვენთან,
და ან თუ ადამს ჩამოჰგავდა სახიერებით?

კ ა ე ნ ი



არა.

ა ბ ე ლ ი

თუ არა, მაშ რიდასთვის უახლოვდები?
ვინ იცის, ეგებ ზენაარსის მტერია იგი.

კ ა ე ნ ი

და ადამიანთ მეგობარი. ხოლო ასეთი
როდის ყოფილა ზენაარსი?—თუ კი შენ იმას
ასე უწოდებ.

ა ბ ე ლ ი

ჰო, მე იმას ასე უწოდებ!
შენი სიტყვები, ძმაო ჩემო, დღეს მაოცებენ.
ადა, დაგვტოვე შენ დროებით. მე და კაენმა
უნდა მივართვათ მსხვერპლი უფალს.

ა დ ა

მშვიდობით, ჩემო
ძვირფასო კაენ! მაგრამ ჯერ კი აკოცე შენს შვილს.
დეე იმისმა სულიერმა სიმშვიდემ და ძმის
ღრმა სასოვბამ უწმიდესი სამსახურის დროს
შენ დაგიბრუნოს სათნოება და სიხალისე!
(ადა ბავშვით გადის).

ა ბ ე ლ ი

სად იყავ, კაენ?

კ ა ე ნ ი

მეც არ ვიცი.

ა ბ ე ლ ი

რა ნახე?

კ ა ე ნ ი

ვნახე

საიდუმლონი უთვალავნი, განუზომელნი,
ცოცხალნი, მკვდარნი ჰაეროვან სივრცეებისა,
აურაცხელი სამყარონი, და ქარტახილი
გამოუცნობი საქმეების და ნივთებისა



სმენის დამხშობი სიმღერებით აგუგუნებულ
ფიცხელ მზეებზე, მთვარეებზე, მიწათა ზედა
და თვალ უწვდენელ სფეროებზე, ასე რომ
არ შემიძლია მე მოკვდავთან საქმის დაჭერა.
აბელ, დამტოვე; მე მჭირდება განმარტოება.

ა ბ ე ლ ი

შენი თვალები უცნაურად გაბრწყინებულან,
მთლად შენი სახე უცნაური რისხვით ელვარებს,
შენი ხმის ბგერა უცნაურად გაისმის კაენ...
რას ნიშნავს ნეტა ყოველი ეს?

კ ა ე ნ ი

ეს ნიშნავს იმას...

მაგრამ გთხოვ თავი გამანებო.

ა ბ ე ლ ი

არა მე მინდა,

რომ შენთან ერთად ყოვლად შემძლეს ვევედრო.

კ ა ე ნ ი

აბელ,

მე გთხოვ, რომ მარტო შენ ევედრო; შენს იელოვას,
ვიცი, უყვარხარ მეტის მეტად.

ა ბ ე ლ ი

შენც, მაქვს იმედი.

კ ა ე ნ ი

მაგრამ შენ უფრო გაცილებით; მე მას ამისთვის
როდი უჩივი: ჩემზე მეტად გამოსადეგი
იმის წინაშე სამსახურში ხარ შენ უთუოდ.
მაშ ემსახურე რამდენიც გსურს, მხოლოდ კი მარტო,
ან და, ყოველგვარ შემთხვევაში, უჩემოდ მაინც.

ა ბ ე ლ ი

მე ღირსი შვილი ადამისა არ ვიქნებოდი,
რომ მე პატივი არ ვსცე, ძმაო, შენს უფროსობას
და აქ, ამ მსხვერპლის პიტანის დროს, რომ არა გთხოვო—
პირველშობილმა დაიკაეო პირველი რიგი.

კ ა ე ნ ი

მე არასოდეს არ მხიბლავდა ეგ პირველობა.



ა ბ ე ლ ი

და მით უმეტეს სამწუხარო არის ეს ჩემთვის, რადგან
გთხოვ ახლა მაინც ისარგებლო შენი უფლებებით.
მე ისე ვფიქრობ, შენი სული ბრძოლაში არის
რალაც საშინელ ცდუნებასთან; მსხვერპლის შეწირვა
დაბურუნებდა მას მშვიდობას.

კ ა ე ნ ი

არა არაფერს.

არ შეუძლია დაბრუნოს მას ეს მშვიდობა.
მე ვსთქვი: მშვიდობა? არასოდეს იგი ჩემს სულში
არა ყოფილა, თუმცა მიგვრძნია მე დაწყნარება
სტიქიონთ შორის. ძმაო აბელ, დამტოვე მარტო,
ან ნება მომეც მე დაგტოვო, რომ სისრულეში
შენ მოიყვანო აქ ეს შენი წმინდა განზრახვა.

ა ბ ე ლ ი

არა ორივემ შევასრულოდ ერთად ჩვენ ესე
ღვთის სამსახური... ძმაო კაენ! ნუ შეურაცხყოფ.

კ ა ე ნ ი

მე მზად ვარ, თუ კი საჭიროა ეს უსათუოდ,
მაგრამ რა უნდა გავაკეთო?

ა ბ ე ლ ი

ამოირჩიე

ერთად ერთი შენ ამ ორი საკუროთხვევლიდან.

კ ა ე ნ ი

შენ ამირჩიე; ჩემის აზრით სულ ერთი არის:
მხოლოდ ბელტები და ქვევია.

ა ბ ე ლ ი

არა, ირჩიე.

კ ა ე ნ ი (მიუთითებს ერთ-ერთ საკუროთხვეველზე).

მე ვირჩევ ამას.

ა ბ ე ლ ი

ჰო, ეს უფრო მაღალი არის
და შენთვის უფრო შესაფერი და ღირსეული.
ახლა შენ უნდა მოამზადო საკუროთხვევლისთვის
მსხვერპლი.

კ ა ე ნ ი

სად არის შენი მსხვერპლი?

ა ბ ე ლ ი



აჰა შეხედე —

საუკეთესო საკლავები ჯოგთაგან აგერ.
მათი ბუმბული უნაზესი იქნება მსხვერპლი
უმორჩილესი.

კ ა ე ნ ი

მე ჯოგები არ გამაჩნია;
ვარ მიწის მუშა და მე ძალმიძს მიცემა მისი,
რითაც ჩემს შრომას აჯილდოებს მკერდი მიწისა:
ეს არის მისი ნაყოფები.

(ჰკრეფს ნაყოფებს).

შეხედე ამათ:

როგორ ფერებით ქათქათებენ დამწიფებულნი,
(ორივე აწყობს საკურთხეველზე შესაწირს და ცეცხლს უკიდებს).

ა ბ ე ლ ი

როგორც უფროსი, შენ წარმოსთქვამ ლოცვას პირველი
მოკიდებული საკურთხეელის წინაშე, ძმაო.

კ ა ე ნ ი

არა, არ მაქვს მე საამისო გამოცდილება.
შენ მე პირველმა მიჩვენე და ვეცდები შემდეგ,
შენგან ნაჩვენებ მაგალითის მსგავსად მოვიქცე.


ა ბ ე ლ ი (მუხლს მოიდრეკს).

ჰოი, უფალო, შენ, რომელმაც ჩვენ გაგვაჩინე
და ნესტოებში შთაგვბერე ჩვენ სიციცხლის სუნთქვა
აკურთხე მალღობით ჩვენი მოდგმა და არ ისურვე
დავლუპულიყოთ სამუდამოდ შვილნი ცოდვისა,
რაც ჩვენ უთუოდ მოგველოდა დამსახურებით,
თუ რომ შენს რისხვას სამართლიანს არ შერეოდა
შენი სიკეთე, რომელმაც ჩვენ, უღირს ცოდვილებს,
ედემს გარეშე სხვა, ახალი ედემი მოგვცა!
ღმერთო სინათლის, დიდებისა და კეთილისა,
ბოროტებიდან ვინც სიკეთეს ჰქმნი და ყველაფერს
ამ ქვეყანაზე სიკეთისკენ მიმართავ შენი
მიუწვდომელი, იდუმალი და დაფარული,
მაგრამ ყოველთვის შეუმცდარი, სიბრძნის წყალობით!

მიიღე პირველ მწყემსისაგან პირველ სამწყემსოს
 პირველ შობილი ეს ნაყოფი, ვითარცა მსხვერპლი
 უმორჩილესი. არა თუ ამ მსხვერპლის გულს შენს
 მიიღე იგი, — ეს უფლისთვის რას წარმოადგენს? —
 არამედ იმის აცრემლებულ სასოებისთვის
 შენი მაღალი ცის წინაშე, ვინც მუხლმოყრილი
 შუბლით ეგება მტვერს, რომლისგან თვით არს შექმნილი,
 და შენ გახსენებს სამუდამო ქება-დიდებათ.

კ ა ე ნ ი (ფეხზე მდგომი).

სულო! ვინ ან რაც უნდა იყო — ყოელად ძლიერო,
 (ეს შეიძლება მართალია) კეთილო, რაიც
 არა სჩანს შენი საქმისაგან! შენ, იელოვა
 დედა-მიწაზე! ხოლო ცაში ღმერთო! და ეგებ
 კიდევ ბევრი სხვა სახელებით ცნობილო, რადგან
 ყველა თვისებებს შენსას, როგორც ყველა შენს საქმეს,
 ჩვენ როდი ვიცნობთ! სულ ერთია ვინც უნდა იყოს,
 თუ კი ლოცვებით საჭიროა დატკობა შენი,
 აჰა, მიიღე! ან თუ კი რომ საკურთხევლებით
 და შესაწირით უნდა მოღბე — აი ისინი!
 აქ შენს წინაშე წარმომდგარა ორი არსება.
 თუ სისხლი გიყვარს, სამსხვერპლოზე, რომელიც ჩემგან
 მარჯვნივ ანთია, იგი უკვე დაპლვარა მწყემსმა,
 და სისხლიანი საკმეველი ხორცთაგან უკვე
 მალა მოიწევს და ცას შენსას უახლოვდება.
 ხოლო თუ კი შენ ნაყოფები, აფერებული
 და მოწეული ამ ქალაში ფართო მნათობის
 ცხოველმყოფელი სხივების ქვეშ, არ მიგაჩნია
 შენ, შენის აზრით, მიუღებლად, თუმცა ისინი
 დაუკლავი და ასოებად აუქნელია
 რითაც ისინი უნდა ჰგავდნენ საქმეებს შენსას,
 ვიდრე მსხვერპლს ჩვენი ცოდვის გამო; თუ ეს სამსხვერპლო,
 მე ვიმეორებ, გაუსვრელი უმანკო სისხლით,
 სასურველი და მისაღები იქნება შენთვის,
 მიიღე იგი! ხოლო მას კი რაც შეეხება,
 ვინაც ეს მსხვერპლი შემოგწირა, ის იმგვარია,
 როგორც შენ ის გააჩინე და მუხლმოდრეკით
 მას არაფერი სათხოვარი არა აქვს შენთან.
 თუ ბოროტია მისი გული, განგმირე იგი!
 შენ ხარ მძლეთა მძლე, მბრძანებელი და როგორ ძალუძს
 მას შენს წინაშე ამხედრება?.. ხოლო თუ კი ის

კეთილი არის, მაშინ იგინი—როგორც გენებოს— გინდა ახსენი, გინდა მოსპე! ეს ყველაფერი შენზე ჰკიდია; ყველაფერი სწარმოებს შენზე მისი ნების მიხედვით: ბოროტებაც და სიკეთეცა. და ან რა არის ბოროტება, რაა სიკეთე—ეს მე ვიცი. მე არა ვარ ყოვლად ძლიერი და არც იმისთვის გაჩენილი, რომ ვიქონიო ყოვლად ძლიერზე მე მსჯელობა, არამედ მხოლოდ ვალდებული ვარ შევასრულო მის ბრძანება, რომელსაც უკვე ვასრულებ მე მთელი ამ ჩემი ძალით და ღონით.

(აბელის საკუროთხვეველზე ცეცხლი ბრწყინვალე სვეტის სახით მიიმართება ზეცისკენ, ხოლო იმავე დროს ქარტახილი დააქცევს კაენის საკუროთხვეველს და შორს გაჰფანტავს მსხვერპლად შეწირულ ნაყოფებს).

ა ბ ე ლ ი (მუხლმოდრეკილი).

ო, იცოდე! იცოდე, ძმაო!
შენ თავს დაგატყდა განრისხება უფლისა.

კ ა ე ნ ი

რისთვის?

ა ბ ე ლ ი

ხომ ხედავ შენი ნაყოფები მიწაზე როგორ მიმოიფანტნენ.

კ ა ე ნ ი

ისინი ხომ მიწამ წარმოშვა და ისევ მიწას მიებარონ; თესლი იმათი ახალ ნაყოფებს წარმოშობენ ამ ზაფხულზედვე. ხორცის შეწირვით შენ უმეტეს აამე ზეცას; ხედავ, რა ხარბად ყლაპავს იგი კვამლს, როდესაც ის სისხლიანია.

ა ბ ე ლ ი

დრო არ არის იფიქრო ახლა მასზე, თუ ჩემი მცირე მსხვერპლი რამდენად ღვთისთვის სასურველია; ამის ნაცვლად ეცადე მალე მეორე მსხვერპლი მიიტანო შენს მაგიერად.

კ ა ე ნ ი

მე საკუროთხვევლებს ამის შემდეგ აღარ ვაშენებ ამიერიდან შემძაგდება დანახვაც მათი.

ა ბ ე ლ ი (დგება ზეზე).

კაენ! რა გინდა ჩაიღინო?

კ ა ე ნ ი



მინდა სრულიად

გავანადგურო ეს უმსგავსო ფარისეველი
ზეცის წინაშე, აღმავლენი შენი საბრალო
ლოცვა-ვედრების, გათითბნილი კრავების სისხლით,
დედის ძუძუებს რომ მოსწყვიტეს, —სამსხვერპლო შენი!

ა ბ ე ლ ი

არ მიეკარო! არ დაურთო უღმერთო სიტყვებს
უღვთო საქმენი; როგორაც სდგას საკურთხეველი,
იმგვარადვე იდგეს ისევ; იგი ამ ქამად
ნაკურთხი არის იელოვას უკვდავ განცხრომით
და მხოლოდ იმის საკუთრებას შეადგენს იგი.

კ ა ე ნ ი

მის საკუთრებას! მის განცხრომას! მისი განცხრომა
ამ ხორცებიდან აორთქლებულ სისხლშია ნუ თუ?
დედების მწარე ბლავილშია, რომლებსაც კიდევ
ჯერ თავის დაკლულ შვილებისთვის უთრთით სხეული?
ან ეგებ მსხვერპლთა წამებაში, როცა ისინი
ემაგ უწმინდეს დანის ქვეშე იკლანებიან?
ჩამომეცალე! აწ ეს ძეგლი სისხლით გასვრილი
მაღალ ქმნილების სამარცხვინოდ აღარ დარჩება
მზის ქვეშ მდგომარე.

ა ბ ე ლ ი

კაენ, ძმაო! შეჩერდი, კაენ:
შენ ამ ჩემს წმინდა საკურთხეველს შესამუსრავად
ხელს არ შეახებ; ხოლო თუ კი ახალი მსხვერპლის
შესაწირავად გინდა იგი —ის შენ გეკუთვნის.

კ ა ე ნ ი

ახალი მსხვერპლი! გზა მომეცი! გამიშვი, თორემ
ამ მსხვერპლად მე შენ...

ა ბ ე ლ ი

რის თქმა გინდა?

კ ა ე ნ ი

ჩამომეცალე!

შენს უფალს სისხლი მეტად უყვარს! გაფრთხილდი, აბეღ,
რომ მან ეს სისხლი არ მიიღოს დღეს აქ ზედმეტად
ჩამომეცალე!



ა ბ ე ლ ი

მე იმისი სახელით ვდგევარ
შენსა და იმის საკურთხეველის შუაში.

კ ა ე ნ ი

შენ შენი თავი არ მოგძულდა, ჩამომეცალე,
რომ ემ ბელტები მის მშობლიურ ველზე გავფანტო,
თორემ იცოდე...

ა ბ ე ლ ი

ჩემს სიციცხლეს მე მიჩვენია
ღმერთი-უფალი.

კ ა ე ნ ი (დაჰკრავს მას საფეთქელში მუგუზაღს,
რომელსაც საკურთხეველიდან აიტაცებს).

მაშ წაიღოს ის შენმა ღმერთმა:
ის ხომ ხარბია ასეთ მსხვერპლზე.

ა ბ ე ლ ი (ეცემა ძირს)

ძმაო, რა ჰქენი?

კ ა ე ნ ი

ძმაო!

ა ბ ე ლ ი

უფალო, ჩაიბარე შენ მონა შენი,
ხოლო შეუნდე მკვლელს იმისას—მან არ იცოდა
რას სჩადიოდა... ძმაო კაენ, მომეცი ხელი,
გამომიწოდე შენი ხელი და უთხარი ჩემს
საბრალო ზილლას...

კ ა ე ნ ი (პაუზის შემდეგ)

ჩემი ხელი!—ის წითელია!

რითი?

(გრძელი პაუზა. ის იმზირება ირგვლივ)
სადა ვარ? მარტოდ-მარტო! ეს აბელია?
მე ვარ კაენი? არ იქნება, რომ ეს მე ვიყო.
ძმაო, ადექი, გაიღვიძე! რად უნდა იწვე
შენ ამ მიწაზე? მოვა ქამი დაძინებისა.

ან რად ხარ ასე ფერწასული? რა მოგივიდა?
 დღეს, ამ დილაზე შენ სიცოცხლით სავსე იყავი,
 გთხოვ ნუ დამცინი. მართალია, ძლიერ შემოგვარა
 მაგრამ არც ისე. რად გადადექ შენ ჩემს წინაშე!
 მაგრამ ეს მხოლოდ ხუმრობაა; შენ გინდა ამით
 რომ შემაშინო: ის უბრალო, მხოლოდ უბრალო
 შემოგვარა იყო. გაინძერი! შემოტრიალდი!...
 აი, ამგვარად—კარგი, სუნთქავ! ო, ძმაო კიდევ
 ამოისუნთქე! ღმერთო! ღმერთო!

ა ბ ე ლ ი (ოდნავ გასაგონად)

ღმერთს ვინ ახსენებს?

კ ა ე ნ ი

მე—შენი მკვლეელი.

ა ბ ე ლ ი

დე უფალმა შეგინდოს. ძმაო,
 არ დაივიწყო ჩემი ზილლა; მხოლოდ შენ ერთი
 დარჩი ძმა იმის.

კ ა ე ნ ი

მე—არცერთი. ო, ვინ წაართვა
 კაენს ძმა მისი?! მას თვალები გახელილი აქვს,
 მაშ არ მომკვდარა იგი, არა! მე გაგონილი
 მაქვს, რომ სიკვდილი ძილს ჩამოჰგავს, ხოლო ძილი კი
 თვალებს უხუჭავს. აი ბაგეც გაპობილი აქვს,—
 უნდა სუნთქავდეს! მაგრამ სუნთქვა არ მესმის მისი.
 ახ, გული უნდა გაუსინჯო—უცემს თუ არა?
 მე ვგონებ არა!. და ნუ თუ ეს სინამდვილეა?
 ეგებ ძილში ვარ? ეგებ უცებ გავჩნდი სხვა უფრო
 ცუდ სამყაროზე? ჩემს წინაშე ბრუნავს ყოველი
 ეს რაღა არის? სოველია...
 (გადაუხვამს შუბლზე ხელს და ათვალიერებს შემდეგ მას).

მაგრამ ნამი კი

არ არის იგი. ეს სისხლია, სისხლი ჩემი ძმის,
 ჩემგან დაღვრილი! ამის შემდეგ რა საჭიროა
 ჩემი სიცოცხლე, როდესაც მე მოვსპე სიცოცხლე
 უახლოესი არსებისა? ო, არა, არა—

ის არ მომკვდარა! სიკვდილია ნუ თუ სიჩუმე?
 არა, ის ზეზე წამოდგება—უნდა ველოდო,
 განა სიცოცხლე ისე სუსტი და უძლურია,



რომ ასე უცბად, ასე სწრაფად მოისპოს იგი?
 გარდა ამისა, შემდეგ კიდევ ხმა ამოიღო
 რა უთხრა მე მას? ძმაო ჩემო!.. არა, არ მომეცემს
 მე ამ ძახილზე პასუხს იგი: ძმები ერთმანეთს
 ასე სასტიკად ხომ არ უნდა ლახვრავდნენ. მაგრამ
 მაინც გთხოვ კიდევ მიპასუხო, კვლავ გამაგონოს
 შენმა ტკბილმა ხმამ ერთი სიტყვა, რომ მე ატანა
 შემეძლოს თვითონ ჩემი ხმისა!

(შემოდის ზილლა)

ზ ი ლ ლ ა

რა ამბავია?—

დიდი ხმაური მოისმოდა აქედან. კაენ,
 შენ აქ სდარაჯობ ჩემს მეუღლეს. რა მოხდა, ძმაო?
 სძინავს? ო, ღმერთო! რასა ნიშნავს ეს გაფითრება
 და ეს ღვარები მის სახეზე? ნუ თუ სისხლია?
 მაგრამ აქ მის სისხლს ვინ დაღვრიდა? რას ნიშნავს? აბელ!
 ვინ ჩაიდინა?.. არ ინძრევა, აღარც სუნთქვა აქვს...
 და ხელი მისი მივარდება ხელიდან, ვით ქვა.
 სასტიკო კაენ! რატომ დროზე არ მიეშველე,
 რომ დახმარება გაგეწიოს მისთვის ბრძოლაში?
 მასზე მოსულ მტერს შენ წინ უნდა გადასდგომოდე,
 როგორც იმაზე უფრო მძლავრი. მამა, მოდი აქ!
 აქეთ წამოდით ევა, ადა. აჰა, მოვიდა
 სიკვდილი ქვეყნად!

(მიდის და ხმამალა მოუწოდებს დედას და მამას)

კ ა ე ნ ი (მარტო)

მერე იგი ვინ მოიყვანა?

მე—მე, რომელმაც შევიძულე მისი ხსენება
 იმდენად ღრმად, რომ თვით აზრიც კი იმის შესახებ,
 ვიდრე მის სახეს შევხედავდი პირდაპირ, ჩემს ტვინს
 შხამში ხარშავდა! მოვიყვანე მე ის ამ ქვეყნად
 და მერე რისთვის? რომ ჩემი ძმა მის ცივ მკლავებზე
 გადამეწვინოს! თითქოს ჩემდა დაუხმარებლად
 მას არ შეეძლო იმ საშინელ ძალა-უფლებით,
 რომელიც იმას მისჯილი აქვს, აღჭურვილ იყოს.
 აჰა, ბოლოს მე გავიღვიძე. ავი სიზმარი,
 რომელმაც გიჟი გამხადა მე, უკვე გათავდა;
 მაგრამ აბელი არასოდეს არ გაიღვიძებს!

(შემოდებიან ადამი, ევა, ადა და ზილლა).



ა დ ა მ ი

აი მოველი მე აქ ზილლას კვნესა-ტირილზე,
და რასა ვხედავ? შვილო ჩემო! ევა შეხედე
მაცდური გველის და შენს საქმეს!

ე ვ ა

ნუ შეუბნები

ეხლა შენ ამას; მე ისედაც გველის კბილები
გულს მიწიწკნიან. აბელ! შვილი! ო, იელოვა!
სასჯელი ესე აღემატა ჩემს დანაშაულს:
ამის წართმევა, ამის მოკვლა.

ა დ ა მ ი

ვინ მოჰკლა იგი?

კაენ შენ მასთან იყავი აქ. შითხარ: ვინ იყო?
სული, რომელიც გვემტერება, ერთი მათგანი,
თავზე ღვთის რისხვა რომ დაატყდათ, თუ მხეცი რამე,
ნადირი ტყისა?

ე ვ ა

საშინელმა შუქმა, ვით ელვამ,

მთელი ეს საქმე გაანათა ჩემი თვალის წინ!
ის მუგუზალი! ვინ აიღო საკურთხეველიდან?
ის მთლად შავია კვამლისაგან და ერთიანად
სისხლში გასვრილი!

ა დ ა მ ი

შვილო ჩემო, მოგვეც პასუხი, —
დაგვარწმუნე, რომ ეს მომხდარი უბედურება,
არც მთლად იმდენად დიდი არის, როგორც ჩვენ ვეჭვობთ.

ა დ ა

კაენ, უთხარი, რომ ეს საქმე შენ არ გიქნია.

ე ვ ა

ეგ არის, ვხედავ, დამნაშავე დაჰხარა თავი
ველური სახე დაიფარა მან სისხლიანი
თვისი ხელებით.

ა დ ა

ნუ აყენებ შეურაცყოფას,
დედა, უბრალოდ! მოიშორე თავიდან, კაენ,

ცილის წამება სისხლიანი, რომელიც მხოლოდ
 ღრმა მწუხარებამ შთააგონა ჩვენს ძვირფას მწიბვლებს...

სიმღერისათვის

ე ვ ა

მისმინე, დიდო იელოვა! განუშორებლად
 იყოს იმასთან საუკუნო წყევა გველისა!
 ის ხომ იმისგან უფრო არის წარმოშობილი,
 ვიდრე ჩვენს მიერ. დეე ყველა დღეები მისი
 იყოს მწუხარე იმგვარადვე, როგორც ეს. დეე...

ა ღ ა

დედა! ნუ სწყევლი: ის ხომ შენი შვილია, დედა?
 იგი ძმა არის და მეუღლე ჩემი. ნუ სწყევლი!

ე ვ ა

მისი წყალობით შენ წაგერთვა ძმა სამუდამოდ,
 ზილლას მეუღლე, მე კი შვილი. იყოს წყეულნი
 და თვალთა ჩემთა არ იხილონ ამიერიდან
 ის ყოველივე ამის განო. ყველა კავშირი
 გასწყდეს ჩვენ შორის, ისე როგორც გასწყვიტა იმან
 კავშირი ძმასთან. ო, სიკვდილო! რატომ პირველად
 მე არ მიმსხვერპლე? ხომ პირველი მე წამოველი
 შენს შესახვედრად?


ა ღ ა მ ი

ევა, კმარა, გმართებს სიფრთხილე!
 შენი ნალველი გასაგები—შეცოდებაა.
 ეს უმძიმესი ჩვენი ბედი ჩვენთვის წინასწარ
 ცნობილი იყო: და აი, ის გვესტუმრა კიდევ.
 გადავიტანოთ იგი ეხლა ჩვენ ღვთის წინაშე,
 როგორც შეჭფერის იმის შორჩილ მონებს, რომლებსაც
 სჯერათ იმისი წმინდა ნება.

ე ვ ა (უთითებს კაენზე)

ამისი ნება!

აი იმ დემონს საკვდილისას უნდოდა იგი, —
 ქვეყნად ჩემ მიერ დაბადებულს სურს ეს ქვეყანა
 მკვდრებით მოჰყინოს. დაიწყევლოს სახელი მისი!
 ტანჯვით აღსავსე დეე გაიჭრეს უდაბნოდ იგი,
 ვიდრე იქ თავის საკუთარი შეილებისაგან
 ის არ განიცდის იმას, რაც ძმას თავს დაატეხა!
 რომ იქ ფრთები და მახვილები ქერუბიმების

დღისით და ღამით განუწყვეტლივ სდევნიდნენ იმას!
 დეე გველებით მოიფინოს იმისი გზები! 
 მიწის ნაყოფი იმის პირში გადიქცეს ნაცრუდს ^{ე რ ი ე ნ უ ლ ი} _{ს ი მ ი მ ა}
 მწვანე ფოთლები, რომლებზედაც თავს მისდებს იგი
 მორიელებით სავსე იყოს! რომ ძილში იმას
 ელანდებოდეს დალუპული მის მიერ მსხვერპლი!
 ხოლო ცხადლივ კი, როგორც მკვლელი, შიშისგან ძრწოდეს!
 დეე სპეტაკი ნაკადები, როდესაც იგი
 თავის საშინელ ბაგეს დახრის იმათზე, უცბად
 სისხლად გადიქცნენ! დეე ყველა სტიქიონებში
 იგი ღალატს და მოტყუებას ხვდებოდეს მხოლოდ!
 რომ თვით სიცოცხლე იყოს მისთვის ის სატანჯველი,
 რომლითაც სიკვდილს ჩვენ შევხვდებით, ხოლო სიკვდილი
 სიკვდილზე უფრო საშინელი მისთვის, რომელმაც
 გააცნო იგი ადამიანს თავდაპირველად!
 შორს, შორს, ძმის მკვლელი! სიტყვა ესე ამიერიდან
 უნდა ნიშნავდეს კაენს!—კაენ! სამარადისოთ
 სახელი ესე შენს უთვალავ შთამომავლობას
 ამ ბოროტებას მოაგონებს. დეე ბალახი
 დასქცნეს იქ, სადაც ფეხს დაადგამ შენ გასავლელად!
 დეე ტყეებმა აღგიკვეცონ თავისი ჩრდილი,
 თავშესაფარი—აქ სოფელმა, მიწამ—სამარე,
 მზემ—განათება, მალალმა ცამ—თავისი ღმერთი!
 (გადის).

ა დ ა მ ი

წადი აქედან. ჩვენ არ ძალგვიძს ამიერიდან
 შენთან ცხოვრება. აირჩიე შენი გზა მალე
 მიცვალებული მე დამრჩება. მარტო ვიქნები
 ამ დღიდან სულ მე: ჩვენ ერთმანეთს ველარ შევხვდებით
 აწ ვერასოდეს.

ა დ ა

მამა ჩემო! გაშორდი ისე,
 როგორც შეშვენის კეთილ მამას: ნუ დაუმატებ
 შენს წყევალ-კრულვას იმ საშინელ წყევალს, რომელიც
 თავს დაატება ამას ევამ.

ა დ ა მ ი

მე არა ვსწყევლი:
 მის სულში არის მისი წყევალ. წავიდეთ, ზილლა.

ზ ი ლ ლ ა

მე უნდა დავრჩე ჩემი ქმარის ცხედართან, მამა.

ა დ ა მ ი



ჩვენ ისევ მოვალთ; ჯერ კი მხოლოდ წავიდეს ჩვენს
ვინც ჩაიდინა საშინელი ეს ბოროტება. *ბიზანტიუმიკა*
წავიდეთ.

ზ ი ლ ლ ა

ერთხელ კიდევ უნდა დაგკოცნო მისი
ტუჩები უკვე გაყინული, მაგრამ ოდესღაც
ცეცხლივით მწველი! გულო ჩემო! მისკდება გული.
(ადამი და ზილლა გადიან).

ა დ ა

ხომ გაიგონე, ჩემო კაენ,—უნდა წავიდეთ
ამ ადგილიდან. მე მზადა ვარ და მოვამზადებ
ბავშვებსაც მალე. მე წავიყვან ენოხს, შენ მის დას.
გვიჯობს წავიდეთ მზის ჩასვლამდე, რომ უდაბნოში
ლამით არ შეგვხვდეს სიარული. მაგრამ რად სდუმხარ?
ხმა ამოიღე.

კ ა ე ნ ი

ჩამომეხსენ!

ა დ ა.

აბ, ვერა ხედავ,
რომ შენ ყველანი ჩამოგეხსნენ?

კ ა ე ნ ი

შენ რაღას უცდი?
შენ ძალგის განა, რომ იცხოვრო ისეთთან, ვინაც
ეს ჩაიდინა?

ა დ ა

მე ყველაფერს მოვითმენ, შენ კი
არ მიგატოვებ არასოდეს, როგორც არ უნდა
მაკრთობდეს საქმე, რომელმაც ჩვენ ძმა მოგვაშორა.
მე არ მეკუთვნის მისი განსჯა, რაც ღვთის წინაშე
შენ ჩაიდინე.

ხ მ ა

კაენ! კაენ!

ა დ ა

გესმის ხმა იგი?



ხ მ ა

კაენ! ო, კაენ!

ა დ ა

ანგელოზის ხმა არის იგი.
(შემოდის ანგელოზი ღვთისა).

ანგელოზი

სად არის შენი ძმა აბელი?

კ ა ე ნ ი

განა დარაჯი

ვარ მე ჩემი ძმის?

ანგელოზი

ეს რა ჰქენი? შენი ძმის სისხლი მიწის გულიდან ცამდე ახწევს. ამიერიდან მარად იქნები დაწყევლილი შენ მიწისაგან, რომელმაც მოხსნა ბაგე თვისი, რათა მიეღოს შენი ძმის სისხლი დაქცეული შენივე ხელით. ის არ დაგახმარს თავის ძალას, როდესაც იძას დაიმუშავებ. შენ დღეიდან ამ ქვეყანაზე იქნები მუდამ განდევნილი—მოხეტიალე.

ა დ ა

მაგრამ სასჯელი ეს იმდენად ძლიერი არის, რომ ვერ შეიძლება მის ატანას. ახლა ხომ იგი მიწის პირიდან აღგავე შენ, და უფლის სახეც მის მხედველობას მიჰფარდება. მოხეტიალე და განდევნილი შეიძლება, რომ ყველამ მოჰკლას.

კაენი.

ო, ნეტა მართლა! მაგრამ მკვლელი სად ვპოვო ჩემი? მე ამ უდაბნო ქვეყნად მავალს ვინ შემეყრება?

ანგელოზი

შენ მკვლელი იყავ შენი ძმისა, ვინ გიპატივებს შენი შეილისგან?

ა დ ა

ანგელოზო, ნათლეთ მოსილო!

ნუ ამბობ თითქოს მკერდი ესე ბევრის ამტანი ამ ბაუშეში ჰკვებავს საკუთარი მამის მკვლელს.

ანგელოზი



ის იქნებოდა იმგვარივე, როგორც იყო
 მამა იმისი. ევას მკერდმა ნუ თუ არ ჰკვება,
 იგი, რომელსაც სისხლში ხედავ შენი თვალის წინ?
 ძალუძთ წარმოშვან ძმათა მკვლევლებს მამის მკვლევლები.
 მაგრამ ეს მაინც არ მოხდება. ღმერთმა მიბრძანა,
 რომ მე კაენის შუბლს ბეჭედი დაგასვა, რათა
 ის მუდამ თავის ხეტიალში დარჩეს ყველასაგან
 ხელუხლებელი. გადახდება შვიდკეცად იმას,
 კაენის მოკვლას ვინც გაბედავს მომიახლოვდი.

კაენი

რა გინდა ჩემგან?

ანგელოზი

მსურს ბეჭედი დაგასვა შუბლზე,
 რომ სხვა ვინმესგან შენ იგივე არ განიცადო,
 რაიც შენ თვითონ ჩაიღინე.

კაენი

არა, სიკვდილი
 მინდა მე აწი.

ანგელოზი

შენ სხვაგვარად გაგსაჯა ღმერთმა.
 (ანგელოზი დაასვავს კაენს ბეჭედს შუბლზე).

კაენი

ცეცხლით იდაგვის ჩემი შუბლი; მაგრამ ეს მაინც
 არაფერია შედარებით იმასთან, რაიც
 მის შიგნი ხდება. რა იქნება შემდეგ ამისა?
 მე მორჩილი ვარ, როგორც ხედავ.

ანგელოზი

საშოდანავე
 დაუდევარი და ჯიუტი იყავი, როგორც
 ის მიწა, რომლის მუშაობა ამიერიდან
 შენ გიწერია; მაგრამ იგი, ვინც შენ მოჰკალი
 უწყინარი და მშვიდი იყო, ვით ის ჯოგები,
 რომლებსაც იგი მწყემსად უდგა.

კაენი

მე ჩასახული

ვიყავი მაშინ, როს დაეცნენ ჩემი მშობლები,
როდესაც ევა ჯერ კიდევ ვერ შერიგებოდა
თაყის მძიმე ბედს, ადამი კი დაკარგულ ედგენ
ცრემლით იგლოვდა. ვარ ისეთი, როგორც ვარ.

არ მოვლენივარ ამ ქვეყანას მე ჩემი ნებით,
არ ვარ ჩემ მიერ გაჩენილი; მაგრამ თუ ძალმიძს
ჩემი სიკვდილით მისი ფეხზე წამოყენება!
ან რისთვის არა? დეე იგი კვლავ დაუბრუნდეს
დღის ბრწყინვალებას, ხოლო მე კი მკვდრად დავეცემი
აქ იმის ნაცვლად! ღმერთისთვის ხომ ადვილი არი
მისთვის სიცოცხლის დაბრუნება, ვინც მას უყვარდა,
და მოკვლა მისი, ვინც სიცოცხლეს ზიზლით უცქერის.

ანგელოზი

სიკვდილისაგან ვინ განკურნავს? რაც მოხდა მოხდა.
წადი—დღეები მიიყვანე ბოლომდე შენი,
და დეე შენი საქმეები ამიერიდან
არ ჰგვანდნენ ამას.

(ანგელოზი ჰქრება)

ა დ ა

ანგელოზი გაჰქრა. დრო არის
ჩვენც გზას გაუდგეთ! მე მომესმის ჩვენი ენობის
ტირილი, კაენ.

კ ა ე ნ ი

იგი სტირის და თვით არ იცის
რისი გულისთვის. ხოლო მე კი სისხლის დამღვრელი
ცრემლების დაღვრას ვერ ვახერხებ. თუმც ჩემი სული
ოთხი მდინარის წყალითაც არ განიბანება.
მაგრამ აიტანს ჩვენი შვილი დანახვას ჩემსას?

ა დ ა

მე რო ვფიქრობდე მაგას მაშინ...

კ ა ე ნ ი

ო, კარგი, კარგი —
კმარა მუქარა; გვეყო რაც ჩვენ ვისმინეთ იგი.
წადი ბავშვებთან. მეც ახლავე თან გამოგყვები.

ა დ ა

არ შემიძლია მიგატოვო მე აქ შენ მარტო.
მიცვალეებულთან. ორივენი ერთად მოვსორდეთ.

კ ა ე ნ ი



მკვდარო და მაინც მხილებელო სამარადისო
 შენ ვისმა სისხლმაც ცას და მიწას მე განმშრობა!
 რა ხარ შენ ახლა, მე არ ვიცი, მაგრამ მე რაც ვარ —
 ო, თუ კი ამას შენი თვალი ვერ ხედავს, მაინც
 შენ მიუტევებ იმას, ვისაც არ ელირსება
 შენდობა ღვთისგან და არც თვითონ თავის სულისგან!
 მშვიდობით! ხელის შეხება მე ვერ გამიბედავს
 მისთვის, რაც შენგან დარჩენილა. და მე, რომელიც
 დავბადებულვარ შენთან ერთად ერთი საშოდან,
 ვიზიარებდი ღვთის ძუძუს შენთან და ხშირად
 ძმურად ჩემს მკერდზე მიგიკრავდი სიყმაწვილის ეამს,—
 მე ვერასოდეს ვერ შეგხვდები ამიერიდან.
 და ვერც თუ იმის შესრულებას გაბედავ, რასაც
 მე თვითონ შენგან მოველოდი—საფლავის გათხრას,
 პირველ საფლავის, რომელიც აქ მოკვდავისათვის
 ამოითხრება. და მერე ვინ? ვინ განამჩადა
 საფლავი იგი? მიწავ! მიწავ! ნაცვლად იმისა,
 რასაც გულუხვად მიძღვნიდი მე, გიბრუნებ ამას:
 ეხლა წავიდეთ უდაბნოში.

• ღ • (დაეცემა და ჰკოცნის აბელის სხეულს).

შენ წილად გერგო,

ძმაო, უდროო დასასრული. ყველა მათ შორის,
 შენი დაკარგვით ვისაც გული აქვს განგმირული,
 მე ერთად ერთი არა ვსტირი და არც შეკუთვნის
 ტირილი ახლა. ჩემი ვალი არის დღეიდან
 არა ცრემლების ღერა, არამედ ცრემლის შეშრობა.
 მაგრამ არავის გული ისე არ დაკოდილა,
 მძიმე სახმილით როგორც ჩემი—და არა მარტო
 შენზე, არამედ იმაზედაც, ვინაც შენ მოგკლა.
 მე, ჩემო კაენ, შენს მძიმე ბედს გავინაწილებ.

კ ა ე ნ ი

გზა ავირჩიოთ ჩვენ ედემის აღმოსავლეთით.
 იგი უმეტეს უდაბნოა და შესაფერი
 ჩემი ტერფისთვის.

• ღ •

გამიძეხი და მიწინამძღვრე,

ხოლო ღმერთი კი შენ გიძღოდეს ყოველთვის გზაზე!
 მალე, ბავშვები აეიყვანოთ და გავემგზავროთ.

კ ა ე ნ ი

ქორწინების
 გიგანტი

ხოლო ჯერ იმას, ვინც აქ რჩება უსულო გვამად.
 შეილი არ ჰყავდა. მე დავაშურე წყარო, რომელიც
 შთამონავლობას წარმოშობდა სიკეთით სავსეს
 და მშვიდობიანს, რაც ეგები შესძლებდა ოდნავ
 მოეღბო ჩემი შმაგი სისხლი ჩვენი შვილების
 დაქორწინებით. აბელ! აბელ!

ა დ ა

მშვიდობა იმას

კ ა ე ნ ი

მე?

(შიდიან).

თარგმანი კონსტანტინე კიკინაძის.



პრობლემა ღა მხატვრობა



ლენინი და ლებენდა *)

სიკვდილი თავის წრის შემოვლებით თანასწორ ღირებულებას ანიჭებს ამ ქვეყნით გასულის ინტიმურ და შემოქმედებითი ნაკვთებს. ყველაფერი ადამიანი-ში: — მისი საქმეები და ამ საქმეთა წარმომშობი მოტივები, დაწვრილებითი მზრუნველობით და ოდნავ შესამჩნევი საოცრებით შკვრივდება, ინაკვთება, და ბიოგრაფიის ზოლებით იხლართება, რათა გამოცხადდეს ჩვენს წინაშე, როგორც დასრულებული აქტი შემოქმედებისა, სიკვდილის შემდეგ მოვლინებული აქტი, რომელშიაც თანაბარ მონაწილეობას ღებულობენ ის, ვინც უკვე აღარ არის და ისინი, ვინც ინაწილებენ და ცხოვრობენ მისი მემკვიდრეობით.

როგორც შორეულ მათთა კალთების მოხაზულობა მიახლოების დროს რთულდება და ჰქმნის ისეთ სანახაობას, რომელიც იწვევს, თვალთაგან სხლტე-ბა, შემდეგ იზრდება და იშლება წვრილმანებში, რომელნიც შეადგენენ სწო-რედ ამ მთებს, წარმოგვიდგენენ მათ იმ სახით, რა სახითაც შორიდან მოსჩანან ასევე სიკვდილის პარადოქსი, გამოჰყავს რა ადამიანი ცოცხალთა წრიდან, განი-ერათ და უხკად შლის ჩვენს თვალწინ მას, რაც მის სიცოცხლეში დაფარული იყო. და აქ, როგორც მთებთან მოახლოვების დროს, თუმცა გვეჩვენება, რომ კი არ მიუახლოვდით, არამედ დაეშორდით, — მოზღვავებული და გადაშლილი წვრილ-მანები დამაჯერებელის სიცხადით მეტყველებენ, რომ ასეთი იყო ეს ადამიანი, სხვაგვარი ის არც შეიძლებოდა ყოფილიყო. ჩვენ ეხლა ვრწმუნდებით, რომ ლენინი იყო არა მხოლოდ ისტორიულ მსვლელობის გრძელი გამომცნობი, ანა-ლიტიკი და სტრატეგი, არამედ ბევრი სხვაც, რასაც ჯერ კიდევ გუშინ ვერა-ვინ ვერ გრძნობდა, რატომ იყო ის გრძნეული გამომცნობი, სად არის დაფარუ-ლი საიდუმლოება მისი „თეორიის“ და „პრაქტიკის“? როგორ მოხდა, რომ მას-ში განსახიერებული იყო ნაციონალური ხასიათის ნიშნები და იმავე დროს ის იყო მთელ მსოფლიოში ყველაზე ნამდვილი და ყველაზე უფრო აქტიური ინტერ-ნაციონალისტი, რომელშიდაც შეგრძნობა ხალხთა კონკრეტული სხვადასხვაო-ბისა შეთავსებული იყო მოუდრეკელ ნებისყოფასთან ერთიან და ძლევამოსილ

*) ეს წერილი დაწერილია სპეციალურად ჟურნალ „მნათობისათვის“.



აჯანყებისადმი? ის მიმართავდა ირონიას, და ეს ირონია იყო ერთ-ერთი მხარე არა მარტო ლენინის—პიროვნების, არამედ ლენინის—ისტორიის გამომცნობის. მას შეეძლო შეერიგებია ბრძოლაში სასტიკი შეუდრეკლვადი გულჩვილობასთან, და სრულიად მოულოდნელათ ბელადის საერთოდ ცნობილი თვისებების გვერდით აშკარავდება თვისებები, ბავშთა კეთილი მეგობრის მზრუნველი ამხანაგის და ადამიანის, რომელიც სათუთ კავშირშია ბუნებასთან, ცხოველთა სამეფოსთან, ტყეებთან, სოფელთან. ჰქონდა უნარი თავდავიწყებით მისცემოდა აზროვნებას, წერას, მუშაობას. იყო მოკრძალებული, ე. ი. პირადულს უქვემდებარებდა საზოგადოებრივს. შეეძლო სხვისი აზრის მოსმენა და მიწვდენა, მაგრამ თუ რამე იცოდა და ამტკიცებდა, ამას იცავდა ის თავისი ცოდნის სრული შეგნებით, უსაზღვრო თავგამოდებით, არ ეშინოდა განკერძოების და სწამდა, რომ ხვალინდელი დღე გახდებოდა მისი ქობაგი. ის იყო დაჯილდოებული საგანგებო, ჯერ კიდევ ანალიზისთვის მიუწვდომელ მგრძნობელობით „სოციალურ ლანდშაფტისადმი“ ამ ლანდშაფტში სულ მცირე ცვლილებებს ეხმაურებოდა, შეჰქონდა ეს ცვლილება სისტემაში, გამოჰყავდა დასკვნები და საჭიროებისდაინხედვით სცვლიდა ბრძოლის მეთოდებს. ამბობენ მწერლებში მას გამორჩევით უყვარდა ტიუტჩევი და ტურგენევი, ალებდა რა ამით სარკმელს თავის ინტიმობის სულიერ განწყობილებისას, რომელსაც ის არ ჰფარავდა, მაგრამ არც გამოჰფენდა, რადგან ყველაზე უმაღლეს მისთვის არსებობდა არა სულიერი განწყობილება, არამედ საქმე. მაგრამ ეხლა ამ საქმეთა იქით სდგება ჩვენს წინ ცოცხალი პიროვნება მთელი თავისი უზარმაზარი სირთულით და პრობლემატიურობით. და უნდა გავიგოთ; ზოგიერთ საქმეებს ედგმის ძეგლი, მაგრამ ლეგენდა-კი იქმნება მხოლოდ იმ საქმეთა ირგვლივ, რომელნიც თანშეზრდილნი არიან პიროვნებასთან.

რევოლიუციის დღეებსა და მუშაობაში, როგორც მის მომზადების, ისე აფეთქების და შემდეგში მის გეგმაშეწონილ მსვლელობის დროსაც, დავიწყებას იყო მიცემული პიროვნება საერთოდ და კერძოთ ლენინის პიროვნებაც. ბრძოლას ხომ აუცილებლად სინამდვილის გამარტივება მოსდევს. სინამდვილის გამარტივებით მებრძოლნი წინასწარ მოულაპარაკებლად, ფორმულებსა და შედეგებზე დაუფიქრებლად, ისვრიან თავიანთი თავის კონცენტრაციის და გამარტივების ლოზუნგს. ძალთა ასეთი კონცენტრაცია სწრაფი და პირდაპირი მოქმედებისათვის უაღრესად ახასიათებდა ლენინს. ამან თავის დაღი დაასვა მის პარტიასაც მტკიცე ხასიათებისა და პიროვნებათა მტკიცე ხასიათის გამოკვეთით, აღიბეჭდა ენაზედაც, შეიჭრა და გამსჭვალა პიროვნული და საზოგადოებრივი ყოფა-ცხოვრება. ლენინის პიროვნულ თვისებათა სიდიადემ უეცრად გადმოხეთქა და აღავსო კოემლი, უბნები, ქარხნები, მოედნები და სახლები მისი სიკვდილის შემდეგ, გადაეწნა ზეპიროვნულს, კოლექტიურ საქმეს, მაგრამ აქ არ გაიყინა,—ზარის გუგუნავით მოსკდა ლენინის ახლობლებს, მკვდარ სახეს და მათაც, ვინც ამ სახეზე დახრილიყო.

მე ვფიქრობ, რომ ტყუილად კი არ ხდება სინამდვილის გამარტივება და პიროვნული დავიწყება. მაგრამ გამარტივების მიზეზები ისე ახლოს არიან ცნობიერების ზედაპირთან, რომ თითქმის მას უერთდებიან. და მართლაც, როგორ



შეიძლებოდა რომ პიროვნული დავიწყებას არ მისცემოდეს და არ მოეხდარიყოს გამარტივება! სულ სხვანაირად უცქერის სამყაროს უსაქმო მონეტრალე, რომელიც შუადღისას წამორთხმულა რომელიმე მაღლობის მწვერვალზე და ნთქავს გარემოს ხმებს, ფერებს და მათ შეხამებას, სხვანაირად უცქერის ჯარისკაცი, რომელსაც უპყრია ელექტროს ფალია და რომლის ყოველ მოქმედებას მოჰყვება დაღუპვა ან გამარჯვება. ჩვენ — ბრძოლის შვილები ვართ, ჯერ არყოფილ ბრძოლის შვილები. შეხლა ხდება არა ორ ხალხს შორის: — მთელი კაცობრიობა ორათ არის გაყოფილი ცეცხლითა და მახვილით. მიწიდან იგვებიან ისეთ კულტურათა დაგროვებანი, რომელთა არსებობა ათას წლობით განიზომება. არა მარტო თანამედროვე სახელმწიფოთა და მათ კლასობრივ სტრუქტურას მოელის საბოლოო განადგურება, არამედ იმ წესწყობილებასაც, როცა ბურუსით მოცულ წარსულში მომთაბარე ტომის სათავეში ექცეოდა რომელიმე პატრიარქი და პირველ საძირკველს უყრიდა თავის ვიწრო გვაროვნულ კეთილდღეობას — თვით მას, ამ დაბერებულ, მაგრამ ჩვენს დაუძინებელ მტერსაც. უნდა დაიქცეს ყველა ზღუდეები ძველი კერპების ქურუმთაგან მრავალგზის ნაშენი. ადამიანის ფსიქიკიდან, მის ძვალ-რბილიდან და ძარღვებიდან უნდა აღმოიფხვრას ცნებები — შენი, ჩემი და ყველაფერი, ყველაზე უხეშიდან დაწყებული უფაქიზეს სამოსელში გახვეულ მოვლენამდე, რასაც-კი კავშირი აქვს ასეთ ცნებებთან. ერთის მხრივ გვარის მეუფე ქალისა და მეორე მხრივ მონა ქალის შორის, რომელთა ირგვლივ წარმოიშვა მთელი ტყე ლეგენდების, ზნე-ხასიათის, რწმენის და ჩვეულებრივ საუბარში ხმარებულ სიტყვების, უნდა მოხდეს არა ცოცხალი სინთეზი, რადგან აქ სინთეზს ადგილი არა აქვს, არამედ უნდა შეიქნეს ახალი არსება, მესამე, რომლის არავეითარი მაგალითი არავეითარი ხსენება წარსულში არ არის — გარდა სრულიად თავისუფალი არსებობის სურვილისა. თუ ღრმით ჩაუკვირდებით თვით კაცობრიობისთვის ნაანდერძევ ოთხდგხა და ფრიოსან ცხოველთა საზოგადოებრიობის ჩანასახს, აღმოვაჩენთ უხეშ ლოდებს, რომელთა მსხვრევა ებლა გვიხდება ათასი უროს ცემით, და რომელნიც თავის პირველყოფილობით ისეთ წინააღმდეგობას გვიწევენ, როგორსაც არ შეხვედრია არც ერთი მიწის მკერდის ფოლადით მრღვეველი ადამიანი. ასეთ პირობებში როგორ არ უნდა გამარტივდე! როგორ არ უნდა შეიკუმშო მავთულის მხგავსად, ფერად სივრცეთა, ხმათა და ბგერათა თვალყურის ავლებით, — და გადიქცე განზიდულ ისრათ, სიმათ, მწველ ძაფათ, გამტარებლათ დიად ცეცხლისა, რომელიც ანადგურებს და სწევას მას, რაც დასაწვავია, აღნობს დასადნობს და ისწრაფვის კაცობრიობის ფხვნილად ქცეული ნახშირი შუადღულოს მონოლიტურ აღმასათ, ხოლო ლითონი კი აქციოს ორთქლად. — რადგან უცნაურია და საშინელი ქმნადობაში მყოფი მღელვარე ლანდშაფტი ადამიანთა საზოგადოებისა, თავისი ლითონის ორთქლის ხვეულებით და პროლეტარულ მეუფების გამაგრებული ბურუსით, რომელიც დიდი ხანი არ არის, რაც წითელ აჩრდილად იყო გაშლილი და, რომელსაც ქარიზხალი ხან ჩრდილოეთისკენ ისროდა, ხან სამხრეთისკენ, ხან აღმოსავლეთისკენ და ხან დასავლეთისკენ.

აი რატომ მარტივდება პიროვნება და მარტივდება სინამდვილე, როცა



გვიხდება წარსულის დამსხვრევა. მომავალი? ისიც ეხილება ადამიანს გამარტივებისკენ. არაეინ არ წარმოსთქვამს სიტყვებს: კაცობრიობა, სხარული, სიმშვიდე, თითქოს ეს სიტყვები აღარც არსებობდეს კაცთა ენაზე—სიტყვები კი: კლასი, ბრძოლა, შეუბრალებლობა, დიქტატურა, გამარჯვება უხვი ხელით მიმოიფანტვის ყოველდღიურ ხმარებაში, ისე რომ ყრუ-მუნჯი მიტინგზე ბაგეთა შერხევით გამოიცინობს მათ, დაბრმავებული ასოთამწყობი სრულიად ძალდაუტანებლად ააწყობს მათ და მოაქცევს დასაბეჭდათ გამზადებულ წიგნის თუ გაზეთის გვერდზე. თითქოს დავიწყებას ეძლევა ის, რომ კაცობრიობა კვლავაც იარსებებს, რომ ბრძოლა კლასისა კლასის წინააღმდეგ აღადგენს სწორედ კაცობრიობის სანატრ ერთობას, დაუბრუნებს რა მას სიმდიდრისა და ძალა-უფლების ბოროტებით ჩამოგლეჯილ წევრებს. და მაინც ასეთი დავიწყება, ალბათ, საჭირო და სწორიც არის. განსხვავება კაცობრიობის, სიხარულის, სიმშვიდის, ეს არის გახსენება იდილიის. ბრძოლის საუკუნეებში მათ მხოლოდ დასუსტება მოაქვთ. მით უმეტეს, რომ ეს ბრძოლა ადვილი არ არის, სიცოცხლე სიცოცხლის წილ, კულტურა კულტურის წილ, მომავალი მომავლის წილ. და მით უმეტეს, რომ ეს იდილია ძლიერ ხშირათ სიცრუის და გამცემლობის იარაღათ იყო ხმარებული; მისი სახელით და დახატვით მოტყუებით მიჰყავდა დალუპვის ბილიკებზე და როგორ არ უნდა ფრთხილობდეს კაცი და სხვასაც არ აფრთხილებდეს, როცა ამბობს—არ ვიცი, ხან კი—მომავალი გვიჩვენებს. სიჩუმე და ცდა არ არის ადვილათ დასაძლევ ცდუნება, ადამიანის საქმიანობის ყოველ დარგში ძნელია მისი დაძლევა. მაგრამ აი დაჰკრა საათმა, როდესაც დაირღვა სიჩუმე. შეცვლილ იქმნა მეზობლი სიმარტივის კანონი. ეს იყო ლენინის სიკვდილის საათი, ან უფრო სწორათ, არა საათი, არამედ დღეები და თვეები—იქნება წლები და ათეული წლები—მისი სიკვდილის შემდეგ. როცა წარმოითქმის სახელი ლენინ, ძალიან ცოტა რჩება წარსულისგან და აწმყოსგან, არის მხოლოდ მომავალი. არის მომავალში დიდი ნაკადის შეჭრა, რომელიც მიმდინარეობს ლენინის სახელით. სხვანაირათ რომ ვთქვათ, არის ლეგენდა.

II

რა არის ლეგენდა და როდის წარმოიშვის იგი?

ადამიანს არ ძალუძს თავის სურვილისამებრ შეჰქმნას თავის ირგვლივ ლეგენდა, ვინაიდან ამ ლეგენდის წარმოშობის საჭიროება ისე ღრმათ არის ჩასახული მის შემქმნელ მასსის გულში, რომ იქ კაცის ცნობიერება და ზეიადი სურვილი ვერა სწვდება. ისტორიაში ბევრია სხვადასხვა სახის ისტორიული კორები და ლეგენდარული თქმულებები, მაგრამ ნამდვილი ლეგენდები კი ძლიერ მცირე. პიროვნება, რომელიც თავის სასარგებლოდ სცდილობს გამოიყენოს მასსების უმეცრება და გულუბრყვილობა. როცა საქმე მიდგება მათგან ლეგენდის აღიარებაზე, ჰხედავს ამ მასსებს სრულიად გარდაქმნილს—ისინი აღარ არიან გულუბრყვილო და უმეცარნი, არამედ თავის სიღრმეში ატარებენ ნამდვილ სიცოცხლეს და მის ნამდვილ შეფასებას. ისეთი დიდი მზაკვრული პიროვნებე-



ბი, როგორც ფარაონები და კეისრები სამარცხვინოთ დარჩნენ მასსებისათვის მიუღებელი და უცნობი. გაშმაგებული ქვენა ცნობებით ნაკარნახევი, სურვილები იმსხვრეოდენ მასსების მიერ აღმართულ ნამდვილი გაგების და მწვერულების კედლებზე. ამიტომ არის, რომ პატივმოყვარენი ვერ აღწევენ ისტორიულ მწვერვალებს. ასეთ პატივმოყვარეთათვის აგებული ძეგლები, მიუხედავად ცხოვრებაში მათი ადგილისა და ცნობის ხარისხისა, იმყოფებიან ისტორიის ადვილათ გადასაზიდ გზებზე, ან ამშვენებენ გაშაგრილებელ სასმელების ბალებს, და ისტორიულ კატასტროფების დროს ასეთ ძეგლებს იყენებენ ლითონისა და ქვის მასალად. შეიძლება დაბეჯითებით ითქვას, რომ მხოლოდ ისინი, ვინც სძლევენ, ივიწყებენ და სცდილობენ თავის პირადობას იმსახურებენ და იმოსებიან ლეგენდით, რომელიც მით უფრო სწრაფად იშვის და იზრდება, რაც უფრო ნაკლები ფუსფუსი, თავისთავზე ზრუნვა და ცოდვილი მოიპოვება ამ ქვეყნით გასულ მოღვაწის ცხოვრებაში.

ლეგენდა არ წარმოიშვის მხოლოდ ერთჯერ ბედის გაღიმებით და გამარჯვებით. თავისთავად ის არც მაშინ იქმნება, როცა ლაპარაკობენ ქვეყნების დაპყრობაზე, რომელიც განიზომება მრავალ ათას კვადრატულ მილით. სისხლის მღვრელი ომები შედის ბოროტმოქმედებათა ქრონიკაში, როგორც განცხრომის შვილთა აღვირაბსნილი ღრეობა. ლეგენდას არ აკვირვებს არც ნიჭი და არც სილამაზე. ის არ ეხება თავის გრძნეულ კვერთხით არც სიბრძნის ხეს. ნაპოლეონი და კეისარი არ მოჰყვენ ლეგენდაში, ალექსანდრე მაკედონელი კი მოექცა მასში, და არა მხოლოდ იმიტომ, რომ მოკვდა ჭაბუკობისას და იცოდა თავის გაწირვა. ის ცდილობდა დაეძლია დასავლეთის კულტურათა განკერძოება და დაეკავშირებია ისინი აღმოსავლეთთან, ჩაეყენებია დასავლეთიც და აღმოსავლეთიც ძველი ქვეყნისათვის ჯერ უცნობ ერთად ერთ კალაპოტში. მის მიერ გადადგმული ნაბიჯები ავანტიურისტული ხასიათის იყვენ, გარეგნულმა იაფფასიანმა დიდება-მოსილებამ დაჩრდილა მისი ნამდვილი მოწოდება, — მაგრამ ამ მოწოდებას მაინც ემსახურებოდა და მკრთალად ანათებს, ბეუტავს ლეგენდა. პლატონი რჩება ლეგენდისთვის როგორც პროფესორი და ლიტერატორი. სოკრატე-კი ლეგენდაშია გადასული, სოკრატე — პატიმარია და თავის სურვილით განწირული. სოკრატეს შეეძლო საპყრობილედან გამოსვლა, სასჯელის თავიდან აშორება, შეეძლო ეცოცხლებიოს და ათეულ წლებით ემიძღვაროს, მაგრამ მაშინ ლეგენდა გვერდს აუვლიდა მას. იესო — ლეგენდაშია. პეტრე დიდი ლეგენდას გადაეწნა — არა სახელმწიფოს აღმაშენებელი, არამედ ხალხის მჩაგვრელი, რომელმაც მოჰკლა თავისი შვილი და მით ამხედრდა თავის არსებაში ყოველგვარ ადამიანების წინააღმდეგ. ამგვარათ აღიბეჭდა მასსების წარმოდგენაში იმ კაცის გიგანტიური სახე, რომელმაც განუკითხავათ შეზღუდა ხალხის მდინარება, რათა სულ მალლა, მალლა აეწია წყლების დონე და მათი ტალღები აეტყორცნა ევროპის კულტურის მწვერვალებზე, ისეთ მწვერვალებზე, რომელზედაც თვით პეტრე დიდი, ალბათ ვერაფერს გარკვეულს იტყოდა. აქ ადამიანის ძალ-ღონეს აშკარათ სჭარბობდა მისი ამოცანა, და ადამიანს წინასწარ განმზადილი დალუპვა ელოდა, თუმცა ის იღვწოდა არა უფლებისა და სახელისთვის. ჩვენს თვალ-

წინ შეიქმნა ლეგენდა ლევ ტოლსტოის შესახებ. ვიდრე ტოლსტოი მდიდარი იყო, ნიჭიერი და სიბრძნეზე მოუთხოვრებდა, ის იყო ცოტად თუ ბევრად სახელგანთქმული. მაგრამ მან ყველაფერი უარჰყო, გაიქცა, როგორც ბავშვი სახლიდან, თუმცა მოხუცებული და დასუსტებული იყო, — და უკვე გაწვდილია მისკენ უღმობელი კვერთხი... ისტორიას სძაგს ნიჭი, ძალა, გონება, გამარჯვება, უფლება, სილამაზე — მაგრამ პატივსა სცემს საქმეს. სულ სხვაგვარ და სხვანაირ სიმაღლის საქმეებს. მცირეა თუ დიდი ეს საქმეები, ასეთი გარემოება, როგორც არ უნდა გვეუცხოვოს, ხშირათ მხედველობაში არ მიიღება. პეტრე დიდის მიერ შეიღის მოკვლა, ან ტოლსტოის სახლიდან გაქცევა შედარებით მათ შემოქმედებასთან და მათზე გავლენასთან, ვინც ირგვლივ სცხოვრობდა, მეტი რომ არა ვსთქვათ, ხომ სრულიად უჩინარი, არარადქმნილი და თავის შედეგებით გაუმართლებელი საქმეებია. მაგრამ — ეს სულერთია, ის საქმე, როდესაც ადამიანი სტოვებს და სცილდება შეზრდილ წრეს, შეგუებულ იარაღს, შეთვისებულ მანერებს; აღარ ეფარება ხეს, ქვას, თავის დაზოგვის მიზნით არ იმალება სახლში, რადგან საქმეს სცნობს თავზე დიდათ, რადგან სურს იყოს მასთან პირისპირ, უშუალოთ, ყოველგვარ სისუსტის და ყოყმანის გარეშე.

III

ლენინთან თავისებურ ურთიერთობაში იყვნენ გლებობა, მუშათა კლასი და ინტელიგენცია. მე არ შევეხები მის პარტიულ ამხანაგების დამოკიდებულებას. იმიტომაც, რომ ამის შესახებ თვით ისინი მოგვითხრობენ. აგრეთვე იმიტომ, რომ ისტორიული ლეგენდები მეგობართა და თანამოაზრეთა წრეში არ ინასკვებიან. აქ ბიოგრაფია გაშუქებულია ცნობიერებით და იწვევს ყოველგვარ მაღალ გრძნობებს, მაგრამ სურვილს ლეგენდარობისას ვერ წარმოშობს.

მეგობრები, თანამოაზრენი, ამხანაგები საქმეში და ცოტათ თუ ბევრათ ახლობელი თანამგზავრნი, შედიან ლეგენდის შემქმნელ მასსებში როგორც შემადგენელი ელემენტი, რომელნიც ხან აჩქარებენ ლეგენდის წარმოშობას, ხან იძლევიან მასალას მის შესაქმნელად, — მაგრამ შემოქმედ მასსების ათვისება უფრო უშუალოა, უფრო მოძრავი და ცხოველყოფელია მათ კერძობით ათვისებაზე. შემომქმნელი მასსა მოკრძალების გარეშე და დაუფიქრებლად გამოიტანს და ახვევს გმირს თავის აზრებს, თავის ზრახვებს, თავის ნება-სურვილს, შემდეგ გამოჰყოფს მათ, ჰპოულობს კონკრეტულ ფორმებს, რომელშიდაც ისახვის ურთიერთობა მას და გმირს შორის. შემომქმნელი მასსა ეპოსში ცოცხლობს, მაშინ როდესაც მეგობრები და თანამოაზრენი, თუ გადასცილდნენ შეცნობილ საერთო საქმის საზღვრებს, ლირიკაში შესტოპავენ და ხსნიან მის ნასკვებს. კერძო მიმდევარის ან მიმდევართა ჯგუფის რომანტიზმი ფერმიხდილია ცნობიერებით, და არა მხოლოთ რიცხვობრივათ, არამედ თვისებითაც ვერ უდრის ფართო მასსების რომანტიზმს.

ლენინისადმი გლების, მუშის და ინტელიგენტის თავისებური დამოკიდებულება მოგვაგონებს მთლიან კაცობრიობას, როგორც ნანატრ ოცნებას. და

აი აქ გამოისახა, ძველი მსოფლიოს თვალთახედვითაც-კი, უდიდესი მორალური ძალა რევოლუციისა და რევოლუციონერისა, რომელიც იშვიათად განსაზღვრულ პირობებში სპობს და ანადგურებს ჯგუფობრივ სხვაობებს და ბრძოლის ტრადიციებს, რათა ადამიანის ნამსხვრევების ხენჯსა და მტვერში გამოინაკეთოს ის ჩონჩხი, რომელსაც უწერია მომავალში სისხლი და ხორცი შეისხას. თუ გლები მეშჩანი და ინტელიგენტი მუშის მსგავსად ხვდება ბელადის სიმართლეს — ეს უკვე გამარჯვება არის, ეს უკვე სხვანაირ დროთა წინათგრძობაა — ვინაიდან ლენინი, მისი საქმის მოწინააღმდეგე სულ სხვადასხვა ხალხის წარმოდგენაში, უკვე სავსებით ისახებოდა იმ სხვა დროებაში, რომლისკენაც სხვები მხოლოდ მიდიოდნენ, თან ქანაობდნენ და იქით პლატონიურ სწრაფვას დიდ ღვაწლად სთვლიდნენ.

ლენინმა იცის, ლენინი არ გაგვეცემს, ლენინი გამოგვიყვანს — ასეთი იყო რწნენით სავსე ფორმულები ამ თავისებურ დამოკიდებულებიან. ზეპიროვნული ელემენტი ხაზგასმული რჩებოდა — ასეთი თვისებით განისაზღვრებოდა და ხასიათდებოდა ცოდნა, ერთგულობა, ხელისუფლების აღება, სოციალურ ცდის მოხდენის უფლება.

აღბათ, წითელ-არმიელთა რიგებში სამოქალაქო ომის დროს, პრაქტიკულად ისმებოდა და იჭრებოდა სიცოცხლეზე უფლების საკითხიც.

რევოლუციის მძიმე წლებში ლენინთან დაკავშირებული იყო რევოლუციის მუშაკთა თავისებური ოპტიმიზმი. მისი სახელით თავისდაუნებურათ სულ სხვა ფერებში — იკაზმებოდა პასიური კონტრ-რევოლუციონერის და უბრალო მოქალაქის უიმედობა.

რაც ლენინი დაჭრეს, ქვეყანა შეინძრა. მართლაც, მთელი ქვეყანა შეინძრა. ლიტერატურის ისტორიკოსმა, მეტაფიზიკოსმა, დაკავშირებულმა იუდაელობის კონცეპციასთან, სთქვა: „მოჰკლეს ხალხის ბელადი“. განურჩეველმა პიროვნებამ, კაცმა, რომელიც მისცემია ცხოვრების პრაქტიკას და აღმშენებლობას, შეშფოთებით სთქვა: „მით უარესი“ — რადგან, რარიგ შორს არ იყო მის გულთან და რა საშინელიც არ იყო მისთვის საერთოდ რევოლუცია, გეგმიანი რევოლუცია მაინც სიცოცხლეს უნახავდა და აძლევდა მუშაობის საშუალებას. ლენინი წარმოდგენილი ჰყავდა მას როგორც ძალა, რომელიც არ უთმობს, მაგრამ შორსგანსჭვრეტით წარმმართველი და ამიტომ თვით მტრის მზოგველი. და ეს ყველაზე უფრო ნიშანდობლივი იყო: მტრები ყველასგან მოითხოვდნენ დათმობას, მხოლოდ არა ლენინისგან, და აქ მზათ იყვენ შერიგებაზე წასულივევენ. დამორჩილებოდნენ პირდაპირ სამტროდ განწყობილ, მაგრამ ობიექტიურად ცნობილ მიზანშეწონილებას. ამ ამბავს ყველაზე ღრმათ მხატვარი გამოეხმაურა. ის დიდხანს სდუმდა და შემდეგ წარმოსთქვა: „სიცრუეა“. ამ სიტყვამ თავის სიღრმეში შეჭრიბა თითქმის ყველა ხაზები მომენტის და შეიჭრა მოვლენის გულში. რადგან ყველას მძიმე ლოდი აწვა გულზე, როგორც საზიზღარ ჭორით გამოწვეული — მეგობრებს, გულგრილ მაყურებლებს და თავდასხმის სულის ჩამდგმელებს — მათ თვით აღიარეს ეს. ტყვია ყოველთვის არღვევს ყოველდღიურობის მსვლელობას, რომელიც თავის კანონებსა და მნიშვნელოვანებას არ ჰღალატობს

და ინახავს თვით ომების და რევოლუციის დროს. მაგრამ ეს ტყვია არა მარტო ყოველდღიურობის მსვლელობას არღვევდა, არამედ ის სწვევდა ისტორიულ საქმის განვითარებას. ამანინჯებდა ეპოქის სანქს, რომელიც ზეკაცურ ძალთა დაჭიმვით იჭედებოდა. ეს ტყვია სისხლს უწრებდა ქვრივებს, სტოვებდა რა ხელუხლებლად და დაფანტულად ასა'სენებელ მასალას და აჩერებდა გულს-ცემას. ყველამ ვერ შესძლო ამის გათვალისწინება, მაგრამ იგრძნეს კი ბოროტ-განზრახვის ყველა თანამედროვეებმა.

უფრო ცხადათ და სავსებით გამოისახა ლენინთან განსაკუთრებული დამოკიდებულება, როცა განვლო პირველმა შეშფოთებამ და დაიწყო წლები რევოლუციონურ მშენებლობის, რომლის თვითეული თვე წლებს ედრებოდა, ხან კი ათეული წლებსაც, შიმშილი, სიცივე, ხვალინდელი დღის გამოურკვევლობა და შიშით მოლოდინი. გვერდზე იხრებოდა საბჭოთა გემი, ქვაბებში წყალი გუგუნებდა და აფეთქებით იმუქრებოდა; კაცი მასსიდან, იყო ის მომქმედი თუ პასიური, იყო ის აღჭურვილი გამახვილებული ცნობიერებით თუ სუსტცნობიერი, ეცემოდა, როგორც ლითონის ნაგლეჯი რევოლუციის გრდემლზე, მას აყალიბებდნენ, სწევდნენ, ჯგიმაედნენ მავთულის მსგავსად, და ასეთი მავთული სულ წვრილდებოდა და წვრილდებოდა—არა ფორმების გადაკეთება, არამედ ადამიანის ფსიქიკის გარდაქმნა იყო დეკრეტით ნაკარნახევი და კიდევაც ტარდებოდა აბორგებულ მხარეში. ემოციებისთვის ვის სცალოდა. ერთნი ფუსფუსებდნენ, მეორენი ტყვეობაში იყვნენ, მესამენი ურთ-ერთს ებრძოდნენ, მეოთხენი წყველ-აკრულვას ისროდნენ, მეხუთენი იღუპებოდნენ, სწამდათ და შრომობდნენ-კი ძლიერ მცირედნი. მაგრამ მათაც, მეორეებმაც და უკანასკნელებმაც იცოდნენ, რომ არა სხვაგან, არც მათ ზევით, არამედ მათ გვერდით, ვილაც ერთი **ხედავდა, ფიქრობდა** და იცოდა. შეიძლება ეს სამის სიტყვით არ უნდა გამოითქვას, არამედ უნდა შეერთდეს ერთ სიტყვაში, ერთის სუნთქვით აღმომხდარში. არ მოიპოვება ენაში ისეთი სიტყვა, რომელიც აღნიშნავდეს ასეთ ყოველგვარ შემოქმედების მომენტს, განსაკუთრებით-კი ისტორიულ შემოქმედების, რომელიც დამოკიდებულია უსაზღვროთ მრავალ პირობებზე და კერძო ხასიათის მოვლენებზე. წინასწარ მოუწყობლათ და უტრადიციოთ, სტიქიონის თავზე მდგარი, ის ხედავდა, ფიქრობდა და იცოდა. სტიქიონის თავზე ამ სიტყვამ დაჰკარგა თავისი სურნელება—ვის არ განუშეორებია იგი მრავალგზის! სტიქიონი—ეს არც ის არის, და არც ისინი, არამედ ვეებერთელა რამ, რაშიდაც ის და ისინიც, ყველა თავისთვის და ყველა ერთად მოქმედობს. ის, რაც ადამიანის ძალა-უფლების გარეშეა, რაც უფორმოა, მაგრამ ეძებს სახეს, ფორმას, განსაზღვრულ შინაარსს შეიცავს, მისი კანონი ცვალებადია და ხელიდან სხლტება როგორც მოშინაურებული მტრედი. სტიქიონი—ეს ცეცხლის ღველფია, ისეთი, როგორიც მაშინ, როცა მისგან იწვის და ფერთლად იქცევა ქალაქები და ბალებიც, ეს წყალია, ზღვის, მდინარის, წვიმის, მიწისქვეშა, რომელიც წელიწადში ერთჯერ გადალეკავს და წაშლის მიწის სახეობას, ჰაერი, როგორც არის ნამდვილათ, და ცეცხლი, მოძრავი ღუმელის, ელვა-მეხის, მომწყვდეულ ლამფის მავთულებში და ცისფრად მბრწყინავი ტრამვაის ვაგონების თავზე, —დაბოლოს, ადამიანები, ისე-



თივენი, როგორც არიან, კერძო ინტერესებით, სიხარბით, სურვილებით, ბორტმოქმედებით და უანგარობით. — აი აქ, ამ უკანასკნელ სტიქიონის თავზე, თუმცა დანარჩენებსაც არ ივიწყებდა, იდგა ლენინი და სურვილებით დაენახა მას ყველაფერი ბოლომდის იმ სახით, რა სახეც ნამდვილათ ჰქონდა. — ეს იყო მისი ძლიერების და მისდამი განსაკუთრებული ნდობის წყარო. ამასთანავე მასში სცოცხლობდა მხოლოდ ორი ნება ერთიმეორესგან განუშორებელი და მუდამ ძლიერი. ერთი — რომელსაც უწოდებდნენ მის თეორიას — იყო უტყუარი სწრაფვა არა ერთი ქვეყნის, არამედ ყველა ქვეყნის ლატაკთა და ჩაგრულთა გამარჯვებისაკენ. მეორე — მკვლევარის და წინამძღოლის ნება: — ერთი წუთის უქმად არ გაშვების, სწრაფი ვარაუდის, ხელსაყრელ მომენტის შერჩევის და ჩაჭერის, ჯარზე ჯარის შეხლის. ბევრს საკმაოდ მიაჩნდა პირველი ნებისყოფა და ეს პირველი განსაზღვრავდა მეორეს. ამბობდნენ, რომ თუ კაცი მოწყურებულია გამარჯვებას, შეიძლება არ იყოს დიდი რეალისტი და ეს გამარჯვება წილად ერგოს. ლენინმა კი იცოდა, რომ გამარჯვებისადმი სწრაფვის გარდა, არსებობს პირველყოფილი მატერია, სადაც კაცი გადახლართულია რკინასთან, მისი ოცნება პროდუქციასთან, მისი ძალა მანქანების კაკუნთან, მისი რწმენა კუქის მოთხოვნისებებთან, და სოციალურ ნიშნების შეგრძნობები, ირონიული მკვლევარი, ის, როგორც დაგეშილი მონადირე ბალახის რბევაზე და მცენარეთა ხშირფოთლოვანებაზე ატყობდა, სად იმალება ნადირი, საიდან დაბერავს ქარი, და რატომ ეხლა ყოველი წუთის დაუგვიანებლათ უნდა დაიწყოს მოქმედება და ხეალ-კი შესაძლებელია ახალ პოზიციებზე აუჩქარებლად ყოფნა და და მოწყობა. ლენინი სავსებით ცდაში ისახებოდა, სტიქიონს მარჯვეთ იმორჩილებდა; ის იყო მოძრავი, როგორც ეს სტიქიონი, და ის შეიძლებოდა ასეთი ყოფილიყოს, რადგან მთელი ქვეყნის მაწვრალთა გამარჯვების მტკიცე რწმენით გამსჭვალული იყო ყველა მისი აზრები და მთელი სიცოცხლე. ამიტომ იყო, რომ არ სწამდა მრავალსიტყვაობა და დიდ ყურადღებას აქცევდა წვრილმან მოვლენებს. ამიტომ, ის ყოველთვის მზათ იყო მწარე სიტყვებით აღენიშნა შეცდომები და ყოველგვარი გაზვიადება. სიტყვის წარმოთქმა არ ნიშნავს ცოდნას და ცოდნა კი არ ნიშნავს გაკეთებას. და საჭირო კია სწორედ **საქმის კეთება**. ცდა და საქმე, წესწყობა, წარმართვა, ანგარიში, ციფრი, ცოცხალ ფაქტების სიცხადე და სიმარტივე: წონა, ფასი, დამაჯერებლობა ფაქტების; ძალა-უფლება ფაქტებზე, ე. ი. რათაც არ უნდა დაჯდეს, დამორჩილება საზოგადოებრივი ჯიუტობის; ნამდვილათ დანთებული და გაჩაღებული მსოფლიო კოცონი, რომელშიდაც ყოველი ნაფოტი და ალის ავარდნა არის საქმე, საქმე და საქმე. დაწყებას და დამთავრებას ამ საქმის, რასაც მასსები ახდენენ „მთელი თავისი ქალწულობრივი პირველყოფილობით, უბრალო და უდრეკი გადაწყვეტილებით“, ლენინი გამოსთქვამდა შემდეგ სადა სიტყვებით: „დგება ხანა მდებრიო ხალხის უშუალო პოლიტიკური ამოქმედების, ხალხის, რომელიც უბრალოთ, პირდაპირ და დაუხანებლად ლეწავს და ამსხვრევს თავის მჩაგვრელ ორგანოებს, ხელთ იგდებს ძალა-უფლებას და მიაქვს თავისთვის ის, რაც ხალხის ყოველგვარ მძარცველთა კუთვნილებათ ითვლებოდა, ერთის სიტყვით დრო, როდესაც იღვი-

ძებს აზრი და გონება დავიწყებულ ხალხთა მილიონების, იღვიძებს არა მხოლოდ წიგნაკების საკითხავად, არამედ საქმისთვის, ცოცხალი ადამიანური საქმისთვის. ისტორიულ შემოქმედებისთვის“.

სიზღიძიოთქა

IV

ის განსაკუთრებული მოპყრობა მასსების ლენინისადმი, როგორცაც შეხედენ მას პეტერბურგში 1917 წელს, რამაც თავი იჩინა ლენინის დაჭრის დღეებში, და ისიც ამ მოპყრობის შთაბეჭდილებით წავიდა დასასვენებლათ, სიკვდილის წინ ავადმყოფობის მოსახდელად, ავადმყოფობის, რომელშიდაც ისახებოდა რწმენა და ბრძოლის წყურვილი სიცოცხლისთვის, სიტყვისათვის, საერთო მუშაობაში მონაწილეობის მიღებისათვის, — ეს მოპყრობა და გრძნობა, როგორც შემოდგომის ტყვისფერი წყალთმოვარდნა, აღიღდა და გაქვავდა გაურკვევლად, როცა მოვიდა ცნობა სიკვდილის შესახებ.

დადგა დღე ცხედარზე ზრუნვისა—ცხედარი გორკადან გადმოსვენეს მოსკოვში და დაასვენეს საკალონო დარბაზში, კავშირთა სახლში. უსიტყვოთ, აუფორიაქებლად. პირადი ნაცნობები და ახლო მეგობრები კედლად შემოველენ მის ცხედარს.

უბნებში მიტინგები მოეწყო. შეუდგენ მომავალ დღეების სამზადისს. ემზადებოდენ—რუსთათვის იმ ახალ აუღელვებელ, სადა და გონიერ წინდახედულობით, რომელიც შეიტანა სახელმწიფოებრივ და საზოგადოებრივ ცხოვრებაში მათ სათავეში მდგომნა მუშაკმა. ეს ხდებოდა არა ძველ დროთა აღლუმისებური გარეგნული ბრწყინვალეობით, არც ევროპიელთა კმაყოფილებით სავსე პედანტურ სიდიადით.

დღე მიიწურა, დაღამდა. კავშირთა სახლის წინ უკვე ეწყობოდენ ჩამოწოლილ ბუნდ-ბუნდით განაცრისფერებული რიგები მუშების და არა მუშების. ისინი იწვდებოდენ, აუჩქარებლივ, განუწყვეტლივ იზრდებოდენ სიგრძით, ხოლო სიგანე ერთი ჰქონდათ, სცილდებოდენ ორი მიმართულებით, ხელახლა ეწყობოდენ უხალისოთ, იკავებდენ მოედანს, ქუჩას და ქუჩის გადასავალებს, არავითარი ხმაურობა, არავითარი ფუსფუსი. სადღაც ყალყზე დადგა ხალხის მოზღვავეებით შეშინებული ცხენი მხედრისა, და მისი აქოჩრილი სილუეტი, რომელიც თვალის დახამხამებაში წამოიჭრა და ისევ ჩადგა, ისე არ იყო საჭირო ამ ცივ და წყნარ ბინდ-ბუნდში, როგორც უსიამო სიზმარი.

აუჩქარებლად მდინარებდა რიგი-რიგზე კარებში, გაუვლიდა რა საპატეო ყარაულს. და ხელახლა იბლანდება თვალებში ის ახალი, რაც წინათ არ ყოფილა: აქ ყოფნის უფლების შეგნებულ რწმენის სიმშვიდე, სიმშვიდე იმის შეგნების, თუ რამ წარმოშვა სურვილი აქ ყოფნის. აქ—ყველა თავისიანებია, ყველაფერი ყველასია, ისიც, იქ მალლა, ყველასია, დარბაზიც, რომელშიაც ის ასვენია, ყველასია.

დინჯად აღიოდენ რიგები გადასავალებზე და კიბეებზე, ისმოდა მხოლოდ ერთი ხმა — უსაზღვრო მწუხარებაში დაუფარავი ფეხისხმა, და ეს ხმა უსიამოთ

მოქმედებდა. ის მოისმოდა წინა რიგებიდან, უკანა რიგებიდან, და ყველა გრძნობდა, რომ იგივე ხმა მისგან წარმომდგარი გაისმის დერეფანში და უკვე თვალწინ გაშლილ დარბაზში.

ფეხისხმა ზრდიდა უხერხულობას, რომელიც დარბაზში უნდა გაფანტულიყო. და ყველა დარბაზს აშურებდა, მაგრამ არ ჩქარობდა, რადგან იცოდა, რომ მძიმე გაურკვეველობის ბურუსი დარბაზშიაც ვერ გაიფანტებოდა. ლოზუნგები—როგორც ლოზუნგები, მწუხარება—როგორც მწუხარება, გაურკვეველობა—როგორც გაურკვეველობა. ყველაფერი აწყვეტილი იყო ამ დღეს. რაც მოხდა, სანახავათ მომავალთათვის თითქოს ჯერ კიდევ არ მომხდარიყო.

დინჯათ ვიდოდა რიგი რიგზე საკალონო დარბაზში. და სავსებით სწყდებოდა ფეხის ხმა, როცა, მიუახლოვდებოდა და გაუვლიდა წითელ კუბოს—პატარას ამ ვეებერთელა დარბაზში. ნეტა ერთი გაჩერება და დადგომა. რა არის ეს? პატარა წითელ კუბოში—ამ თეთრ დარბაზში, რომელმაც თავისი სითეთრე დაჰკარგა როცა შეისუდრა შავითა და წითელი დროშებით, როცა მისი კედლები მათი მოქარგული ფარჩით და აბრეშუმით დაიფარა, დიდ და მკვდარ პალმებ ქვეშ, მარმაშით ჩალამებულ ბროლის კანდლების გრძელი ოთხკუთხედის შემოვლებულ წრეში, კანდლების, რომელთაც თავის მკრთალი სინათლის ზოლებით ეკავათ კალონებს შორის სივრცის ნახევარი—პატარა, ყვითელი, გამოკვეთილი სახე, ძლიერ მაღალი და ბევრის დამტევი შუბლით; მომლოდინეთ, მოლუშვით და მოზიდვით შეწეული ბაგე, და პატარა ხელები, დაკრებილი როგორც უნდა, და ყველაზე უფრო მეტყველი სიკვდილზე.

მისი მკვდარი სახისა და ხელებიდან მოჰბერდა არა მკვდარი ძალა, არამედ გაჩქარებული, გაქანებული და გადამლახველი, თან საშიში.

მაგრამ ეს არ იყო ძალა მასზე მიკუთვნებულ და აღიარებულ უფლების. რადგან დარბაზის სიდიდე, დროშები, საპატიო ყარაული, ბროლის სინათლე, ნივთები დამამტკიცებელი ნიშნები, აღმოსავლეთის და დასავლეთის საზღვარზე აღმოცენებულ და გაშლილ ზღაპრულ ძალა-უფლების, უფრო მცირედით და სხვანაირად სჩანდენ, ვიდრე ეს უკვდავი ძალა.

რიგი რიგზე მიდიოდა უკან. უხალისოთ, მაგრამ უკვე გამორკვეული. რაც მოხდა, ეს ნამდვილათ მოხდა. კარებთან შესდგებოდენ, კიდევ უკან მიიხედავდენ, და არცა სცდებოდენ: აქ იყო ერთი რამ, რისთვისაც უნდა ემშირათ—ეს მაღალი შუბლი და მოკუმული ბაგე. ცოტა მოშორებით, კუბოს ველარ ჰხედავდენ. საფეხურები, კარები, გადასასვლელები. გასავალთან ნაბიჯის აჩქარება. ღამე ჰყინავს. რუხათ ამართული ზღუდეები ხალხის, ეს მოძრავი მთები კავშირთა სახლის ირგვლივ შემორტყმული, დარბაზთან მისვლისას დნებიან და ერთვებიან დიდებულ მორევს.

მოედანზე, კავშირთა სახლის პირდაპირ, კრემლის შესავალთან და უნივერსიტეტის წინ აჩალებდენ ცეცხლს. მეტად ცივი ღამე იყო.

V



ქართული

სიცოცხლე შესწავლა, შეჩერდა—ყველგან. ქარხნებში და წესრიგებულ ცხოვრებაში. კერძო ბინებზე. ხალხი ქუჩებში სცხოვრობდა. აქა-იქ გაჩაღებული ცეცხლი ამას მოწმობდა.

სიკვდილი უმოძრაგოა. სადაც მწუხარებაა—მწუხარება მოდის სტუმრად და მიდის. სადაც მწუხარება არ არის—იქ არის წესის შესრულება, რომელიც უნდა მოვიხადოთ. მაგრამ აქ არ იყო არც უმოძრაგობა, არც წესის შესრულება. ამ დღეებში მე პირველად მივწვდი ისტორიულ მატერიალიზმის მკაცრ სულიერ მსახურებას. იმ ცოცხალ მთლიანობას, რომელსაც ლენინი ეწოდებოდა, გამოეყო მეორე ცოცხალი მთლიანობა—ლენინის საქმე. და მან განაგრძო სიცოცხლე სიკვდილის მესამე დღეს, როცა ცხადი შეიქნა, რომ რაც მოხდა, ნამდვილად მოხდა, და არავითარი გაურკვეველობა მომხდარის წინაშე არ უნდა არსებობდეს, ვინაიდან ეს გაურკვეველობა იშლება იმ სივრციდან, სადაც მოძრაობს პროლეტარული საქმე, სადაც მოძრაობდა ცოცხალი ლენინის საქმე. პრობლემა არ ყოფილა, სიკვდილ-სიცოცხლის პრობლემა არც დასმულა. უნდა იყოს ერთად-ერთი სიცოცხლე. და განსვენების ზეიმი არ იყო არც ცოცხალთა საკუთარ მწუხარების შიშნარევი გამოთქმა, არც დროთა მიმართ გადასროლილი გამოწვევა. კუბოს თავზე რომ სიკვდილის მითოლოგიური გამოსახულება ცელით ხელში მართლა მდგარიყო, მაშინაც ეს დღე არ იქნებოდა თვით სიკვდილის ზეიმის დღეთ, შეიძლება მომხდარიყო, რომ მისთვისაც დაეკავებინათ ხელში დროშა მოკლე წარწერით—**ლენინის საქმე სიცოცხლობს**—და იძულებულყოთ ეტარებინა ეს დროშა კუბოდან ქუჩაში.

სიცოცხლის შეჩერება მთესიელის საცერსა ჰგავს. მტვერი ქარს მიაქვს და საცერში-კი ხალასი მარცვალი რჩება. დროშების, პლაკატების, სიტყვების გამო ერთხელ კიდევ იქმნა გადასინჯული, გადათვალიერებული და ამორჩეული ლოზუნგები და ყველგან ერთი რამ იყო გავლებული: შრომის ამხედრება და დიადი განთავისუფლება. არასოდეს გამარჯვების აუცილებლობა არ წარმომდგარა ისეთი სიცხადით, როგორც ამ დღეებში. ის მოედვა ყველა სართულებს და თვით მტრებისაგანაც მოითხოვა ცნობა და აღიარება, ეს ცნობა მოხდა. ყველა ჰხედავდა, თუ რა იქმნებოდა საკალონო დარბაზში და არ შეეძლოთ წინააღმდეგობის გაწევა.

მე შევედი დარბაზში დაახლოვებით დღის თერთმეტ საათზე. უკვე შესავალთან გამკრა მოუსვენარმა აზრმა, რომ დღისით და ღამით, და კიდევ ღამით და კიდევ დღისით და კიდევ ღამით მოღელავენ აქ ხალხთა ზვირთები. ასე მრავლათ, ასე ნაირ-ნაირი, დაუღალავათ...

მე გავდექი განზე და ჩემს გულში ვებრძოდი სულიერ და ფიზიკურ შფოთვას, რომელსაც იწვევდა ხალხთა ტალღების დაუპარულბელი დენა. ეს იყო—თავბრუნდახვევა. და მისი გავლენით, რაღაც უცნაურობით, განსაკუთრებით ადვილდებოდა ფიქრი. ფიქრი იმის შესახებ, რომ ეს მოდენილი ტალღები, რომელიც თავის ცოცხალი სუნთქვით ჰხანდენ წითელი კუბოს. ეს უბრალო მუშები



საპატიო ყარაულში, ეს სახეები უცხოელებისა და უცხო ტომის ადამიანების, რომელნიც ირეოდენ ხალხში, გარს შემორტყმულნი, მცველებს უწოდეს ყველაზე უკეთესი, ხმამალლა წარმოთქმული ჰო იყო ლენინის საქმისათვის მისი ცხოვრება-მოღვაწეობისადმი, მისი რწმენისადმი, რომ შრომელი მასსები ამოქმედდებიან. და როგორ უცნაური არ არის—ეს ჰო აქ ჩემს თვალთა წინ იქმნება, აღვილას, მოუშხადებლად, თავისუფლად, უდარდელად. არა იძულებამ, არა ცნობისმოყვარეობამ და არც წესის შესრულებამ მოხიდა აქეთ ეს ტალღები. ის რის ხილვაც ჯერ კიდევ არასდროს სიცოცხლეში არავის მოსწრებია, ის, რაც საესებით დაივიწყა დასაფლეთმა და რაც ექსტატიურ გაზვიადებაში და რწმენის თავხედობაში კიდევ შეინახა აღმოსავლეთმა, თითქოს აიხადა სიკვდილით დასურული ქერქი, რომელიც ჰმოსავს ნეუფე-სიცოცხლის ღველფში გამდნარ გულს, თითქოს თავი მოიყარეს მის კვამლით მქშინავ ზედაპირზე გაგანიერებულ თვალებით ყოველთვის სიმშვიდით აღშფოთებულმა პილიგრიმებმა და მისი ორთქლის შესუნთქვით და მისი ცეცხლის მდინარეში თითების დასველებით, ისინი ეხლა სხვანაირათ, მალლით და მკაცრათ მართავენ თავის გონებას და ნებას, და თითქოს, დანახვის, შესუნთქვის, მომართვის შემდეგ მათ გამოაქვთ დაწყევლილებანი, რომელნიც უშუალოდ გადაიციმიან უკანვე, გარეთ, დღიურ სიცოცხლეზე, და იქცევიან იქ იმწამსვე საქმეებათ, ამბებათ, ხელსახებ ძალებათ—აი რა იყო აქ, საკალონო დარბაზში, როგორც ნაყოფი მრავალ ნებისყოფათა გადაჯაჭვისა, როგორც გამოძახილი წარსულის, აწმყოსი, მომავალის.

გარეგნულათ გუშინდელი და გუშინწინდელი დღის აქეთ არათფერი არ გამოკვლილა. შინაგან არსში-კი ყველაფერმა ფერი იცვალა. აღარ იყო გაურკვევლობა—და, რარიგ ნელა არ იძვროდა ხალხის ტალღები, მათი დენა უფრო ნავარდს წააგავდა. მრისხანეთ, მრავალსახეობით, შესხეულებულათ, დროსა და სივრცის ზევით, თავს იყრიდენ და იკუმშებოდენ ხალხის ნებისყოფის ღრუბლები. უხილავი ქარები დაჰქროდენ დარბაზში. გიგანტიურ ხვეულებით მიემართებოდენ ისინი მსოფლიოში.

მაგრამ აქ იყო სათავე—სადაც გადიჯაჭვენ პიროვნება და მასსა, და სადაც პიროვნებამ დასთმო თავისთავი, მიეცა მთლად, რომ ქცეულიყო მასსათ ეს სრულიადაც არ ნიშნავდა იმას, რომ პიროვნებამ შესწყვიტა თავის არსებობა. აი—გამხდარ სახეზე გამოკვეთილი ხაზები, აგერ შეკუმული ნაოჭი უღმობელ ირონიის. მაგრამ მთელის სისრულით, მხოლოთ მისთვის ჩვეულ სისრულით, ამ პიროვნებამ დაიწყო თავისი არსებობა იმ მომენტში, როცა, ნაპირიდან ნავის ახსნის მსგავსათ, შორს გსტყორცნა თვითმოყვარეობა, თავის პირადი სიხარული და მწუხარება, თავის დაზოგვა, თავისთავზე თბილი მხრუნველობა—რათა სავებით, ძნელათ წარმოსადგენი სისრულით, გადასულიყო საქმეში.

ყველა მოუთმენლობას განიცდიდა. ბევრს ღამით არ ეძინა; ნაშუალამევიდან დგებოდა რიგში და გათენებისას აღწევდა დარბაზს. ზოგს შიმშილისაგან ძალა ელევოდა. ზოგი ადვილად ეძლეოდა გარემოს გავლენას—ხალხის, აქა-იქ დანთებულ ცეცხლის, ღამეულ მოსკოვის, საუბრის, კუბოსთან ნელი მიახლოების, გაურკვეველ მუსიკის ხმის და დროშებით შემკულ თეთრი დარბაზის გავ-

ლენას. ზოგიც მეზობელთა ღელვით თრთოდენ და ღელავდენ, იტყვიდენ მალალ ტონს. აქ მოვიდა არა მხოლოდ შეგნებული მოსკოვი, არამედ ჩამორჩენილი განაპირა ქვეყნები; მოდიოდენ ისტორიული მტრები, რომელნიც მკითხველს ისტორიულ მეგობრებათ იქცეოდენ. მოუთხოვდენ და მყის აქარვებდენ რევოლუციონურ დროიდგან მიყენებულ გულისწყვეტას. მოდიოდა მთრთოლვარე მადლობა ოდეს-ღაც ბეწვზე დაკიდებულთა და სიკვდილს გადარჩენილთა. ჩამოვიდა მრავალი გლეხობა და დელეგატები პროვინციიდან, მათკენ გამოეშურა სარწმუნოებრივი სიბნელე ეკლესიის დამხობით განდევნილი, დახარბებული და გაუმაძღარი ყოველგვარ გამაჩენაზე, ბრჭყვიალა ფერებზე, საზეიმო მოწყობილებაზე, ხარისხებზე. ნამდვილი განცდები იფარებოდა ზერელე ტირილით; დაღშობილი აღმოკნენსა ანდა ქვითინი ესმოდათ ჯერ კიდევ დარბაზში შემოუსვლელ რიგებს და მათ მგრძნობელობას საზღვრამდე სწევდა. გუშინ უკვე დაინიშნეს დარბაზში სანიტრები და მოწყალეების დები—ისინი უხილავი ჯაჭვით ერტყმოდენ მოედანს, რომელზედაც ვიდოდენ რიგები, და როცა ვინმე დაიწყებდა მოთქმას ან თავისცემას, უხმოთ მოჰხვევდენ ხელს და გაიყვანდნენ. მაგრამ დღეს მრავალთა გამოდმებული ტირილი, კივილი და გულისწასვლა ისედაც დაძაფულ ძარღვებს საშინლათ სძიძგნიდა და გამოუთქმელ ტანჯვას აყენებდა. თუნცალა ყველაფერზე ძლიერათ, თავის სირთულით და უძლეველობით ხალხის მდინარების შეუწყვეტლობა მოქმედებდა.

მოდიოდა ერთი ჯგუფი გლეხების. მათთან ქალი და სამი ბავშვი. წაიყვანეს ბავშვები რომ ეჩვენებიათ. კუბოსთან ახლოს გავლის დროს აიყვანეს ბავშვები. განიერათ გახელილი თვალები, მოწყვეტით დაშვებული ხელები.

წითელარმიელები. ერთი—სულ ახალგაზრდა, ცოტა მოღებულ პირით და მტანჯველი—კითხვითი ნიშნით აღბეჭდილ ნათელ თვალებით. გაჩერდა და — დაეცა.

კიდევ ბავშვები—სკოლა. მოდიან წესიერად, მშვიდად იცქირებიან. შემოუარეს დარბაზს და სურთ დაბრუნდენ, რიგებს შლიან. მათ აყენებენ კალიპოტში, და მხოლოდ ერთი, ათი წლის არსება, პირდაპირ სჭრის დარბაზს, ჩერდება სწორედ პალმის ახლო, გაშტერებით უყურებს და მიდის.

მოხუცებული ქალი, გამხდარი, ტანადი, მკვდარი თვალებით. მოძველებული აბრეშუმის მოსახურავი, თმაზე თხელი მოსახვევი, თავისუფალი მოძრაობა, ჩვეული გულჩახვეულობა. ის დაძირულ ქვეყნიდან არის. რისთვის მოვიდა ის?

ერთი მეორეზე—ორჯერ ყრუ ბრაზუნნი, ორი გულის წასვლა. გლეხი ახალგაზრდა—პირველი; ძალზე გამხდარი, მთლად დაუძლურებული მუშა—მეორე.

ახალგაზრდა სახეები. სტუდენტური ქუდები. ქალიშვილები ახალგაზრდა და ცოცხალი სახეებით. ესენიც დაძირულ ქვეყნიდან, მაგრამ ესენი მათგანი არიან ვინც სცდილობს გამოსცუროს და მიაღწიოს ნაპირს. სახეზე—ცნობის მოყვარეობა და შიშნარევი მოუსვენრობა. მოუსვენრობა, რომელიც ამარცხებს ცნობის-მოყვარეობას. ბოლოს და ბოლოს მხოლოდ ერთი ახალგაზრდა წმინდა შეძრწუნებული მოუსვენრობა, აქ მოსულისთვის დამტანჯველია განკერძოება. შეერთება



კი—არ შეუძლიათ. ცურვით, ნაპირის ძებნით და მისი ვერ შეღწევით მუდამ წვალებაში იქნებიან.

მუშები—ჩამოსულები არიან. ერთი სამგზავრო გუდით, მეორე ხურჯინით. აუჩქარებელი. ხედავენ ყველაფერს: სახეს, კუბოს, დროშებს, მუშების ყარაულს და ხალხთა დენას. ესენი—შკაფიოდ და ვრცლად მოუთხრობენ ყველაფერს სახლში მისვლისას.

ინჟენერთა ჯგუფი—იცვლება კუბოსთან. შორიდან მივიდნენ ისინი რევოლიუციასთან—დადგენ მის ერთ კუთხესთან და აშენებენ. მათ აქვთ დასაფიქრებელი: მშენებელი დამშვიდებული იყო ლენინის ხელისუფლების ქვეშ.

ისტერიულად მოსთქვამენ მეტწილად ხანში შესული ქალები — მათი მოთქმა ძნელი გასარკვევია: სად არის პირადი მწუხარების ხსოვნა, მუსიკით და სახეიმო განწყობილებით გამოწვეული და, სად არის ცდა გამოუცნობის ტანჯვის ცრემლით განგლებისა?

ახალგაზრდა სახეები—კომუნისტ სტუდენტ ქალების და ვაჟების ჯგუფი. ცრემლმორეული თვალები. გვერდიდან მათკენ იწევეს ვილაც თითქმის კონკეტში, მთლად ახალგაზრდა, ძლიერ მოკრძალებული. ხელი არა აქვთ ჩაკიდული, მაგრამ თითქმის ხელჩაკიდული არიან, ერთმანეთზე ისე ახლოს იმყოფებიან, ისე ჯგუფდებიან, და მიდიან.

მშვიდი სახეები სამხედრო ტანსაცმელში მწყობრათ მიდიან. ყოფილი ოფიცრები და ახალი ხელისუფლება.

ქალები პირჯვარს იწერენ. პირჯვარს ისახავს მაღალი გამხდარი კაციც სასულიერო პირის შეხედულების.

გლები თავიანთი გუდებით. მათ რიგში უკვე ხანში შესულ ქალს მიჰყავს მოხუცი გადაყვითლებული თმით, ოთხმოცდაათი წლის იქნება, ან შეიძლება უფრო მეტის, ძლივს მიაბიჯებს და თითქმის დაბრმავებულია. ის აჩერებს ტალღებს და ვერაფერს ბედავს მის აჩქარებას. ჩქარა მიმავალნი ახვეინებენ მას გვერდზე, კუბოსკენ. ის ცდილობს დაინახოს, ხედავს და ვერც ხედავს, მოხუცი მოკრძალებით იღიმება და ნელა მიაბიჯებს წინ. რან ნახა მან? რას მოუთხრობს?

ცალ-ცალკე, ერთხელ კი ორ-ორათ, რომ უფრო დამშვიდებულათ ეგრძნოთ თავი, მიდიან ქუჩის ბაევები. დარბაზში ყოფნის ორი საათის განმავლობაში მე დავინახე ისინი ოთხჯერ. წარმოუდგენლად დაფლეთილ ტანსაცმელში წითლად გამოსჩანს ყინვით დამწვარი სხეული. ერთნი უბრალო, ველურის საზღვრამდე მისულ სახისანი არიან, მეორენი, სიმწარით და დამცირებით აღბეჭდილნი. მაგრამ პირველთაც და მეორეთაც დიდი ჯაფა-წვალება გამოიარეს, რომ შემოსულიყვნენ აქ, როგორც ყველა და სინათლეზე და სიდიადეში დაენახვებიათ თავისი ნაფლეთები. რომ ეს ხალხი აქ მოვიდა, მრავლის მომასწავებელია.

VI.

მომხდარ ამბის თავისებურად განცდით და მოძრაობით საკოლონო დარბაზში კუბოსთან მოსულ მუშათა მასსაში—ეს შემთხვევითი და ბევრში ლენინის

საქმის სრულიად მოწინააღმდეგე ხალხი: მეშჩანები, მასწავლებლები, განუმტკიცებელი გლეხები, ინტელიგენტები—მაინც არ იბნევიან: იმდენათ ბევრი არიან ისინი, ისეთის შეგნებით არიან აქ მოსულნი. ამ დღის წინასწარ—ანგალსაზრისით არავითარ საჭიროებას არ მოითხოვს იმის გამოძიება, მოვიდნენ თუ არა აქ ისინი. მაგრამ ნამდვილ ლეგენდის შექმნის უამს ისინი შეიძლება გამომდგარიყვნენ მისი გამტარებელი, შეეძლოთ შეეჩერებიათ მისი წარმომშობიც. და ის გარემოება, რომ ისინი მივიდნენ და თან წამოიღეს ის, რაც საჭირო იყო ლეგენდის შესაქმნელად, ლეგენდის, რომელიც მოითხოვდა თავის დაძლევას, მოასწავებს მას, რომ უკვე ქვანიც დაღაღებენ სამართლიანობის შესახებ. **დაბლიდან**, მეშჩანისა და ყოფილ ბატონისგან, მაღლა, ორ ეპოქის საზღვარზე მდგომ გლეხს და ლუმპენ პროლეტარს სცილდება თავზე და მობრუნებულ სოციალურ კიბის საფეხურებზე აღის და გადადის მუშაზე ეს გოდება სულ სხვა დროთა შესახებ, ის სწყდება მხოლოდ ზევით კიბის დასასრულში, რომელიც ითვლებოდა ოდესღაც დასაწყის საფეხურად, სადაც უკვე არ ჰყვირიან, არამედ **აკეთებენ**.

ტანთშემოდარცულმა ხალხმა, ორ მტრულ ბანაკად გაყოფილ სამყაროთი შემოზღუდულმა, მოიტანა და დასდო პირველი აგურები ასაშენებელ ლეგენდისა.

მათ არავინ არაფერს ეკითხებოდა და მათგან არავინ რამეს მოელოდა, რადგან ამ ზევე ქვეშ მოყოლილ და დაღწილ ულორტების აყენება და განსაცდელისაგან დაფარვა აქამდე არავის ძალუძდა, და არც სცალოდა.

მათი რომანტიზმი უსუსურია, ანალიზის ნიჭი-კი გამახვილებული, რადგან ის შეძენილია დიდი ფასით. ისინი ლაპარაკობდნენ პირადობის უარყოფაზე— „სცხოვრობდა უბრალოდ“—თავზე დაკისრებულ საქმის ხიტათზე— „ძმა მოუკლეს, უნდოდათ მისი მოკვლაც“—აღმოსავლეთში ლაშქრობაზე, რაც მოფიქრებული იყო, მაგრამ ავადმყოფობის გამო ვერ განხორციელდა. მათ შეგნებაში მუშათა ხელისუფლება რეალობა იყო. მართალია, მცირე უკმაყოფილება: „სულ ერთია, ბევრით უკეთესი არც ახლა არის“, და „ბევრ მუშას არც ახლა აძლევენ გასაქანს“. მაგრამ თბილ მზრუნველობას მოკლებულნი და ძალმოტეხილნი, ადამიანურ ობიექტივობის შესაძლებელ სისრულეს ისინი იძლეოდნენ იმითაც, რასაც რეალობათ სთვლიდნენ, და იმითაც, რომ წუთით დაივიწყეს და უკუაგდეს ყოველდღიურობა, ჭირ-ვარამი და სარკასტიულობა მათ მიმართ, ვინც მათზე მაღლა იდგა. მათი მახვილი ხედვა-კი ამჩნევდა ერთ იმ საშიშროებათაგანს, რომელიც მართლა არსებობს. ისინი უსაყვედურებდნენ მუშებს, რომელთაც მიატოვეს დაზგები და ჩაერიენ სახელმწიფოებრივ აპარატის მუშაობაში; რომ იქ მნებიან ისეთნი, როგორიც იყვენ ძველი უფლების ნატარებელნი, მსხვილდებიან, ჰკარგავენ რევოლიუციონურ აღზნებას, პათოსს. ლენინი კი, მათი სიტყვით, არაფერს არ ივიწყებდა და არაფერს არ ჰკარგავდა. აღმოსავლეთზე გალაშქრებაში მათ ხიბლავდა მოქმედების საქვეყნოდ გაშლა. მათ იცოდნენ, რომ ლაშქრობის აზრი—განთავისუფლებაა. და უნდობლობით გამსჭვალულნი, ფიქრობდნენ იმდენად არა იმაზე, რომ ეს განთავისუფლება ნამდვილად კიდით-კიდეს ემო-



დება, რამდენათ უფრო ასეთ განზრახვის სიდიდეზე. აქ მათი უნდობლობაც სწყდებოდა.

ყოველი ჯურისა და ფერის მეშინობა სულ სავსე მათივე მიზნებზე საკითხს. მაღალ ზრახვებს, ამ ზრახვათა მომქმედ და მოუსვენრობის წარმომშობ საწყისს, მეშინობა არ ითვალისწინებდა და არ იღებდა. ის სწვდა ბიოგრაფიას— და არ დაუმახინჯებია იგი: თავის საუბრებს ის სარჩულად უღებდა სოციალურ სამართლიანობის თემას.

მოდით დავსაყურებლად, როგორ ასვენებენ ჩვენს მეფეს, და თანშეზრდილი ამ სიტყვის ღვარძლიანი ირონია გვერდზე იღებოდა. ყველაფერი დასთმო, ყველაფერს მოსცილდა, იგი გადასახლებული, სცხოვრობდა უცხო მხარეში, ხელთ იგდო ძალა-უფლება და არ გაიკვირვა, არ გათამამდა მით. დაამხსვრია სამეფო და შეჭქმნა სამეფო—და აი, კიდევ ასვენებენ მას. როგორც მეფეს. მაგრამ თავისთვის მას არაფერი არ აუღია, ფიქრობდა სულ—ხალხისთვის. ამას იტოვებდა მეშინობის რწმენა საზოგადოებრივობისადმი არ მიდიოდა. ამ ხალხზე: გლებობაზე, მუშებზე, წინამძღოლებზე, შენდებოდა გმობისა და ცილისწამების გოდოლი. მეშინი რჩებოდა მეზჩანათ. მაინც მისი მსოფლ-შეგრძნობის მთლიანობა დაირღვა: არის სხვა რამ, არამეშინური, ბელშეუფალი. ოდესღაც მეშინობა განცვიფრებაში მოდიოდა სასჯელში მყოფ ტერორისტთა და პოლიტიკურ პატიმართა სიმამაცით. ეს იყო კერძობითი ხასიათის გმობა, რომელიც სიცოცხლის საზღვარს აცილებდა, გასაკვირვალ, მაგრამ ამაო, ხან-კი სიგიჟემდე მისული.

ლენინი—**აშენებდა**. და მის შემდეგაც განარძობენ **შენებას**. არა ისეთნი, როგორც ის იყო, მაგრამ მაინც იტნებიან. მეშინის ფხვიერ, მღრღნელი ქიების ორმოებით დათხრილ სამყაროში დავარდა გრანიტის ნატეხი.

მეშინობა სწორედ მიტომ არის მეშინობა, რომ ყველა ისტორიულ საქმეებსა და კატასტროფებში ის განზე დგება და ცდილობს შეინარჩუნოს მატერიალური და მორალური წონასწორობა.—სამაგიეროთ ის იტოვებს თავისთვის ცხოვრების ყველა შემთხვევებში უფლებას ცნობისმოყვარეობისას და უღმობელ მორალურ მსჯავრის დადებისას. ცნობისმოყვარეობას ადგილი არ ექნებოდა—მთელი ბიოგრაფია გადაშლილი იყო. მსჯავრის დასადებიც—არაფერია. და იქმნებოდა მოუსვენრობა; ვაი თუ ეს მსჯავრის დადების წყურვილი საკუთარ თავის გასამართლებლათ იტყეს? იტყებოდა სახე ყოველგვარ სუსტ მხარეებსა და წერილმანობას მოკლებულ მოღვაწის. მეტს მეშინობა ვერ იტყეს.

VII

რარიგ უსწორ-მასწორო არ არის ლუმპენპროლეტარის მსჯელობის უნარი, რარიგ შეზღუდული არ არის მეშინის სამოქმედო არე, ქალაქურ მასსის ამ ორმა შემოქმედობას და ორგანიზაციას მოკლებულმა უკიდურესმა ფრთამ სწორად აარჩია და სწორად დააწყო მიწაზე თავ-თავისი აგურები. საყოველთაო განთავისუფლება და სოციალური სამართლიანობა მოღვაწის, რომელიც იწყებს ამ

განთავისუფლებას, — ასეთი შეთავსება გასაგებია გლეხისთვის, ^{სოფლის} მასწავლებლისთვის და ინტელიგენტისთვისაც, ყველასთვის, ვინც ლენინის საქმის ახლოსაც არა სდგას.

საყოველთაო განთავისუფლების აზრმა და მისი ^{შედეგების} სოციალურმა სიმართლემ გლეხობა ფეხზე დააყენა.

გლეხობა, რომელიც მოწყურებულია თავის წინაგან ყოფა-ცხოვრებაში მაღალ კოლექტიურ შემოქმედების მოწესრიგებას, უკეთესი ბედის ძიებაში, სარწმუნოებრივ მოძრაობაში, ჰკარგავს ამ გრძნობას, როგორც კი საქმე მიდგება სახელმწიფოს ან ხალხის საერთო ისტორიაზე. საერთო ისტორიის მოციქულები გარედან მიდიან გლეხობასთან და ეს უკანასკნელი ჰხედავს მათში მხოლოდ პიროვნულ საწყისის მუშაობას. გლეხობისთვის მომქმედ და საქმის მომთხოვ პიროვნებათ უკანასკნელ წლების განმავლობაში ლენინი იყო. ლენინამდის გლეხობისგან ითხოვდნენ მოთმინებას, ცდას და პასივობას. მოდიოდნენ სიტყვებით და დაპირებებით, აქებდნენ და აღივებდნენ ხალხს და მის წმიდა უბრალოებს, მიდიოდნენ და ყველაფერი ძველ ადგილზე რჩებოდა უცვლელად. ლენინს ჰქონდა დიდი უნარი მიდგომის და შეგუების. ის იცნობდა მას, ვისთანაც ჰქონდა საქმე, რადგან ის უმზერდა მას წიგნით მთავარ სტიქიონში, — სულერთია, იყო თუ არა ეს სტიქიონი მასთან მტრულად განწყობილი, როგორც მეშჩანობის სტიქიონი, ანდა სასურველი თანამგზავრი, როგორც ბნელი და მძიმე გლეხური სტიქიონი. სულიერ-გონებრივად ასეთ ნათელ ხაზებში გამორკვეული, ის ეხმაურებოდა სტიქიონთა ღელვას, როგორც მხატვარი. გლეხობამ ნაწილობრივად ჯარის-კაცებიდან, თავის წრის ან მოსიარულე და შეგნებულ ხალხიდან იცოდა, ნაწილობრივ კი ინსტიტუტურად ხედებოდა გარდაქმნის ნიჭს ლენინში, და მის ცოცხალ გამოძახილს ხან მობობოქრე და ხან მიწყნარებულ გლეხურ სტიქიონზე. მხოლოდ ერთმა გაბედულად გადასროლილმა, სახელმწიფოს არმცნობმა და ასე კარგად გასაგებმა ომის დროს იარაღის დაყრის მოწოდებამ წარმოშვა ნდობა, და ამ ნდობამ პირველი შეგნება დამოუკიდებლად, თავისებურად მოქმედების უფლება. დეკრეტმა მიწის დაპატრონებისა და მისი თავისუფლად დანაწილების შესახებ, შკაჟოთა რა გლეხები, ფრთხილი რამოდენიმედ სახელმწიფოებრივ აღლოს მქონე — მეშჩანი, რომლისთვის შესუიდაც გასახარელი იქნებოდა, ოღონდაც მტკიცედ დაუფლებოდა, ნებისვით დაიჭეჭა პირველყოფილ მასსებში, რომელნიც საუკუნოებით ოცნებობდნენ პირდაპირ მოქმედებაზე, თუმცა ყველაფერი ირგვლივ უსაშინელეს ბოროტმოქმედებად უთვლიდა მათ ასეთი უშუალო მოქმედებებს, რასაც სიკვდილით სასჯელსაც ანიჭებენ. და უცებ გამოაშკარავდა, რომ არა მხოლოდ შესაძლებელია, არამედ საჭიროც არის. ისევე იოლათ, როგორათაც მიწას ეპატრონებოდნენ, ჰკლავდნენ მცველებს, სდევნიდნენ ხელისუფლებას, ხელფეხს უკრავდნენ მღვდლებს და რუსეთის იმპერიის დაბავსებულ სხეულს აცლიდნენ თემურ რესპუბლიკებს. ის, რომ სწორედ ლენინი ასწავლიდა ამას, იცოდნენ უკრაინაშიც, ურალზეც და ჩრდილოეთშიც. და მხოლოდ იმიტომ, რომ იცოდნენ, მხოლოდ იმიტომ, რომ სწამდათ, შესაძლებელი გახდა, შედარებით მცირე მსხვერპლის გაღებით, შემდეგი ნაბიჯის გადადგმა — თემურ რესპუბლიკების მთლიანო-

ბის აღდგენა, კიდით-კიდემდე შეჯაქვა და მოქნილობის მომზადება სწრაფი იერიშებისათვის და დროზე თავშეკავებისათვის, მდიდრების ქედის მოხრა, ღარიბთა ხელების გახსნა, ქალაქთა საჭიროებისათვის ვაშლი გამოგლეჯა — ყოველივე ეს ძვირი დაჯდა, მაგრამ უკვე წარსულში მოექცა უძნელესი დაბრკოლებები, და ეხლა დარჩა ნაკლები წყველა-კრულვა და მეტი რწმენა. და, როგორ უცნაური არ არის, როცა წყველა-კრულვას გზავნიდენ — ეს ლენინს არ ეხებოდა. პირიქით. იცის-კი ამის შესახებ ლენინმა? — ისმებოდა კითხვა. რას ამბობს ის? ის როგორ ითმენს?...

სწრაფვა აღმოსავლეთისაკენ გლენობის გულს ხვდება. ხეტიალის გენია აღმოსავლეთისაკენ მიმავალ გზებით ჰპოვებდა ხალხში თავის შთაგონებას; არა ისეთით, რომელსაც სახელმწიფო მიუთითებდა — კონსტანტინოპოლზე და ბელგრადზე, — არამედ ისეთით, რაც სახელმწიფოს დანგრევით ემუქრებოდა, ვინაიდან სუსტდებოდა მისი ძალა და იშლებოდა საზღვრები, თუ საქმით არა, მოძრაობის შინაგან საზრისით მაინც. რისთვის მიდიოდენ უფრო შორს, თეთრ არაბიაში, უდაბნოებში, ოსმალეთში, ტაიგაში, ამურის მთებში, — აზრიანათ ვერავენ ვერ მოგვითხრობს.

და მარქსისტი ლენინი მრავალი წლის ემიგრანტი და დასავლეთის მომხრე, როდესაც სხვის ხელში მკედრადქცეულ თეორიას ღუნაედა, როგორც ნედლი და ცოცხალი ვაზის ლერწმს, მიერეკებოდა ამ ლერწმით რაზმებს იქით, საითაც ათეულ წლობით ლენინამდე ბულუბრყვილოთ და უბრალოთ მიემართებოდენ სამოღვაწეოდ ქალამნებით ფეხცმულნი მისი გაცილებით არა მარქსისტი წინამორბედნი.

გიგანტური საერთაშორისო აღრევა, ხალხის ხალხით გამსჭვალვა, იდეოლოგიის იდეოლოგიით — ვინ უწყის სად და როდის აღმოცენდება თესლი ფრონტზე დაძმობილებისა? ვინ იცის როგორი ზრახვები გაიღვიძებს აღმოსავლეთის ხალხებში? — უკანონო ინტერნაციონალიზმი რუს მოხეტიალეთა, სექტანტების, გაქცეულების, ბოროტმოქმედთა, მემამულეთა, დეზერტირების და ცოტაოდენ ცოდნით აღჭურვილ უსახლკარო, უთვისტოხო კულტურტრეგერების — ყოველივე ეს მიწისქვეშ მოარული მომავალი წყალდიდობის წვეთებია, რომელნიც, სადაც მოუხდათ, იქ გაჩერდენ და უცდიან დაძახილს და უეცრათ მოესმით ეს ძახილი პირველად მისგან, ვინც ერთად-ერთმა გაბედა ოქტომბრის რევოლიუციის ღოზუნგების მსოფლიოში გადასროლა.

უკანასკნელ ათეულ წლების განმავლობაში მომხდარ ამბებს შორის, ეს ჯერ კიდევ გამოურკვეველი შრიალია დაფანტულ, მიწის წიაღში მოარულ, ხან დამშრალ და ხან მეფსებულ ნებისყოფათა, ეს მასსების შეუჩერებელი დენაა სამყაროში, მასსების, რომელნიც ილტვიან ნათლად წარმოუდგენელ მიზნებისაკენ და უეცრათ მათ გვერდით საერთაშორისო შეგნებულ ქმნადობის სიმალღემდე ატყორცნილი ლენინის მღუღარე შადრევანი, რომელსაც მთელმა ამ შრიალმა მიახიჭა ხმის სიმტკიცე, მდინარებამ კი კვეთების ძალა — ეს თითქმის ყველაფერზე უფრო შესანიშნავია, რაც კი ოდესმე უხილავს დასავლეთის და აღმო-



საველეთის ისტორიას—განსაკუთრებით შესანიშნავია მით, რომ შადრევანის ცე-
მა იყო მხოლოდ დახაწილი.

რუსეთის წყლების — ნებისყოფათა წვეთები არ შესწავლეს დენას. აღმოსავლეთი მათ იღებს და სტუმართმოყვარეობით აღებს მათ შესასვლელ კა-
რებს. აღმოსავლეთის გულუხვ და ნოყიერ ნიადაგქვეშ რაღაც დულს და ლე-
ლავს. მითხარით, თუ ამოხეთქავს ის, რაც მიწისქვეშ არის, თუ შეერთდება და
შენაკადდება ცალკე-მდინარენი,—ვისი სახელი და ვისი სახე აღიმართება სა-
უკუნეების თავზე? და როცა ეს მოხდება, საქირო აღარ იქნება არც სიცრუე
და არც გამოგონება: ზრახვა დიდი იყო, ცხოვრება კი უბრალო და მკაცრი.
სწორედ ეს არის ის მასალაც, რომლისგანაც ხელოვანი აქანდაკებს ლეგენდას,
გლეხისთვისაც მისაღებს.

VIII

ძველ, ბურჟუაზიულ, ლიბერალურ ანუ ზომიერ-სოციალისტურ დასავლეთს
ბრმათ სწამს პროცესი და მისი მშვიდობიანი დასრულება. მისთვის უცხოა რუ-
სეთის რევოლუციის დინამიზმი—შედულება ადამიანის უშვალო ნების და ის-
ტორიის ხლართის. ის მოშხამულია ქრისტიანობით, ყველაფრის გარდამწყვეტ
და მომგვარებელ მეორეთ მოსვლის მოლოდინით, და სადღესასწაულო საუბრის-
თვის არსებულ, ხოლო ყოველდღიურ შრომისათვის მიუღებელ ოქროს საუკუნის
რწმენით. მიტომაც ისტორიის გეგმაში ძველი ბურჟუაზიულ-სოციალისტური
დასავლეთი ფატალისტურია. ის ელის, რომ ოდესმე დამყარდება ის, რაც უნდა
დამყარდეს. ისტორიულ დიდ საქმეებში ის იმდენად პასსიურია, რამდენად მომ-
ქმედი და ზრუნვის გამომჩენია ყოველდღიურ, პირად და ჭამა-სმის საქმეებში.

აღმოსავლეთი თავის მასებით, რომელთაც არ მიუღწევიათ არც საშუალო
ბურჟუაზიულობამდე, არც სოციალიზმამდე,—უზრუნველი და პასსიურ — ფატა-
ლისტურია ყოველდღიურ, ჭამა-სმისა და პირად საქმეებში, მაგრამ ფართო ის-
ტორიულ ზესახელმწიფოებრივ მასშტაბში—ძველი სახელმწიფო თითქმის რომ
ბურჟუაზიულ სამხარეულოს უმდაბლესი ხარისხია—ის ინახავს გადმოცემებს დი-
ნამიზმის შესახებ, ახსოვს ცნობები ყოფილ დიდგადასახლებათა, ომების და შავ
ჭირის შესახებ, მათთვის იმარაგებს ძალებს და უცდის მხოლოდ ვადებს და თა-
ვის ღირსეულ ამოცანებს. რადგან, მისი თვალთახედვით, უღირსი და მოუსვენ-
ნარი იყო დასავლეთის ცხოვრება პარტიკულიარულ სახელმწიფოთა და კულტუ-
რათა, როდესაც მეზობელი მეზობელს სწვდებოდა ყელში, არად მიიჩნევდა რა
ადამიანთა დიად კოლექტიურ მზრუნველობას, და როდესაც დიდი გზის პა-
ტიოსან ყაჩაღს ტყვიით შიაკდობდენ ბოძს, რათა დაუსჯელად ეყაჩაღნათ უბად-
რუკ სახელმწიფოთა სახელით,—უბადრუკ რამდენადაც ფართოდ არ უნდა გაი-
შალონ თავის საზღვრებში.

ძველი, კარგი ინტელიგენცია რუსეთის აღიზარდა ამ დასავლეთის ტრადი-
ციებზე. მას აქვს თვალები, აქვს სმენა, მაგრამ ნებისყოფა და ხელები დამბლა-
დაცემული აქვს. ის, ვინძლო, მხად არის დაეწაფოს პროცესს, როგორც წყაროს,

რომ წყურვილი მოიკლას, მაგრამ ის არ დააჩქარებს დენას და არ შეასწორებს ნაპირებს. აქ არის გათიშვა ოქტომბრის იქითა და ოქტომბრის აქვთა ინტელიგენციის. როცა ბრძოლის დროს ძველი ინტელიგენცია დაიშალა და გაიძახოდა აზიურ სოციალიზმზე და ოქტომბრის რევოლუციის პრაქტიკულ მოძრაობაზე, ის ვერ გრძობდა, რომ მისი ლანძღვა კეთილ წინასწარმეტყველებას უფრო წააგავდა: ვინაიდან უშუალო დინამიზმი, რომელიც ფუძეთ აქვს ამ რევოლუციას და რომელიც შთაბერა მას ლენინმა, ამხვერვს გამყოფ კედლებს, ძველ, გადამკედარ ბურჟუაზიულ კულტურაში გახვეულ დასავლეთსა და ძველ, ჯერ გამოუღვიძებელ აღმოსავლეთს შორის. ეს დინამიზმი აქაც, იქაც ეწეოდა ზევით ახალ ხალხს—მათ, რომელნიც არაფერს ჰკარგავდნენ—და სდებდა ხიდს გაშლილ, თავისუფალ ცხოვრებისკენ, რომელმაც გარედან მოსწამლა დასავლეთი, და აღმოსავლეთს კი უკრძალავს შეზღუდულ ეგოისტურ ფუსფუსს.

როცა მოკვდა ლენინი, ინტელიგენციამ კვლავ დაილაპარაკა პროცესზე. ის არის—ლენინი მართალია. არა მხოლოდ რუსეთი და ევროპა—მთელი მსოფლიო დგება თავის განვითარების კატასტროფიულ პერიოდში. დაიწყო ახალი ისტორიული ეპოქა. იცვლება ისტორიულ განვითარების ტემპი. მაგრამ არ შეიძლება ითქვას, როგორი იქნება ამ პროცესის დანთავრება. ამნაირად ერთხელ კიდევ ასაბუთებდნენ უფლებას უმოქმედობაზე.

პროცესი ინტერნაციონალურია, მაგრამ ლენინი, მიუხედავად მისი დაუთმობელი ინტერნაციონალიზმისა, ნაციონალური მოვლენაა მასში. ის მთლიანად დასავლეთის სოციალურ და ისტორიულ კალკულიაციებიდან გამოვიდა. მისი პიროვნების და მისი პრაქტიკის ჩამოსხმული მთლიანობა არ იძლევა საშუალებას მათში ნაციონალურ ნალექის თუნდ ერთი წვეთის შერევისას. თუმცა, პროცესის დასავლეთური მეტანიზაცია მან შესცვალა თავის აზიურ დინამიზმის და უშუალობის სისწორით. იქ პროცესი—აქ რევოლუცია. იქ არის ნივთები—აქ, ნივთებს გარდა, არიან ადამიანებიც. ლენინმა დააფასა იმ ხალხთათვის ინდივიდუალურ ისტორიულ გზების მნიშვნელობა, რომელნიც ოდნავ უახლოვდებიან რევოლუციის უღელტეხილს. მან მოითხოვა ლოკალურ პირობების მკაცრი გათვალისწინება და ადგილისა და მომენტისათვის შესაფერ ძალების აღზრდა. საზოგადოების ათვისებამ, როგორც ტყის, რომელშიდაც ხეების თითოეული ჯიში აგროვებს არა მარტო ფიჩხს პროლეტარულ რევოლუციისთვის, არამედ ამას ის აკეთებს კიდევ თავისებურათ, სცოცხლობს რა ფესვებში, ფოთლებში და ყვავილობაში—შეჰმატა ძალა ლენინის მხედველობას, გაამრავალფეროვანა მისი მეთოდები და გადასტყორცნა მისი იდეები იქ, სადაც, თითქოს მარქსიზმისთვის ნიადაგი არ იყო. თვით ის სიდიდე ლენინის ხრახვებისა, რომელნიც სწვდებიან მთელ მსოფლიოს, არ ვარდება ძველი რუსული საზოგადოებრივი აზროვნების კალაპოტიდან. ვინაიდან, თუმცა ლენინი გამოდის პროლეტარიატის თვითცნობიერებიდან და ამოცანებიდან, მაგრამ მისი მოწოდება მიმართულია ყველა მაშვრალთადმი, რომელთა წმინდა და ნამდვილ განსახიერებას წარმოადგენს პროლეტარიატი—იმ ადამიანების კლასი, რომელთაც არაფერი აქვთ დასაკარგი. კომუნისტური აპოკალიპსისი — მოქმედების აპოკალიპსისია. მოქმედება კი



რევოლუციამდე არსებულ რუსეთის ოფიციალური ისტორიით უარყოფილი მდაბიო და ნამდვილი რუსეთის სანუკვარ ოცნებას შეადგენდა, ხალხურ სიტყვიერების ტროიდან პუშკინით და გოგოლით დოსტოევს ჩაქვდა, სტეპანტოვიდან ტეროროზმამდე. ვიდრე მოქმედება უნდა წარმოებულყოს ძველი სახელმწიფოებრივობის ჩარჩოებში, ხალხის დაბალი ფენებისთვის ეს შეუძლებელი იყო არა მარტო ფიზიკურათ, არამედ მორალურადაც. როცა მოქმედება გახდა ინტერნაციონალური, დაიწყო დაბორკვით ძალების ცხოველყოფელი განთავისუფლება, და ხალხთა ზღვის ფსკერიდან ზედაპირზე ამოსცურდა სულ სხვა ტიპი რუსი კაცის—ნათელ შეგნების, გაქანების და საქმის კაცის.

ხანდახან კაცს ეჩვენება, რომ რუსეთი მხოლოდ ეხლა მიხვდა თავის ნაციონალურ ამოცანებს და მიიღო ძალა მათ განსახორციელებლად. ტიუტჩევის და დოსტოევსკის ოცნების იქით იდგა ხიშტი, რომელსაც მოჰქონდა მონობა, იდგა სიცრუე, რომელიც ჰფარავდა უხეში ძალის მდაბალ სურვილებს. და მოსკოვი ნუ თუ მხოლოდ გუშინ არ შეიქნა „მესამე რომაი“ — როდესაც კრემლზე აღიმართა წითელი ალამი, და მის საყდრებზე ჯვრები შექანდნენ? ახალი ისტორიულ მორალის კანონმდებლად ყოფნას მოსკოვი ცდილა არა ერთჯერ, მაგრამ სინამდვილეში არასდროს არ ყოფილა ეს სულ იმავე გუშინდელ დღემდე, როცა მისი საერთაშორისო ძალა გამოიჩინა—სიტყვაში, ლოზუნგში, სოლიდარობაში. მესსიანური იდეა ხალხიდან კლასზეა გადატანილი, — მაგრამ დღითი-დღე ხომ კლასი თანდათან ჰკარგავს კლასობას და იქნება ხალხათ. და მართლაც, ეხლა რუსეთი დვრიტათ იჭრება აღმოსავლეთის და დასავლეთის ქვეყნებში. თავისკენ სწევს და ითვისებს, რასაც ისინი აძლევენ, მაგრამ დუღილი — ეს მხოლოდ მისგან არის. ზარის მოუსვენარი მრეკავი დაეუფლა მოსკოვის სამრეკლოებს.

IX

რგოლი რგოლზე. ერთნი გაღუნულნი, მეორენი დამოკლებულნი, მესამენი მოულოდნელად სუფთად ნაჭედი. მეზიანი—ბიოგრაფიაზე. ლუმპენპროლეტარი — მის ცხოველ-ყოფელ გმირულ ოცნებაზე. გლეხი—სიმართლეზე, ზრუნვაზე, შებრალებაზე. ინტელიგენტი ძაფებს აბამს ლენინის პიროვნებიდან და პრაქტიკიდან წარსულ დღეთა მოძღვრებებზე, რომელთა სხვადასხვა ფერი სხივები სწრაფათ გასცურდებიან დამცინავ სახეზე და გაჰქრებიან. ჩინეთში ლენინს ძეგლებს უგებენ, არა მუშები, არამედ ნაციონალისტები და აწესებენ კულტს ნამდვილი ადამიანისას. კავკასიელ მთიელთა ტომი, ხევსურები, ლეგენდარული შთამომავალნი კოლხიდაში გადაგდებულ ჯვაროსნებისა, განსაკუთრებული დელეგაციის პირით აცხადებენ, რომ ამ ბელადის სიკვდილის შემდეგ შეცვლა აღარ არის საჭირო, რომ უნდა შევეჩვიოთ უბელადოთ იოლად წასვლას, ვინაიდან იმის ბადალი არ არსებობს, და რომ ისინი, ხევსურები, გარდაცვლილის სახელით დაპირებას იძლევიან ამას იქით კვლავ განაგრძონ კავშირის საზღვრების დაცვა

და კანონის შესრულება. ძალზე დაბერებული მღვდელი აღმოსავლეთით კავშირის განაპირა კუთხეში წარმოსთქვამს ქადაგებას, რომლის გადმოცემა მე აქ არ მინდა, და რომლისთვისაც ძველ დროში მას ჩასვამდნენ ქვის ტომარაში სწულსაღში. განკერძოებული, ყველასათვის უცნობი, პოეტი*), ძველი კულტურით გაძსქვალული და შემდეგ მისი უარყოფი სწერს სტრიქონებს:

Сердце па нем—словно свеча,

Утлый рабочий воск

Огненный мозг—эти холмы,

Словно четыре земли...

რგოლი რგოლზე — შენდება ჯაჭვი ლეგენდის. მაგრამ ჯაჭვი — მიწაზეა. სძევს—დაუჭიმაფი რგოლები ცალცალკე—მხოლოდ პოტენციალურ ენერჯის დაგროვების, წერტილებია. ცნობა მოძრაობის, მაგრამ არა დასაწყისი. არა მოძრაობა—ზედმეტი სახე ჩინურ კერპთსამლოცველოში ან პარალელები დოსტოევსკის ზრახვათა და მსოფლიო პროლეტარიატის აჯანყების შორის. რადგან მოძრაობის წმინდა სტიქიონი — მხოლოდ პროლეტარიატშია. მხოლოდ მას შეუძლია ჯაჭვის აღება და მისი დაჯგინვა ხმელეთიდან ხმელეთზე გადასროლით.

თუ ერთიანი, მოგიზგიზე და შემომქმედი კოცონი—მომავალ საზოგადოების სახეა, მაშინ ლენინის სამუშაო იყო ასანთებ მასალის მოგროვება და დანაწილება; ცხოველ ცეცხლის გაჩაღება; სადაც საჭიროა საბერველის დადგმა, რათა ცეცხლი მოედვას ყველაზე ძნელად დასაწვავ ხენჯსაც, და რომ თვით ტბების წყალით დაშლამ მისცეს ცეცხლს უფრო მეტი ძალა და მოძრაობა. არ არსებობს უვარგისი მასალა, თუ აზრიანათ მოვკიდებ მას ხელს—ეს აზრი შე მეჩვენება ლენინის ტაქტიკაში, და სწორედ ამ აზრმა მიაწყვიტა მისკენ ასეთის სიძლიერით ხალხის სხვადასხვა ფენები. მაგრამ რომ ენთოს მომავლის კოცონი — არ უნდა იყოს უფიცი ჯიუტობა. და ლენინს ძალზე ეზიზღებოდა დიდი ჯიუტობა კაცობრიობის, რაც ათასწლოვანმა სოციალურ სისტემამ წარმოშვა, და ის მცირე ჯიუტობა, რომელსაც იჩენდა კერძოდ ზანტი, მთვლემარე ადამიანი. არა მხოლოდ მოქმედების მანერაში, ლენინის ნაწარმოებთა სტილშიაც ისახებოდა ეს მძულვარება. მისი სტილი შეკუმშულია, მკაცრი, დინამიური. ეს ნაწერები კი არ არის სიტყვის საკუთარი მნიშვნელობის გაგებით, არამედ გარემო პირობების გათვალისწინებაა მოქმედების წინ, ინტერვალებია ორ მოქმედებას შორის, ან და ძალებისაა და გზების ანგარიში დასრულებული მოქმედების შემდეგ. არა მხოლოდ ადამიანი, ბუნებაც უნდა მიყვანილ იქნეს იმ მდგომარეობამდე, რომელიც სამსახურს გაუწევს ადამიანის ცეცხლს. ელექტროფიკაცია მოიცავს პასიურ გლეხობას. პური და ნედლი საქონელი წონასწორობას დაუკარგავს დასავლეთელ მტრებს. რკინის გზებს და ტელეგრაფს არა მხოლოდ მიაქვთ და

*) კოლლაუ—ჩერნიავსკი



აწვდიან ცნობებს: ისინი გამტარებლები არიან საავიტაციო პელსაკის, ისინი ქვეყნის გულს უკაკუნებენ და მოსვენებას უკარგავენ.

ის, რასაც მოწინააღმდეგენი ლენინის ოპორტიუნიზმს უწოდებენ, სრულიადაც არ არის ოპორტიუნიზმი, არამედ ერთ-ერთი გამოაშკარავებაა დიდი რეალისტის ზიზლისა ზარმაც ჯიუტობისადმი. ადამიანის სტიქიონზე ახლო დაკვირვებით, ის ხედავდა, როგორ გადაჯგუფებას ახდენდნენ მისი ატომები. მაშასადამე, საჭირო იყო მათზე ზეგავლენის მოსახდენათ მეთოდების გამოცვლა. დაუყოვნებლივი გამოცვლა-გადაჯგუფება თვითთელი კონფიგურაციის მიხედვით; უდიდეს ეფექტის ანგარიშით. დაუხანებლობა და ძალების ფრთხილი შენახვა, არ მოხდეს ცეცხლის განვლება. სინამდვილის და მებრძოლ ისტორიულ პასუხის-მგებლობის გამახვილებული გრძობა ლენინის თვალში ლოგიურ ან იდეოლოგიურ თამაშს ბოროტმოქმედებათ ჰქმნიდა. იდეის ლოგიური განვითარება სინამდვილის მიერ შეუმოწმებლად—საძაგლობაა, ვინაიდან ეს შეჩერებაა მოქმედებაში. მორალის გატარება მოქმედების ნაცვლად — სამარცხვინოა. ასეთ მტრებს ლენინი ებრძოდა მაგალითით და ირონიით.

მისი ირონია—ეს დაულაღავი და სწრაფი ზომეაა მისი, რასაც მოითხოვს ცოცხალი პროლეტარული ნება, და მისი, რაც იცის ცოცხალმა პროლეტარულმა ცოდნამ, ყოველ საათობით მომაკვდავ რწმენებზე, მოქმედებათა გაერთიანებაზე და რეცეპტებზე. ისტორიის ქსოვილი ისეთის სისწრაფით გადმოდის საქსოვ მანქანიდან, ისე მოულოდნელად უხვევს და იბურღება, რომ ადამიანის ხელი ვერ ასწრებს, სცილდება და უფრო ჰაერს იჭერს, ვიდრე ქსოვილის ნაპირებს. ასე ადვილია სულელის სახელი დაიმსახუროს კაცმა საქსოვ დაზგასთან. პერმანენტული ისტორიული სულელები, რომელნიც ჰაერსა ქსოვდნენ, ლენინს სძაგდა მით უფრო ულმობელად, რაც უფრო თავის თავში დარწმუნებულად ლაპარაკობდნენ ისინი აქედანვე, ნებისა და სინამდვილის დაკავშირების მოთხოვნაში, გამომდინარეობს მისი სამართლე. არა, როგორც კანონი, არამედ როგორც გარდუვალობა. ვინაიდან სიცრუეც—სინამდვილისაგან გასვლაა, გაჩერება, დამპალი ჭაობის ფანჯარა მსოფლიოს ქმნადობის ლეელფში. იგივეა — მკვეხარობა. იგივეა—ქადაგება. ბუნდოვანი ჩვენება. გამოცვლა ერთი მოტივების მეორეთი.

მფლობელობა წარმოშობს ინერტობას. არა მხოლოდ ის, ვინც რამეს რეალურად ფლობს, არამედ ისიც, ვისაც შეეძლო მფლობელობა, ჰკარგავს მოძრაობის და ბრძოლის იდეალურ უნარს. არა მარტო სოციალური რევოლუციები — ყველა მოძღვრებები და ყველა ჭეშმარიტებანი, რომელნიც-კი მოდიოდნენ ქვეყნად, მოიწამლენ მფლობელობის სენით. ადამიანი ფრჩხილებს უყრიდა თავის დოვლიათს, გარეულ მხეცის ტყავიდან სეიფის წყაროებამდე, და კითხულობდა: საით წავიდე? შეიძლება მოცდა. და იცდიდა. და იცდიდნენ. სანამ არ მოვიდნენ ისინი, ვისაც არ შეეძლო და არ უნდოდა ცდა. და ვისი გალაშქრებაც სულის საცხონებელი საქმე კი არ იყო, არამედ აუცილებლობა.

არასოდეს ისტორიაში არც ერთი ადამიანის საქმე არ დარჩენილა თა-

ვისი შემოქმედის სიკვდილის შემდეგ ისე, როგორც ლენინის შემდეგ მისი საქმე დარჩა.

ამბობენ ჩვეულებრივად, რომ შემოქმედნი მარტინი და ლეკინა ეს მართალია. როგორც უდაბნოს ქვიშა, ისე შეითქვავს პირს დრო დახრილი ხელისა და ხელში მომწყვდევს საქმის ზემოდან. აქ კი? ხელები, ხელები, ტყე ხელების, რომელნიც მალლა სწევენ ჩამოვარდნილ დროშას. ამნაირად გადაეხლართა პიროვნების ლეგენდას ლეგენდა შემოქმედ კოლექტივისა. და უკვე არ შეიძლება იმის გამოცნობა, თუ სად თავდება ერთი და სად იწყება მეორე. ერთი მეორეში გადასვლის დროს იმართებიან პრისხანედ მართოლვარე ალის ენები—კონკონი ანთია და ენთება.

ბრ. კალანდარიშვილი



პოეზია ლენინზე

* * *

ლენინი თანადროულ პოეზიაში მოდის, როგორც დაუპურობელი პოლიუსი.
ან კიდევ: როგორც აუღებელი უკანასკნელი სიმაგრე.

თემა — მარადიულობის გამძლეობით სუნთქავს.

და მისი ძირეულათ ამოწურვა საუკუნოების ხანგრძლივობაში თუ მოხერხდება.

სადღეისოთ ლენინი პოეზიის წინაშე ამართულია, როგორც შეუცნობელი საიდუმლოება.

მართლდება უაილდის თქმა:

საიდუმლოება ხილულშია და არა უხილავში.

იყო ცდები ლენინის, როგორც „ხილული საიდუმლოების“ ამოსაცნობათ წარმოებულნი.

ნაწილობრივ ფარდა აეხსნა მის ძლიერ პიროვნებას, მაგრამ საესებით არ არის დაძლეული.

პოეზიისთვის იგი რჩება ზოგად ხაზებში ასახული. ეს კიდევ უფრო აძნელებს მისი გაგების საქმეს.

ამიტომ ამ წერილში ჩვენ არ გვსურს ანალიზი გაუკეთოთ პოეზიას ლენინზე.

ვფიქრობ გავარკვიო მხოლოდ ერთი საკითხი:

როგორი სახით და რა მხრივ შეიცნო თანადროულმა პოეზიამ — ლენინი.

* * *

ლენინი არის უდიდესი სახელი, პროლეტარულ რევოლუციაში.
იგი ანთებულია რევოლუციონურ შემოქმედების პათოსით.



პუშკინის სიტყვით, რომ ვსთქვათ:

ლენინში „ყოველის გარეშემცვლელი სულია“.

• მისი სახით მოვიდა ძველი სამყაროს უმძლავრესი მარქსისტული.
არ ნახულ ნებისყოფით. შინაგონობა

და მონატრული კლასიური დუელის გაბართვის. პოეზიამ ყველაზე ადრე იგრძნო მისი მოჯანყე სული.

მაგრამ ეს ცოტაა.

მასშია მოცემული მთლიანი და განუკვეთელი შინაარსი; რომელიც გავარვალებულია რევოლუციონერ ცეცხლით. ლენინისგან იწყება ახალი ტიპი რევოლუციის ადამიანის.

აქედან თემა—ლენინი, როგორც რევოლუციონერი და პოლიტიკოსი.

ლენინი—ღირსეული წინამძღოლია მებრძოლი კლასის. მასში განსახიერდა, პროლეტარიატის ამბოხებული პსიქიკა. ძველი ქვეყნის რკალების გადალახვა. და ბრძოლა „სამყაროს შებრუნებული ფოკუსით“ დამყარებისთვის.

ყოველ მებრძოლში ლენინური ცეცხლი გუზგუზებს ცოტათ თუ ბევრათ. აქედან აღვილი გასაგებია ის თავისებური და ინტიმიური კავშირი—ლენინისა ყოველ ნამდვილ მებრძოლთან—რომელიც ყოველთვის რეალური ექვივალენტით სალდებოდა.

სწორეთ ამ გაგებით გაიხედა თანადროულმა პოეზიამ—ლენინისაკენ.

„Льют столбцы оживленные пренья
Непонятные для меня
С белой стенки наклоняется Ленин
И тихонько начнет об'яснять“.

(М. Светлов).

ამ კავშირის შესახებ, ლენინის სიცოცხლეში აი რას სწერდა პოეტი ბენიშენსკი.

„Он нам важен не как личность
Он нам важен не как гений
А как символ: — „Я не Ленин, но
Вот в Ленине — и я“.

კემშარიტათ ასეთი კავშირია ლენინსა და ყოველ მებრძოლს შორის. ლენინი თავისთავად იტევდა მებრძოლი კლასის აზრებს. იდეალებს. მისწრაფებებს. რადგან ხალხმა გადასცა მას, თავის სურვილი და ნებისყოფა. იგი ღირსეულათ ატარებდა ასეთ საჩუქარს. ამიტომ არ არის საკვირველი, რომ ყოველი მებრძოლი გრძნობდეს ლენინში საკუთარ თავს. იგი უმაღლესი კომანდირია „ბრძოლის ყველა ბარბიკადებზე“. ამიტომ მან არ იცის ტოლი, რთული მდგომარეობისაგან განოსასვლელ გზის პოვნაში. ის არის დაკვირვებული. მხნე დარაჯი

რევოლიუციის მუშათა კლასის ბედის, ეს ხაზი საკმაო სიძლიერით აქვს გამო-
თქმული პოეტ კაზინს:

„ო, წინამძღოლო—მთებზე მაღალო
როგორც მიწისძვრა, ბრინჯაოს მორი,
ხარ წამებულთა აღთქმა ახალი
და პროლეტარებს სდარაჯობ შორით“.



უკონუნული
ზიგლიქოთქა

აქედან ლენინში სახიერდება.

მუშათა კლასის სიძლიერე, ძლიერათ გასროლილი ყუმბარა — ცეცხლდან-
თებული ბარრიკადებიდან, რომელიც შეანგრევს ძველი სამყაროს სახეს. აგრე-
თვე მასში ვხედავთ მებრძოლი მასების უსაზღვრო ნდობას, დამსახურებულ მას-
წავლებელს.

ლენინში—ეს მხარეები კარგათ აქვს ასახული ერთ პოეტს.

Ведь это мы рабочие, солдаты и крестьяне
Ему свой мозг отдали
Чтоб вершил
Единую он нашу волю
Нет, нет, не умер он
Мы жили в нем
Теперь он в нас живет.

(Сборник Мани).

ლენინის ნაჩვენები გზით მიდის პროლეტარული რევოლიუცია. ამიტომ
ფიზიკურათ გარდაცვლილი ლენინი სულიერათ ყველაში ცოცხლობს. ლენინის
გარდაცვალებით კომუნისტებს არ გამოუყვანია დასკვნათ — მისი გაღმერთება.
როგორც ეს ვალ. ბრიუსოვს ეჩვენება,

„ის მოკვდა! იყო სულ ერთი წუთი
ჟამთა სრბოლაში. მაგრამ ქმედითი,
ის აღემატა დაბალ სიცოცხლეს,
და ჩვენ ვადიდებთ მის სახელს მუდამ“.

პირიქით. არის არა ლენინის „სახელისადმი მუდმივი დიდება“ და თაყვა-
ნისცემა, არამედ მისი დაწყებული საქმისთვის — ბრძოლა. მისი იდეის რეა-
ლური განხორციელებისთვის — თავგადადება. არის ლენინის საქმე. მაშასადამე
ის ცოცხლობს—მისი საქმის განმგრძნობთა შორის. ამის შესახებ ვ. მაიკოვსკი
სწერს:

„Ленин — жил
Ленин — жив



Ленин — будет жить,
К сведению смерти, старой карги
Гонящей в могилу и старящей
„Ленин“ и „Смерть“ слова враги.
„Ленин“ и „Жизнь“ товарищи.

იგივე აზრია გატარებული ქართველ პროლეტარულ პოეტების ლექსებში. სანდრო ეულს — თავის ლექსში გამოყავს ლენინის „ხმა საულავიდან“, რომელიც ამბობს:

„შრომის რაზმებს გადაეცი
გესმის შრომის რაზმებს,
არ შეფერის დაღვრა ცრემლის
მებრძოლ კომუნარებს
გადაეცი თ ყველას... ყველას
რწმენა გაიმარჯვებს“.
...და ძეგლს დაგიდგამთ უძვირფასესო
ძეგლს — კომუნიზმის მხით განათებულს
რომ შენი სულით სული გაეცოს
თვით განახლებულ: დედამიწის ბურთს.

(პ. სამსონიძე).

„ის ისევ სცოცხლობს სინამდვილეში
ჩვენ ისევ მისკენ გვიჭირავს თვალი
გლოვა და ზარი მაშვრალთ უბნებში
დროებიათია და წარმავალი.

(იპ. ხანელი).

ლენინი — რევოლუციონერი საინტერესოა, როგორც პროლეტარული დიქტატურის შემომქმედი.

ლენინი არ არის მარტო პროლეტარიატის ბელადი. იგი იმავ დროს გლეხობის ბელადიცაა.

ლენინმა გლეხების და პროლეტარების მჭიდრო კავშირში განსჭვრიტა დიქტატურის გამარჯვება. მხოლოდ მან გადასკრა, გლეხობის და პროლეტარიატის დაკავშირების საკითხი. იგი გახდა „გლეხობის — პროლეტარული ბელადი“.

ამის შესახებ ერთი პოეტი სწერს:

„Спешит тулуп,
Везет за пазухой
Последний ленинский декрет
И в сельсовете после ужина
Махрой дышит мужицкий сход:
Ильич, мой, пишет, — значит, нужно
И мысль врезается сохой.

(Сбор. Мотл).

მხოლოდ ლენინმა შესძლო გლეხის ბუნებასთან დაახლოვება. /მისი სრული გაგება.

აქედან აღვილი გასაგებია მისი უნახავი წარსული ^{წარსულში} ~~წარსულში~~ ^{მეცხოვეთებდა} ~~მეცხოვეთებდა~~ გლეხურ მასაში.

სოფელის და ქალაქის დაახლოვება, მათი რევოლუციონურ ბრძოლაში საჭირო ძალებით მიშვება—მხოლოდ ლენინმა მოაწყო.

„წელი წელს სწრაფად მისდევდა წყებად
ჩვენ კი შენ აღთქმებს მივსდევდით ლხენით
შენ მიგვიძლოდი ოქტომბრის ცეცხლში
და საბჭოებთან მივედით შენით.

(რევ. სიმღერა)

საბჭოთა სისტემის დამყარების ხანგრძლივობაში ლენინი მოსჩანს წითელი ოქტომბრით და პროლეტარული დიქტატურით.

... და მოდი, როგორც მძლავრი მიწის ძვრა
დახეთქე მიწა და შეარყიე
სად უწინ შრომის გმირებს ჩეხავდნენ
იქ თვით მტარვალნი დაამარხვიე.

(ი. ვიკელი)

ამ მხრივ სავსებით მართალია პ. საკულინის აზრი: „იგი იყო შემოქმედების გენიოსი—რევოლუციონურ შემოქმედების. რევოლუცია მისთვის იყო მეტოდი. მიზანს კი ახალი ქვეყნის შექმნა შეადგენდა“, ამ მხალი ქვეყნის შექმნისთვის იბრძოდა იგი.

ამით ასრულებდა დაჩაგრულ კლასების ზრახვებს. მხოლოდ ის მოვიდა მათ გამოსახსნელათ. მათი ნებით და სურვილით გაშალა საბრძოლველი ფრონტი. „ძველის“ დასანგრევათ და „ახლის“ შესაქმნელათ.

... და ამ ბრძოლაში ჩვენ ფიცს ვდებთ ყველა,
რომ დავასრულებთ საქმეს ბოლომდე.
დე მიიძინოს ლენინმა მარად.
მაგრამ გენია— ხომ არის კაცი
და საუკუნე ჩვენი მეოცე
არის ლენინის ხომ საუკუნე?

(ა. დოროგოიჩენკო)

მეოცე საუკუნე—ლენინის საუკუნეა. საუკუნოებით მოელოდა მის მოსვლას და საუკუნოები ამეტყველდებიან მისი საქმის რეალი განხორციელებით.

„ისევ წამოვა წვიმა კეთილი
და დედა-მიწას გამოაცოცხლებს:
თვითონ სარდალმა გვითხრა უბრალო
მაგრამ დიადი სიტყვები ცეცხლის.



(პ. სუხოტინ)

ლენინი, როგორც ორატორი, კარგათ აქვს დახასიათებული პოეტ მიხ. გერასიმოვს.

„შენი ხმა
თვითონ სტიქიის ხმაა მძლეველი
რისხვა მომსკდარი მილიონ ხალხთა
აძიგძიგებულ რუსეთის ველი
ოკეანების დუღილი წყალთა“.

ა. აროსევი, ლენინს, როგორც ორატორს, ასე ახასიათებს:

„ლენინის ყველა სიტყვები ჩვეულებრივია. მაგრამ ჩაეარდება თუ არა გულში, გასინჯავ და მასში დაინახავ — თესლს“.

ლენინის ყოველი წინადადება კლასიკური უბრალოებით გზიბლავს. მას შეუძლია რთული პრობლემა, უბრალო გამოთქმას დაუმორჩილოს. მაგრამ უფრო სასტიკია ლენინი როგორც მწერალი.

„Ленин пишет не пером
А, и вправду, топором“.

(დ. ბედნი)

ამრიგათ ლენინის რევოლუციონური ფიგურა სავსებით მოცემულია:
მის სიტყვაში, ნაწერებში, პრაქტიკაში.

პრაქტიკული სიტყვაა მარქსიზმის.

ლენინიზმი, მარქსისტული თეორიის და პრაქტიკის სინტეზია.

ეს სინტეტიური ნაკადული გამოდის ლენინისაგან.

ამ მხრივ პოეზიამ ლენინში იგრძნო უძლიერესი პიროვნება, ნათელი მოახროვნე.

ლენინი, როგორც პიროვნება მეტად რთული თემაა.

ამ მხრივ დასახასიათებლათ, საჭიროა დაუპირდაპიროთ იგი — გამლეტს.

გამლეტი ევროპიულ ქვეყნის და კულტურის ფონისგან გამოდის.

იგი დაშორებულია „ბუნებას.“

და გაორებული სულით მოარულია.

გამლეტის განუყრელი ორეულებია:

სკეპტიციზმი და უალრესი ინდივიდუალიზმი.

ლენინი კი წინააღმდეგ.

მასში მოსჩანს მთლიანი სული. განუკვეთელი. ყოველთვის რევოლუციონერ ცეცხლით გახურებული. ამ თემაზე ორი ძლიერი ლექსი დაიწერა საქართველოში.

ეს ლექსები ეკუთვნის:

ეროვნულში
ზინგლიძისა

პაოლო იაშვილს და ვალერიან გაფრინდაშვილს. ვალერიან გაფრინდაშვილის ლექსში მოცემულია ობიექტიური დახასიათება ლენინის, როგორც პიროვნების.

„მე დავაყენებდი ლენინის წინაშე გამლეტს და ოფელიას.

უკანასკნელათ ეთხოვება მსოფლიო ლენინს:—

ის იყო: სტეპან ხალტურინის ნებისყოფა

და ეელიაბოვის ინტელექტი.

ის იყო მერედიანის გაქანება და თრთოლვა.

ის იყო უნაზესი სახელი, რომელსაც არქმევენ ბავშვებს,

მობრუნებული წინელ.

გათავდა აგონია — დაეცა წვეთი.

მაგრამ იქნება კაცობრიობაში მისი სახელის

შარადი რეზონანსი.

ელლინური გმირები და ღმერთები — პერიკლ, ზევესი

გაფრინდებიან და საუკუნოების სიმალლეზე

დადგება ლენინი.

მე მაგონდება ტოლსტოის სიკვდილი,

როცა რუსეთმა დაიკვილა ტკივილისაგან.

პოეზია დაეუფლა ლენინის სახელს, როგორც

ისტორია“.

ამ ლექსში ნამდვილი გაგებაა ლენინის.

ლენინში უთუოდ არის ს. ხალტურინის ნებისყოფა და ეელიაბოვის ინტელექტი.

მაგრამ ლენინში ეს ინტელექტი და ნებისყოფა იგივეობამდია დაყვანილი.

ამით არის იგი პირველი და განუმეორებელი ტიპი რევოლუციონერის.

მან არ იცის უკან დაბევა.

მისთვის უცნობია სკეპტიკური გრძნობა.

ამით არის იგი ანტიპოდი — გამლეტის.

აგრეთვე საყურადღებოა მასში მეორე თვისება.

ლენინში საკმაო ძლიერათ მოსჩანს კოლექტივისტური იერი.

„ინდივიდუალიზმი“ მასში სრულებით წარეცხილია. იგი თვით არის სიმბოლო — ახალი კოლექტიური ქვეყნის.

მისმა ფიზიკური სიკვდილმა უფრო მეტათ გააძლიერა — ამ კოლექტიური ქვეყნის დამყარებისთვის მზადება. ძლიერი ბრძოლის დანთება. რადგან მისი დამყარებისთვის იბრძოდა იგი. რადგან მისი დამყარების აუცილებლობა უანდერძა როგორც ალთქმა, მებრძოლ პროლეტარიატს.

„შევკრთით ყველანი მწავე ტკივილით
აღარა გვეყვება: დაგვშორდი მარად.
ჩვენ მაინც შენი აღთქმებით ვივლით
შენ მაღალ სულის ჩვენ ვართ სამარე“.



(მ. გერასიმოვი)

კარგათ არის მოხაზული ვ. გაფრინდაშვილის ლექსში ლენინის გარეგნობა. ლენინის გარეგნობიდან მან დაგვანახა მისი სულიერი ვითარება. მის გარეგნობაში განჭვრიტა: ლენინის რევოლუციონური სული. მისი პროტესტანტური მოქმედება.

„თან ირონიული და სხივოსანი ღიმილი
თან სოკრატის შუბლი, რომელიც შეატრიალებს მიწას“.

ეს სიტყვები მთელ ლექსათ ღირს.

იგივე აზრის მატარებელია ა. ირკუტოვის ლექსი „სამუდამოთ“.

„ყოველთვის ოცნების თვალით
დავინახავთ ჩვენ
თმებიდან გაძარცულ
გენიალურ თავს.
დაგვრჩება ხსოვნაში
მოღუნული ფართე მხრები
როგორი სიმძიმე
უნდა დასწოლოდა მას“.

მაგრამ ლენინი, როგორც დიდი რევოლუციონერი, როგორც უსაყვარ-
ლესი პიროვნება, მთელი ქვეყნის მებრძოლ პროლეტარიატის — შეუდარებლათ
აქვს ასახული პაოლო იაშვილს.

... „მაგრამ ლიბკნეხტის არჩევანი იყო ლენინი
ლენინი იყო არჩევანი ქვეყნიერების.
ვიცი, ჩინეთში მებადური ჩამოხეული
რომლის ცოლშვილი ნაგავივით ქუჩაში ყრია
ახლა აკერებს თავის ბადეს და სტირის ლენინს.
ვიცი ყოველთვის ცეცხლდანთებულ ირლანდიაში
მეამბოხენი სადმე ტყეში სტირიან ლენინს!
ისპანიაში, მჯერა, ამ წუთს აღარ მღერიან,
და აჩერებენ თივის გემებს მეზღვაურები.
ამხანაგებო! ჩადგა წუთით ოქტომბრის ქარი
ვემღეროთ ერთად პოეტებო მარში გლოვისა“.

ამრიგათ ლენინის პიროვნებაში მოსჩანს: მაგარი ნებისყოფა, ასეთივე ინ-

ტელექტი. მთლიანი და განუკვეთელი სული. რევოლუციონური შემოქმედების
პათოსი.

ეროვნული
ზინგულიძე

* * *

დასკვნა:

ლენინი პოეზიაში, მხოლოდ ზოგად ხაზებშია ასახული.

პოეზიაში—ლენინი იშლება შემდეგი თემებად:

ლენინი—პოლიტიკოსი.

ლენინი—რევოლუციონერი.

ლენინი—ორატორი.

ლენინი—პიროვნება.

საფუძვლიანად არც ერთი თემა არ არის დამუშავებული და მხატვრულათ
ნაჩვენები. უთუოდ დიდხანს გასტანს ასეთი სიმწელე, და პროლეტარული პოსტი
ა. პოლეტაევის არ იყოს, დიდი ხნით შეუძლებელი იქნება ლენინის პორტრეტის
დაწერა.

Портретов Ленина не видно:

Подобных не было и нет

Века уж дорисуют видно

Его недорисованный портрет.

ბოლშევიკი ბოლშევიკი



**გურუშაგიულ-დემოკრატიულ რევოლუციის
უკანასკნელი რეზოლუციონი *)**

(ბოლშევიკი და მისი ახალი შუკნელის გამო)

რათ არ არის ახლა ჩვენთან გორკი? რათ იყო იგი წინააღმდეგი პროლეტარულ რევოლუციისა მის დასაწყისში?.. რატომ არის, რომ ასე პირობით, ფრთხილად და სხვადასხვა განმარტებებით „უჭერდა მხარს“ რევოლუციის სამოქალაქო ომების განმავლობაში? ხომ სარგებლობდა ეს მწერალი დიდი და დამსახურებული სიყვარულით რუსეთის პროლეტარიატის თვალში? ოდესღაც აკი მასაც უყვარდა გულწრფელად და საქმიანად პროლეტარიატი, რევოლუცია და სძულდა ბურჟუაზია?

რათ მოხდა რომ გამომცემელი 1905 წ. ბოლშევიკური გაზეთის „ახალი ცხოვრებისა“, იდეური ხელმძღვანელი რევოლუციონურ-დემოკრატიულ კრებულებისა „ცოდნა“ რეაქციის დროს და ინტერნაციონალურ „მატიანესი“ ომის დროს, 1917 წელს გახდა რედაქტორი ინტელიგენტურ-რეზონიორულ გაზეთისა „ახალი ცხოვრების“ და ახლაც სათავეში უდგას ემიგრანტულსა და რევოლუციისა და პროლეტარიატის მოწინააღმდეგე ჩუკოვსკი-ზამიატინსკის ჟურნალს „რუსეთის თანამედროვეს“. 1917—18 წ.წ. გორკი ესერულ კულაკებთან და პროვინციულ მეშჩანებთან ერთად მოწინააღმდეგეა პროლეტარიატისა და ლენინის.

ეს წვრილბურჟუაზიული ხელოსანთა წრიდან გამოსული კაცი, აჯანყებული ბოსიაკი, რომელიც ამოტივტივდა ცხოვრების „ბსკერიდან“ თავის პირად ღირსების გამო, თავისუფალი მაწანწალა, რომელმაც მოიარა მთელი რუსეთი

*) ამხ. გ. გორბაჩოვი—ავტორი წიგნის „ნარკვევები თანამედროვე რუსეთის ლიტერატურადან“—პროფესორია ზინოვიევის სახელობის კომუნისტური უნივერსიტეტის ლენინგრადში. ამხ. გორბაჩოვი თანამშრომელია ჟურნალ „მნათობის“. ზევით მოყვანილი წერილი—დაწერილია სპეციალურად ჩვენი ჟურნალისათვის.

ისე რომ არ მცარებია ცხოვრების არც ერთ წყობილებას, სოციალურ ბუნებრივად გახდა ინდივიდუალისტი მთელი თავისი ფსიქოლოგიურ ხატულობით. რწმენა პირად ძალაში, ლტოლვა, საზოგადოებრივ პირობებში უფრო უფრო უფრო პიროვნების აღდგენისადმი, სიძულვილი ყოველივე იმისა, რაც ხელს უშლის მის გაქანებას, მეტად დამახასიათებელია გორკის შემოქმედებისათვის. გორკის, რომელიც კინალამ გაქელილი არ იქნა, მეშინათა მიერ მის „ბოსიაკურ“ სიყმაწვილეში, რომლის ბავშობაც შელახული იყო ცხოვრების ძველი პოლიციურ-მეშინაურ წყობილებით, არ შეეძლო, რომ არ შესძლებოდა დამყაყებულ მესაკუთრეობითი წყობილება, რომელსაც იცავდა პოლიციელი და ხუცესი. გორკის ამბოხება იყო სოციალური, სოციალურ-პოლიტიკური და არა წმინდა ესთეტიური და ინდივიდუალისტური, რაც მის თანამედროვე სიმბოლისტებს ბალმონტსა და ბრიუსოვს ახასიათებდა. სიმბოლისტები გვიხატავდნენ ინტელიგენტთა გმინვას, რომელნიც საკმაოდ იყვნენ უზრუნველყოფილნი და რომელთათვის საკმაოდ იყო „შინაგანი“ განთავისუფლება, რომ თავი ეგრძნოთ კარგად და თავისუფლად არსებულ წესწყობილებაში.

გორკი დღეს კადეტურ პროტესორებთან ერთად გაჰკივის რევოლიუციონურ ცეცხლში გამობრძმედნილ და გამარჯვებულ მუშების ბარბაროსობაზე და „მარჯვე უმაწვილ“ კორნეი ჩუკოვსკისთან და „რევოლიუციის მტერ“ ზამიატინსკთან ერთად ხელიხელ ჩაკიდებული ილაშქრებს პროლეტარიატის რევოლიუციონურ თეორიის წინააღმდეგ, ებრძვის მის მხატვრულ მწერლობას და წინააღმდეგია პროლეტარულ პრესის. („რუსეთის უწყებები“ ჭკვიანურად უვლის გვერდს პოლიტიკას, მაგრამ უფრო ნათლად, ვიდრე ამას სჩადის „სმენავებლების“ „რუსეთი“, ხსნის ანტიმარქსისტულ, ანტიპროლეტარულ ფრონტს სიტყვა-კაზმულ ლიტერატურისა და კრიტიკის დარგში). როგორ მოხდა ეს? ჩვენ შევეცდებით პასუხი გავცეთ ამ კითხვას, გამოვალთ რა გორკის შემოქმედებითი და საზოგადოებრივი პიროვნების ანალიზიდან, რომელიც შეიქმნა გარკვეულ ისტორიულ პირობებში და გამოიხატა გორკის მხატვრულ და პუბლიცისტურ-საზოგადოებრივ გამოსვლებში.

90 წლებში, მრეწველობისა და ბურჟუაზიულ კულტურის უაღრესად განვითარების პერიოდში, ინდივიდუალისტურ ხანაში, როდესაც დაიწყო აღშფოთება წარსულის ყველა კერპების წინააღმდეგ, როდესაც ხდებოდა ყველა ღირებულებათა გადაფასება, მაქსიმ გორკი გახდა პირველ მის ნაწარმოებთა დაბეჭდვისთანავე ყველაზე პოპულიარული მწერალი.

გორკი, ლუმპენ-პროლეტარი თავის წარმოშობით, აღზრდილი დემოკრატიულ ინტელიგენციის მიერ, ლაპარაკობდა დემოკრატიის სახელით, იმ ფართო დემოკრატიულ მასის სახელით, რომელსაც შეეძლო განთავისუფლება მხოლოდ და მხოლოდ კოლექტიურ სოციალურ მოქმედებით. საჭირო იყო რევოლიუცია, რომ განთავისუფლებულიყო გორკისათვის ისე საყვარელი პიროვნება, რომლის თავისუფლებისა და უფლების მოსაპოვებელ ბრძოლისთვის იგი მუდამ მზად იყო.

სწორედ ამიტომ დემოკრატი გორკის ინდივიდუალიზმი ცარიზმის დროს



ატარებდა რევოლუციონურ ხასიათს და იდგა იმ მებრძოლ ამხანაგო რიგებში, რომელნიც იბრძოდნენ საზოგადოდ ხალხთა ამხანაგობის ედუკაციისათვის.

მაგრამ გორკის საყვარელი გმირები მაინც ისინი უნდა იყვნენ, რომლებიც თვითონ ეძებენ გზას, საკუთარი ძალებით მიდიან ცხოვრებაში, რომელნიც არაფერს არ იღებენ უბრალო დაჯერებით, არავითარ კოლექტივს არ უერთდებიან, თუ ოდნავი ეჭვი მაინც ეპარებათ მათ რწმენაში და საქმიანობაში. გორკის უყვარს ისინი, რომელნიც ამჯობინებენ საზოგადოებრივ ჯგუფის გარეშე დგომას და მარტო სიარულს. „აღსარების“ გმირი არ უნდა იყოს არც მეპატრონე და არც მუშა. და თვით გორკისაც, როგორც ეტყობა, მოსწონს რომ დღევანდელ რუსეთის დიდ ბრძოლაში მონაწილეობას არ იღებს და რომ ასე განკერძოებით სდგას ორივე ბანაკისაგან და „თავისუფლად და მოუკერძოებლად“ წარმოსთქვამს „მათ ამა თუ იმ მოკმედებათა გამო გამოტანილს განაჩენს.“

სუსტი პიროვნება, რომელსაც თავის ინტერესების დაცვა არ შეუძლია, სძაგს გორკის. თავის წერილში (იხ. Русский современник, 1924 წ.) ვლადიმერ ილიას ძე ლენინის შესახებ ოდნავი კოპწიაობით, მაგრამ ნათლად აღნიშნავს ფაქტს, რომ მას, არ სჯერა მასის გონება. მას, გორკის, თითქმის არასოდეს არ სჯეროდა ეს და მუდამ „ცუდი მარქსისტი“ იყო, მიუხედავად მისი მეოთხედ საუკუნეზე მეტ მჭიდრო კავშირისა სოციალ-დემოკრატიულ პარტიასთან. გორკი 1890 წ. წ. თავის ბოსიკ ინდივიდუალისტებს უპირისპირებდა შორჩილ და დაძაბუნებულ მასსას. გორკიმ, როგორც ყველაზე ძვირფასი რამ, საოცარ ტრაგიულ გმირობით ჩაუგდო ფერხთით პროლეტარულ მასსას მთელი პირადი პასუხისმგებლობანი თავის საქმიანობაში, რაც გადაგვიშალა თავის ყველაზე უფრო კოლექტივისტურ დრამაში „მტრები“, სადაც მთელი პათოსი მაინც პიროვნულ დრამებშია. 1905 წ. შემდეგ გორკი ისევ მალე დაუბრუნდა თავის შემოკმედებაში ინდივიდუალისტურ ინტერესებს, პიროვნების ტრაგედიას და სულით ობოლთა ბრძოლას პიროვნების განმტკიცებისათვის („ქალაქი ოკუროვი“, „მათე კოკემიაკინი“, „სიკრძე“, „ხალხში“, „უსაჭირო კაცის ცხოვრება“). გორკიმ თავის „აღსარებით“ თვალსაჩინოდ დაგვანახვა, რომ მასსის რწმენა მას შეუძლია მხოლოდ რელიგიურ რწმენით, რომელიც იძულებით სპობს ყოველგვარ ეჭვებს; რომ მას „ღვთის მაშენებელ ხალხის“ გაღმერთებისათვის ესაჭიროება ფანატიზმის განუწყვეტლივი გაღვივება და ამ ღვთაების კერპის გატაცებული კოცნა. გორკი მოიხიბლა ლუნაჩარსკის რელიგიურ სოციალიზმით, რადგან მას მასსის მხოლოდ რწმენა შეეძლო და ისიც იმ შემთხვევაში, თუ ის ფანატიკურ რწმენით მიაყუჩებდა გონებას, რადგან მის გონებას მუდამ ეპარებოდა ეჭვი მასსის სიმართლეში. მისთვის აუცილებელი შეიქმნა, რომ მასსისაგან ღვთაება შეექმნა, რადგან უამისოდ მასსათა რიგებში ჩადგომა მას არ შეეძლო. გორკის აზრით, პიროვნებას ქედის მოხრა, თავისი გაქანებისა და მოთხოვნილებათა შეკვეცა მხოლოდ „ღმერთის“ აბსოლუტურ იდეალის წინაშე შეუძლია. წინააღმდეგ შემთხვევაში, თუ ის არ მიადწევდა რელიგიურ გრძნობას, მას არ შეეძლო დარჩენილიყო სოციალისტად, არ შეეძლო მას შემდეგაც, როცა მასსიურმა ტალღებმა გადაიარეს მის თავზე 1905 წელს და კოლექტიურ მოძრაობათა ღელვა ძირს დაიწია.



სოციალიზმი, როგორც რელიგია, ე. ი. ისეთი რაღაც, რაც აიძულებს და აბრმავებს გონებას, ნებისყოფას თავისი აბსოლუტური პრინციპებისათვის ბრწყინვით, კოსმიურ მიღწევებით; ეს ტიპიური მოვლენაა მათთვის, ვინც განუკურნებლად ავადაა ინდივიდუალიზმით, იმ განუკურნებელ სენით შეპყრობილ ინტელიგენტთათვის, რომელნიც არ ჰგრძნობენ მასსებს, არ შეუძლიათ გაერკვიონ მასსებში და არ შეუძლიათ ანგარიში იქონიონ მასსებთან.

გორკი 1917 წელს, როდესაც მისთვის ისე საძულველი თვითმპყრობელობა დაემხო, დადის თავდახრილი და შეშინებული. ეჭვიან თვალთ უცქერის გამარჯვებულ მასსებს, რომელიც გამოეთინა ქუჩებში საზეიმოდ. საცოდავი შესახედაობის იყო გორკი, ეს დაუძინებელი მტერი ძველი წესწყობილებისა, სუბიექტიური მტერი ბურჟუაზიულ მჭედროებისა და მესაკუთრეობისა, იმ დროს, როდესაც ისეთი პოეტი, რომელსაც აწამებდა ტრალედია სამყაროს მიუღებლობისა, როგორიც იყო ბლოკი, გახარებული იყო იმით რომ დაჰკრა საათმა, როდესაც უნდა მოსპობილიყო „ყოველგვარი მესაკუთრეობა“ და თვით მენშევიკებიცა და ესერებიც კი დადიოდნენ სიხარულით დამთვრალნი, რომ გამარჯვება მასსებს დარჩათ.

გორკი, შავრაზმელივით, რაღაც ბოროტი სიხარულით ეძებდა უგუნურებას მოქმედებებში და თითქოს ბრაზობდა კიდევ, რომ მის ექვების მიუხედავად, გაიმარჯვეს მასსებმა.

გორკი დასცინოდა ჯარისკაცების „სულელურ“ სეირნობას ავტომობილებით, ხან წინასწარმეტყველებდა რევოლიუციის დაღუპვას, იმის გამო რომ მოუხერხებელი იქნებოდა რევოლიუციონურ ბრბოს გარდაქმნა დინჯ საყარაულო გარნიზონებათ და დარბაისლად მოსეირნე გერმანელ ბიურგერებათ. გორკი იცნობდა მეშჩანურ, გამოთაყვანებულ, სულელ და ველურ მასსას, ის იცნობდა მომაკვდავ საშუალო საუკუნეთა პროვინციულ რუსეთის წვრილ ბურჟუაზიულ მასსას; იგი იცნობდა სოფლების მასსას, რომელსაც ჯერ კიდევ არ გაჰკარებოდათ არც 900-ანი წლები, არცა საერთაშორისო დიდი ომი და მით უფრო დიდი რევოლიუცია, იგი იცნობდა მასსას ლიუმპენურს.

ამ მასსაში არ იღუპებოდა სულიერად და ფიზიკურად მხოლოდ ის, ვინც კბილებით იცავდა თავის-თავს და გამარჯვებული, ნამდვილი ადამიანი გამოდიოდა სინათლეში და საზოგადოებრივ ბრძოლაში კულტურულ ცხოვრებისათვის ასში ერთი, და ისიც მაშინ, თუ ის შესძლებდა ამ მასსის მიტოვებას, მისი შეუგნებლობისა და შურის გადაღახვას. ეს აღმდგარი და მიმავალი ხდებოდა უცხო ამ მასსისათვის. „პატრიარქალურ“ სოფლის ხალხოსნურ იდეალიზაციას ბოსიაკმა გორკიმ პირისპირ დაუყენა თავისი სიძულვილი გლეხობისადმი.

ხალხოსანთა ქადაგების მაგიერ, რომ გაუბრალოებაა საჭირო და ხალხთან დაახლოება, გორკიმ განვლო საწინააღმდეგო პროცესი და გახდა ინტელიგენტი და ბატონი.

იგი ყოველივე ამას პირდაპირ უყენებდა რწმენას პიროვნებისადმი და მის უპირატესობას მასსებზე ინდუსტრიულ პროლეტარებში, გორკი ხედავდა, როგორც მწერალი და როგორც პარტიის ახლო მყოფი კაცი, არა მასსებს, არამედ

მოწინავეებს. სოციალისტურ კოლექტივიზმთან გაინტელიგენტობული ბოსიაკი (მაქსიმალურ ინდივიდუალისტურ მდგომარეობაში) მივიდა გონების გზით, მას შემდეგ, რაც იგი იძიებდა გამოსავალს პიროვნებისათვის, რა პიროვნული-სწინა ბოსიაკები, (პირველ მოთხოვნათა დაწერის დროს) კულაკები (მოთხოვნა „მუციკები“,) ბურჟუა („თომა გორდეევი“) და ინტელიგენტები.

გორკი თითქმის „ნაშთითა“ მეთოდით გაჩერდა პროლეტარიატთან, როგორც მესსიასთან, რომელიც დაიხსნის შევიწროებულ პიროვნებას მეფური რუსეთის საზოგადოებრივ პოლიტიკურ წესწყობილების კირთებისაგან. გორკი თავის ამბოხებაში ყოველგვარ შევიწროებათა და დამონების წინააღმდეგ რევოლუციონურია. იმ დემოკრატიულ ფენებისათვის, რომელთაც გორკი მიემხრო, რევოლუციის გარეშე არ იყო განთავისუფლება.

მაქსიმალისტი და ძველი ქვეყნისადმი თავშეუკავებელ სიძულვილით აღსავსე ადამიანი, რომელსაც სძულდა ეს ქვეყანა, რომელიც იცავდა ბურჟუაზიის კეთილდღეობასა და მასებს სიბნელეში ამყოფებდა, გორკი მიემხრო, ეს ბუნებრივი იყო ოთხმოცდაათიან და ცხრაასიან წლებში, დემოკრატიულ რევოლუციის გეგმონს, პროლეტარიატს. თავისი ხასიათის თანახმად, რომელიც გამომუშავდა მისი ცხოვრებით, გორკიმ დაიჭირა ყველაზე მარცხენა პოზიცია სოციალ-დემოკრატიულ პარტიაში. ჯერ ის იყო ბოლშევიკი, მაგრამ შემდეგ, როცა გარეგნულად ბოლშევიკებზე მარცხნივ აღმოჩნდნენ „მოწინავენი“, ის მათ მიემხრო. მაგრამ ინდივიდუალისტი გორკის მისვლა მისთვის უცხო ინდუსტრიალურ პროლეტარიატთან და მარქსისტულ მუშებთან, მას შინაგანად აახლოვებდა პლენაროვის ფორმულის იმნაწილთან, რომელიც ჰლადადებს მუშათა კლასის გამოყენების შესახებ რევოლუციისათვის (დემოკრატიულ) და არა პირიქით, რევოლუციის გამოყენებაზე მუშებისათვის. გორკი, რომელმაც აშკარად დაინახა და ისე მტკივნეულად გადიტანა თავის ზურგზე ძველი სამაზრო — სოფლური რუსეთის აზიური ველურობა უპირველეს ყოვლისა გახდა რუსეთის ევროპეიზაციისათვის თავდადებული მებრძოლი.

იგი მტერია რუსეთის უხასიათო, დაჩიავებულ, ყბედ და პასსიურ ინტელიგენციისა, მას ეზიზღება რუსული მეოცნებობა, მორჩილება და მცონარეობა. („ვარინკა ოლესოვიდან“ წერილამდის „რუსეთის ხალხის სულის ორ მხარემდის“). ყველაზე ძლიერ გორკის სძულს რუსეთის სამაზრო ქალაქისა („ქალაქი ოკუროვი“) და სოფლის სასტიკი და ძუნწი ცხოვრების დამყაყებული წესწყობილება და ადათი. იგი მკვეთრად ატარებს პარალელს პროგრესიულ, საქმიან და მებრძოლ ევროპიულ კულტურასა და რუსეთის სამაზრო-სოფლიურ მცონარეობასა, პასსიურობასა და მეცნიერებას შორის. გორკი ყველგან, საზოგადოების ყოველ კლასში, ყოველ ჯგუფში ეძებს ძლიერს, ენერგიულ ხალხს, რომელშიც არასოდეს არ ჰკარგავენ თავის სახეს, არ ითქვიფებიან სხვაში, არავის არ გაათელვინებენ თავის უფლებებს და ავრცელებენ თავის გავლენას ქვეყანაზე. ერთი სიტყვით, გორკისთვის დამახასიათებელია რუსეთში და რუსეთის ისტორიაში დაპირისპირება აზიისა და ევროპის, „ქალაქისა და სოფლის“, კულტურისა და ჩამორჩენილობის.

მაგრამ ეს დაპირისპირება, რომელიც ახასიათებს გორკის არის დაპირისპირება კაპიტალიზმისა და ფეოდალიზმის და არა კაპიტალიზმისა და სოციალიზმის.

ეს არის სტრუქტურული დაპირისპირება პროგრესიულ, კაპიტალისტურ კულტურისა ფეოდალიზმთან და ნატურალურ მეურნეობასთან, სადაც გამოურკვეველი რჩება საკითხი კლასიურ ბრძოლის წარმოებისა თვით კაპიტალისტურ კულტურის შუაგულში. დემოკრატ გორკის არ შეუძლია, რასაკვირველია არ დაინახოს წინააღმდეგობანი, რომლითაც აღსავსეა კაპიტალისტური წესწყობილება, არ შეუძლია არ აღწეოთდეს იმ უთანასწორობის წინააღმდეგ, რომელიც ბატონობს მასში. ერთი სიტყვით მისი სიმპატიები მთლად მუშების მხარეზეა, და მათი ბრძოლის მომხრე ბურჟუაზიის წინააღმდეგ. გორკის სძაგს პირფერობა, გათახსირება, უმიზეზოდ მოწყენა და მონობა განვითარებულ კაპიტალისტურ საზოგადოებისა („ინტერვიუ“, „რესპუბლიკის ერთ მეფეთაგანს“, „ყვითელი ქაჯის ქალაქი“) გორკი ილტვის რევოლუციონერებისაკენ და რევოლუციისაკენ. მას არა აქვს არავითარი საფუძველი შიშისა, იგი — რადიკალი და მაქსიმალისტი, ვერ იტანს ზომიერ-ლიბერალურ ბურჟუაზიას. მას სძაგს მისი სიბარიტული ცვირაწეული ესთეტიზმი და მისი დაბრუნება საშუალო საუკუნეთა სპირიტუალიზმთან და ოფიციალურ ეკლესიურობასთან. ძველ მაწანწალას, ყოფილ ბოსიას და ანარქისტ ინტელიგენტს, ახლა არ შეუძლია არ სძულდეს კეთილი გულია მედუქნე, რომელსაც უყვარს მყუდროება და წესრიგი.

მაგრამ რამდენადაც სტრუქტურული არის კაპიტალისტურ ევროპის აპოლოგია ბურჟუაზიული პროგრესიზმი და იღებს „დემოკრატიულ“ სახეს, რომელიც „სიმპატიით ეპყრობა“ მუშათა კლასს, ოცნებობს სოციალიზმზე და ძალა არ შესწევს მოსწყდეს ბურჟუაზიულ კულტურას, ბურჟუაზიულ საზოგადოებრივობას, იმდენად იგი არის უკიდურესად მემარცხენე მენშევიზმი და ბურჟუაზიულ დემოკრატიის სუბიექტიური-სოციალისტური მიმდინარეობა. რუსეთის მენშევიზმის არსებითი მხარე გამოიხატება ქალაქის პროგრესიულ და კაპიტალისტურ კლასთა, პროლეტარიატისა და ბურჟუაზიის (მათ შორის წინააღმდეგობათა მიჩქმალვით) და სოფლის ფეოდალურ კლასთან დაპირისპირებაში. ეს არის „ქალაქი და სოფელი რუსეთის ისტორიაში“ როჯკოვის აზრით, ეს არის ბრძოლა ევროპისა და აღმოსავლეთისა რუსეთში, პლახანოვის აზრით, ეს არის რევოლუციის მთავარი აზრი, როგორც რუსეთის ბურჟუაზიულ ქვეყნად გარდაქმნილი, დაბოლოს აღმოსავლეთი და დასავლეთი რუსულ სულში, გორკის თანახმად.

რუსეთის პროლეტარულ რევოლუციის აზრი მდგომარეობს ქალაქისა და სოფლის ლარიზ-ლატაკთა ინტერესების ბურჟუაზიის წინააღმდეგ დაპირისპირებაში. მსოფლიო ბოლშევიზმის აზრი მდგომარეობს აღმოსავლეთისა და დასავლეთის დამონებულ ხალხთა ინტერესების იმპერიალისტების წინააღმდეგ დაპირისპირებაში. გორკისათვის უკანასკნელი პოზიცია სრულიად მიუღებელი და გაუგებარი აღმოჩნდა.

გორკი მაშინაც კი, როცა საბჭოთა რუსეთს იცავს კომინტერნის ორგანოში, უდიდეს საშინელებას ხედავს რუსეთის პროლეტარიატისა და აღმოსავლეთ-

თის ხალხთა კავშირში, რომელიც ამხედრებულ უნდა იქმნას ევროპის „კულტურის“ წინააღმდეგ, ე. ი. კომინტერნის ამოცანის უმთავრეს ნაწილს იგი არ ეთანხმება. როდესაც ის ალტაცებით ლაპარაკობს მუშურ-გლეხურ რევოლუციის ბელადზე, სოფლის ღარიბ გლეხთა აჯანყების უდიდეს ორგანიზატორს, ლენინზე, ის ხაზს უსვამს მის დამსახურებას, რაც გამოიხატება რუსეთის გლეხთა აჯანყების ვითომდა დაშოშმინებაში. გლეხობას კი არც ასე დიდი ხანია, რაც ძველებური საყვედური შეუთვალა ველურობისა და სისასტიკისათვის. რაც უნდა საკვირველი არ იყოს ეს ამბავი, გორკი — ტიპიური მაქსიმალისტი ტემპერამენტით, ძველი ბოლშევიკი და „მოწინავე“ „ვპერიოდოვეცი“ არსებითად თავისი განწყობილებით რუსაათში წარმოებულ რევოლუციონურ ბრძოლისადმი დარჩა მენშევიკი, ე. ი. ბურჟუაზიულ დემოკრატიის სოციალ-დემოკრატიულ პარტიის მემარცხენე ფრთის წინამძღოლი. სწორედ ამიტომ პროლეტარიატის მიერ წარმოებულ გადამწყვეტ ბრძოლის დროს, მან დაიკავა ჯერ მტრული და მერე თანამგრძობი, ნახევრად ნეიტრალური პოზიცია, რამაც ბოლოსდაბოლოს ობიექტიურად მიიყვანა კომუნისტების მტერთა ბანაკში, რომელიც ყოველ წუთს სცდილობენ სამარე გაუთხარონ ახალ პროლეტარულ საზოგადოებრივობას. ბოლშევიკურ ორგანოს „ახალი ცხოვრების“ რედაქტორს 1905 წ., არ შეეძლო რედაქტორობა არ ეკისრა უკიდურესად მემარცხენე ბურჟუაზიულ განეთისა „ახალი ცხოვრება“ 1917 წ. და მარქსიზმის და რევოლუციონურ იდეოლოგიის მოწინააღმდეგე „შინა-ემიგრანტულ“ „რუსეთის თანამედროვესი“ 1924 წ.

თავის წინაშე პატიოსანი მაქსიმალისტი ბოლშევიკი (ის ბოლშევიკია 1900 წ. და ისიც არა მხოლოდ კომუნისტია, არამედ უკიდურესი დემოკრატი — რევოლუციონერი) გორკი იქამდის მივიდა, რომ საბოლოოდ გაიმიჯნა პროლეტარულ რევოლუციისაგან. ის აქამდის მიიყვანა ბოლშევიკისათვის და არა კომუნისტისათვის ბუნებრივმა (როგორც ბოგდანოვი, ბაზაროვი, ავილოვი) „მოწინავეობის“ („впередовщина“) გზამ, ე. ი. იმ გზამ, რომელიც არავითარ ანგარიშს არ უწყევს მასებს.

გორკი, სანამ ცარიზმი არ იყო დამხობილი, პატიოსნად აღიარებდა უკიდურეს მემარცხენე სოციალ-დემოკრატიზმს, და მან დასწერა კიდევ „ხაფხული“, სადაც წინააღმდეგ მხატვრულ და ცოცხალ სიმართლია, წინააღმდეგ თავისი პესიმისტურ განწყობილებისა, საზოგადოთ სოფლის მიმართ, „განსკვრიტა“ სტოლიპინის დროის სოფელში თითქმის აჯანყებისათვის განმზადებული, რევოლუციონურ პროლეტარიატის ზურგს უკან მიმყოლი კადრები, ე. ი. ის, რაც საჭირო იყო „ვპერიოდოველების“ ტაქტიკის განსამტკიცებლად. ბოლოს და ბოლოს გორკი იძულებული უნდა გამხდარიყო განშორებოდა რევოლუციონურ პროლეტარიატს, რომელთანაც მას (90 წლების ადამიანს), თავისი რუსეთის ევროპეიზაციულ პათოსით და ინდივიდუალიზმით გაინტელიგენტებულ ბოსიაკს, არ ჰქონდა მტკიცე კავშირი გაბმული.

გორკი ხომ მუდამ შორი პროვინციიდან უცქერის მხატვრის თვალით ქალაქსა და მის ბრძოლას. გორკი, როგორც თითქმის ყველა რუს მწერლებს, სწერს შემოქმედების მასალის თანახმად.

მისთვის, როგორც პუშკინისთვის, ტურგენევისთვის, ტოლსტოისთვის, გოგოლისთვის, ნეკრასოვისთვის, კოროლენკოსთვის, ვერხოვისთვის, სპენსკისთვის, როგორც ბუნინისთვის, ზამიატინისთვის, ზაიცევისთვის, ალექსინისთვის, ტოლსტოისთვის, შმულევისთვის, პილნიაკისთვის, ვს. ივანოვისთვის, სეიფულინისთვის მოქმედების მთავარ ფონის როლს თამაშობს სოფლის, სამაზრო ქალაქის მიყრუებული ველები, რუსეთის არაკაპიტალისტური, ნახევრად აზიური პროვინცია (აღრინდელი მოთხრობები: „შვის შვილები“, „ბარბაროსები“, „მეშჩანები“, „თომა გორდევი“, „დაბა ოკუროვი“, „მათე კოჭემიაკინი“, „ზაფხული“, „აღსარება“, „სიყრმე“, „ხალხში“, „ავტობიოგრაფიული მოთხრობები“ და სხვ.).

ამ აზიიდან გორკი უცქერის ქალაქს, როგორც იდეალურ რამეს, დამხნელს და თან ცუდად ჰგროხობს ქალაქის მუშას. („დედა“ ხომ უკიდურესად ნაკეთები და ნაფიქრი მოთხრობაა).

არის კიდევ მიზეზები, რამაც გორკის ხელი შეუშალა გადაელახა საბედისწერო საზღვრები, რომელიც აშორებდა ყველაზე მემარცხენე და „თანამგრძობ“ ბურჟუაზიულ დემოკრატს ნამდვილ პროლეტარულ რევოლუციისაგან, რაც ყველაზე მჭევრმეტყველურად გამოაშკარავდა პროლეტარიატის გამარჯვების დროს. ამ მიზეზთა შორის უმთავრესი მიზეზი არის მისი ფეტიშისტური განწყობილება თანამედროვე კულტურისადმი, ე. ი. ბურჟუაზიულ კულტურისადმი.

ეს სრულიად ბუნებრივია ყოფილ ბოსიაკისათვის, რომელმაც დიდის ვაივაგლახით მიაღწია მას; ეს დამახასიათებელია იმისთვის, ვისთვისაც დიდი ხანია სანუკვარი იყო მისი მიღწევა და თავისი საკუთარი ძალ-ღონით გაიკაფა გზა და მიაღწია მიზანს. ასეთ ადამიანს არ შეუძლია კრიტიკულად შეაფასოს მიღწეული განძი და გადაარჩიოს ღირსეული ზედმეტისაგან. მას არ აბადია ტიპიურ ინტელიგენტის სკეპტიციზმი, რომელმაც ორგანიულად შეითვისა ეს კულტურა, რომელმაც იცის მისი ყველა მხარეები და რომელიც ბავშობიდანვე შეეჩვია მას.

აქედან — მასსებიდან გამოყოფილ ინტელიგენტებისადმი ბრმა დანდობა და ფრთხილი მოპყრობა ბურჟუაზიულ კულტურისადმი. ისინი მოწიწებით ეპყრობიან ყოველ წიგნს, ყოველ სურათს და ყოველ პროფესორს. აქედან მენშევიკ მუშათა შიშის ზარი კუბიკოვ-დემენტიევის მსგავსად ბოლშევიკების მიერ კულტურისადმი „ტლანქი“ მოპყრობის გამო, თუნდაც ეს საუნივერსიტეტო ნიშნებისადმი უპატივისმცემლობაში გამოიხატებოდეს.

აქედან 1917 წ. დიდ რევოლუციის დროს გორკის ზრუნვა წარსულ კულტურის წვრილმანებზე და ძეგლებზე.

ძველ ძეგლებზე ზრუნვა, რასაკვირველია, კარგი რამეა, მაგრამ, როდესაც ეს აინტერესებს უმთავრესად ისეთ გაქანების ადამიანს, როგორიც გორკია, დიდ რევოლუციის დღეებში, — ეს მეტად ცუდად ანასიათებს მას.

ამ დამახასიათებელ მოვლენიდან გამომდინარეობს აგრედვე უკანასკნელ ხანებში მისი ფეტიშისტური დამოკიდებულება ბურჟუაზიულ ინტელიგენციასთან, რომელსაც აფასებს, როგორც კულტურის მატარებელს, როგორც რაღაც „მარილს მიწისას“.



რუსეთის შწერლებიდან არავის არ დაუწერია იმდენი გაბოროტებული სა-
ტირები რუსულ ბურჟუაზიულ ინტელიგენციის წინააღმდეგ, ვიდრე გორკიმ
(მოთხრობები „ეშმაკზე“, „რუსული ზღაპრები“). არავის მსგავსი არ დაუ-
ხატვს ის თავის მხატვრულ ნაწარმოებებში („ვარინკა ოლესოვა“, „მოაგარაკენი“)
თითქმის არც ერთ რუს პუბლიცისტს არ ულაპარაკნია ამ ინტელიგენციასთან
ისე ტლანქად, მკაცრად და აგდებით, როგორც გორკის თავის 1905—1911 წ.
ხანის სტატიებში.

მაგრამ არსებითად გორკის მუდამ ახასიათებდა ოდნავი სენტიმენტალური,
ყოველ შემთხვევაში, რომანტიული იდეალიზაცია ამ ინტელიგენციის იმ საუკე-
თესო ნაწილისა, რომელიც დადგა რევოლუციის მხარეზე. გადამეტებულად კარ-
გი მოპყრობა მუშების მიერ ინტელიგენტებისადმი და საზოგადოდ პოეტური
დამოკიდებულებანი ამ რევოლუციონერთა ორ ჯგუფს შორის გვხვდება თვა-
ლებში „დედაში“. ეს იგივე ტიპური დამოკიდებულებაა თავისით განვითარე-
ბულ ადამიანისა, რომელიც ერთად-ერთი დაშორდა თავის წრეს ინტელიგენცი-
ის ზოგიერთ წარმომადგენლების დახმარებით და ამოუდგა გვერდში თავისივე
მასწავლებლებს.

ამავე დროს კულტურულ და საზოგადოებრივ ნაღეჭიდან ერთეულად გა-
მოსულ ადამიანს, რომელიც გაინტელიგენტდა, არ შეუძლია, რომ ცოტა რბი-
ლად არ მოიხსენიოს ის წრე, სადაც იგი აღიზარდა და რომელიც მან მიატო-
ვა და უფროთხის მის მოუხეშაობას, ფიქრისაც კი რცხვენია, რომ იგი გამოიჩინს
თავის „ველურობას“ ინტელიგენციის წინაშე. როდესაც პროლეტარიატმა სე-
რიოზულად მოჰკიდა ხელი ამ ჭირვეულ ინტელიგენციის მოთვინიერებას და
თვის ნებისადმი დამორჩილებას და აიძულა პროფესურა და ნაღალკვალი-
ფიციური ინტელიგენცია პარტიისცემით მოპყრობოდა მის მისწრაფებებს, მაშინ
გორკი აღმოჩნდა პრინციპიალური დამცველი ყველა და ყოველგვარ ინტელიგენ-
ტების მუშათა ხელისუფლების „სისასტიკისაგან“.

მუშათა ბელადების მკვლელებიც კი, შემარჯვენე ესერები, რომელნიც
გარდა კონტრ-რევოლუციონური ორგანიზაციების მოწყობისა, არაფრის მაქნი-
სი არ არიან, რომელთაც იქნებ დაიმსახურეს შებრალება, რადგან ისინი პარტი-
ოსანი მებრძოლნი იყვენ ცარიზმის დასამხობად, ეს ინტელიგენცია, გორკის აზ-
რით, თავისი არაჩვეულებრივად ძვირფას დანატოვართ აუცილებლად საჭიროა
ხალხისათვის და მას კი აღგვას უპირებს კომუნისტური ხელისუფლება.

დაბოლოს არანაკლებ დამახასიათებელია გორკისათვის მისი ისტორიული
შიშის ზარი ყოველგვარ სისასტიკის და იძულების წინაშე, თუნდაც იგი აუცი-
ლებელიც რომ იყოს. ამ ადამიანს უნაბავს მეტად ბევრი წარმოუდგენელი მზე-
ცობანი თავის სიყმაწვილეში, აღიზარდა ნეშჩანთა იმ არაჩვეულებრივად სასტიკ
შერყვნილ და გამაწამებულად მოსაწყვენ ყოფა-ცხოვრებაში, რომელიც აღწერა
„დაბა ოკუროვში“, „სიყრმეში“, ავტობიოგრაფიულ მოთხრობებში.

მის თვალწინ იმდენად ხშირად სცემდნენ, მღულრავენდნენ, აუბატიურებდ-

ნენ, რომ ახლა გორკის არ შეუძლია აიტანოს ვინმეს ძალდატახება. თუნდაც იგი ხალხის მტერი იყოს. გადამეტებული სიბრალოული მათდამი, რომელთაც მოეპყრენ სასტიკად, გამათახსირებლად, ტლანქად, აღნიშნულმა გორკის ხასიათს მისი შემოქმედებითი მუშაობის დასაწყისშივე.

გორკის ოცნება სულწასწრებულია და აჩქარებით არის მიმართული იმ სასიხარულო დროისკენ, როდესაც ძნობა და სიყვარული იქნება დამყარებული ხალხთა შორის.

პროლეტარიატის დიქტატურის დროს ყოველივე ეს მეტად მძიმე აღმოჩნდა გორკის ძალღონისათვის და იგი ნარჯუნევ გადახარა.

შიში მასსების მიერ სისასტიკის გამოჩენის წინაშე, ერთი მთავარი მიზეზთაგანი იყო, რომ იგი პროლეტარულ რევოლუციის მოწინააღმდეგეთა ბანაკში გადაისროლა.

ამ აბნეულობამ წარმოშვა გორკის გადამეტებული შიში ძველ სახელმწიფოებრივ და საზოგადოებრივ ურთიერთობათა აწეწვისას.

ამ გვარად ინდივიდუალისტ გორკის, რომელიც აღიზარდა 90-ან წლებში კაპიტალიზმის აღორძინების პერიოდში და ბურჟუაზიულ კულტურის დღემოკლე აყვავების ხანაში, კაცს, რომელიც არ იყო მჭიდროდ დაკავშირებული პროლეტარიატთან და მთლიანად ბურჟუაზიულ ინტელიგენციას მიეკუთნებოდა, თავის ცხოვრების მიწურულში, მიუხედავად მთელი თავისი გულწრფელი დემოკრატიული რევოლუციონერობისა და ბურჟუაზიულ წესწყობილებებისადმი ზიზზოლისა, არ შეეძლო გასცილებოდა ბურჟუაზიულ დემოკრატიულ რევოლუციონერობას.

ამ მდგომარეობამ იგი არსებითად კომუნისტურ რევოლუციის დროს დააყენა ამ რევოლუციის კრიტიკანთა ბანაკში, რომელნიც ყოველმხრივ უტევდნენ და მხარს უჭერდნენ მტრის ძალებს, რომ სამარე გაეთხარათ რევოლუციისათვის, — ე. ი. გორკი აღმოჩნდა ბარბიკადებს იქით. ასეთივე ბედი ეწვია მთელ რიგ რევოლუციონერ დემოკრატებისას, რომელთაც თავი მოჰქონდათ მარქსისტებად, სოციალისტებად, მუშათა კლასის წარმომადგენლებად, როგორც იყვნენ მაგალითად პლენხანოვი და სხვ.

მუშათა კლასი აფასებდა და აბლაც აფასებს გორკის, მის რევოლუციონერ როლისათვის, რომელიც მან ითანაშა ბურჟუაზიულ-დემოკრატიულ რევოლუციის დროს, აფასებს იმიტომ რომ ის იყო ერთად ერთი წარმომადგენელი რევოლუციონერ დემოკრატიისა 20 წლის განმავლობაში (მისი მოღვაწეობის დასაწყისიდან 90-ან წლებში, 1917 წლის თებერვლამდე, როდესაც დაიწურა გორკის შემოქმედება) რუსულ მხატვრულ ლიტერატურაში.


რამდენადაც ჩვენ გვქონდა არსებითად ერთი მთლიანი ფრონტი (90-ან და 900-ან წლებში) გახსნილი რევოლუციონერ დემოკრატისთან ერთად პოლიტიკის სფეროში და განსაკუთრებით კი ლიბერალურ ბურჟუაზიის იდეოლოგიის წინააღმდეგ (მარქსიზმი მთლიანად იდეალიზმის წინააღმდეგია, დემოკრატიული საზოგადოებრივობა კი მხატვრულ ლიტერატურაში წმინდა ესთეტიზმისა და დეკადენტობის). იმდენად გორკი დამსახურებული ბელადი იყო ამ დე-



მოკრატული ფრონტისა მხატვრულ ლიტერატურაში, ისევე როგორც პლახანო-
ვი სოციოლოგიურ და ფილოსოფიურ თეორიებში.

გორკის დამსახურების გაბათილება მით უფრო ნაქტუნადაა მისი
ახლანდელი იქით-აქეთ ყიალის გამო, რომ -ის უკვე ექვსი წელიწადია, როგორც
შემოქმედი არ არსებობს.

ეს შინაგანი დრამა დამახასიათებელია ბურჟუაზიულ-დემოკრატულ რე-
ვოლიუციის ამ უკანასკნელი რომანტიკოსისა, რომელიც არის პროგრესიულ ბუ-
რჟუაზიულ დემოკრატის უკიდურეს მემარცხენე ფრთის მხატვარი იყო და რო-
მელსაც მრავალჯერ და მრავალგვარად უხდებოდა შეჭებოდა თავისი შემოქმე-
დებით და პირადი ამბოხებით პროლეტარიატს. იგი უკანასკნელი წარმომადგე-
ნელია ინტელიგენტურ, მოწინავე, თავდადებულ, გმირულ, თებერვლის რევო-
ლიუციის ხანის რუსეთის ლიტერატურისა და ეს დრამა მეტად დამახასიათე-
ბელი და დამაფიქრებელია ჩვენი ხანისათვის, რომელიც უფრო სასტიკია და
მკაცრი ღირებულებათა გადაფასებაში, ვიდრე ის ხანა, რომლის უდიდესი მხა-
ტვარიც იყო ნაქსიმ გორკი.



სიმონ ჩიქოვანი



ქართველთა

შიშვენიერობა

სასწრაფო განგარტება ჟურნალ H2SO4 გამოსვლის *)

პოლიტიკური რომანტიზმი ქართული აზროვნებისათვის ისტორიული მოვლენა იყო. შეიძლება ეს ინიტომ, რომ საქართველოს პოლიტიკური მესაჭეობა ყოველთვის ქონდა უცხოელი ტვინით მოაზროვნეს. ეს მოვლენა ვრცელდება მეფეებიდან დაწყებული ჟორდანიას კორპორაციამდე. აქ უკანასკნელ ლიტერატურულ განწყობილებისთვის საინტერესოა მესამე დასი, რომელშიდაც მატერიალისტურ აზროვნების დროშის ქვეშ მდგომი მოაზროვნეები—ეკონომიური წონასწორობის ანგარიშებს აწარმოებდენ.

ეს სტადია—მაშინ დასრულდა, როდესაც ხაზი პოლიტიკური აზროვნების უკანასკნელ სეზონში ფსიხოლოგიურ დრამატიზმამდე დავიდა. მენშევიზმის უკანასკნელი პოლიტიკური ხაზი იყო მხოლოდ მიმიკა—ეს იყო ზედნაშენი თეატრალური რომანტიზმის. ამ უკანასკნელ პოზიციებს არ ქონდა არც კლასობრივი და არც ეროვნული გამართლება.

აქ ფსიქოლოგიურ დრამატიზმიდან დაიბადა ისტორიზმის გაბერვა და არა თანდროული განწყობილება. ეს „ოაზისი“ ყურადღებას არ აქცევდა ევროპიული აზროვნების დეკადანსს, „ევროპა ქაოსში“—„ევროპა უზავოთ“, რომლებიც მოწმობენ ბურჟუაზიულ ქვეყნების დეკადანსს.

ეს სრული დაშორება რეალობის მოხდა მისთვის, რომ პასუხი არ გასცეს თანამედროვეობას, აქ არის თეატრალობა პოლიტიკურ შემოქმედების და მისი ზედნაშენი მიმიკა. გაუგებრობისათვის კომენტარები სრულიად არ დაბადებულა ამ სეზონში. ერთ დროს კლასობრივი ენერგიით დაჭიმული დასი თვითონ კლასობრივ შერიგების ზნეობას ქმნიდა—და თვითონ ასრულებდა დაჩვეულ მოქმედებას საკუთარი თავის სამხეცეში მოსამწყვდევათ.

*) რედაქცია საშუალებას აძლევს „H2SO4“ საბჭოს სიმონ ჩიქოვანის წერილის მოთავსებით კომენტარები გაუკეთოს ჟურნალ H2SO4-ის პირველ ნომერს.



ეს პოლიტიკური რომანტიზმი გავლენა არის ქართული ფედერალიზმის. ეს მეორე პოლიტიკური პოზიცია იყო წმინდა დეკადენტური და ამაზე უთუოდ გავლენა ქონდა არჩილ ჯორჯაძეს.

ჯორჯაძე, როგორც დიდი მისტოკისი, ტუბერკულოზი — არის რელიგიით დატვირთული პოლიტიკური მოაზროვნე, რომელიც მეთაურობს ახალ პოლიტიკურ პარტიას. ჯორჯაძის პიროვნება განსახიერდა ფედერალიზმში და ამ პიროვნებიდან მას უთუოდ დარჩა დეკადენტური დალი, რომელიც უკანასკნელ სეზონამდე აწვალებდა ქართულ ინტელიგენციას.

ფედერალისტური აზროვნება ქმნიდა ქართული ინტელიგენციის შემოქმედების გეზს. აქედან იწყება ლიტერატურულ რკალების გახსნა.

უთუოდ იგრძნობთ მშვენიერი „ტყუილის“ პოლიტიკურ აზროვნებას. ასეთი ატმოსფერიდან გამოვიდა ლიტერატურულ მიმართულებების ის განწყობილება, რომელსაც ჩვენ ვუწოდებთ „მშვენიერ ტყუილის“ პოეზიას. ეს თქმა შემთხვევით არ წამოცდენია არჩილ ჯორჯაძეს. მის დეკადენტობასთან — ერთად, ის პატრონი იყო დიდი ინტუიციის და გრძნობდა „მშვენიერ ტყუილის“ შემოქმედების სტადიის დაწყებას ქართულ ხელოვნებაში. ამ შემთხვევაში არჩილ ჯორჯაძე არის დამწყები ახალი ლიტერატურული მიმდინარეობის, რომლის იდეოლოგია შემდეგ აღმოაჩნდა გრიგოლ რობაქიძეს — და პრაქტიკა „ცისფერ ყანწელებს“. ეს ჩემამდის იყო აღნიშნული.

გრიგოლ რობაქიძის მოვლენას ქართულ აზროვნებაში ვემაპელი ჯორჯაძის შედეგათ თვლის. რასაკვირველია — საქართველოს არ ქონია ჩაადაეევის ფილოსოფიური წერილების სეზონი და მისი „ნაროდნიკული“ დეკადანსით გამოწვეული პესიმიზმი. (რუსეთში 1905 წლამდე ჩამოყალიბდა ესერული პარტია რომელსაც უსწრებდა გერცენის დაუცლელი მეფე ზარბაზნის მისტიკა, ბრანდისის მოგზაურობა, რუსეთის ცამეტი დლით დაგვიანებულ კალენდრით დაურეკავი ზარი და — დოსტოვესკის ქიწერები ან კიდევ კარამაზოვის გამოურკვეველი სისხლის ქვეყანა. ამ დროს საძირკველი ეყრებოდა რუსულ სიმბოლიზმს და სრული პარალელი ნაროდნიკების დეკადანსის რუსეთში.) ამიტომ ჩაადაეევი პესიმიზმ-ოპტიმიზმის პრობლემას გადაყვა რუსული სიმვოლიზმის საბედნიეროთ; მაშინ არავინ იცოდა, რომ მართლდება მუნჯი მეფე ზარი და დარეკავდა მუნჯი მეფე ზარბაზანი ისეთი ხმაურით, რომ მსოფლიოს დაუვლიდა გრუანტელი. (1909 წელი არის სიმბოლიზმის ჩამოყალიბების და დასრულების სეზონი. ამ წლებში ესერების ჩამოყალიბების პარალელურათ ჩამოყალიბდა რუსული სიმბოლიზმი. რუსული სიმბოლიზმი ერთდროულათ გამიჯნული ფრანგული სიმბოლიზმიდან დავიდა მსუბუქ პოეზიამდე და გაიქლენთა სლავიანოფილური მისტიციზმით. ეს სტადიები მოდის ნაროდნიკულ მოძრაობიდან და მას ვერ გაექცა ვერც ალექსანდრ ბლოკ, რომელსაც დეკადენტის ვალდებულება ქონდა რუსულ პოეზიაში. პეტერბურგის დეკადენტური სიმბოლიზმით მეორე მაგარი ხაზი გახსნა ანდრეი ბელიმ — „ვერცხლის მტრედში“ და „პეტერბურგში“. ესერებთან ნათესაობას ის ფაქტიც ამტკიცებს, რომ ემიგრანტ ესერების

ჟურნალ გაზეთებში უკანასკნელ დრომდე მთავარ თანამშრომლად ირელება ანდრეი ბელი. 1907 წ. არის ჯორჯაძის ლიტერატურული მესვეურობის სეზონი. უკვე თორმეტ წლებში აღწევდა ქართული ხელოვნება მსგავსებულ „რობაქიძემდე“. რასაკვირელია, სიმბოლიზმის დამტკიცება ჯორჯაძის მიერ ხდებოდა ძლიერ პრიმიტიულ შტრიხებში მთავარი დებულება აქ იყო „მშვენიერი ტყუილი“ და „მშვენიერი ტყუილის“ შემდეგ რელიგიამდე დასვლა.

ეს ანალოგიურია ვ. ივანოვის სიმბოლიზმის გაგების. სიმბოლო გადასული მითში—მითი ამალღებულ რელიგიამდე. (ივ. ივანოვი: „ორი სტიქია თანამედროვე სიმბოლიზმში.“)

ეს არის საწყისი ქართული სიმბოლიზმის. კიტა აბაშიძე გრძნობდა სიმბოლიზმის იდეოლოგიას, წარმოიდგენდა, მას პრაქტიკაშიც განხორციელებულათ და ეძებდა ქართულ პოეტებში ვინ უფრო უდგებოდა სიმბოლიზმს. მაგრამ ჯორჯაძის შემკვიდრეობა შერჩა მხოლოდ გრ. რობაქიძეს—და ლიტერატურული ფედერალიზმი დაიწყო ნისგან. მას შემდეგ დაგვრჩა „ყანწები“ 1916 წლებიდან ვიდრე მენშევიკურ პარტიის გეგემონიის დასრულებამდე. ქართულ პოეზიის მთავარ პოზიციას მეთაურობს ყანწები.

ეს სიმაგრე ყანწების მენშევიკურ გეგემონიის დროს უნდა აიხსნას იმით, რომ ფედერალიზმის დეკადენტური პოლიტიკა მენშევიკების მიერ სრულიად გაზიარებული იქმნა.

სახელმწიფოს აღმშენებლობა ხდებოდა ასეთ ატმოსფერაში. შეიძლება აქ ყორდანიას იტალიანურ ბგერის გვარსაც ქონდა თავისი მნიშვნელობა. ან უკეთ ყორდანიას კომუნისტური რევოლიუციის არა ორგანიულად განცდამ მიიყვანა დეკადენტურ პოზიციებამდე—ეს ფრონტი. ამას ეწოდება ფაქტი.

აქედან იყო მეორე ფაქტიც. სეზონში ხელოვნების გეგემონია ქონდა „ცისფერ ყანწებს“. ულტრა ინდივიდუალისტურ და დეკადენტურ მიმდინარეობას ხელოვნებაში, რომელმაც მართლაც გაამართლა ჯორჯაძის სურვილი. გახსნა „მშვენიერ ტყუილის“ ლაბორატორია, სადაც იმართებოდა დიონისეს დღესასწაულები, ათასი ოჯელიები მოფრინავდენ, იხსნებოდა ქალღეას პრიმიტივი და სხვა მრავალი.

ყანწების გავლენა ქართულ პოეზიაზე გაფართოვდა. ყველა ლიტერატურული შკოლები მოექცენ ყანწების გავლენის ქვეშ. მაშინდელი „ცისარტყელას“ დამწყები პოეტები და მრავალი სხვა. აქედან „ყანწები“ მენშევიკური სახელმწიფოს სრული ანალოგიური მოვლენა არის. მაშინდელი ქართული აუდიტორია შერჩა ყანწიზმის ქაობს. მისთვის 13 წლების, (ფუტურზმი), ირევოლიუციამ, შემდეგ პოეზიის ოქტომბერმა შეუმჩნევლად ჩაიარა.

პირველი ტერორი ამ განწყობილების მოახდინა კომუნისტურმა რევოლიუციამ. რევოლიუცია იტევს მოძრაობაში ორ პერიოდს. პერიოდს მოძრაობის როგორც წარსულის ნგრევის პროცესს და მეორე პერიოდი არის აღმშენებლობა პროლეტარულ რევოლიუციის შემდეგ აზროვნება რელიგიურ განწყობილებიდან პრაქტიკამდის დადის. იწყება აზროვნების ახალი კონტურების გახსნა. ამ პოლიუსებმა გაანადგურეს მისტიკოსების ბუნავი, მშვენიერი ტყუილი და სხვა, რე-



ლიგიის მაგიერ რევოლუცია და შემდეგ აღმშენებლობა აყენებს ხელოვნების-
თვის ახალ მოვალეობას. ეს არის კონსტრუქტივიზმი და კონსტრუქტიული ხედვა
მოელენის და ნიუთის. აღმშენებლობა აყენებს ლოზუნგს სტალინის შექმნი-
სას. ეს ლოზუნგი მწვავეთ დააყენა თანამედროვე ეპოქამ — არა კომუნისტურ
ქვეყნებშიც.

რუსულ კონსტრუქტივიზმს ქონდა რეზონანსი მსოფლიო მასშტაბით. ეს
შედგები იყო ომების, რომლისგან ნიუთობრივი კრიზისი ივრძნო ქვეყანამ, ამ
ნივთების კრიზისმა დაბადა დადაც, რომელიც პესიმიზმს წარმოადგენს იმის მი-
მართ რაც იტალიურ ფუტურიზმს ნივთების სიყვარულმა შეუქმნა. ომებით ნივ-
თების კრიზისი დაიწყო — იმ ნივთების, რომლის პრეისკურანტს წარმოადგენდა
იტალიური ფუტურიზმი და აპოლინერის ფორმალური შკოლა. მაშინ მანქანების
გამდმერთებელი ფუტურიზმი დარწმუნდა, რომ შეიძლება არა მარტო რელიგიის
დალუბვა, არამედ ახალი ფეტიშის, ნიუთის დალუბვაც. ამან წარმოშვა დადა-
პროტესტი ომის, რელიგიის და მელანხოლია ნივთების კულტის გადაგვარების
— ირონია რომანტიზმის და ყოველგვარ აღტაცების. დადამ შემდეგ გააკეთა რა-
მოდენიმე საფეხური და ეხლაც ბურჟუაზიული აზროვნების მიმართ პროტესტს
წარმოადგენს. ქართული მისტიკის დალუბვამ და კომუნისტური სახელმწი-
ფოს აღმშენებლობამ ქართულ პოეზიაში რელიგიის შეცვლით მოიტანა ახალი
მონდობილობა. შექმნა ნიუთის — კონსტრუქტივიზმი — ორგანიზაცია მყობა-
დური რეალობის. პოეზიის ამ თემის პრაქტიკულ მიდგომის შესახებ არის წერი-
ლები ჟურნალ H2SO4-ში. აქ მე შეეცხები მხოლოდ საზოგადოებრივ სწრაფვას
ქართულ ფუტურიზმისას, რომ წამოყენებულ იქნეს თანამედროვე სოციალურ მდგო-
მარეობასთან შეფარდებით ხელოვნების გაგება. რობაჩიძის ლიტერატურული
ფედერალიზმის (ყანწები) სტადია დასრულდა, რადგან ვერ შეეგუა აღმშენებ-
ლობითი და რევოლუციონური ეპოქის მოთხოვნილებას. აქ ხელოვნებამ დაბა-
და საჭიროება ძველი ფაბულისაგან და ფორმალური მეთოდისაგან განთავისუფ-
ლების. ამითი პირველი სტადია შემოქმედების ჩამოყალიბებაა; ახალი ფორმა-
ლური მეთოდის უსაგნოთ (незпредметичности) — შემდეგ აშენება ახალი ფორმე-
ბის და ახალი ფაბულიანი სხეულის — კონსტრუქტივიზმი. რღვევამ „ყანწების
შკოლა წაიყვანა ახალი ძიებისაკენ. ერთმა პოლიუსმა აღიარა ახალი ქვეყნის
დაწყება, მაგრამ შეგუების პრინციპი ვერ წამოაყენა და უკიდურეს დეკადენ-
ტიზმს შეურიგდა. (ტ. ტაბიძე. კოლაუ ნადირაძე, გ. გაფრინდაშვილი და ყველა
ასეთი წვრილი პოეტები „ყვფა“ და „კატასტროფა“). ეს ერთა გამოდის რუსუ-
ლი იმაჟინიზმიდან, რომლის დაარსება მოხდა 18 წელს იმავე გაგებით რო-
გორც ხსენებულ პოეტებს აქვთ. ქართულ პოეზიაში გასავალი მიეცა შერშე-
ნევიჩს. მისი „я напоминаю бумажку брошенную в клозет“ ანალოგიურია ბევრი
თქმის, რომელიც ქართულ პოეზიაში იცის, მაგალითად: „პოეტი აყუია“ „ნაბოლა-
რა პოეტი“. „ვგავარ დასვრილ ქალაღდს“ „პოეტისათვის არ არსებობს სხვა კა-
რიერა ვარდა სიგიჟის და თვითმკვლელობის“. რუსეთში 22 წელს იაკულოვის
და მარიენგოფის მეთაურობით იმაჟინისტებმა გამოაცხადეს საკუთარი ფრონტის
დაშლა, მაგრამ საჭირო იყო შერშენევიჩს — ლუნაჩარსკის თქმით большои прив-

паяк паузы — დაელოვებინა ფელდმანის თეატრი და ჯგუფი ი. ე. გაცოცხლებულიყო. საქართველოში, შერშენევიჩის ფრთისათვის დეგენერატიზმი გადაიქცა პრინციპათ. მეორე პოლიუსი დაიწყო რობაქიძემ ისევ რელიგიონით.

თანამედროვეობა ამ ფრონტმაც იგრძნო, მაგრამ არა ლეგალიზაციისთვის შეეფარა გერმანულ ექსპრესიონიზმს და შეგუების პრინციპი ვერ წამოაყენა სიმბოლიზმი გულისხმობს ახალ რეალობას ნილაბით ე. ი. საგნების სრულ დაკარგვას. ეს სრული დაშორებაა რეალობის. ექსპრესიონიზმი კი იღებს რეალობას და სულის ფილტრაციაში გატარების შემდეგ ლებულობს მას. ამ ფილტრაციის დროს რეალს ემატება თითქოს შინაარსი — სული — ეს არის რელიგია. ამიტომ კომუნიზმის მიღების დროს ექსპრესიონიზმი აყენებს რელიგიურ კომუნიზმს. ეს ფრთა, როგორც სჩანს კიდევ შორდება თანდროულობას. ექსპრესიონიზმი — ინტელიგენციას ებადება ულტრა მისტიური აზროვნების დაშლის შემდეგ. ფიზიკურად დამარცხებული გერმანული თითქოს რელიგიით სცდილობს ინტელიგენციის ფსიხიკის ორგანიზაციად შედგებას. ეს განწყობილება სრულიად მიუღებელია კომუნისტურ სახელმწიფოში, სადაც არავითარ ფსიხოლოგიურ დაშლას ადგილი არა აქვს. სწორედ ამ მდგომარეობის შედეგი იყო, რომ კომუნისტურმა საქართველომ წამოაყენა საკუთარი ლიტერატურული მიმართულება პროლეტარული პოეზიის სახით, რომლის გამოსვლა სრული დამარცხებით დასრულდა. (ამაზე უფრო ვრცლად სხვა დროს) ზემო მოხსენებულ ლიტერატურულ მიმართულებათა შენაცვლით გამოდის საბჭო H₂SO₄. ს. ს. ს. რ.

ორი წლის წინაღ, როდესაც ქართულმა ხელოვნებამ გამოაცხადა თანამედროობის არალეგალიზა, ვერ შეეგუა აღმშენებლობითი ახალ ეპოქას, ჩვენ როგორც უტრადიციო თაობას მოგვიხდა გადაწყვეტა ახალი ამოცანის. ეს იყო ალღოს აღება ქართული პოეზიის განწყობილებისთვის. იწყებოდა პროცენტული დაშლა ქართული ხელოვნების. გასაბჭოების პირველ დღეებში პოეტები გამოჩნდნენ კედლებზე, მაგრამ ნორმალური სეზონის დაწყება საქმარისი იყო, რომ წვრილ კუნთებიანი ხალხი დამფრთხალიყო.

„H₂SO₄“

შე ვეცდები შტრიხიულად მაინც წარმოვადგინო ყველა ის პერსპექტივები, რომელსაც თანამედროვეობა ქმნის ხელოვნებისათვის.

პირველი პოლიუსი პოეზიაში არის ტერორი, რომელიც უნდა გავიგოთ როგორც გარდასულ შკოლების წინააღმდეგ საბოლოოდ წარმოებული ბრძოლა უბრალოთ: ფორმა, რომელიც ემსახურებოდა გადასულ ეპოქას, არ არის მისაღები თანამედროვეობისათვის. კარლ მარქსმა გარკვევით სთქვა: „წარსულთან რევოლუციონურ განხეთქილების და ორგანიულ აღმშენებლობის კლასს — პროლეტარიატს, არ შეუძლია ისარგებლოს ისეთი მხატვრულ ფორმებით, რომელიც ორგანიზაციული იარაღი იყო გადასულ, ისტორიულ, სოციალურ სისტემების“. აქედან ცხადია, რომ ხელოვნებას, ისე როგორც სოციალურ მოძრაობას აქვს ორი პოლიუსი. პირველი — რევოლუციის და მეორე — აღმშენებლობის. პირველი



გულისხმობს მოძრაობას გადასულ ფორმების და ფაბულის განადგურებლათ, მეორე — ახალი სისტემების და ფორმების აგებას. ქართულში მტნსაჲს განწყობილება, რომელიც შტრიხიულად გადმოცემული არის ხეში, რაჲსსაჲს ვერ აღწევს თავს იმ ლიტერატურულ ნაგავის დაგროვებას, რომელიც კომუნისტურ რევოლიუციამდე არსებობდა.

თუ კომუნისტური ეპოქა საჭიროებს ხელოვნების ახალ ფორმებს და ეპოქალურ მოვლენების ფაბულას, მან უნდა მოსპოს ყველა ლიტერატურული გემოვნება და ჩამოყალიბებული ფორმალური მეთოდი. უკანასკნელი მისაღებია მეტი სიახლით, ეპოქალური დაწმენდით. აქედან გამომდინარე პირველი დებულება ტერორი, — კომუნისტურ სახელმწიფოში დარჩენილ ლიტერატურულ ნაგავის წინააღმდეგ. ეხლა მეორე და მთავარი პოლიუსი არის აღმშენებლობა. ატმოსფერის დაწმენდასთან ერთად — კომუნისტურ სახელმწიფოში შემოქმედებას ეძლევა ფაბულარული მასალა სოციალურ რევოლიუციიდან, — მეორე, პოეზია იღებს სოციალურ რევოლიუციიდან მასალას აპარატის სტრუქტურის ასაგებათ. აქ იბადება ახალი ხელოვნება პოლიარური კომუნისტური ეპოქის.

ღირეკტივები მემარცხენე ვაგების ამ განწყობილებამ მოგვცა. გამოსვლების სეზონში ჩვენ გადაგველობა გაუგებრობა მრავალი ლიტერატურული სკოლების გამოსვლის სახით.

პარიზიდან და მოსკოვიდან მოდიოდა დადაისტური ნისლი. ამ სეზონში ჩამოყალიბდა წარმოებითი ფუტურიზმი და კონსტრუქტივიზმი — (Белая — შემდგევ მეფ და სხ.) თუმცა ჩვენ მივიღეთ პოეზიის რევოლიუციის აუცილებლობა და ტერორი, მაგრამ შეუძლებელი იყო პირველყოფილი ფუტურიზმის დაწყება მართო ტერორის საჭიროებისათვის, როდესაც ხელოვნების პოლიუსები რუსეთში და უცხოეთში ელექტრონის სისწრაფით მიექანებოდა ახალ აღმოჩენებისაკენ. მით უმეტეს H₂SO₄ საბჭო შემოქმედებით სრულიად დაშორებული იყო ომამდე არსებულ ფუტურიზმის გეზს. ამავე დროს ქართული პოეზია იგვიანებდა. როგორც სჩანს, ჩვენ მოვხვდით პოეზიის ფრონტზე: წარმოებითი ფუტურიზმის, კონსტრუქტივიზმის და დადას შორის.

ამისთვის ეს პოლიუსები H₂SO₄ — სრულად გარკვეულიად შეხვდენ ერთმანეთს¹⁾. საზოგადოებრივი განწყობილება კი, აღმშენებლობით სეზონში — ნივთობრივ გადალაგებასთან თხოულობდა ათვისების რეფორმაციასაც. ამიტომ რევოლიუციონური და აღმშენებლობითი მოტივების შეხვედრა მოვახდინეთ პირველათ ჩვენ. სწორედ ეს არის: დადა — კონსტრუქტივიზმი და წარმოებითი ფუტურიზმი.

ჩვენი დამოკიდებულება „ლეფ“-თან გარდა უკვე ქურნალში თქმულისა

1) ჩვენი პირველი გამოსვლა მოხდა 22 წელს — როდესაც ვალიბდებოდა რუსული კონსტრუქტივიზმი — 20 წელს პირველი გამოსვლა მოხდა დადაისტების და ამავე წელს შესდგა „ლეფის“ ორგანიზაცია.

კონკრეტულათ შეიძლება ასე დაიხაზოს „ლეფი“ არის მემარცხენეობა. H2S04 დაწყება. მემარცხენეობა გულისხმობს არსებულის დაყენებას უკონტროლოდ. როდესაც დაწყება არის გახსნა ახალი ეპოქის. კომუნისტური სისტემების შემდეგ ითვლებიან ახალი ეპოქის დაწყებათ — მემარცხენეობა პარლამენტების ბოლშევიზმის სეზონში იყო წარმოსადგენი. „ლეფი“ ახდენს ნივთის პროპაგანდას და ავითაცვიისთვის გამოსადეგ მასალებს ქმნის.

ეს არ არის ორგანიზაცია მყოფადური რეალობის როგორც ჩვენ დეკლარაციული განცხადებაში იყო ნათქვამი. ორგანიზაცია და კონსტრუქცია მომავალი რეალს გულისხმობს რეჟისურას — და პრაქტიკის მთელ რიგს, როგორც ხელოვნების ახალი სხეულისთვის, ისე საზოგადოებრივ ორგანიზაციისათვის. (массовое действие). აქედან იბადება კიდევ ახალი ფაქტი: კომუნისტური სახელმწიფოს პერსპექტივები ხელოვნებაში ყველაზე მეტი სისწორით გამართლებული იქნება ჩვენს მიერ. „ლეფი“ მარქსის ზემოყვანილ გაგებასაც შორდება. H2S04 თრონტი ყველაზე მეტად ამართლებს ს. ს. ს. რ-ს და პროექტი სახელმწიფო ხელოვნების ყალიბის შესახებ ჩვენ გვეკუთნის.

კომუნისტური აზროვნება და კონსტრუქტივიზმი

კონსტრუქტივიზმი გულისხმობს აზროვნებაში — აზრების დალაგებას ნივთების ორგანიზაციის მიხედვით.

თუ თანამედროვე კომუნისტურ აზროვნებას დავაკვირდებით, კონსტრუქტიულ მეთოდს აზროვნების დალაგებისთვის მრავალ მასალას იპოვნით — ერთი წლის წინეთ კომუნისტური პარტიის ცეკამ გამოუშვა „ე. ხ. ნ. მაგრატლის“ პოლიტიკა. აქ პოლიტიკური მოქმედების გეზი და მთელი შინაგანი პოლიტიკა დაყვანილი განსაზღვრულ ნივთის სტრუქტურამდი. ეს ცხად ყოფს ორგანიზაციას აზროვნების ნივთიერების კონსტრუქციის მიხედვით.

მე ეხლაც მახსოვს ორი წლის წინეთ მოსკ., „პრაედაში“ რადიკის წერილი ასეთი სათაურით „ნავთით განათება დარდანელის საკითხი!“ ამ დალაგებაში სჩანს — კინემატოგრაფიული გადალაგება სივრცეების — ბაქოს ნავთით განათება დარდანელის. სივრცეების დაახლოებასთან აზროვნება დალაგებულია განსაზღვრულ ნივთების კომპოზიციით. შეიძლებოდა სხვა მრავალი მაგალითების მოყვანაც, მაგრამ კონსტრუქტიური აზროვნების მეთოდის ეპოქის დაწყება ამითაც ცხადი არი — კონსტრუქტიული აზროვნება გულისხმობს აზროვნების ნივთობრივ სტრუქტურასთან დასვლას.

H2S04 — ეჟრნალი სავსებით თუ არა — ნაწილობრივ მაინც არის გამართლება ყველა იმ პერსპექტივების, რომელიც თანამედროვე ხელოვნებას — და ხელოვნების მიმართ საზოგადოებრივ მოთხოვნას ახასიათებს. ეს პერსპექტივები გამოიხატა ორი მთავარი მომენტი, რომელიც ტერორის და აღმაშენებლობითი



პროცესის ნიშნით მიმდინარეობს, ტერორისტების ჩვენ შევქმენით მრავალი მასა-
ლები, რომელიც ქართულ პოეზიისთვის სრულიად უცხო არის. ამავდროულად ქურნალში
ამოწურულია მთელი ავითმყოფობა მემარცხენეობის, რომელიც სტამბების ან
სიტყვის მასალების დალაგებით თანამედროობას აწვალებს. ჩვენი სამხედრო ტაქ-
ტიკა უთუოდ ბრძოლების სისტემისთვის სრული გამოსადეგი არის და მან გა-
ამართლა საკუთარი მოვალეობის პირველი ნაწილი. ჩვენ მემარცხენეობის ყო-
ველივე საშუალება ამოვწურეთ H₂SO₄ პირველი ნუმერით, რომელმაც დაბადა
ქართულ პოეზიაში მრავალი ნეოლოგიური ცხრილები.

ჩვენს მიერ უარყოფილი იქმნა ყველა ფორმალური მეთოდი, რომელიც თა-
ნამედროობისთვის უკვე გაცვეთილ მოვლენას წარმოადგენს. მიღებულ იქმნა
წარსულიდან მხოლოდ ხალხური შემოქმედება, რასაც აქვს თავისი გასამართლე-
ბელი საბუთები. ხალხური შემოქმედება ჩვენ დაგვეხმარა წინანდელ სეზონში
არსებული ლექსების ტონის მოსპობაში, რომელიც ისტორიის განმავლობაში იქ-
მნებოდა უცხოელ კომპოზიციების გავლენით. ამასთან ხალხური შემოქმედება
დაწმენდილი არის ყოველგვარ მისტიურ სივრცეებისაგან. ხალხური შემოქმედება
ააშკარავებს ბაასის მოქმედობითი ძალას. ხალხური პოეზია ატარებს დრამა-
ტიულ მიმიკის მაგიერ აღმშენებლობით ჟესტის ფორმას და მოძრაობას. ხალ-
ხური შემოქმედების შემდეგ ჩვენ გავხსენით ნეტყველების ახალი ლაბორატო-
რია, სადაც გადაჭრით იქმნა დაყენებული რამოდენიმე ცდების შესაძლებლობა.
რევოლუციის ეპოქების შემდეგ იბადება საჭიროება ახალი ნეტყველების.

ან მხრივ ჩვენი დადა გარდა იმისა, რომ გამოყენებულ იქმნა წარსულის
გასანადგურებლად ის იღებს შემოქმედებითი პრაქტიკის მეთოდს. კონსტრუქცია
დალაგების, სადაც სრულიად მოსპობილი „დეკადენტიზმი“ დადაში შედის ჩარ-
ლი ჩაპლინი.

დადას პირველი ნაწილი ეკუთვნის პავლე ნოზაძეს. მან დაიწყო ტერორი.
მანვე წამოაყენა შესაძლებლობა ლექსის ახალი სტრუქტურის — (დაჩვეული სი-
ყვარული). აქ მან მოსპო სივრცე და ყოველი მოქმედება გადაიტანა დროში.
ჩაპლინი დადას სეზონი გახსნა **ჟანგო ღოღობერიძემ**, რომელმაც დაამტკიცა ჩაპ-
ლინის და დადას ნათესაობა. ევროპაში ჩაპლინი და დადა ეხლა ერთ და იმავე
ხაზს ასწორებენ. დადა ირონია ბურჟუაზიულ ქვეყნის მიმართ, იგივე პოლიუსი
ჩაპლინის. მხოლოდ ჩაპლინში ამოღებულია მელანხოლია. სიცილი და სენსაცია
ეს უკანასკნელი უფრო უახლოვდება ჟანგო ღოღობერიძის შემოქმედებას. ლექ-
სების სტრუქტურა მოცემულია ჩაპლინის მოძრაობის იმპროვიზაციით და ისეთივე
ცვალებადობით. ტერორის პოლიუსი არის **ბენო გორდუზიანის**, ლექსებიც, ის
კონსტრუქციის როლშიც გამოდის. პოეზიის სრულ ტერორისტათ გამოდის **აკა-
კი ბელიაშვილი**. ქურნალისტიკის და ფელეტონის სტილი შექმნა **ალხაზიშვილმა**.
მანვე მოახდინა სწრაფი გადალაგება სივრცეების — კინემატოგრაფიკა ლექსის
დალაგების მხრივ. მას აქვს სხვა ცდებიც. მის შესახებ — გამოქვეყნების
შემდეგ.

ხალხური ტონის მთავარი გამართლება შესძლო **ნიოგოლ ჩაჩავამ** და **სიმონ ჩიქოვანმა**. ნიოგოლ ჩაჩავას აქვს ლექსებში განვლული ქვეყნის პოეზიის სრული ტერორი. ამავე დროს მან მოგვცა სრულიად ახალი ტონის ლექსი („სანტიმენტალიკის შელოცვა“), რომელიც ქართულ შელოცვების ტონით არის შედგენილი და გამოადგება მომავალ ლექსების სტრუქტურას. სიმონ ჩიქოვანმა გახსნა აგრეთვე ხალხური ტონის საწყისი ლექსი (ხაბო), სადაც სიტყვა მოსპობილია როგორც წოდება ნივთის და მოცემულია, როგორც უსაგნო მატერიალი. აგრეთვე არის ცდა რევოლიუციონური პოეზიის და ლექსის კონსტრუქტივიზმის.

რევოლიუციონური პოეზიის მთავარი ნიმუში მისცა **ნიკოლოზ შენგელაიამ** (მოხსენება პირველი). მან შექმნა ლექსის მხედრული ტაქტი, რომელიც ქართულ რევოლიუციონურ პოეზიაში არ იცის.

მხატვრობა. ირაკლი გამრეკელი არის პირველი მხატვარი, რომელიც ევროპიულ ტექნიკით მიუდგა მასალას. მანვე მოახდინა ტერორი წარსული მხატვრობის. (ამ ფრონტზე ძლიერი მიღწევები ქონდა ბენო გორდეზიანსაც. უკვე გასულ წელს გამოცემულ წიგნში („ქალაქის სიმძიმე“).) გამრეკელი არის პირველი მხატვარი კონსტრუქტორი, მან დაარღვია ყველა დეკადენტური ფაბულა და დააყენა შესაძლებლობა ახალი კონსტრუქტიული ფორმების დაბადების—ეს არის მატერიალი გამოსადეგი ყოველგვარი აღმშენებლობითი პროცესისთვის. მას როგორც ინჟინერს შეუძლია შექმნას არა მხატვრობა, არა დეკორატიული ფერადები, არამედ თვითონ ნივთი. ამიტომ მისი ყოველი სურათი წარმოადგენს სწრაფვას ახალ ნივთისკენ. წმინდა ფუტურისტული გაგებით მან ჩამოაყალიბა სურათი „მე და ცირკი“ — სადაც სივრცეების მოსპობით და სისწრაფის კანონით იქმნა გადმოცემული ხატული. **გამრეკელი** არის ნივთების კანონების მომცემი. სისწრაფის კანონი სჩანს მის „ბაგრიკუკში“, სადაც სხეული სრული კონსტრუქტიული მთლიანობით არის დახერხილი. **ბენო გორდეზიანი**, ქალაქის პეიზაჟის რეჟისორი. „ლენინის დასაფლავების დღე“, მან გადმოსცა მთელი ტრაურით და დრამატიზმით.

ამ წერილის ავტორი გვერდს უხვევს ყველა იმ თეორიულ ტრაქტატების გარჩევას, რომელიც ჟურნალში არის მოთავსებული. მე დაეკმაყოფილდი მხოლოდ ჩვენ ჟურნალში მოცემულ ლაბორატორიულ შრომის ნუსხის შედგენით. მე ეს დამჭირდა, რომ დამემტკიცებინა, — თუ რამდენათ ახალი მოვლენაა ქართულ პოეზიაში (H_2SO_4 —პირველი ჟურნალი და სრული პოლიარული კომუნისტური სახელმწიფოს სტრუქტურის. პირველი რეჟისორობა მყობადური რეალობის მრავალი მატერიალი და სტრუქტურა მყოფადი ხელოვნებისთვის, რომელიც ჩვენ მივეცი ქართულ ხელოვნებას გვაძლევს უფლებას წარმოვადგინოთ პროექტი მომავალი ხელოვნების (მეორე ჟურნალი).

აქედან ცხადია, რამდენათ განსხვავდება ქართული ხელოვნების საბჭო
H₂SO₄—ეკროპიულ და რთულ ფუტურიზმიდან. ეს სახელწოდებები შეგვჩა
იმდენათ, რამდენადაც ფუტურიზმი არ გულისხმობს რომელიმე განსაზღვრულ
შეკლას. ფირმის სახელწოდება H₂SO₄ ჩვენ გამოგვადგა ბრძოლების პირველ სე-
ზონში და ამ სახელწოდების როლი შეიძლება ამით ამოიწუროს. >

კირილ ზღანევიჩი.



მეპარცხენე მხატვრობა რუსეთში

სურათების გამოფენებით გაოცებული მასსიური მაცურებელი არა ერთხელ იძლევა კითხვებს. ერთნი ჰკვირობენ: რა მოუვიდათ მხატვრებს? რატომ არ მუშაობენ და არ ხატავენ სურათებს წარსულის ნიმუშების მიხედვით, რომლებიც ამშვენებენ ჩვენს სამხატვრო გალერეიას, და არ მისდევენ დიდებულ ოსტატთა (რაფაელი, ტიციანი და სხ.) პრინციპებს? გარდა ამისა, მაცურებელი ეძებს სურათში გართობას, ნუგეშს და მორალს. ხოლო არასოდეს, რაც დედამიწაზე ხელოვნება არსებობს, მხატვარს არ მიუყენებია ისეთი შეურაცხყოფა მაცურებლის გრძნობისათვის, როგორც ახლა. მაცურებლის გაბრაზება მხატვრობაზე აუწყრელია. იგი გზადაბნეული იხლართება სამხატვრო ფუტურუზმის ყველა შკოლებში. საიდან და რისთვის: პრიმიტივიზმი, კუბიზმი (რონდიზმი, ტიუბიზმი), საკუთრივ ფუტურიზმი, სხივიზმი, ორკესტრული მხატვრობა, სუბრემატიზმი, კონსტრუქტივიზმი. რა უყოთ, რა ექნათ? ეგებ საჭიროა, რომ ისევ ხელჩართული ბრძოლა გავმართოთ, დაეავლოთ ხელი გრაფინებსა და სკამებს საკუთარ შეხედულებათა დასაცავად, როგორც ამას სჩადიოდნენ წინად მოსკოვში საჯარო დისპუტებზე.

მაგრამ გადავსჭრათ მთელი რიგი არსებითი საკითხებისა და მაშინ შეიძლება მაცურებელი დათმობაზე წავიდეს და ბევრ რამეს შეურიგდეს.

რატომ იცვლება მხატვრობა? რად არ სარგებლობს იგი ერთხელ და სამუდამოდ დადგენილი კანონებით? სიახლე მხატვრობაში მარტო ჩვენი დროის მოვლენა არ არის. ხელოვნება იცვლებოდა სხვადასხვა ეპოქებში და სხვადასხვა ქვეყნებში და ყოველთვის ჰქმნიდა ახალ სტილს. ჩვენამდე მოღწეულია შემდეგი სხვადასხვა სტილი: ეგვიპტური, ასირიული, ბიზანტიური, გოტიური, იაპონური, ინდოეთური და სხ.

სტილი არის საერთო მანერა, ბუნების გადმოცემისა და მხატვრული ნაწარმოების შესაქმნელად ნახმარ საშუალებათა საერთო ჯამი. მხატვარი, რომელიც აითვისებს გარემოს თანამედროვე სტილის მიხედვით, არის არა მარტო ოსტატი, არამედ თავისი დროის ადამიანიც. ეს ხდება მაშინ, თუ სტილი იმდე-



ნად მოიცავს ეპოქას, რომ სტილის გარეშე ადვილი არ ექნება ბუნების ათვისებას.

რუსეთში მხატვრობა, რომელიც დიდი ხნით ჩამოშორებული იყო ხალხს, სახაზინო—აკადემიური ტრადიციებით კმაყოფილდებოდა. ის თაყვანსა სცემდა წარსულს და თითქმის არც კი იცნობდა მას; იღებდა ხელოვნებიდან მხოლოდ მის მკვდარ ნაწილს (დროთა განმავლობაში ერთი სულიერი ნაწილი მხატვრული ნაწარმოებისა ჰკვდება) და ცხოვრებიდან მარტოოდენ პათეთურს და მყვირალს. მოარულეები (передвижники) ამხედრდენ ოფიციალური ძორის წინააღმდეგ ხალხის სახელით. მათ იწყეს დამუშავება ისეთი თემების, რომლებიც ახლოა მოწინავე საზოგადოების ხალხოსნურ იდეებთან. მაგრამ მათ თითქმის ანბანიც კი არ იცოდნენ მხატვრობაში და არ იყვნენ გაცნობილი მისი კულტურის ელემენტარულ ტექნიკასთან: კომპოზიციისა და ნახაზის, ფერისა და ფორმის უქონლობამ მალე მიიყვანა ისინი კაპიტულიაციამდე ახალი მიმდინარეობის წინაშე, რომელიც დაიწყო მე-XX საუკუნის დამდეგს (ჯგუფი „ხელოვნების ქვეყანა“ და სხ.).

უცნაურია—ეს მოწინავე მიმდინარეობა თავის პრინციპებში უკან იხედებოდა, მაგრამ თავისი მხატვრობის კულტურით სძალავდა მოარულებს.

დაბრუნებამ განოცოცხლებული აკადემიისაკენ (სეროვი, კუსტოდიევი) და წარსულის სახეებით გატაცებამ (სონოვი, ბენუა და სხ.) დალუპა ეს მხატვრები. მათი ხელოვნება მოწყვეტილი მიზანს თავისთავად კვდებოდა. თვით ცხოვრება ჰქმნიდა წინამძღვართ სტილისათვის. ფებს იკიდებს ახალი სოციალური ყოფაცხოვრება, იზრდება პროლეტარიატის კლასი, ონები და რევოლიუცია, ერთმანეთთან აკავშირებს აუარებელ ხალხის მასებს. იცვლება ქალაქის სახე: მოძრაობის საარაკო სიჩქარე, ტექნიკის გაბატონება ყველაფერში, მატარებლები — ექსპრესები, ავიაცია, რადიო. ხედვითი შთაბეჭდილებათა სიაბლე — შუჭით გაბრწყინვებული პერსპექტივები ქუჩისა, შენობების სიმტკიცე და მოკულობა, სხივთა კონების გადაჯვარედინება — ათასთვალა ვიტრინები — ქუჩის ციკლონები, ციმციმი, გრიალი, ბრბოები ქვაფენილებზე, ხიდებზე, თეატრებში და კინოებში. განა შეუძლია მხატვარს გვერდზე გაუდგეს ცხოვრების ამ თავბრუდამხვევ რბენას და სამუშაო ოთახში ჩაკეტილმა ხატოს სურათი წინაპართა ტრადიციების მიხედვით? მრავალსახიანი ცხოვრება ჰბადებს მრავალ შკოლებს. მემარცხენე მხატვრობა განუწყვეტილივ იცვლება და ჯერ კიდევ სავსებით არ მომხდარა მისი კრისტალიზაცია. ახალი მხატვრები არევ-დარეულად კი არ მიდიან, არამედ ყველა მათგანი სცდილობს გადასჭრას ფორმის ამოცანები, ხოლო შინაარსი კი უმეტეს შემთხვევაში უყურადღებოდ სტოვებენ.

ფორმის მძიმე პრობლემის დამუშავებას მოუხდა ფუტურისტების მთელი თაობის შრომა. რევოლიუციამ გაამარტივა ამ ძიებათა სირთულე მათი ლაბორატორიული ხასიათის უკუგდებით; მან უარჰყო ხელოვნება რჩეულთათვის, და გაართულა ამოცანა მასსიური მაყურებელის, როგორც ახალი ფაქტორის წამოყენებით.

მეზარცხენე მხატვრობის ნათელი გაგებისათვის წარმოვიდგინათ ჯერ ცალ-ცალკე სამხატვრო მიმდინარეობათა საერთო ხაზები.

როგორც ბუნებრივი რეაქცია „ხელოვნების ქვეყანა“ს მდებარე ადორძინებული აკადემიზმისა და იდეოლოგიურად სიკვდილამდუკუნესიონიზმის წინააღმდეგ, ხელოვნებაში თავს იჩენს მიმართულება, რომელიც პირველ რიგში აყენებს ფერად სიპრტყეს. ახალგაზრდა მხატვრებმა ასე შეიგნეს თავის ამოცანები: გამარტივებული საშუალებებით ბუნების გართულებული გადატეხის მიღწევა და მიღება იმისა, რომ ფერადი სიპრტყის დამუშავების დროს სამხატვრო საშუალებებს თავის თავად აქვთ ღირებულება.

ისინი ასწავლიდნენ, რომ თავის თავად არსებული, დამოუკიდებელი სიპრტყე ყველაზე მეტ გავლენას ახდენს მაყურებელზე, რის დამოწმებას ისინი მეცამეტე—მეთექვსმეტე საუკუნეების ჩრდილო-რუსულ ხატთა სიპრტყეების აფერადებაში, ქუჩურ აბრებში, რომლებიც თანდათან გამოდიან ხმარებიდან, და უბრალო ხალხურ ხატვაში ხედავდნენ. ნახეს თუ არა ყველასაგან ათვალისწინებული ხალხური სიმდიდრე, პრიმიტივისტებმა იწყეს მისი გამოყენება: ხატავდნენ ზეთით ლანგარებს, ტაბაკერკებს, მინებს, ხეს, იზრაზცებს, თუნუქს სხ. მხატვრული წერა ტყავზე, კერვა მძივებით, ხეებზე სახეების ამოკვეთა, სხვადასხვანაირი წვნა და ქსოვა,—ყოველივე ეს თითქოს ძალიან შორს არის მხატვრობისაგან, მაგრამ ნამდვილად კი ისინი ასწავლიან მხატვრებს უმნიშვნელოვანეს ხაზების პრინციპებს და ყოველგვარი მასალების გამოყენებას.

ეს ბრბოსათვის საყვარელი ნივთები მისი ყოველდღიური გასართობი, მეტად აახლოვებდნენ ახალგაზრდა ქალაქის მხატვრებს ხალხის უბრალო გემოვნებასთან. ისინი ჰკიდებენ საქმეს ხელს ისე, რომ თანამედროვე მაყურებლებს უფარდებენ მხატვრობის გამარტივებულ მეთოდებს. ამგვარად ჩნდნენ პრიმიტივიზმი.

პრიმიტივისტების მხატვრობა ხასიათდება შემდეგი თვისებებით: განგებ ბავშური, პირველყოფილი მისვლა ბუნებასთან, ღია ფერადები, ნარტივი გამზა, თავიდან აცილება წვრილმანების, ანუ გაზვიადებული დეტალების, სურათების დამშვენება წარწერებით.

სიპრტყის მხატვრობის (პრიმიტივიზმის) მოძღვრება ბუნებრივად იწვევს მოძღვრებას ფიგურალურ შენების შესახებ (კუბიზმი), ვინაიდან ფიგურა არის სიპრტყის მოძრაობა.

კუბიზმი არ ასწავლის ჰავროვანსა და ხაზობრივ პერსპექტივას ფორმასთან ერთად, არამედ აჩვენებს თუ როგორ უნდა გამოააშკარაო მესამე განზომილება ფორმების საშუალებით, და ფორმათა გადატანას ტილოზე მათი შექმნის დროს. ტეხნიკურ საშუალებებ შორის კუბიზმი უმთავრესად იღებს შუქნარვე ჩრდილებს. საიდან გამომდინარეობს კუბიზმი, სად არის წყარო მისი გეომეტრიული ფორმებისა? როგორც პრივიტივიზმის საფუძველი ხალხური შენოქმედება იყო, ისე აქ მხატვრების ნებისყოფა მტკიცდება სკულპტურის მონოლიტური ფორმებითა—რუსული ქვის დედაკაციო, ზანგთა კერპებით და სხ. გეომეტრიზაცია დამახასიათებელი მოვლენაა კუბისტებისათვის. კუბიზმი ეძებს ბუ-

ნებაში ფორმებს, რომლებსაც მოჰყვება შედეგად — პირამიდა, კრილინდრი, კუბი. ან მიმართულების მხატვართა გამბედაობა მაყურებელის დედაში სპარაკოა, საშინელი და უკანონო. მაგრამ კუბისტების მიერ გამოაშკარებულ მხატვრობა არ იფარება სიტყვით „გეომეტრიზმი“. წინააღმდეგობა მხატვრობისა ეს ესთეტიური იდეებია. კუბისტებმა მოგვცეს ახალი ღირებულებანი, ახალი კონცეპციები. მათ ნაწარმოებებში არის მხატვრული შეხამება ხაზებისა ზედაპირთან და მდიდარი კომპოზიცია. გარდა ამისა მათ წამოაყენეს სურათების კონსტრუქციის საკითხი. თუ სურათის კომპოზიცია არის მისი ნაწილების ერთმანეთთან მიმატება, კონსტრუქცია კი გამრავლება და გამოყოფა სურათისა შეთანაბრებულ ნაწილებზე.

ჩვეულებრივი კონსტრუქცია კუბისტებს დაძრული აქვთ, ხდება ეგრედწოდებული დაძვრა. მაყურებელი იქცევა შემოქმედათ. მხატვრული სივრცის დასამყარებლად საჭიროა შეხებითი და მოძრაობითი უნარის გამოყენება. კუბისტები ამტკიცებენ, რომ არსებობს ფორმის ცვალებადობა. ის ღბილდება ან ცოცხლდება მეორე შეხებით. მას შეუძლია გამრავლება ან გაქრობა. ფორმა, რომელიც უფრო ნკვიდრია სხვებთან შედარებით მთელ რუსეთზე ბატონობს. ფერადების სფეროში კუბისტს უყვარს მოშავო, სქელი ფერადები — ყავისფერი, წითელი და რუხი. კუბიზმის ფარიაცია, პარალელური წრის მრუდე ხაზის შენებისა — არის რონდიზმი.

იტალიელებისა და რუსების მიერ ერთდროულად წამოყენებულ იქმნა ფუტურისმი, რომელიც ცდილობს მოახდინოს რეფორმა არა მარტო მხატვრობაში, არამედ ხელოვნების ყველა დარგში. მხატვრობაში ფუტურისში წამოაყენა მოძღვრება უმთავრესათ მოძრაობის შესახებ — დინამიზმი. მხატვრობა უმოდრაოა, აქედან მხატვრობა როგორც მოძრაობის სტილი — გადაცემა მოძრაობის მომენტებისა, რომელსაც იჭერს და ამაგრებს მხატვარი.

ფუტურისში შლის სურათს, აყენებს მხატვარს სურათის ცენტრში, იხილავს საგანს სხვადასხვა მხრიდან; ჰქადაგებს საგანთა გამსჭვირობას, ხატავს იმას, რაც მხატვარმა იცის, და არა მარტო იმას, რაც მან ამ ჟამად იცის, ტილოზე გადააქვს შთაბეჭდილებათა მთელი ჯამი, ან ერთი და იმავე მოქმედების მომენტი შიგ ლიტერატურის და პოლიტიკის შეტანით.

ფუტურისში არ უარყოფს ბუნებას. მოძრაობის პრობლემა მოითხოვს მისგან შეისწავლოს მოძრაეი სხეულის ყველა მდგომარეობა. უფრო მეტი, პირველად სტატიურ მხატვრობაში მოცემულია სიპრტყეების და წახნაგების ცვლა მოძრაობის დროს და მისი გავლენა ფერადებზე.

ფუტურისტ მხატვრებს თითქოს თვალები აეხილათ, როდესაც მათ ყურადღება მიაქციეს თანამედროვე ქალაქის ცხოვრებასა და მოძრაობას. მათი სურათების ყველაზე უფრო პოპულიარული თემებია „მატარებლის და ჰაეროპლანის მოძრაობა“, „ველოსიპედისტი“, გრანდიოზული მოძრაობა ხალხის მასების ქუჩებში, მიტინგზე, ბალებზე და სხ. მანქანის სილამაზე, მექანიკური ძალა, ელექ-

ტრონი, ქარხნების მოძრაობა და ცხოვრება, ავტომობილა — ბი ას ფეტიშები, რომლებსაც თაყვანსა სცემენ ფუტურისტები. ცხადია, რომ თიხების და იდეების ასეთ მრავალფერობის ნიადაგზე წარმოიშვა შკოლებისა და ქვეშევრდების მოვლი რიგი; ყოველი მათგანი ასე თუ ისე ამდიდრებდა მხედველასა და დაეხმარებოდა მათ შორის: ქვეყნისში, რომელსაც მხედველობაში აქვს ფორმის სინთეზი წინააღმდეგ ფორმის ანალიტიური დაშლისა; ნეოფუტურიზმი, რომელმაც გადასწყვიტა ფურადებით დაფარული სურათის სრული უარყოფა და მისი შეცვლა ეკრანით, სადაც არსებითად სტატიური ფერადი სიპრტყე შეცვლილია მოძრავი ნათელ-ფერადი სიპრტყით, და ორფეისში, რომელიც ასწავლის ნივთების მუსიკალობის შესახებ.

ნეოფუტურიზმს მიჰყავს მხატვრობა ვიტროში (ფერადი მინები) მდებარე ამოცანებთან პლიუს ბუნებრივი დინამიკა — ეს ართმევს მხატვრობას მის სიმბოლურ საწყისს და ჩნდება როგორც ხელოვნების ახალი დარგი.

ორფეისში, რომელსაც სახეში აქვს ფერადების მუსიკალურ ხმოვანებაზე და ორკესტრალობაზე დამყარებული მხატვრობა, იხრება მუსიკალური ტალღების სინათლის ტალღებთან სრული შეთანაბრებისაკენ, რაიც იძლევა ფერად შეგრძნობებს, და აშენებს მხატვრობას სავსებით მუსიკალური კანონების მიხედვით. ეს მაშინ, როდესაც მხატვრობის კანონები მხოლოდ მხატვრობის თვისებებს შეადგენენ — ფერადი ხაზი, ფორმა და ფაქტურა. ყოველი სურათი შესდგება ფერადი ზედაპირისაგან (ფერადი ზედაპირის მდგომარეობა, მისი ტემბრი) და იმ შეგრძნებისგან, რომელიც ამ ორი ელემენტიდან გამომდინარეობს. გზა და გზა ორიოდე სიტყვა ვსთქვათ სურათის შესახებ საერთოდ. რა ფასობს სურათში? რა უპირატესობას მივანიჭებთ მხატვრებს, რომლებიც ხატავენ ერთსა და იმავე საგნებს? ერთი მთავარ ღირსებათაგანია ის, თუ როგორ არის საგნები დახატული, როგორი ფერადებია დადებული და როგორ არის დადებული. ფერადებისა და ფაქტურის ურთიერთი განწყობილება. სურათმა უნდა გვასწავლოს მონუმენტალური სიმტკიცე კონსტრუქციის და დაგვიპყრას ფიქტიური სიღრმეების გახსნით, რომლებიც ძნელად ემორჩილება თვალთაზომის და პერსპექტივის კანონებს. რჩება სურათის შინაარსი. კითხვა ფაბულის შესახებ მხატვრობაში უაღრესად დიდ როლს თამაშობს, როგორც პოლიტიკის შესავალი ხელოვნებაში. ფაბულის პირველი მიმყვანნი მხატვრულ ფორმამდე იყვნენ ინდუსები და მათი მიმზამველნი სპარსელები, რომელთა მინიატიურები აღიბეჭდენ მხატვარ ანრი რუსოს შემოქმედებაზე, რომელმაც თანამედროვე ევროპაში პირველმა შეიტანა ფაბულა მხატვრულ ფორმულაში. რუს ფუტურისტებ შორის ფაბულის პირველი ოსტატი იყო ნატალია გონჩაროვა, ხოლო საქართველოში კი ხალხური მხატვარი ნიკო ფიროსმანი. ფუტურიზმის შემდეგ იბადება სხივიზმი; ეს უკანასკნელიც იმგვარადვე ანვითარებს მხატვრობის კანონებს, რომლებიც მხოლოდ და მხოლოდ ისევ მხატვრობას ახასიათებს.

აი ეს საინტერესო თეორია.

ჩვენი თვალის იმდენად სრულყოფილი აპარატია, რომ ბევრი რამ, რასაც ჩვენ ტვინის ცენტრებში გადავსცემთ მზერის საშუალებით, როგორც ამას ჩვენ



ვეფიქრობთ, სწორია რეალურ ცხოვრებასთან შედარებით, მაგრამ ეს სისწორე შედეგია სხვა გრძნობების. ბავშვი ხელავს პირველ ხანებში სიყვანტყლად და ყირა, მაგრამ შემდეგში ეს მხედველობის ნაკლი გამოსწორდება სხვა ცხოვრების საშუალებით. რაც უნდა არ მოინდომოს დიდმა ადამიანმა, მას არ შეუძლია დაინახოს საგნები გადაბრუნებული. აქედან ცხადია თუ რამდენად მნიშვნელოვანია ჩვენი შინაგანი დარწმუნება ჩვენს გარეშე მყოფ ნივთების შესახებ.

ხშირად სხივიზმი შემდეგი დებულებებიდან გამოდის. სხივოსნობა უკუფენილ შუქის საშუალებით (საგანთა შორის არსებულ სივრცეში ეს ჰქმნის თითქოს ფერად მტვერს).

მოძღვრება სხივოსნობის შესახებ. რადიოაქტიური სხივები. ულტრა-ფიოლეტი სხივები. რეფლექტივობა.

საგანს იმ სახით, რა სახითაც მიღებულია მისი დახატვა, საგანს, არსებულს როგორც ასეთი, ჩვენ ჩვენის თვალით ვერ შევიგრძნობთ. ჩვენ ვითვისებთ შუქის წყაროდან წამოსულ სხივების ჯამს, უკუფენილს საგნიდან და მოხვედრილს ჩვენი მხედველობის არეში. მაშასადამე თუ ჩვენ გვინდა დავხატოთ ზედმიწევნითი სისწორით ის, რასაც ვხედავთ, მაშინ ჩვენ უნდა დავხატოთ საგნიდან უკუფენილი სხივების ჯამი. მაგრამ, რომ მივიღოთ სასურველი საგნის სხივების ჯამი, ამისათვის ჩვენ ჩვენი ნებისყოფით უნდა გამოვყოთ მხოლოდ ეს საგანი, ვინაიდან ჩვენს თვალში ასათვისებელი საგნის სხივებთან ერთად შედიან უკუფენილი რეფლექტორული სხივები სხვა ახლო მდებარე საგანთა ნაწილებისაგან. ხოლო, თუ ჩვენ გვინდა დავხატოთ საგანი სრულიად ისე, როგორც ვხედავთ, მაშინ ეს სხვა საგნების ნაწილთა რეფლექტორული სხივებიც უნდა ავსახოთ და ამრიგად ჩვენ მიერ დახატული საგანი იქნება სწორედ ის, რასაც ვხედავთ.

მაშ ასე, თუ ჩვენ მხედველობაში გვექნება არა თვით საგნები, არამედ მათი სხივების ჯამი, მაშინ ამგვარად შეგვიძლია სურათის აშენება. სხივების ჯამი ორი საგნისაგან გადაჯვარედინდება და სივრცეში მათ შორის ჩნდება მხატვრის ნებისყოფით გამოყოფილი ერთგვარი ფორმა. ათვისება არა თვით საგნისა, არამედ მისი სხივების ჯამის, თავისი ხასიათით გაცილებით უფრო ახლოა სურათის სიმბოლიურ სიპრტყესთან, ვიდრე თვით საგანი. სხივი პირობით იხატება სიპრტყეზე ფერადი ხაზით. ის, რაც ფასობს ხატვის ყოველი მოყვარულისათვის, საუკეთესოდ აშკარავდება სხივოსან სურათში—ის საგნები, რომლებსაც ჩვენ ცხოვრებაში ვხედავთ, აქ—არავითარ როლს არ თამაშობენ.

სურათი თითქოს მისრიალებს, იძლევა დრო და სივრცის გარეშე შეგრძნებებს—მასში იბადება იმისი შეგრძნება, რასაც შეგვიძლია მეოთხე განზომილება უწოდოთ, ვინაიდან მისი სიგრძე, სიფართე და დადებული ფერადის სისქე—ერთად ერთი ნიშანდობლივი თვისება არის იმ ქვეყნის, რომელშიდაც ჩვენ ვიმყოფებით. სურათის მიერ აღძრული ყველა შეგრძნებანი კი სულ სხვა სფეროდან არიან. ამ გზით მხატვრობა უსწორდება მუსიკას და იმავე დროს რჩება როგორც მხატვრობა. ასეთია სხივისტების მოძღვრება.

რუსულმა მხატვრობამ ჩქარი მარშით გადიარა ახალი ოსტატობის მიღწე-

ვათა რიგი, რომელსაც ის იმავე დროს არჩევდა თეორიულად და ამუშავებდა პრაქტიკულად. მხატვრებს გამდიდრებულთ უდიდესი გამოცდილებით და სხვადასხვაგვარი მხატვრული კალიბრების მარაგით, არ შეეძლებოდათ სიმტკიცეების მიყენება იმ რწმენაში, რომ ყოველი მანერა არის მხოლოდ მანერის სტილი მხოლოდ საშუალებაა, და მხატვრობის ფასი არის სტილის გარეშე. მასთან ერთად ყოველი მანერა, სტილი შეზღუდულია მისი ავტორის მანერებით. განზოგადების მიზნით ოსტატს შეუძლია ხატოს დღეს ერთით, ხვალ მეორე მანერით. შეიძლება ხატვა არა თუ სხვადასხვა მანერით, არამედ ერთ ტილოზე მხატვრობის სხვადასხვა გაგების შეერთებაც. თითოეული მანერა სწყვეტს ამა თუ იმ ამოცანას მაგრამ არა სწყვეტს მხატვრობას საფესებით. მანერების შეერთებით ოსტატი ანთავისუფლებს ხელოვნებას დროებითი ამოცანების გავლენისაგან და, ყოველი სტილის შემთხვევითი ხასიათის მოსპობით, აძლევს ნაწარმოებს არაჩვეულებრივ სისრულეს.

ამგვარად იქმნა აღმოჩენილი **ორკესტრული მხატვრობა**. ის აღწერს ყველაზე უფრო წმინდა მხატვრულ ათვისებას. აქ მაყურებელის თვალი სცილდება ცხოვრებას და მიდის მხატვრულ ურთიერთ გავლენის სფეროში, სადაც სურათები და მხოლოდ სურათები ერთი მეორეზე მჭიდროდ მიწყობილი სწმენდენ ფერადებს და ანტიციკლებს ისედაც მაგარ ფაქტურას.

კვადრატული სურათების უბრალო შეხამება ნაირდება სამკუთხედებით და უფრო რთულდება მოხრილი ხაზების შეტანით. სურათს აქვს არაჩვეულებრივი ფანტასტიური ხასიათი. ერთ ტილოზე: კუბისტური პორტრეტი, იმპრესიონისტული პეიზაჟი, ფუტურისტული ნატურ-მორტი და სხივისტური კომპანოვკა. ერთი კომპოზიციით შეკავშირებულ რამდენიმე სურათის ორკესტრი იმდენად ინტენსიურია და მრავალფეროვანი, რომ ზომით მცირე სურათი იღებს ფრესკის სივრცითი ძლიერების არქიტექტურულ კოშკების სიმტკიცეს.

ორკესტრული მხატვრობა იყო შემარცხენე ძიებათა დამთავრება რევოლუციამდე. წმინდა მხატვრული ამოცანების — მხატვრობა მხატვრობისათვის — დამუშავება აქ შეწყდა.

რევოლუციის ჯებირმა ახალი ამოცანებისაქენ შეატრიალა ხელოვნების კალაპოტი.

სოციალურ ქარტახილის გამანადგურებელ სისწრაფეში საჭირო შეიქნა მეტი შეკავშირება ოსტატობის მექანიკური ძალებისა, ხოლო უზარმაზარი შინაარსისათვის უფრო დიადი ხელოვნება, სადაც არა მარტო მხატვრობა შევა, არამედ მისი დანართი დარგებიც: სახლების შენება, თეატრი, კოსტიუმი, დგამი, ქურჭლეულობა, ადამიანისთვის ყოველდღიურად საჭირო ნივთები.

სახვითი ხელოვნებათა საერთო თვისებების გაერთიანებით, მხატვრები მისცემენ ადამიანთა ცხოვრების მთელ გარეგნობას ერთიანი ოსტატობის ხასიათს, სტილს, რომელიც იმორჩილებს ეპოქას საქმიანსა და მიზანშეწონილს.

აი აქ კი შეიქმნა შემარცხენე მხატვრობა გამოსადეგი, მარდი, ცვალებადი და მახვილი გამომგონი. ორი ახალი შკოლა ცდილობს გადასჭრას ეს ამოცანები — სუპრომატიზმი, ანუ Уновис (ახალი უნივერსალური ხელოვნება), და

კონსტრუქტივიზმი. თანდათან უფრო მეტი შექრა წარმოებაში. მემარცხენე მხარეზე არსებული ახალგაზრდობა იწყებს იმის გაგებას, რომ წარმოების გარეშე არსად შეიძლება ძალების გაშლა. ის დარწმუნდა საქმეზე, რომ მხარეზე მემარცხენე მხარეზე არსათვის არ კმარა ჩვეულებრივი სურათი, იგი ვიწრო ხედვა და მხარეზე ნივთიერ თავისთავად ძალიან მცირე ღირებულებას წარმოადგენს, როგორც ესტეტიურს, ისე სოციალურს.

იბადება იდეები, რომ ხელოვნება აბსოლიუტურად მეორე ხარისხოვანი განძია. რატომ?

სუბრემატივები ამბობენ: სამყარო საგნებ მოკლებული რამ არის და მხარეები ხედავენ მხოლოდ განყენებულ ფორმას, რომელიც უცნობია ყოველი წინანდელი ხელოვნებისათვის.

კონსტრუქტივიზმები ასწავლიან: მიეცით თქვენს მხარეზე ნაშრომებს შინაარსი, რომელიც ეხმარება მშრომელთა რევოლუციონურ იდეებს. მხარეები ისწრაფის, რომ ის გასაგები იქნეს ყველასათვის. ყველაფერი, რაც ნახეს ფუტურისტებმა ცერების სფეროში, უარყოფილია. შემოდის შემთხვევითი აფერადება. ხაზი მიიშრება ინდივიდუალურ-ფოტოგრაფიულად. მხარეები აკეთებს კონსტრუქციას ხედვითი ქანდაკებისათვის. შენების სიმტკიცე, მიზან შეწონილობა, სპორტი, ინჟინერი, მანქანა.

შემოდის კონტროლი ხაზზე და ფორმაზე. უკვე საქმე იმაში კი აღარ არის, რომ ტილოზე ააჯადოვო მემარცხენე მიმდინარეობათა ეშმაკური მხარეობა.

საჭიროა ნივთობრივობა და ინჟინერული ნახაზის სიცხადე. ფოტოგრაფია შეასრულებს დიდ როლს. ფოტო-სურათების კომბინაცია გრაფიკული და მხარეული ნახატების კომპოზიციას შესცვლის. ასეთი შეცვლის აზრი იმაშია, რომ ფოტო-სურათი არ არის გადახატვა ხედვითი ფაქტის, არამედ მისი პირდაპირი ფიქსაცია. ეს სისწორე და დოკუმენტალობა ანიჭებს ფოტო-სურათს ისეთი გავლენის ძალას მაყურებელზე, როგორსაც გრაფიკული ნახატი ვერასოდეს ვერ მიაღწევს. ფოტო-მონტაჟი ფოტოგრაფიული ნაწყვეტებისა უფერადო სიბრტყეზე რომელიმე მომენტის გადმოცემის დროს გაცილებით მეტ შთაბეჭდილებას ახდენს, ვიდრე იმავე მომენტის ხელით გადაღება. რეკლამა სარეკლამო საგნის ფოტო-სურათით უფრო მეტად აღვილია, ვიდრე ნახატი იმავე თემაზე.

მხარეებისაგან მოითხოვენ, რომ იყოს იგი არა ბოგემური, ტანმოღუნებული ანარქისტი, არამედ ნათელი, ჯანსაღი მუშაკი კოლექტივში.

პროლეტარიატის გამარჯვებასთან ერთად ხელოვნება თავს დააღწევს ვიწრო კალაპოტს, სადაც იგი სისხლნაკლულად ეონავს საზოგადოების ნალებში, და მხოლოდ მაშინ მოედება კაპიტალის მონოპოლიას ყოველივე სულიერ გონებრივზე ბოლო. მხოლოდ კომუნისში გაამდიდრებს, განავითარებს და წაიყვანს კაცობრიობას ნამდვილ ზეკლასიურ კულტურისაკენ. კონსტრუქტივიზმის თანამედროვე სუბრემატივში (ფორმათა მოძრაობა სივრცეში, უსაგნობა) აერთიანებს მემარცხენე სკოლების ყველა მონაპოვარს — ხაზი, ფერი, მოცულობა გაერთიანებულია უსაგნო ფორმაში თავის თავად.

სისრულე და სისუფთავე ფორმის, შემაღგენელ ნაწილების მრავალფერობა, რომელიც მიღწეულია მასალის სხვა და სხვა გვარი ფაქტურის საშუალებით, ხელს უწყობს დღემდე მსოფლიო ხელოვნებაში არ გაგუნდვას დაწინაურებას და სიმტკიცეს კომპოზიციისას იმ დროს, როდესაც დეტალები მშრალი და სერიოზული მოხდენილობით არის სავსე.

შესცვალეს რა წმინდა ხელოვნება პრაქტიკულით, მაგალითად ჰურჭლეულობაში, სუბრემატისტებმა გამოიყენეს ფაიფურის ფაქტურა და პირველად იხმარეს მკაცრი ფერები და მოდრეკილი ფორმები დაფერდებულ სიპრტყეებზე.

აი შემარცხენე სკოლების ნუსხა მცირეოდნად განსხვავებულ მიმდინარეობათა და განმარტოებულთა გამოკლებით.

რუსული შემარცხენე მხატვრობის ასეთი მრავალფერობა და სიმდიდრე 15 წლის განმავლობაში ყურადღებას იზიდავს არა თუ სკოლების, არამედ ცალკე ოსტატების მუშაობისაკენაც კი. შეუძლებელია რა თქმა უნდა, ყველა მხარეების ჩამოთვლა, აღვნიშნოთ მხოლოდ ბელადები და გამოჩენილი ერთეულები.

პირველი მნიშვნელოვანი ფუტურისტული გამოფენა „ვირის კუდი“ გაიხსნა მოსკოვში 1912 წლის მარტში ასეთი შემაღგენლობით: ვ. ბარტი, ს. ბობროვი, ნ. გონჩაროვა, კ. ზდანევიჩი, მ. ლარიონოვი, მ. ლე-დონტიუ, კ. მალევიჩი, ვ. ტოტლინი, ა. ფონ-ვიზენი, ი. შაგალი, შევჩენკო და სხვები. გამოფენის საერთო ტონი: მხიარული და ნათელი ფერადი, თამამი ძიება, ახალი ტალანტების ახალგაზრდული ძალა. აქ პირველად მოიხაზა ბევრი ახალი მხატვრის სახე, რომლებიც შემდეგში მდიდრად გაიშალენ.

ფუტურიზმის ერთი მესვეურთაგანი ნატალია გონჩაროვა, რომელიც თავის მხატვრობაში აერთებდა ხალხურ უბრალოებას კუბიზმთან, ხან კი სხივიზმთანაც, აი რას ამბობს თავის მხატვრობის შესახებ:

„მხატვრული შემოქმედება მე ავითვისე თანდათანობით ისე, რომ არცერთ მხატვრულ სკოლაში არ მისწავლია. თავდაპირველად მე ყველაზე მეტს თანამედროვე ფრანგებისაგან ვსწავლობდი. ამ უკანასკნელებმა ამიხილეს თვალები, და მე შევიგნე ჩემი სამშობლოს ხელოვნების დიდი მნიშვნელობა და ფასი, ხოლო მისი საშუალებით კი — აღმოსავლეთის ხელოვნების უდიდესი ღირებულება. ჩემ მიერ მთლად გავლილია ის, რის მოცემაც დღემდე დასავლეთს შეეძლო, აგრეთვე ყველა ის, რაც შეჰქმნა დასავლეთიდან წამოსულმა ჩემმა სამშობლომ. ახლა მე უარვყოფ, ვშორდები დასავლეთს, და ჩემი გზის მიზანია ყველა ხელოვნებათა აკვანი — აღმოსავლეთი. ჩემი სამშობლო ხელოვნება უფრო ღრმა არის და მნიშვნელოვანი, ვიდრე ყოველივე ის, რასაც მე დასავლეთიდან ვიცნობ (მე მხედველობაში მაქვს ნამდვილი ხელოვნება და არა ის, რაც ვრცელდება ოფიციალური სკოლების მიერ). მე ხელახლა ვხსნი გზას აღმოსავლეთისაკენ, და მე მჯერა, რომ ამ გზით ბევრი გამოიყვება უკან.“

მე დარწმუნებული ვარ, რომ თანამედროვე რუსული ხელოვნება ისეთი ტემპით მიდის წინ და ისეთ სიმაღლეზე ავიდა, რომ მოკლე მომავალში ის ითამაშებს მნიშვნელოვან როლს მსოფლიო ცხოვრების ასპარეზზე.

თუ ხელოვნება განხილული იქნება მხატვრული ნაშთების მიხედვით ისე,



რომ დრო მხედველობაში არ იქნება მიღებული, მაშინ იგი წარმოგედგება შემდეგი წესით.

ქვის ხანა და გვირაბის პერიოდის ხელოვნება — ხელოვნების დილა. ჩინეთი, ინდოეთი, ეგვიპტე — ყოველთვის მაღალი ხელოვნებით და მაგარი მხატვრული ტრადიციით. ხელოვნებანი, რომლებიც მოდიან ამ ფესვებიდან, ნაგრამ დამოუკიდებელი — ატცეკების, ზანგების, ავსტრალიელების და აზიის კუნძულების — ზონდის (ბორნეო), იაპონიის და სხვ. ეს არის ამალღება და აყვავება ხელოვნების საერთოდ. საბერძნეთი დაწყებული კრიტის პერიოდიდან (გარდამავალი მდგომარეობა) არქაიკით და მთელი თავისი აყვავებით, იტალია მთლად გოტიკამდე — არის დაცემა. გოტიკა არის გარდამავალი მდგომარეობა. ჩვენი დრო — მემარცხენე ხელოვნების აყვავება ახალ ფორმაში — მხატვრულში. და ამ განმეორებითი აყვავებაში აღმოსავლეთში ისევ თვალსაჩინო როლი ითამაშა.

აი ამოცანები, რომელთა გატარებაც მე მსურს: არაფიქარი საზღვრები მხატვრულ მიღწევებში, გამოყენება ყოველთვის მთელი თანამედროვე მიღწევების ხელოვნებაში. მტკიცე კანონების შეტანა მიღწევებში და მათი სწორი განსაზღვრა ბრძოლა გაფულგარებულ და გამხრწნელ ქადაგის წინააღმდეგ ინდივიდუალისთვის შესახებ. ცხოვრებაში გატარება ჩემ მიერ გამომუშავებულ სხივისთვის თეორიისა.

ინდივიდუალურმა ათვისებამ შეიძლება საშახური გაუწიოს ხელოვნებას ხოლო კაცობრიობისთვის კი ის ვერ ითამაშებს ვერაფიქარ როლს. თუ მე მიხდება შეჯახება საზოგადოებასთან, ეს მხოლოდ იმიტომ, რომ უკანასკნელს არ ესმის ხელოვნების საფუძვლები, და არა ჩემი ინდივიდუალური თვისებების გამო.

ჩემთვის აღმოსავლეთი არის ახალი ფორმების შემოქმედება — გაფართოება და გაღრმავება ფერის ამოცანების. ეს მე დამეხმარება, რომ უკეთ და უფრო ცხოველად გამოვხატო თანამედროვეობა — მისი ცოცხალი სილამაზე. ჩემი მისწრაფება ნაციონალურისა და აღმოსავლეთისადმი ხელოვნების ამოცანების შევიწროებას კი არ იხატავს მიზნად, არამედ იმას, რომ გახადოს ხელოვნება ყოვლის შემცველად და მთელი ქვეყნის საჯნად.

ასეთია იდეები, რომლებიც ნათელყოფენ ახალგაზრდა მემარცხენე მხატვრების ოცნების უდიდეს ნაწილს. ნ. გონჩაროვას სურათების თემები უფრო ფართოა, ვიდრე ყველა დანარჩენი ოსტატების.

გლებთა სახეები — მთიბაუები, მევენახენი, დედაკაცები ზოსტანში, მუშები, მკა, მეთევზენი, ჯარისკაცები, რომლებიც ცხენებს სწმენდნენ, ბერი კატით, ტილოს რეცხა, თუთიყუშები. დიდი სურათი „მკა“. (კომპოზიცია ცხრა ნაწილისაგან: ფარშავანგი, ანგელოზები ისერიან ქვებს ქალაქში, ფენიქსი, მეფე, ქალწული მხეცზე. წინასწარმეტყველი, ყურძნის მწურავი ფეხებით ქალაქი წყალში, მკა).

ურიები, ტყე (თანამედროვე პრიმიტივი).
სხივისტური ათვისება (ლურჯის და მწვანის სიჭარბე). თეთრეული (ფუტურისტული), კატები (სხივისტური ათვისება, ვარდისფერი, შავი, ყვითელი), აშენება დამყარებული სხვადასხვა ფაქტებზე, გამსჭვირვალობაზე (ფირსოვის



თეორია). ფუტბოლი, ქვაფენილი, კარიატიდები, ინდაური, იპოპელი და სხვათას ხუთასამდე სურათები, ნახაზები, სცენები.

ნ. გონჩაროვას გამოფენა (მოსკოვი 1913 წ.). ჩატვარი უკრაინული ხელოვნების, აღმოჩენილ იქმნა მხატვრის უდიდესი ნიჭი ტექნიკაში. საზრიანმა ნამუშევარმა, სურათის სისრულემ, მრავალი ამოცანების გადაჭრამ მას დიდი სახელი მოუხვეჭა.

სხივიზმის აღმომჩენი ლარიონოვი პირველი მხატვარი იყო რუსეთში, რომელმაც თვით ოსტატებს შეაგნებია აბრის მნიშვნელობა.

ლარიონოვი ღრმა კოლორიტის მხატვარია.

მისი საყვარელი შეფარდება არის ჩამქრალი ლურჯი, რუხი და ყავისფერი. ამ გამშით იზრდება დიდი სიმდიდრე ფერადი შინაარსისა. სხივისტურ წყობის გამოცდილი მხატვარი ის ხანდახან შეგნებულად უარყოფს სურათის აკადემიურ შენებას და ხშირად მისი სიმარტივე დადის თითქოს ქუჩურ სურათებამდე.

მისი კომპოზიცია შემდგარია არა ხაზისაგან, არამედ საგანთა ნაწილების დალაგებისა და თვით ფერისაგან.

ისეთი გაბერილი თემების შემდეგ როგორც არის: პორტრეტები მეფეების, ცისფრად და ვარდისფრად მორთული დამების, არლექინების და საშინელ სამსჯავროთა, ის არ ერიდება სულ უბრალო სიუჟეტებს.—დილა (ჯარის-კაცის ცხოვრებიდან), ჩხუბი სამიკიტნოში. მოსვენებული ჯარის-კაცი. მოცეკვავე ჯარის-კაცი. ჯარის-კაცის თავი. მეპურე. პარიკმახერი. „ქალაქის ქუჩის ფოტოგრაფიული ეტიუდი ნატურიით“. კაფე, კელნერი. დილა ყაზარმაში. ქალი ლურჯ კარსეტში. შემდეგ მრავალი ნატურ-მორტები (სხივისტური ძეხვი, თევზი და სხ.).

კომპოზიციის სიმკვეთრე, მოულოდნელი გადაჭრა უძნელესი საკონსტრუქციო ამოცანების მახვილი გამომგონი, ასეთია ლარიონოვი, ეს დაუღალავი ორგანიზატორი ახალი რუსული ხელოვნებისა, რუსული ფუტურიზმის აგიტატორი და შთანთქმებელი. მ. ლარიონოვი და ნ. გონჩაროვა მიწვეულ იქმნენ პარიზში დეგილევთან რუსული ბალეტის დეკორაციების სახატავად, წავიდნენ და სცხოვრობენ იქ, სადაც ისინი ინაწილებენ ბევრი სხვა რუსი მხატვრების ბედს. ნეო-აკადემისტები — იაკოვლევნი, შუხაევი, გრიგორიევი, სუდეიკინი, რომლებიც სცხოვრობენ პარიზში, მოსწყდნენ საბჭოთა რუსეთს, ჩაიკეტნ და მოკვდნენ რუსული ხელოვნებისათვის.

ლ. დანტიუ — კუბო-ფუტურისტი, რომელმაც არაჩვეულებრივი ყურადღება მიაქცია საკომპოზიციო ამოცანებს; პარალელურად მიდიოდა მისი გატაცება აბრით; ამ გარემოებამ მხატვარს აღმოაჩენია ქართველი შემოქმედი ნიკო ფიროსმანი, რომელმაც თავისი დადი დაასვა რუსეთის ამ ერთ უნიჭიერეს ფუტურისტთაგანის მთელ შემოქმედებას. ის დაიღუბა იმპერიალისტური ომის დროს, და ამგვარად მისი ნიჭი შუა გზაზე ჩაქრა.

შეეჩინკო აბრაზე ანვითარებს ხაზის საკუთარ გაგებას; მისი ხაზი ხშირად საგნების სახლვარს სცილდება.

მისი თანამომხმენი არიან: ნ. როგოვინი, ა. ფონ-ვიზენი, როვდესტვენსკი, ბობროვი და სხ.



ვიქტორ ბარტი სდგას განმარტოებით. იგი ოსტატია ხაზის და იაპონურ მხატვართა სტილის ვირტუოზი. ის ხატავს სურათს ორნამენტულად, საღებავის შერჩევაში სრული თავისუფლება — ქალი მწვანე, ცხენის წინაქვედის კომპოზიცია მიმდინარეობს საშუალო საუკუნეების ოსტატებისაგან მათი რამოდენიმე პერსპექტივით ერთად.

ორკესტრული მხატვრობის ორგანიზატორი, წერილის ავტორი, ცნობილია ნაწრომებით: „ვენერა-კუხარკა“ (კუბო-ფუტურიზმი), რევოლიუცია (ფუტურიზმი), დეკორატიული მუშაობით და კოლორიტით.

აქვე უნდა მოვიხსენიოთ რუსული ფუტურიზმის დამწყებნი, რომლებმაც თუ დიდი ნაწრომები ვერ შექმნეს, ყოველ შემთხვევაში პირველებმა გახსნეს ბრძოლა. ესენი არიან: ელენე გურო (ნეოიმპრესიონისტი), როზანოვა (კუბისტი) და ორი ძმა ბურლიუკები. მათ რიცხვს უნდა მივაკუთვნოთ აგრეთვე ფუტურიზმის თეორეტიკოსი დოქტორი კულბინი.

კ. მალევიჩი — შემდეგში მეთაური უნოვისის (სადაც თავს იყრიან ნიჭიერი სუეტინი, ლისიციკი, ჩაშეჩნიკი, ერმოლაევა და სხ.) — წინაღ გამოდიოდა გამოფენებზე როგორც კუბო-ფუტურისტი. მისი ნაწრომები მეტად დამაჯერებელი და მტკიცენი არიან. ამ ჟამად სუბრემატიზმის მქადაგებელი — ის თავის მიმდევრებით ამუშავებს უსაგნობის საკითხს, როგორც ხელოვნებისათვის სავალდებულო ფორმას.

კიდევ ერთი ცნობილი ჯგუფი — „ბუბნის ვალეტი“ — უმთავრესად ფრანგული ტრადიციის მხატვრები. მოზრდილი სახელები — კონჩალოესკი (შემოქმედი ფერადის, მჭიდრო და სქელი ფერის), მაშკოვი (დიდი ნატურ-მორტები), ფალკი, დერვინი, ოსმერკინი, უდალცოვა, ლენტულოვი, ფედოროვი, იაკულოვი.

მოვიხსენიოთ იური ანენკოვი, რომელიც ცხოვრებაში ატარებს ფუტურისტულ პრინციპებს (ტროცკის ცნობილი პორტრეტი) სურათებით და უმთავრესად გრაფიკით, ბრუნნი, პუნი, მათიუშინი, ექსტერი.

ტატლინი გამოსული „ვირის კუდიდან“ ახალგაზდა მხატვრების ფალანგით: ვლად. ლებედევით, ტირსათი, ტარანით, მიტურიჩით, ლაპშინით და სხ.

ამ მხატვრებს სეზან-კუბიზმის კვალი ეკარგებათ ახალ გზაზე სხვა ნაკვალევთა შორის; მათზე ამკარად სჩანს დაღი დასმული თანამედროვე ტექნიკით, მღებრობით და რუსული საეკლესიო ხატების მხატვრობით. ამ შკოლის მხატვრებს სამყარო წარმოდგენილი აქვთ როგორც მასალათა ურთიერთობა და ფიქრობენ, რომ მასალა არის მხატვრობის ერთად ერთი საძირკველი. ტატლინი ცნობილია თავის მესამე ინტერნაციონალის ძეგლით, გარდა ამისა საინტერესოა მისი სურათები. ის, რასაც შეიძლება ვწოდოს „სამღებრო“ ცდები მისი საოსტატო — დაფისა („ვარსკვლავების ანბანი“ ხლებნიკოვის „ზანგეზის“ თეატრალური დადგმისთვის). საუცხოვო დანუშავებაა საღებავის, როგორც მასალის. ამ მუშაობის ამოცანა ძნელია: ნედლი საღებავის გარდაქმნა დამუშავებულ, ხანგრძლივად მომქმედ ფერად, რომელიც არ ჰკარგავს იმავე დროს საღებავის თვისებებს. საჭიროა გვახსოვდეს ამასთანავე, რომ ფერზე მუშაობა ადვილი ხდება იმ შემთხვევაში, თუ მხატვარი სჭირს მას ზერელე იმპრესიონიზმის (სინა-

თლის გადაჭარვა ფერში) ან ესტეტიზმის წესით—ფერის სილამაზე. /თუმცა პირველიც და მეორეც ეწინააღმდეგებიან ფერის სტიქიას, როგორც მასალას, და ამიტომ ფერის ამოცანას ვერ სწყვეტენ.

კონსტრუქტივისტების ჯგუფი: როდჩენკო, ლევინსკი, სობოლევი, გალაქტიონოვი, სტეპანოვა, პოპოვა, სენკინი, კლუცისი, ვესნინი ახმარენ თავის ძალებს „საჭიროების“ გამოყენებას ხელოვნებაში.

ფილონოვი, მანუსაროვი, მათიუშინი ასე განმარტავენ თავიანთ დამოკიდებულებას მხატვრობისადმი:

„დე მოხდეს პირველი მსოფლიო რევოლუცია ფსიქოლოგიაში და ხელოვნებაში. მემარცხენე და მემარჯვენე მხატვარო, განთავისუფლდი! მოიშორე თავიდან სიძველის პედანტები. გაანთავისუფლე შენი სული. ისწავლე მთელი ქვეყნის, წიგნის, ცხოვრების ახალ რიგების, მეცნიერების საშუალებით. მხოლოდ მათში და შენს ინტელექტში იმყოფება შემოქმედების და ოსტატობის საძირკველი და არა რეალიზმის ხუცებში, არც პრეტულად მოლაპარაკეთა და მღებართა შორის, სხვა მასწავლებლები შენ არ გესაჭიროება. მხატვარო, შენ თვით უნდა აზროვნებდე, განსჭვრეტდე, აკეთებდე, ჰქმნიდე, ხატავდე. იქონიე სახვითი ძალის მაქსიმუმი; იქონიე იდეოლოგია მსოფლიო მასშტაბით: მეცნიერული ათვისება და მისი მოთხოვნილება. დგება ხელოვნების მსოფლიო აყვავება და ხანა „გაკეთებული“ სურათების. მოგვეცი ნატურალისტური ყოფა-ცხოვრება, ეტნოგრაფია. გამოგონება. აი ოსტატის საშუალებანი: შეკუმშული და მძაფრად გამოხატული ფერი და ფორმა. ფორმა, რომელიც შეიცავს ძვრას, ბიო-დინამიკა ძვრისა“.

გაუკეთოთ ჯამი ნათქვამს: რუსული მემარცხენე მხატვრობის ხელოვნება, რომელიც იკვებება საბჭოთა მიწის წვენებით, მოგვეცემს მომავალში საყოველთაო, პროლეტარული ხასიათის ხელოვნებას.

შალვა მამალაძე



ქართული

ენციკლოპედია

გრიგოლ პავლუს ბე ტატიშვილი

გ რ ა ვ ი რ ი — ქ ს ი ლ ო გ რ ა ფ ი

(1848—1911)

გრავიორი — ქსილოგრაფი გრ. ტატიშვილი ეკუთვნის იმ მოღვაწეთა ჯგუფს, რომელთაც მე-19 საუკუნის მეორე ნახევარში განიზრახეს ქართულ გამოცემისადმი ინტერესის გაცხოველება და გავრცელება ქართულ საზოგადოებაში, ნაცვლად უცხოელ ჟურნალ-გაზეთებისა და სახელმძღვანელოებისა. ბეჭდვითი საქმის განვითარებასთან იბადება მოთხოვნილება მხატვრული ილიუსტრაციების, რომელნიც დასურათებულ გამოცემათა საშუალებით ხდებიან პოპულიარული და დიდი გავლენა აქვთ საზოგადოების გემოვნების განვითარებაზე. ილიუსტრაციას აქვს თავისი დიდი ისტორია. საქმარისია აღვნიშნოთ დამახასიათებელი, პრიმიტიული სახის, პირველი გამოცემა ხის დაფებზედ ამოჭრილი სურათებით ბამბერგში გამოცემული „ოთხი ისტორიის“ 1461—62 წელში ფისტერის მიერ. მას შემდეგ მხატვრულ გამოცემათა ბეჭდვა ტექნიკურათ დღემდის კიდევ ვითარდება. წარსულ საუკუნეს, საქართველოში, ქსილოგრაფია ანუ სურათების ხის დაფებზედ ამოჭრა და მათი დაბეჭვდა ერთად-ერთი საშუალება იყო მხატვრულ გამოცემათა დასურათებისა. გრ. ტატიშვილი იყო პირველი და უკანასკნელი ქსილოგრაფი—გრავიორი ტფილისში ფოტო-ცინკოგრაფიის დაარსებამდის. გრ. ტატიშვილი დაიბადა ქ. გორში, 1848 წლის თებერვლის 21. მამა მისი, პავლე ტატიშვილი-მხარეული, კანდიტურათ მსახურებდა ტფილისში მეფის მოადგილის სასახლეში და არავითარ ყურადღებას არ აქცევდა თავის ოჯახს, რომელიც გორში იმყოფებოდა. დედა გრიგოლის—დინჯი, შრომის მოყვარული ქალი იყო და ხელსაქმით ინახავდა ოჯახს. პატარა გრიგოლი, ანუ გიგა, მიაბარეს გორის სასწავლებელში. ნიჭიერი ბავშვი შეცადინეობასთან ერთად დედას ეხმარებოდა და ოჯახის მზრუნველობას ეწეოდა, როგორც უფროსი ვაჟი.

დაახლოებით 1862 წელს, 12 წლის გიგა დედამ ტფილისში გამოგზავნა

მამის საძებნელათ, რომლისაგან ორი წლის განმავლობაში არაერთარი ცნობა არ მიუღია. პავლე ტატიშვილმა შეიღის ნახვის შემდეგ შეინანა თავის/გულგრილობა ოჯახისადმი, გიგა გორში არ გაუშვა და ოჯახი ტფილისში—გადმოიყვანა, მაგრამ ნებისყოფის სისუსტეს ვერ სძლია, ისევ ლოთობის მიქცევაში, ოჯახის მზრუნველობას უკლო და გიგაც სკოლის გარეთ დარჩა იმ ნცირე ცოდნით, რომელიც მან გორის სასწავლებელში მიიღო. ამის შემდეგ პატარა გიგას ვხუდავთ ვაქრის შევირდათ თამამშევის ქარვასლაში, სადაც შემდეგ საკუთარი დუქანიც გახსნა.

თამამშევის ქარვასლაში, სადაც ეხლა ეზოა, იმ დროს იყო მოთავსებული თეატრი—სახელმწიფო ოპერა. აქ თავს იყრიდნენ მსახიობები, მუსიკოსები, მხატვრები, დეკორატორები და ხშირათ იტალიელი გასტროლიორებიც. ამ თეატრში დაინტერესდა პირველათ ხელოვნებით გრ. ტატიშვილი. ის დაუახლოვდა თეატრის მოღვაწეთ. შეისწავლა იტალიანური ენა, რომელზედაც თავისუფლთად ლაპარაკობდა, დეკორატორობა—ცნობილ დეკორატორ ნოვაკთან, პიროტეხნიკა, გიმნასტიკა—ჯამბაზობა და ქსილო—გრაფიურაც, რომელიც შემდეგ სპეციალობათ გაიხადა.

სისტემატიურათ ქსილოგრაფიულ ხელოვნებაზე მუშაობა დაიწყო დაახლოვებით 1882 წელს, მაშასადამე ის მაშინ 34 წლის ყოფილა. ამ ხნის განმავლობაში ტატიშვილს გამოუცვლია მრავალი პროფესიები, რომელთაც ერთი მეორესთან არავითარი კავშირი არ აქვს და უცნაურობით არის სავსე; სახელდობრ: ყოფილა ვაჭარი, ცნობილი პიროტეხნიკი, რომელმაც კინალამ იმსხვერპლა შენთხვევით ნაღმის აფეთქების დროს, თეატრის დეკორატორი ნოვაკთან ერთათ, ცირკის აკრობატი, რომელსაც თავი დაანება ჭერიდან ჩამოვარდნის დროს ლავიწის გატეხის გამო, ავჭალაში სამეურნეო ფერმის პატრონი, და უკანასკნელათ მხატვარი მღებავი ვაგონების ბათუმის რკინის გზაზედ, რომელიც იმ დროს შენდებოდა. აქ კიდევ დაუახლოვდა ტატიშვილი იტალიელთ, რომელთაც მეტ სახელათ მას დაარქვეს „ფიგარო“. ტატიშვილი ტფილისში ამ სახელით უფრო ცნობილია ვიდრე საკუთარი გვარით.

გრ. ტატიშვილის ბათუმის რკინის გზაზე დმუშაობის დროს ტფილისში გიორგი ქართველიშვილმა განიზრახა „ვეფხისტყაოსნის“ დასურათებული დიდი გამოცემა. განიზრახული იყო წიგნის შემკობა ქართულ ხელოვნების ნიმუშებით. ამ განიზრახვის სისრულეში მოყვანა საქართველოში შეეძლო მხოლოთ გრ. ტატიშვილს. ამიტომ საგამომცემლო კომისიამ მიმართა მას და მისცა წინადადება დაბრუნებულიყო ბათუმიდან ტფილისში და შედგომოდა მუშაობას, რაზედაც ტატიშვილი სიამოვნებით დასთანხმდა. მხატვრულ მასალების შეკრების მიზნით მან მოიარა ყველა ღირსშესანიშნავი ტაძრები და მონასტრები, შეაგროვა ჩუქურთმები, სისტემაში მოიყვანა და დაამუშავა „ვეფხისტყაოსნის“ დიდი გამოცემისთვის, სათაურების ასო-მთაერულების, საბოლოების და არშიების სახით. ეს ჩუქურთმები ხეზედ ამოჭრილია პეტერბურგში, რადგან თითონ ტატიშვილს საკმაო დრო არ ქონდა მათი ქსილოგრაფიულათ დამზადებისათვის. იგივე მასალები გამოცემულია ავტორის მიერ 1900 წელს ცალკე ალბომათ — „L'art-deco-

ratif au Caucase. Composés, et dessinés par Grégoire Fatieff". ალბომი გამოცემულია მხოლოდ ათი ცალი და სამი ცალი იმავე წელს გაგზავნა ავტორმა პარიზის მსოფლიო გამოფენაზე. ეს ალბომები ეხლა ბიბლიოთეკის იწვეითობას წარმოადგენენ. ორი ცალი ინახება საქართველოს მუზეუმში. ხუთი კი დაბნეულია კერძოთ. ქართველ მხატვართა საზოგადოებას კი არ მოეპოვები არც ერთი ალბომი. ეს არის პირველი დიდი შრომა გრ. ტატიშვილის, რომლითაც ის იქცევა ტფილისის საზოგადოების ყურადღებას.

1902 წლამდის ტატიშვილის ქსილოგრაფიულ მოღვაწეობას ეკუთვნის ქართული ლუბოკი „ყარაშანიანი“ საბავშვო ჟურნალ „ნობათის“ და სომხურ ჟურნალების „ეპხიური“ და „ტარაზის“ სურათები. ესენი ამოჭრილია ხეზედ კალმის დანით სხვა იარაღის უქონლობის გამო. შემდეგ აი როდესაც ტატიშვილის თანამგრძნობმა და წამხალისებელმა დავით ერისთავმა პეტერბურგიდან ჩამოუტანა საჭირო იარაღები, არ ყოფილა არც ერთი გამოცემა, არამც თუ საქართველოში, არამედ ამიერ-კავკასიაშიაც, რომელშიდაც ტატიშვილს მონაწილეობა არ მიეღოს: ასურათებდა ქართულს, სომხურს, თათრულს და რუსულ გამოცემებს. მის მიერ არის ხეზედ ამოჭრილი სურათები და სათაურები: „ნობათის“, „კვალის“, „მოგზაურის“, „ჯეჯილის“. გოგებაშვილის გამოცემანი; „დედაენა“, „აკიდო“, „თავდადებული ქართველი“ და სხვანი ტატიშვილის მიერ არის დასურათებული. მონაწილეობდა მურიეს ცნობილ ჟურნალში — „L: Caucase“ 1894 წელს გამოსცა საინტერესო ალბომი „ქართული ანბანი“, რომელზედაც ავტორს სრული თერთმეტი წელი უმუშავნია. შეადგინა და გამოსცა „ქართული ანბანის თაიგული“ სადაც ასოები ყვავილებშია ჩასმული, და საინტერესოა საქართველოს მომავალ გრაფიკის თვალსაზრისით. ასეთივე ალბომი აქვს გამოცემული 1889 წელს სომხური ასოებით.

გრ. ტატიშვილი დიდათ მოყვარული ყოფილა წიგნების, გრძნობდა მათ საჭიროებას და მნიშვნელობას. მას აქვს თავისივე საბავშვო გამოცემანი საკუთარი სურათებით: „შალვას თავგადასავალი“, „პირუტყვების ამბები“, „ცვარი“, „ხუმარა გედები“, „ძუნწი“ და სხვანი. რასაკვირველია ამ წიგნაკს დიდი მნიშვნელობა ჰქონდა და დიდად იყო გავრცელებული. გრ. ტატიშვილის ქსილოგრაფიულ ნაწარმოებთა ცნობა შეიძლება სურათების ბოლოს მოქცეულ ასო „ტ“ რომელიც არის ინიციალი ავტორის გვარის. ტატიშვილის მიერ დამუშავებული ჩუქურთმები არის ნახვარი ქვაშეთის წმ. გიორგის ტაძრის ორნამენტებში და ყოფილი ბანკის, ეხლა კი განათლების კომისარიატის შენობაზედ, ლორის-მელიქოვის ქუჩაზე. მის მიერ არის შედგენილი და დამუშავებული ქართული ასო-მთავრული შრიფტი, რომელსაც სტამბაში დღესაც ტატიშვილის შრიფტი ეწოდება. ხელოვნების დარგში მუშაობის გარდა ტ-შვილი იყო დაინტერესებული საზოგადოებრივი ცხოვრებითაც. ხშირათ თავია გამოცემულ წიგნებისა და ალბომების შემოსავლის პროცენტებს ქართულ სკოლებს და დაწესებულებებს სწირავდა. თავის ქსილოგრაფიულ ნაწარმოებთათვის ტ-შვილი დაჯილდოებული იყო ორი ვერცხლის მედლით: 1889 წელს კავკასიის პირველ სასოფლო სამეურნეო გამოფენაზე და 1901 წელს — კავკასიის საიუბილეო გამოფენაზე. 1909 წელს გრ. ტა-

ტიშვილმა დაკარგა უნარი მუშაობის მოხუცებულობისა და ბევრი შრომის გამო, სიღამბლით ავადმყოფი ლოგინათ ჩავარდა და გარდაიცვალა 1911 წ. 29 მაისს. ტატიშვილი დასაფლავებულია კუკის წმ. ნინოს სასაფლაოზე გ. ქართველიშვილის ახლოს.

ტატიშვილის ბევრი ქსილო-გრაფიურა გაბნეულია სომხურ-ოსმალურ ჟურნალ-გაზეთებში. როდესაც სომხურმა ჟურნალებმა „ტარაზმა“ და „აზბიურმა“ თავიანთი 25 წლის არსებობის იუბილე იდღესასწაულეს, თავიანთ თანამშრომელთა საპატიო რიცხვში ტატიშვილის სურათიც მოათავსეს. ქართველ საზოგადოების მიერ ის თითქმის სრულიათ დავიწყებულია. უმეტესობამ ტატიშვილის არსებობაც კი არ იცის. საჭიროა გადასინჯვა მისი ქსილოგრაფიული ნაშრომების, იმ კლიშეების, რომელნიც ჯერ კიდევ მრავალათ არის შენახული და გამოიცეს დიდი ფორმატის ცალკე ალბომათ მისი საუკეთესო და დამახასიათებელი ქსილოგრაფიურები ბიოგრაფიის თანდართვით.

ბიოგრაფიული ლექსები



ი ვ ა ნ ე მ ა ჩ ა ბ ე ლ ი

თ ა ვ ი IV.

პეტერბურგის პერიოდი. ნაროდნიკული მოძრაობა. ვასილ მაჩაბელი. 'შეხვედრა ილია ჭავჭავაძესთან. მაჩაბელი ვეროპაში.

ქართველ „მესამოციანებისა“ და „მესამოცდაათიანების“ — პეტერბურგი იყო ყველაზე რომანტიული ქალაქი, რომლის ნისლებს, ჭაობების და შავი არხებიც ემბაზში მათ შიილეს მღვრია რესპუბლიკანური იდეები, დოქტრინები, და უტოპიები, იდეალისტური და ჰუმანიტარული სოციალიზმის; რომლის ატმოსფერაშიც ეს ენტუზიასტები შემოსულნი იყვნენ დაუსრულებელი სისტემებით, ჰიპოთეზებით... ერთი სიტყვით — „სადაც მათ პირველი ახალგაზრდული ალტაცება და ყმაწვილურის ოცნების ეშხი გაუცვნიათ, სადაც პირველათ აყვავებულა მათი გრძნობა და იმედი, სადაც პირველი მძლავრი შთაბეჭდილება ღირსებია მათ ტვინსა და გულს, სადაც სიყმაწვილეში ზნეობის ფეხი აუდგამთ, სადაც ისინი ბედნიერნი და უბედურნი ყოფილან, სადაც მათ გრძნობას მძლავრი მღელვარება გამოუვლია, სადაც მათ უშრომიათ და პირველჯერ გამარჯვების ან დამარცხების კვამლით თავბრუ დახვევიათ და განსაცდელი გაუვლიათ“.

„რა დრო იყო მაშინ — განაგრძობს ახალგაზრდა ნ. ნიკოლაძე — რანაირი მოუთმენლად და წყურვილით ველოდით ჩვენ ახალგაზრდები, იმ ბედნიერ დღეს, როცა საყვარელი ჟურნალის ახალი წიგნი გამოვიდოდა! რა ალტაცებით და აჩქარებით, რა სიხარბით და დაუღალველობით დავეწაფებოდით ჩვენ მის კითხვას. რა ნაირათ გვიფეთქდა ჩვენ მაშინ გული, გვიღელავდა გრძნობა და გვეწოდა ტვინი და გონება! რამდენი გრძელი, ბოლო-მოუღებელი, ჩრდილოეთის ზამთრის ღამე გაგვითენებია ჩვენ მის კითხვაში, მის აზრების რჩევაში, მისი სიტყვების სჯაში, მათზე დავაში, და რამდენი შემდეგი ღამეები მოუსვენრათ უწვალებივართ იმ გრძნობის მღელვარებას, იმ აზრის მუშაობას, რომელიც ამ ჟურნალს ჩვენში მოუხდენია! ვინ დაითვლის ამ ხანგრძლივი ბედნიერების, ალტაცების,

ტვინის წვალების და გრძობის ამალლების დღეებს ან ვინ დაივიწყებს მათს სანიადაგოთ გულში ჩაბეჭდილს კვალს"...

ეს იყო ვმირული ეპოპეა, როცა ახალი თაობა ცენტრალურ-დასავლურ და სოციალურს სისტემებს, დემოკრატიულს იდეალებს და „სამშენებლო-მშენებელს“ ჭურჭრით მისწავს.

კერძოდ, ივანე მაჩაბელისთვის ეს პერიოდი სტიქიურია. ეს ის ხანაა, როცა მასში დაიძრა პირველი ვნებების და იდეების ნიაღვარი, როცა ის შეეთვისა თანამედროვე რადიკალურ აზრებს. აქ მან გააღრმავა თავისი ნაციონალური შეხედულება, აქ იღვიძებს მასში ინტელექტუალური სახე მომავალი მწერალის, ტრიბუნის, პოლიტიკური მოღვაწის.

ამ პერიოდის ცენტრალური პუნქტია მისი შეხვედრა რუსულ რევოლუციურ მოძრაობასთან ახალგაზრდა მაჩაბელი ორგანიულათ იყო დაკავშირებული იდეალისტურ თაობასთან, რომელმაც მემამბოხე სული ჩაუდგა ახალ ისტორიას და საქართველოშიც მოარხია სიმჭონია რევოლუციური გამოცხადების...

„შესამოციანე“ აკაკი წერეთელი, იგონებს რა ი. მაჩაბელთან პეტერბურგში შეხვედრას (72—73 წ.) ამბობს: „იმ დროინდელი სტუდენტობა სრულებით არ გავდა დღევანდელისას! ახლანდელმა სტუდენტობამ წინდაწინვე იცის, რა უნდა გააკეთოს მომავალში!.. გამოზომილი და გამოანგარიშებული აქვს რისთვისაც ემზადება. ძველები კი იდეალისტები იყვნენ, ადვილად გაიმეტებდნენ თავს: ერთ უმნიშვნელო რაიმეს გულისთვის, კედელს შეეხლებოდნენ, სამშობლოსათვის ნოციქულ-მოწამეებად ანზადებდნენ თავს! მართალია, დაბრუნების შემდეგ, უმეტეს მათგანს შუა გზამდისადაც აღარ მიჰყვებოდნენ ხოლმე წინგანძრახული, მაგრამ მაინც იმ პირველ ხანებში მათი ნახვა სასიამოვნო იყო. სწორედ ამ გვარ წრეში იყო ჩამდგარი ივანე მაჩაბელიც. ერთი თვალის გადავლებით, როგორც შევატყვე, ის პირველთაგანიც იყო“.

ცხადია, მაჩაბელი პეტერბურგშიც „პირველთაგანი“ იქნებოდა მით უმეტეს რომ, იქ გამგზავრებისათვის მრავალი დაბრკოლება გამოიარა.

ვიმნაზიის კურსის დასრულების შემდეგ მას არავითარი რესურსები უმალ-ლესი სწავლის გასაგრძელებლად არ მოეპოვებოდა. ერთად ერთმა მისმა მფარველმა ძმამაც სწორედ იმ წელიწადს დაამთავრა პეტერბურგის უნივერსიტეტი, მაგრამ უსახსრობის გამო სამშობლოში ველარ დაბრუნდა და სამსახურშიც იქვე მოეწყო.

ამაოთ ემუდარებოდა ი. მაჩაბელი გადახვეწილს ძმას პეტერბურგში მოწყობის შესახებ, პასუხი იყო ერთად ერთი და კატეგორიული: საგზაო ფულის შოვნა და ჩაღწევა პეტერბურგამდე, დანარჩენი ზედისათვის მიენდო.

მაგრამ საშინლად დაეალიანებულს ძმას გზის ფულის გაღებაც არ შეეძლო. მაჩაბელს დაუდგა ისეთივე მწარე დღეები წყურვილის, რომელიც ვიმნაზიაში შესვლამდე გამოსცადა, იმ განსხვავებით კი, რომ შეეძლო უფრო აქტიუ-

რი ყოფილიყო. და აი, სწორედ ამ დროს გორში აღმოუჩნდა სახსარი: გაკვეთილები გენერალ კ. შამაცაშვილთან, რომლის შვილებსაც ის რამდენიმე თვე ასწავლიდა. გაკვეთილებიდან ნაშოვი ფულით, ის მიემგზავნებოდა პეტერბურგში (1871 წ.). მაგრამ ძმაც სასურველ მდგომარეობაში არ დასწავლა, როგორც სჩანს უკანასკნელის კერძო წერილიდან: „ჩემი ძმაც ეხლა პეტერბურგში მოვიყვანე. ჯერ შესაფერი ადგილი ვერ ვუშოვე, არ ვიცი შემდეგში ღმერთი რას ინებებს“.

უნივერსიტეტში შესვლისას ივანე მაჩაბელმა ბუნების მეცნიერების ფაკულტეტი ამოირჩია, თუმცა იმავე დროს იურისპრუდენციას უსმენდა და იურიდიული ნაწილიც დაასრულა.

მკითხველში ერთგვარს გაკვირვებას გამოიწვევს, ლიტერატურისათვის შემხადებულ მაჩაბლის არჩევანი. მაგრამ ამ გარემოებას აქვს თავისი ახსნა, მით უნეტეს, თუ გავითვალისწინებთ მაშინდელს პოლიტიკურ მოძრაობას რუსულს და კერძოდ ქართულს სტუდენტობაში. ამ იდეალის საფუძველი აიხსნება მაშინდელი ნაროდნიკული ტენდენციებით.

ნუ დაგვაფიქვდება, რომ ახალგაზრდა მაჩაბელი იყო ტიპიური წარმომადგენელი თავისი ეპოქის — „მომნანიებელი აზნაური“ და ისიც, სხვებთან ერთად გაიტაცა რევოლუციონურმა მოძრაობამ.

ეს იყო სანტიმენტალური ეპოპეა „ხალხში სვლის“, როცა ახალგაზრდობისათვის იქცა ჭეჭიშათ დამცირებული და დევნილი „უმცროსი ძმა“ ჰერცენის, ნეკრასოვის. როცა მრავალი ენტუზიასტი მისი სამსახურისათვის შეიკრა ჰერცენის და ოგარიოვის ფიცით როცა სახელები: ჩერნიშევსკი, პისარევი, პრცენი დობროლიუბოვი, ბაკუნინი, ყველაფრის დამფარავი იყო.

„Весь пыл отдай без стремленья
 Несчастливым братьям на служенье;
 Где слышишь стон туда иди!
 Иди, дели с рабами его труды, страданья,
 Страдай больнее всех...“

და ეს კეთილშობილი თაობა, რანაირიც არ ახსოვს არც ერთ დროს, მიდიოდა ხალხში, ქარხნებში, სოფლებში, მძიმე შრომისა და კვნესის გასანაწილებლად...

საკმაო რევოლუციური რეპუტაცია ჰქონდა მაშინდელს ქართველ სტუდენტობასაც, რომელიც ნაროდნიკული არმიის ერთ მტკიცე ფალანგას წარმოადგენდა.

არა ნაკლები პათოსით და თავდადებით ემსახურებოდნენ ისინიც საზოგადოებრივ იდეალებს, არა ნაკლები თავგანწირულობით მიდიოდნენ ციმბირის მალაროების წყვდიადში, სადაც მათი აღტაცება დალია ლენას თოვლებმა და ქარიშხალებმა...

რუსეთის რევოლუციური მოძრაობა იამაყებს ისეთი სახელებით, როგორც: ივანე ჯაბადარი, გ. ზდანოვიჩი, გ. ჩიკოიძე, ალ. ციციშვილი, — ბრალდებულები იმ (გარდა გ. ზდანოვიჩის) დროს გახმაურებულ „ნენეს-პროცესის“.

თითველი მათგანი იყო დასრულებული ფიგურა და მათგან ყველაზე უფრო მათი ფანატიკოსობის საილიუსტრაციოდ გავსინჯოთ გინდაც ჩვენში ნაკლებად ცნობილი ალექსანდრე ციციშვილი: ოცი წლისა, ევროპიდან ბრუნდება მოსკოვში. ორი კვირის შემდეგ აპატიმრებენ. გაჩხრეკის დროს ის ესერის რევოლუციონერს ენდარშვილის აფიცერს, რის შემდეგ აკლებენ კარცერში, სადაც სითბო აღწევს 35 გრადუსს და სადაც გამომძიებელმა ორი წუთი ვერ გასძლო. და აი, მიუხედავად ყოველი ინკვიზიციისა არ ტყდება.

ივანე ჯაბადარი იგონებს, რომ ციხეში ციციშვილი სულაც არ ნალელობდა თავის ძნელს გარეწობას. მას აწუხებდა მხოლოდ ერთი დარდი, რომ დაჭერამდე ვერ მოასწრო თავისი დიდი მამულის გაყიდვა და ფულის შეტანა რევოლუციის ფონდში. მაგრამ ამ საქმეს ახერხებს ერთი დღის წინათ სასჯელის გამოცხადებამდე.

რაც შეეხება ჯაბადარს, ზდანოვიჩს, მათი რევოლუციური რებუტაცია ყველასთვის ცნობილია.

ამ დროს პეტერბურგელ სტუდენტობაში აქტიურ მუშაობას ეწეოდნენ: ეგნატე იოსელიანი, ე. გამყრელიძე, ნიკ. ყიფიანი, ხომასურიძე და სხვა. ამავე დროს ეკუთვნის ცნობილი ანარქისტის ვარლამ ჩერქეზიშვილის გამოსვლა ნეჩაევის პროცესში. „ნეჩაევი თავის სანჩო ორლოვით, — იგონებს ეგნატე იოსელიანს — ჩვენთან ხშირად დადიოდა და ბევრნიც ვიცნობდით“-ო. ნეჩაევის პროცესში მრავალი ქართველი სტუდენტი იმსხვერპლა! (მათ შორის ორმა ადერბეიჯანელმა ჰაჯიბეგოვმა და იშხანოვმა თავი მოიკლეს).

ასეთ წრეებთან იყო დაკავშირებული ივანე მაჩაბელიც. მათთან ერთად ოცნებობდა რესპუბლიკანიზმის ილიუზიები, თუმცა მისი პრაქტიკული მოქმედება პასიურს საზღვრებს არ გასცილებია.

ჯერ კიდევ მისი გიმნაზიაში ყოფნის დროს, რუსეთიდან დაბრუნებული რევოლუციონერები: ჯაბადარი, ჩიკოიძე, რ. ფაველენიშვილი და სხ. მოწაფეებში დაუზოგველად ეწეოდნენ პროპაგანდას „ხალხში გასვლისა და რევოლუციის მოხდენისათვის“. ამავე დროს საქართველოში მოქმედობდა რევოლუციონერი დანილოვი, წითელ ხალხში გადაცმული, მიყრუებულს სოფლებში ის ქრისტიანული მოციქულივით ხალხოსნობის იდეებს ავრცელებს.

მათმა ენერგიულმა მუშაობამ რასაკვირველია, პროვინციაში ვერა გააკეთა რა სოციალური რევოლუციის მოსახდენათ, მაგრამ ახალთაობაში კი საჭირო ნიადაგი შეამზადა (მოიგონეთ მაშინდელი ფანატიკოსი რევოლუციონერი მოწაფეები: — ალექსანდრე მაყაშვილი (ნინა მაყაშვილის მამა) და სანდრო მირზაშვილი.)



ამიტომაც არ არის საკვირველი, როცა ივანე მაჩაბელი, როგორც მოწინავე ახალგაზრდა ხდება მონაწილე რევოლუციური მოძრაობის. მაგრამ გადაჭრით ვამბობთ, რომ ეს—ენტუზიასტი ნაროდნიკი აქტიური მოძრაობაში არ სჩანს და რამოდენიმედ შორიდანაც კი უჭირავს თავი ამნაშაგებობას. ეს მისთვის, რომ მაჩაბელი თავისუფალი იყო სპეციფიური რუსული ნაროდნიკული გავლენისაგან, ის არ ყოფილა ეროვნული ნიჰილისტი, ის თავის დემოკრატიულ იდეებს ნაციონალურს იდეალებთან ათავსებდა...

მით უმეტეს, რომ მისი ეროვნული ფორმულის გარშემო მალე თავი მოიყარა ქართველ ნაროდნიკების საკმაო ნაწილმა.

იდეალისტური (ნაროდნიკული) მოძრაობა მეტად მკაცრი ეპილოგიტ დასრულდა. წითელი კაპტანებით „ხალხში სვლამ“ ვერ გამოაღვიძა მძიმეთ დაყრუბული თოვლების ხალხი, რომელმაც არ მიიღო მათი თავშეწირვა, ისე როგორც დეკაბრისტების.

დამარცხებული არმია ეფარება ცენტრს პეტერბურგს, სადაც იწყობა მისი დიფერენციაცია. ნაწილი რევოლუციონერებისა ეწევა წაგებული ბრძოლის კრიტიკას, ტაქტიკის და მეთოდების გადასინჯვას, უმთავრესი ნაწილი კი, მათ შორის ქართული ალტრეისტული სტუდენტობა, ირყევა და იცვლის ფრონტს.

თუმცა ჯაბადარი, ჩიკოიძე, ჩერქეზიშვილი, ზდანოვიჩი და სხვა აქტივისტები ისევ განაგრძობენ დაუზოგველ ბრძოლას.

ამ ჩამოშორების ფაქტორი, შეიძლება ჩვენი რასიული ბუნების მიზეზებიც იყოს, რომელზედაც მიგვიითიბებს არ. ჯორჯაძე: „იქ (რუსებში) მეტი სიღრმეა, მეტი თავდადება, ენტუზიაზმი, რწმენა და თავგანწირვა. აქ ხერელობაა, თავდაჭერა: გატაცება და ენტუზიაზმი ხანმოკლე და თავისთავის დაზოგვა. შესაძლებელია ეს ძველის-ძველად გადმოცემული და ჩვენს დროში ახლად გაღვიძებული პატარა რიცხოვანი ერის თავდაცვის ინსტინქტის გადაფურჩქვნა. ჩვენი ინტელიგენტი ინდივიდუალისტია. ჯგუფობრიობა მის ბუნებას ეწინააღმდეგება. ჩვენ სრულებით არ ვგვეართ რუსეთის ინტელიგენციას. იქ „კრებულობითი“ დასაწყისია, აქ პირადი, იქ „თემობაა“ აქ „კერძობა“.

არც უარყოფაში, არც რაისამე აღსარებაში ქართველი ინტელიგენცია არ მიდიოდა ლოლიკურ უკანასკნელ დასკვნამდე, იგი მიდიოდა საშუალო გზით. ეს იყო არა მარტო იმიტომ, რომ ჩვენი ინტელიგენცია უფრო დაბლა იდგა კულტურულად და სულიერ დამოკიდებულებაში იმყოფებოდა რუსეთის ინტელიგენციასთან, ეს იყო იმიტომ, რომ ქართველს აქვს თავისი საკუთარი ტემპერამენტი და ხასიათი.

მას მეტად უყვარს საკუთარი თავი; საზოგადო საქმე ძალდატანებაა. იგი მალე ინთება, ხოლო უმაღვე ჰქრება. მისი ენტუზიაზმი უფრო ფიზიოლოგიურია, ვიდრე ფსიქიური. იგი შრომობს, ხშირად ბევრსაც შრომობს, ხოლო მის შრომას გაუტანლობის ნიშნები ატყვია. არ უყვარს საერთო მუშაობა. იგი ინდივიდუალისტია. ჯგუფობრიობა სულს უხუთავს. იგი განზე იწევა, არ უთმობს

სხვას იმას, რაც საჭიროა საერთო საქმის გაკეთებისათვის. და საერთო საქმე იმას არ ეხერხება.“



ეს ჩამოშორება არ იყო ღალატით იდეალის, პრინციპების, მხატვრული იდეის ჩამოშორება სპეციფიკური რუსული ნაროდნიკული ფიზიონომიის.

ამ „თვითგამორკვევაში“ არა ნაკლებ როლს თამაშობდა მაჩაბლის დამაჯერებელი დიპლეტიკა, რომლის ნაწილობრივი გავლენითაც ქართველი ახალგაზრდობა რადიკალურ დემოკრატიულ იდეებთან ერთად, ითვისებს ქართველ ერის პოლიტიკურსა და მორალურ ინტერესებს და ეროვნული ინსტინქტით გაღვიძებული, თავს აღწევს ყალბ მდგომარეობას. ყალბს, ვამბობ მისთვის, რომ თითონ ეს მოძრაობა იყო ყალბი, რადგანაც დარჩა ხალხის გარეშე.

ამ სიყალბეს ინტუიტურათ გრძნობდა მაჩაბელიც, როცა ის საქართველოში დაბრუნებული (75 წ.) გაცნობის მერე უწინასწარმეტყველებს ქართულს ხალხოსნურ წრეს: „ასეთს მოძრაობას დიდი ბოლო არ ექნება, მშრომელთა გამანთავისუფლებელი ჯგუფი, რომლის ჩანასახიც უკვე მოსჩანს რუსეთში გაიმარჯვებს და ბოლო მას ეკუთვნის“-ო. (სოფრომ მგალობლიშვილის „მოგონება“).

პეტერბურგელ სტუდენტობის გავლენით საქართველოში დაარსდა „ტეტიათა მოტრფიალეთა“ ორგანიზაცია. (იგივე „დიაკვნის შეილები“) მისი აქტიური წარმომადგენლები იყვნენ: სტეფანე ჭრელაშვილი, ნიკო ხიზანაშვილი, ვაჟა-ფშაველა, გრიგოლ ყიფშიძე, სოფრომ მგალობლიშვილი, ნიკო ლომაური, შაქრო გულისაშვილი, ნიკ. ხუდადოვი, ქ. ფურცელაძე, ნიკ. ხუციშვილი.

პოლიტიკური აზროვნებით ამავე ჯგუფთან ახლოს იდგნენ: გ. მაიაშვილი (ხდანოვიჩი) და ლალი (გიორგი ლასხიშვილი).

ორგანიზაციას ჰქონდა საკუთარი ორგანო „იმედი“ (1881—83 წ. წ.), რომლის პროგრამაშიც შედიოდა -- ხალხი და ხალხოსნობა. მან სასტიკი ბრძოლა გამოუცხადა „მესამოციანების“ ნაციონალურ ლიბერალიზმს, წოდებრიობას ლიტერატურაში და შემოიტანა ახალი ეკონომიური მოტივები.

მაგრამ ჟურნალი მალე დაიკეტა. მისი თანამშრომლებიც სხვადასხვა ბანაკებში გადავიდნენ. ამ ნაირად ჟურნალმა ვერ მოასწრო თავისი პოლიტიკური საბის კრისტალიზაცია. თუმცა ა. ჯორჯაძის აზრით, მეურნეობის ინტერესების გარდა, „იგი მზად იყო აღეარებინა სხვა ეკონომიური ფაქტორების მნიშვნელობის აღორძინების საჭიროება და მრეწველობისა და მუშათა საკითხის შესასწავლადაც ემზადებოდა“.

„თვითგამორკვეული“ ნაწილი ქართული სტუდენტობისა, ივანე მაჩაბელის ინიციატივით ქართულ ნაროდნიკულ ორგანიზაციასთან ერთად აარსებს ლიტერატურულს წრეს, რომელსაც ქართული კულტურის მიზნების გარდა ასევე ნაციონალური პოლიტიკური იდეალები ჰქონდა დასახული.

ჩვენ არ ვიცით, რამდენი ხანი არსებობდა ეს წრე, ან რამდენათ ანხორციელებდა თავის ჰუმანურს იდეალებს. ვიცით, რომ წრეში წაკითხულ იქმნა რამდენიმე რეფერატი, აგრეთვე პირველად ი. ჭავჭავაძის და ი. მაჩაბლის მიერ „ლირის“ თარგმანი.



ამავე წრის შესახებ შენახულა პატარა მიწერ-მოწერა ძმ. მაჩაბლებს შორის. ევროპაში აღორძინებულ მილიტარიზმის შიშით, მუხამედოვიძის საფრანგეთიდან ძმას, რომ ომიანობა დააბრკოლებს მისს და წრის — კულტურულ მუშაობას ხალხში.

მაგრამ ოპტიმისტი ძმა თითქოს ყურადღებასაც არ აქცევს ამ საშიშარს მოვლენას და მოუწოდებს, თითქოს გამეორებით:

„პირველი ჩვენი მეცადინეობა — ხალხის სიღარიბის მოსპობაში უნდა იყოს მიმართული. შენ კარგად იცი, ზოგიერთი ეს მიზეზები: უსწავლელობა, სომხის და ურიასაგან დავალიანება, რომელნიც სწოვენ უკანასკნელ სიცოცხლის ძალას და სხვა ამგვარი მიზეზები, რომელნიც შეიძლება შევამციროთ“!..

ამ წერილიდან საერთოდ ირკვევა, რომ გამოსული ქართველი ნაროდნიკები პრინციპიალურად არ გამოყოფილან რუს ნაროდნიკებისაგან. მათი ახალი თეორიები ისევ ნაროდნიკული ვარიაციებია. მხოლოდ მოქმედება სამშობლოში გადმოაქვთ. და ემსახურებიან არა რუსის „მუჟიკს“, ჯარამედ ქართველ გლეხს. მაგრამ მათი მოქმედება უფრო პასიურია. მათი პროგრამა მხოლოდ ხალხის დახმარებას წარმოადგენს და არა ხალხის აქტიურ მოწოდებას ბრძოლისკენ — ტერორისკენ, რომელიც ამ დროს რუსის ნაროდნიკებში დაიბადა სტიქიურად როგორც საჭირო ღონისძიება, გამოწვეული ცხოვრების საჭიროებით.

ამავე წრის დაარსების შესახებ დარჩენილია კერძო წერილი ილია ჭავჭავაძისადმი, რომელშიც გახარებული ვასილ მაჩაბელი ატყობინებს ქართველ რევოლიუციონერების მოტეხას და მობრუნებას ქართულ სინამდვილისაკენ:

„გიგზავნი ტკბილ ამბავს იმ განზრახვისას, რომელიც დიდი ხანია ჩვენ გულში დაბადებული იყო და იმედით იკვებებოდა. ეხლა ამ იმედმა დაბადა ქვეყნად ეს განზრახვა. მაგრამ როგორც იცი ახალ დაბადებულს დიდი ხელის შეწყობა და მოვლა უნდა. ეს ისეთი ფაქიზი და სათუთი აზრია, რომ თუ ამ პატარაობითვე გულმოდგენით არ მოვეკიდებით და არ მოუარეთ, შეიძლება კიდევ ხელიდან გამოგვეცალოს და მაშინ ვინ იცის კიდევ რამდენი ლოდინი მოგვინდება, მანამდის ხელმეორეთ. სხვა მზე არ დაათბობს და არ დაბადავს ქვეყნად ამგვარ ჩვენ სურვილს. ბევრჯერ გითქვამს საყვარელო ძმაო ილია ჩემთვის ამ გვარი საყვედური: პეტერბურგში სცხოვრობ და არ ცდილობ ქართველ სტუდენტობას ერთათ თავი მოუყარო და სამშობლო ენისათვის იზრუნო როგორმეო. არ შეიძლება პატარა საზოგადოება შესდგეს და საწყალ ჩვენ ლიტერატურას დაეხმაროსო. სწორე ვითხრა ეკალივით მერტო გულში შენი ამგვარი საყვედურიანი სიტყვა. აქამდინ სტუდენტობას ისეთი მიმართულება ჰქონდა, რომ ყველა ამგვარ აზრს დაცინვით მიიღებდნენ ხოლმე. იმათ მიმართულებაში საჭვეყნო კეთილის მოტანა ისმოდა. მამულისშვილობას და თავის სამშობლო ენის შესწავლას და გავრცელებას იმათ მიმართულებაში ადგილი არ ეჭირათ. არ ვიცი რა მიზეზის გამო მოგვხედა ახლა ბედმა. აქაურმა ქართველმა სტუდენტობამ გამოიცვალა თავის უწინდელი მიმართულება. იმათ ეხლა იარაღით გაიკეთეს სწავლის განვრცელება ყმაწვილკაცობაში. თავის მშობელი ენის შესწავლა და მწიგნობრობის დახმარება. ეს ისეთი ცხოვრების მიზნებია, რომ ვისაც კი

კოტაოდნად უღვივის გულში მამულის სიყვარული, არა მგონი არტაყებით არ მიიღოს ეს აზრი და გულით და ხელით არ დაეხმაროს მათ განზრახვას და სურვილის აღსრულებას. მით უმეტეს რომ აქ კანონის წინააღმდეგე არა არის რა. ამის გამო მეც ვართავ აქაურ ქართველ სტუდენტების განზრახვას და იმედია, რაც კი შენის მხრით შეიძლება დაეხმარები როგორც ბანკის ისრე სხვა გარეშე პირების შემწეობით“.

ხემოთ დამავიწყდა მეთქვა, რომ რუსეთის სტუდენტობაში, ამ გადმოხრისათვის დაუზოგავად მუშაობდა ქვაკუთხედი მაშინდელი ქართული აზრის — ილია ჭავჭავაძე. მართალია, იგი მომზრვა სოციალური და ეკონომიური კითხვების პროპაგანდის. აღიარებს ამ საკითხების ჩამორჩენასაც ეროვნული კითხვების განვითარებასთან, მაგრამ მისი აზრით ეს მიტომ მოხდა, რომ მაშინ ეროვნული მდგომარეობა უფრო საშიში იყო ვიდრე ეკონომიური. „ქონებით ჩვენი გლეხი — ამბობს ილია, უკან არ ჩამორჩება რუსეთის გლეხობას; მაგრამ აბა შეადარეთ ჩვენის ენის, ლიტერატურის, ჩვენის მეცნიერების და სხვა ეროვნულ ძალთა უფლებანი რუსეთისას და თქვენ მათ შორის დაინახავთ გაუზომელს მანძილსო“.

ილიას ფორმულას მხარს უჭერდენ ძმ. მაჩაბლები, მაგრამ მასიურმა ფსიქოლოგიამ ისე გადიყოლა დანარჩენი ეროვნული ნიღლისტები, რომ არავითარი იმედები აღარ იყო მათი დაბრუნების ნაციონალურ კულტურის წიაღში...

ეს „წვეროსნები“ (ასე უწოდებდნენ წვერის მოშვებისათვის) მთელი თავგანწირულობით ეწირებოდნენ რუსეთის ინტელიგენციის საქმიანობას, ეკარგებოდნენ ქართულ კულტურას და უმრავლესობა სამუდამოთ რუსეთშიც რჩებოდა.

მათი ეროვნული გრძნობის ატროფიით აღშფოთებული იყო ქართული პრესა, რომელიც ახალგაზრდობას შემდეგ დიღემას უყენებდა: „ან ჩვენმა სტუდენტობამ ხელი აიღოს თავის სამშობლო ქვეყანაზედ, შეუერთდეს რუსეთის სტუდენტობას სულით და გულით, დაჰქარგოს თავისება თავისი და განსაკუთრებით სულიერი სახე, გაუერთოს სიხარული და სევდა რუსეთის ახალგაზრდობას: იტანჯებოდეს იმით, რითაც იგი იტანჯება და უხაროდეს ის, რაც მას ახარებს; ან და გასდგეს მისგან, გასდგეს როგორც მიუდგომელი დამკვირვებელი და შემსწავლელი უცხო ცხოვრებისა, უცხო მოვლენათა და აკვირდებოდეს მათ იმდენად, რამდენადაც ეს საჭიროა თავის ხალხის ცხოვრების შესასწავლად. ორში ერთი: ან შეერთდეს რუსეთის ახალგაზრდობასთან და სწიონ ერთი ჭაპანი, ან შეადგინოს თავისი საკუთარი წრე, რომელსაც თავისი საკუთარი ინტერესები ექნება, თავისი ცხარე, გულის დამწველი საქმეები და მისთვის კეთილსინდისიერი მომზადებანი, როგორც ეროვნების წარმომადგენელს ჯგუფს, მის ხორცს ხორცთაგან და ძვალს ძვალთაგან“...

ნუ გავიწყდებათ, რომ ამას ლაპარაკობს ქართველ ნაროდნიკების ორგანო, რომელიც დღეს უკვე დიამეტრალურად წინააღმდეგია ძველი, რუსული იდეალების, თითქოს ივიწყებს მის გენეტიურს კავშირსაც და დღეს შეუბრალებლად მოითხოვს მისივე ბანაკის ხალხის არა თუ თვითგამორკვევას, არამედ მათს თვით გასამართლებასაც კი...

და „იმედი“ შეუბრალებლად განავრძობს: „ზოგნი ამ ორ გზის საშუალო



გზას ჰპოულობენ. შეიძლება ძალთამძლეობით ეს გზა შეესაბამებოდა ეხლანდელს ჩვენს დროებითს მდგომარეობას, მაგრამ საბოლოოდ, კაშვილის შეიქმნა რომ ვილაპარაკოთ, ჩვენი უღრმესი რწმენაა, რომ ჩვენ ხატრეხილად ვცვცხელა. თუ ძალადობა არ იქნება და მათ უკეთეს მსხვერპლის მიტანა აღარაფისთვის არ შეგვიძლიან“...

მაგრამ ნაროდნიკული ვაგლენა ი. მაჩაბელზე მაინც დიდია.

აიღეთ გინდა მისი შესვლა ბუნების მეცნიერების ნაწილზე. როგორც შემოთა ვსთქვით იგი „ხალხის სამსახურისათვის“ იყო გამოწვეული. აგრონომიის სპეციალური ცოდნით მაჩაბელი უნდა დაბრუნებოდა საქართველოს გლეხობას. გარდა დახმარების აღმოჩენისა, აგრონომიის ცოდნა მისთვის უნდა ყოფილიყო საშუალება ხალხთან დაახლოვებისა და პროპაგანდის.

ამ იდეალისთვის „შემდეგაც“ არ უღალატნია. აგრონომია მართლაც საუკეთესოდ შეისწავლა რუსეთსა და ევროპაში და უნივერსიტეტი კანდიდატის ხარისხით დაასრულა.

საქართველოში ჩამოსვლისთანავე მაჩაბელი კულტურულ მეურნეობის აგიტაციას ეწევა სოფლად და მეზობლების სამაგალითოდ აშენებს ევროპიულ ბაღს და იმავე დროს, (79 წ.) ჟურნალ „ივერიაში“ სისტემატიურად ათავსებს სამეურნეო ხასიათის წერილებს.

1874 წ. პეტერბურგის უნივერსიტეტის დანთავრების წელს, ახლათ ჩამოსული მაჩაბელი და რამდენიმე მისი ამხანაგი (ეგნატე იოსელიანი, დაეით და ქაინოსრო ფურცელაძეები, რომან ფაულენიშვილი და სხ.) ჯერ კიდევ პეტერბურგში დადებული პირობით ჰმართავენ არალეგალურს კრებას, მერეთში (ქართლი) გამოსარკვევად თუ რა სახე მისცენ მომავალ მუშაობას.

კრებაზე „ყველანი შეიფიცნენ თავისუფალი კულტურული მუშაობის წარმოებისათვის. ამაზედ მეტი გზა არ გვქონდა. ამ მუშაობაში უნდა გამოგვეცადა ჩვენი თავი, აქ შეგვეძლო დაუფარავად ხმის აწოდება და დაგვენახა არსებობის ნიადაგი ჩვენი მუშაობისათვის. კულტურული მუშაობა მით უფრო მოსახერხებელი იყო, რომ ყველანი სპეციალისტები ვიყავით ან ახლო მომავალში გავხდებოდით და არავის არ ეძლეოდა ეჭვის მოტანა ჩვენს მუშაობაზე. ამ პირველი ნაბიჯის გადადგმის აზრმა ცხოვრებაში, მეტად დაგვაკმაყოფილა. კრების დაშლის შემდეგ ვანო თამარაშენში დაბრუნდა და სოფელში ტრიალებდა, თუმცა დარწმუნებული ვიყავ, რომ მას სოფელში არ დასტოვებდენ“...

იგონებს ძველი რევოლიუციონერი ეგნატე იოსელიანი.

მის სოფელში „მუშაობას“ დღესაც იგონებენ გლეხები, რომელნიც მიამბობდნენ რა დახმარებას უწევდა მათ, როგორც ფულით, („ფულს უბეში ჩუმიად ჩაკვიდებდა“) რჩევით საუბრებით, ისე მფარველობით ვაკადნიერებულ ფეოდალებთან, რომელთაგანაც „არა ნაკლები დამცირება გამოუცდია ჩვენი გულისათვის. შემოდრიოდა ჩვენს ოჯახებში კარგა ხნით და დაწვრილებით იკვლევდა ჩვენს მდგომარეობას. ყველამ ვიცით, რომ ის ჩვენი გულისათვის პერანგს გაიხდიდა. ჩვენც ვაფასებდით, ვავედრებდით მის სიცოცხლეს“ — ამბობს გლეხი მინდიაშვილი.

მას არც შეუცვლია თავისი დემოკრატიული პრინციპები რომლის კრისტალიზაცია მოხდა საფრანგეთში, კომუნის სისტემის ელვარებით. ამ პრინციპების ტორეადორი იყო მუდამ. ამ პრინციპებისთვის მიიღო უწყვეტი მტანჯველი გვირგვინი, ამისათვის აფასებს ქართული თანამედროვეობაც, როცა „ბრძოლა გმირის ცხედარისათვის“ ჯერაც არ შეწყვეტილა...

მის კეთილშობილებაზე დღეს ლაპარაკობენ მისი სასტიკი მტრებიც.

ერთი მისი ძველი აქტიური მოწინააღმდეგე დღეს უკვე გადათეთრებული მოხუცი მთელი საათი დაფარული ცრემლების ქვეშ მელაპარაკა მაჩაბელზე. ეს იყო დაუსრულებელი ორატორია, რომელშიც მაჩაბელი მოსჩანდა როგორც ქრისტე, — ენტუზიასტი თავისი გმირული იდეალების, კეთილშობილი ტრიბუნი, რომელიც ითხოვდა საზოგადოებრივი სხეულის სენისათვის რადიკალურ ოპერაციას, მაგრამ მძინვარე იროდმა — ქართულმა საზოგადოებამ, მაჩაბელი ჩაქედა იოანე ნათლისმცემელივით და მისი დასისხლული თავი აჩუქა სალომეას...

დამსახურებული მსახიობი ქალი ელენე ჩერქეზიშვილი, ჩემდამი გამოგზავნილს მინიატურულს ნოგონებაში, იგონებს შემთხვევებს, როცა ი. მაჩაბელს ბანკის საჯარო ვაჭრობის დროს უსახსრო ხალხის მაგივრად შეჭქონდა თავისი უკანასკნელი ფული.

მსახიობ ქალს ბოლოს მოჰყავს ორი ეპიზოდი მაჩაბლის ცხოვრებიდან, რომელიც საუკეთესოდ ახასიათებს მას, როგორც რაინდს და კაცთმოყვარეს. თუროგორ გადაარჩინა მან გორი-ცხინვალის გზაზე ვინმე უბედური ქალი ავაზაკი ქმრისაგან, რომელიც ჰკლავდა დამბაჩით. „მაჩაბელი გადაელობა, მკერდი შეუშვირა და შესძახა: — აჰა, მე შესროლეთ და აქ კი ვერავის მოჰკლავთო“.

კიდევ:

ცხენით მაჩაბელი მაჩაბელი რა დაუზოგველობით გადაერია ატენილს ლიახვში თავისმკვლელ გლეხის ქალის გადასარჩენად...

პეტერბურგის პერიოდი მით უფრო საგულისხმოა, რომ აქ ხდება მაჩაბლის პროვიდენციული შეხვედრა ილია ჭავჭავაძესთან. ესეც დიდი დატაა მაჩაბლის ცხოვრებაში: სათავე მისი ტრიუმფალური დღეების და საიდუმლო ტრაგიზმის. მაგრამ ვიდრე ამ შეხვედრაზე გადავიდოდეთ, ჩვენ არ შეგვიძლიან გამოვტოვოთ ფიგურა მისი ძმის ვასილ მაჩაბლის, რომელიც იყო მთავარი მიზეზი ამ შეხვედრის და რომელმაც თავისი პატარა ძმა გიმნაზიაში, უნივერსიტეტში, როგორც იტყვიან „გამოზარდა“.

ვასილ მაჩაბელი დ. 1846 წ. ცამეტი წლის მიაბარეს ჰაკკეს პანსიონში, საიდანაც თბილისის გიმნაზიის მეოთხე კლასში შევიდა. გიმნაზიის დასრულების შემდეგ 1865 წ. პეტერბურგის უნივერსიტეტში, სადაც იურიდიული ფაკულტეტი დაასრულა 1870 წელს.

ვასილ მაჩაბელი მსახურობდა პეტერბურგში, იუსტიციის სამინისტროს უწყებაში, შემდეგ ნაფიც ვეჟ. ვ. გერარდის თანაშემწედ. 1876 წ. პეტერბურგის სასამართლო საოლქო პალატის ნაფიც ვეჟალთა რიცხვშია. 1886 წლიდან ვადმოდის თფილისში, მსახურობს იმავე უწყებაში და თანვე ეწევა სოფლად მეურნეობას (გარდ. 1915 წ.).



1872—91 წლამდე იყო პირადი ვეჭილი ნიკოლოზ დადიანის (მინგრელსკის) მანვე 1890 წ. ტყის მრეწველ პროფ. ილია თქრეშელაშვილთან ხელშეკრულებით მოახდინა ლეჩხუმისა და სვანეთის ტყეების კასელაციაცია.

ვასილ მაჩაბელი „მესამოციანეთა“ რიცხვს ეკუთვნის. მოწაფეობიდან თანამშრომლობდა „ცისკარში“, სადაც თარგმანებთან ერთად მრავალს ორიგინალურ მასალებს ათავსებდა. მანვე ქართულად გამოსცა ექ. რონჩევსკის ლექციები პიგიენაზე და კომბის „ბავშვების მოვლა“. იყო მუდმივი კორესპონდენტი გაზ. „დროების“ — „დროებითი პეტერბურგელის“ ფსევდონიმით, თბილისის ქალაქის ხმოსანი და ერთხანს კანდიდატი სათავადაზნაურო ბანკის დირექტორის..

ამ თვითციალურ ცნობების გარდა, — მას ცოლად ჰყავდა პოეტის ნ. ბარათაშვილის დისწული, (ვეზირიშვილის ასული) და მისი შვილია ცნობილი ემიგრანტი გიორგი მაჩაბელი, რომელიც საბჭოთა ხელისუფლებამდე იყო საქართველოს რესპუბლიკის ელჩი იტალიის მთავრობასთან.

მაგრამ ვასილ მაჩაბელი უფრო ცნობილი იყო თავისი ერთგული და ხანგრძლივი მეგობრობით ილია ჭავჭავაძესთან.

შენახულია ნაწილი მათი ოცი წლის მიწერ-მოწერისა, სადაც ეს ორი მეგობარი ერთმანეთს ასწრობს მეგობრობის და სიყვარულის დამტკიცებას.

„გულფიცხო, მაგრამ მაინც კარგო ჩემო მეგობარო ვასო“, „ჩემო საყვარელო ძმაო“, „კავკასიის მთების იქით ერთი ერთგული მეგობარი გყავს, რომელსაც ეძახიან ილია ჭავჭავაძეს“. „მე მიწამებია და მწიამს შენში ერთი დიდი სიკეთე: საზოგადო საქმეში შენს საკუთარს წყენას უპირატესობას არ აძლევ ხოლმე. ესა მწიამს, ამით მამართლე და ნუ გამკიცხავ“. — (ილია ჭავჭავაძის წერილები ვასილ მაჩაბლისადმი დავბეჭდე ჩემს გაზეთში. „ბახტრიონი“, №№ 18, 20 — 1923 წ.) ასეთი სიყვარულის აღიარებით სავსეა ჭავჭავაძის წერილები.

ილიას კავშირი მით უფრო სერიოზული იყო, რომ მეგობარი შეჰყავდა თავისი შემოქმედების ლაბორატორიაში, უხიარებდა თავის ლიტერატურულს იდეალებს და თითქმის ყოველს ახალს ნაწარმოებს უგზავნიდა პეტერბურგში, რაზედაც მისი მეგობარი დილექტანტურ კრიტიკას არ აყოვნებდა.

შენახულია ვას. მაჩაბელის წერილი ილიასთან „დიმიტრი თავდადებულის“ შესახებ: „სულთ და გულთ გილოცავ საყვარელო ძმაო ილიკო, ამ უკვდავი პოემის დაწერას. მაგისთანა შენ თავის დღეში არა გიჩუქებია რა ქართველები-სათვის. მე დარწმუნებული ვარ ყოველ მამულის მოსიყვარულე ქართველის გული გრძნობს შენდამი მაგისათვის დიდ სიყვარულს და მადლობას. ამ მოკლე სიტყვებით ცხადად დაინახავ რა შთაბეჭდილება მოახდინა ამ ჩრდილოეთშიც შენმა პოემამ.

ეხლა ჩვენი სანატრული ის არის, რომ მაგგვარი უფასო და უკვდავი საჩუქრები არ დაზოგოს შენმა მართლა და ნამდვილმა პოეტურმა ნიჭმა. ჩვენს დაჩაგრულს, მაგრამ მაინც კიდევ ტურფა ქვეყნისათვის და შენც გარიდოს ღმერთმა ყოველი სიზანტე და უქმეობა, რომელიც უღობავეს ნიჭს გხასა. ჩემი ლოცვა ეს არის და ვგონებ არც შენა სთქვა უარი მასზედ, რომ ნამდვილ და სასარ-

გებლო მამულიშვილებისაგან არა ქვეყანას და ნამეტნავედ ჩვენსას, სიზარმაცე და უქმეობა არ ეკადრება“...



მართალია, ვას. მაჩაბელი დილექტანტი იყო, რომელმაც დასათანადო შეფასება და გაგება ლიტერატურული მოვლენების. ამას ილიაც გრძნობდა, მაგრამ მისი პრაქტიციზმი, კერძოდ მისი ცხარე კრიტიკა „ივერიის“ ტექნიკურ ნაკლის, ილიასათვის ხშირად მისაღები იყო.

1873 წ. განათხულებზე, საქართველოს თავადაზნაურობამ გადასწყვიტა ბანკის დაარსება და ამ საქმის მეთაურად ამოირჩია ილია ჭავჭავაძე, რომელიც იმავე ზათხულს გაენგზავრა რუსეთს, საბანკო ოპერაციების შესასწავლათ.

პეტერბურგში ილია ჩვეულებისამებრ დაბინავდა ვასილთან: აქ მოხდა მისი პირველი შეხვედრა ივანე მაჩაბელთან.

ილია გააკვირა მაჩაბლის დიდმა კულტურამ, და ლინგვისტურმა ერუდიციამ, მით უმეტეს შექსპირის თარგმანის იდეამ. იგი მაშინვე დათანხმდა მაჩაბლის წინადადებაზე „ლირის“ ერთად თარგმანის შესახებ. ორივენი შეუდგნენ ინტენსიურ მუშაობას და მოწამის, ვასილ მაჩაბლის სიტყვით „ორს თუ სამს თვეში მოათავეს“... (ამ შეხვედრაზე კიდევ მოგვიხდება ლაპარაკი ცალკე თავში, „მაჩაბელი და შექსპირი“.)

მაგრამ „დავითისა“ და „გოლიათის“ შეხვედრა ლირთან თავდება. ილია საჩქაროთ დაბრუნდა საქართველოში, სადაც ახლათ დაარსებული ბანკის მოღვაწეობა ელოდა, მაჩაბელი კი რამდენიმე ხნის შემდეგ ევროპაში გაენგზავრა...

ამას შემდეგ 19 წლის მაჩაბელის და 36 წლის ილიას შორის ფაქტალური კავშირი გაიბა და მათი ლიტერატურული იდეალებიც ერთი გახდა.

ეგოტიური და „მიუკარებელი“ ილია, შემქნელი უკვე ყველა შედეგების, ფხიზელ ყურადღებას ადევნებს მაჩაბელის ცხოვრებას ევროპაში. თავის მხრივ რეგულიარულათ უგზავნის „ივერიას“, და ყოველს წერილში ვასილ მაჩაბელთან მზრუნველობით მის ამბებს კითხულობს. ვასილიც არა ერთხელ ატყობინებს: „ჩემმა ძმამ სიყვარულით მოგიკითხა“, „ჩემი ძმის საქმეები ძალიან კარგად მიმდინარეობს“. „ჩემი ძმა ეხლა პარიჟშია და აპრილში ბორდოსაკენ გამგზავრებას აპირობს ღვინისა და ვენახის შესწავლისათვის“.

ი. მაჩაბელიც აუფასებს ნაესტროს სიმპატიებს: „ილიკო ჭავჭავაძე სიყვარულით მომიკითხე“, „ძალიან მიამება, რომ ილია ჭავჭავაძის ლექსი როგორმე გამომიგზავნო“ — სწერს ძმას საფრანგეთიდან. (78 წ.)

საერთოდ ილია თავდაქერილობით ექცევა მაჩაბელს და პირადად მასთან მიწერ-მოწერაც არა აქვს. 1877 წელს ილია სწერს ვასილ მაჩაბელს: „ვანოს წიგნების (წერილების) ქებას იწერები, ვიდრე ამას შენ მოიწერებოდი, ჩვენმა ავალოვმა დიდი ქება მითხრა მაგ წიგნებისა.“

რა კარგი იქნება რომ ეგ წიგნები დამაბეჭდვინო, თუ შესაძლებელია და თუ ვანო ნებას მომცემს. მისწერე შენად და ჩემად მოგვეშველოს როგორმე. ჭკვიანი ბიჭია და ამასთანაც კარგი კალამის პატრონი — ჩვენთვის ვანო დიდი

ნუგეში იქნება. ჰსთხოვე, შეეხვეწე ჩემს მაგიერ რომ სტატიები გამოგიგზავნოს."

ცხადია, შექსპირის თარგმანების გარდა, ი. მაჩაბელს, სწავლა შეუძლებელიც ჰქონია, რომ ილიას უკვე ჰქონია წარმოდგენა „კარგი კალმის პატრონის“. რა წერილებია, რომელსაც ილია სთხოვს ვ. მაჩაბელს ან დაიბეჭდა თუ არა, არ ვიცით...

მაგრამ თითქმის იმავე წლებში (1 თებერ. 1877 წ.) ვასილ მაჩაბელი იწერება დასთან: „ვანო კარგათ არის და ჩინებულად მიჰყავს თავისი სწავლის საქმე. ბედნიერებაა კაცისთვის იმგვარი ძმა ჰყავდეს, როგორც ვანო არის. იმის წიგნები რამჟაში ჩასადები ანუ დასაბეჭდია“...

რომ ილია დიდს იმედებს ამყარებდა მაჩაბელზე, ამას ამტკიცებს სოფრომ მგალობლიშვილის მოგონებაც: „როცა ილია „ლირის“ თარგმანის შემდეგ პეტერბურგიდან ჩამოვიდა სიამოვნებით გვახარა ივანე მაჩაბლის შესახებ, რომ ჩვენს საზოგადოებას და ლიტერატურას ევლინება შესანიშნავი ნიჭიერი კაცი, ენების მცოდნე, ფხიზელი მოაზროვნე და ნაყოფიერი მწერალიო“. (სოფრომ მგალობლიშვილი. „მოგონებანი ილიაზე.“ გაზ. „ბახტრიონი“ № 10.)

დაუბრუნდეთ ვასილ მაჩაბელს...

როგორც პეტერბურგში, ისე ევროპაში უჩვეულო მზრუნველობით დასტორიალებს ძმას და ყოველნაირათ კდილობს ნიეთიერი მდგომარეობა შეუმსუბუქოს. მაშინდელი მისი წერილები ძმისა შეიცავს მხოლოდ ამ ფიქრებს, ამ საკითხის გარშემო საქმიანობას და ფულის გაგზავნის ოპერაციებზე ლაპარაკს: გამოგიგზავნე ასი მარკა. ეს ასი მარკა თუ აგვისტოს თხუთმეტამდინ გეყო ხომ რა კარგი, თუ არა მომწერე რამდენი კიდეც დაგჭირდება სხვადასხვა სახარჯოთ: მაგალითად სურათებზე, წიგნებზე ანუ სხვა მე და შენ რომ ვიცით იმ საგანზედ, ამის ხარჯს და რაც პარიჟამდინ მოგიინდება საგზაო ფული ამას მარკებით გადმოგცემ. დანარჩენს კი ვექსილს გამოგიგზავნი ფრანკების მისაღებათ. ამ ვექსილით მხოლოდ პარიზში მიიღებ ფულს დანიშნულ ბანკირიდან, რომლის ადრესსაც ვექსილის გამოგზავნის დროს გაცნობებ.

მე იმედი მაქვს რაც უნდა იყოს ხუთას ფრანკიდგან, ექვსას ფრანკამდინ მოგიხერხო. ეს ფული იქნება ოქტომბრის ნახევრამდინ იმყოფინო, ოქტომბრის გასულს კიდეც გამოგიგზავნი პარიზში ორის თვის საგძალს. ასე რომ ორ-ორ თვის ხარჯს პარიზში მიიღებ ხოლმე“...

„.....ცხრა მარტამდინ გამოგიგზავნი ას მარკას და პირველ აპრილისთვისაც იმედი მაქვს ხუთასი მარკა მოგაშველო და ამაობით აგვისტომდინ იქნება იმყოფინო ეს ექვსასი მარკა.

აგვისტოში კი შეიძლება კიდეც საპარიჟოთ ერთი ოცი თუნამდინ გიშოვნო (რასაკვირველია ჯერჯერობით). თუ ვინიცობაა შენის ანგარიშით ეს ექვსასი მარკა არ გეყოფა აგვისტომდინ, მაშინ მომწერე კიდეც რამდენი დაგაკლდება.“

მიუხედავათ მისი ლამენტაციებისა: „რომ ჩემი მდგომარეობა ეხლა გავს დღიურ მუშის მდგომარეობას. დღესა მაქვს, ხვალ არა და ამგვარ მდგომარეო-

ბაში მეოთხე კაცს, რაც უნდა კაი სურვილი მოსდიოდეს ძნელია მისი ასრულება. არ ვიცი როდემდისინ გასტანს ამგვარი ჩემი ცხოვრებასთან ბრძოლა და ან ვინ დარჩება ბოლოს გამაჯვებულნი?"

ფულის ოპერაციებზე წერაში მას ხშირად უყვარს სოროლის ჩარევა:

„კაცმა ყოველ მოვალეობის წინადაც უნდა დამჯდარი ჰქუით და გონებით გასინჯოს შეუძლიან იმ მოვალეობის ასრულება თუ არა? იმას ყოველთვის სახეში უნდა ქონდეს როგორც თავის ინტერესი, ისრე მომეტებულათ სხვისა.“

რაც უნდა წმინდა სურვილი ჰქონდეს, უნდა ამ სურვილის ასრულებამდისინ დაფიქრდეს თავის მომავალზედ, წარმოიდგინოს თავის მდგომარეობა და ნამეტნავად იქონიოს კაცობრიული სვინდისი, რომელიც უნდა მიუძღოდეს ფარნად ყოველ გონიერ და სვინდისიან კაცს მთელ თავის სიცოცხლეში და რასაკვირველია შემდეგ ამისა თუ დაინახა, რომ ის ვერ ასრულებს იმ მოვალეობას, რომელიც მოსდევს მის სურვილი ასრულებას, მაშინ უნდა მას თავი დაანებოს.

მართალია, ამგვარი მსხვერპლად შეწირვა თავის სურვილისა, ბევრს არ შეუძლიან, რადგან მათი გულის წადილი აჩრდილებს და აუქმებს ყოველგვარ გონივრულ სჯას. ისინი ამ შემთხვევაში არასოდეს არ ფიქრობენ მომავალზედ და მთელ თავის სიცოცხლეს აბარებენ თავის ბედს“...

ასეთი მგვობრიული ღარიგებებით არის აჭრელებული მისი ეპისტოლეები ძმისადმი. უკანასკნელიც საკმაოდ გათამამებულია, რომ მოურიდებლათ მოსთხოვოს:

1872 წ. ზაფხულში ის ტვერის გუბერნიიდან (ქ. ოსტაშკოვო, სადაც რეპეტიტორად იყო პერევერხოვებთან, იგნატიევებთან) სწერს ძმას:

„აქ ტანისამოსი ძალიან მჭირდება. ძველებში სიარული ამათში მგონი ძალიან სირცხვილია. შალვარი არ დამჭირდება; სერთუკი და ფილეტკა კი ძალიან საჭიროა. წიგნები შეგიძლიან არ გამომიგზავნო, რადგან რაც აქა მაქვს ის მეყოფა და თუ ან „კრებულის“ ან „ღროების“ აბალ ნიმუშებს გამომიგზავნი როგორმე, ძალიან დაგიმადლებ“...

პარიზიდან (78 წ. 20 მარტი) სწერს: „სამის თვისა რომ გამომიგზავნე, ის რასაკვირველია მეყოფა სამის თვისათვის—აპრილის გასვლანდინ, მაგრამ იმაზედ კი ჯერ ვერას მოგწერ რამდენი მომინდება პარიეს გარეთ... თუ შეიძლება, ემჯობინება რომ მალე გამომიგზავნო გზისათვის და პირველი დასახარჯავი“.

ბოლოს ჩვეულებრივი იუმორით უმატებს: „სიამოვნება მომიმატა იმ ამბავმა, რომ ბეჯითად მპირდები პარიეში მოსვლას, სადაც თუ შენებური დონეუანობა დაიწყე, წინდაწინვე მომილოცავს გამარჯვება. მეტადრე თუ ჩერქეზული ტანისამოსის წამოლება არ დაგავეწყდა“...

როლი ერთგული ძმის შემდეგაც გრძელდებოდა.

„ბანკოვიადის“ დღეებში, როცა ქართული საზოგადოების დიფერენციაკია მოხდა მაჩაბლიზმის და ჭავჭავაძის ნიშნით, ვას. მაჩაბელმა ძმისთვის გასწირა ილიას მეგობრობა და გახდა აქტიური წევრი ოპოზიციის, რომლის საქმეებზე ის ენერგიულად მუშაობდა პეტერბურგში: ს. ვიტტესთან, სენატში და დეპარტამენტში.

ამავე დროს პეტერბურგის უმაღლესს წრეებში ცდილობს „დროების“ ახალი ნებართვის შოვნას.

მისი დახმარებით კმაყოფილი ი. მაჩაბელი სწორედ ამ დროს უნდა გადაუხადოთ იმ შემთხვევას, რომელმაც შენ ეხლა პეტერბურგში სადაგტოროცნა. უშენოთ საქმე წაგებული იყო. კიდევ და კიდევ მადლობა ღმერთს, რომ შენ წახვედი...

საინტერესოა, რომ ვასილ მაჩაბელს თავისი ძმის სიყვარულის და ხსოვნის აღსანიშნავად, დუწერია მაზედ მემუარები, რომელსაც ტასო მაჩაბელთან კერძოდ წერილში იხსენიებს: „ჩემი მოგონებანი, რომელიც ამას წინაღ წაეიკითხე და რომლიდანაც შეიძლება ვანოს ბიოგრაფიისათვის ცნობების ამოკრეფა, ჯერ ისევ გასასწორებელი და გადასათეთრებელია, ასე რომ გადამწერი, თუ იქვე მე თითონ არ უჩვენე საიდან სად გადავიდეს და წაიკითხოს, ვერას გაიგებს“.

შემდეგ: „თუ ღმერთმა ხელი გამიმართა და ჩემი საქმეები გამოკეთდნენ, მაშინ უფრო მეტი დრო მექნება, ჩემს მოგონებაში ვრცლად დავანახო საზოგადოებას, რა ღვაწლი, შრომა და სამსახური მიუღვის ჩემს უბედურს ძმას ვანოს თავის სამშობლოს წინაშე და ან როგორ უსამართლოდ და თითქმის ვერაგულად მოექცნენ ის პირნი, რომელთაც თითქო პირზედ ეკერათ სამშობლოს სიყვარული, მისი კეთილდღეობა და მეცნიერება“. (1913 წ.).

სამწუხაროდ ეს მიწერმოწერა დღეს დაკარგულად უნდა ჩაითვალოს...

მაშინდელს პეტერბურგის უნივერსიტეტში, თითქმის ყოველს ფაკულტეტს თავისი მნათობი ჰყავდა: მენდელეევი, რიხტერი, ა. ბეკეტოვი, ვაგნერი, ფოშნიცონი, პეტრუშევსკი, ოვსიანნიკოვ, კესლერი და სხ.

მაჩაბელი გულმოდგინედ ისმენს მათს ლექციებს და მთელს უნივერსიტეტში შემჩნეულია, როგორც მოწინავე სტუდენტი.

„ამხანაგებში იყო ენერგიული, მზიარული და სტოიკი. მაშინდელ ახალგაზრდობაში, როცა სტუდენტები გაშვებული წვერით კიდევ შავ სათვალეებს იკეთებდნენ მელანქოლიის გამოსაჩენად, რაც მაშინ მოდაში იყო, ივანე მაჩაბელის ტემპერამენტი პირდაპირ ირჩეოდა“ — ამბობს მისი პეტერბურგელი ამხანაგი.

ბუნების მეცნიერებისა და იურისპრუდენციის გარდა მაჩაბელი სწავლობდა თანამედროვე ლიტერატურას. მას ხშირად კაველინის ლექციებზედაც შეხვდებოთ. საინტერესოა მაშინდელი მისი ბიბლიოთეკის შემადგენლობა. (რუსი ავტორების გარდა) დიკენსი, ფორეზანდ, ჟოანსუა კოპპე, გეტე, რუსსო, შილლერი, ბაირონი, გოლდონი, დანტე, ოვიდიუს ნახონი, მიუსსე, მოლიერი ჰეინე, ციცერონი, ბერანჟე.

პოლიტიკურ ლიტერატურაში: ჰეგელი, ბოკლი, ჭურიე, ლამენზე პრუდონ, ლუი ბლან, სენ-სიმონი, მიშლე, შტრაუსი, ოგიუსტ კონტ, მისტვისე ნაცნობი იქნებოდა სახელები: რენან, მერიმე, ზოლა, მილლ, რომელთაც შეხვდებოდათ მაშინდელ „გრაჟდანიის“ ფურცლებზე

დ. გურამიშვილის სიტყვით, პარიზში ყოფნის დროს ი. მაჩაბელს ებადება განზრახვა ბალზაკის გადმოთარგმნის ქართულ ენაზე.

პეტერბურგში სხვა წიგნებთან ერთად სთარგმნა შატემანის, ვიქტორ ჰი-

ნაჩაბელის იდეალი რუსულ ლიტერატურაში დოსტოევსკი იყო. პირველი მკითხველი სტუდენტობაში მაჩაბელი იყო. ეს გატაცება თითქმის ვალმერთებაში გადადიოდა. მაშინდელი რუსის სტუდენტობა დოსტოევსკის პლანზე ენდობოდა იმ შეურაცყოფის გამო, რომელიც მას რასკოლნიკოვის „სამსიბუქის“ შეყენა. ზოგიერთი ჩვენგანი ამტკიცებდა კიდევ, რომ დოსტოევსკი „მოავრობასთან გვასმენდა“, რასაკვირველია, მაჩაბელს ამისი გავონებაც არ უნდოდა. და თითონ არა ერთხელ უამბნია, როცა ზამთრის მძიმე დღეებში ის უკან მიყვებოდა დოსტოევსკის და ხშირად იამსკაიამდეც (სადაც იდგა დოსტოევსკი) აცილებდა. — ერთხელ გადავწყვიტე კიდევ მასთან მისვლა, მაგრამ ველარ გავბედე. მისი ჩვეულებრივი წყნარი გამომეტყველება სახისა, იმ დღეს მეტისმეტათ სასტიკი შეჩვენა“-ო.

პეტერბურგში ანავე დროს სცხოვრობდა პოეტი ნეკრასოვიც...

სხვათა შორის აღსანიშნავია მაშინდელი ქართველი სტუდენტობის დიდი გატაცება რუსული ლიტერატურით.

საუკეთესო დამახასიათებელია სტრიქონები ახალგაზდა ნიკო ნიკოლაძის, რომელიც თითქმის იმავე ნაწერებში (1873 წ.) სწერდა:

„ყველაზე უფრო მიზიდავს მე პეტერბურგში იქაური მწერლის ბედი და მდგომარეობა. მე რაღაც უცნაური სურვილი მაქვს მის ხასიათს და მსვლელობას ვაკვირდებოდე და იმის წარმატებას ყოველთვის მხიარულებაში მოვყევარ, აგრეთვე როგორც მისი უბედობა და სისუსტე გამოუთქმელათ გულს მიჩაგრავს და პიროვნათ (?) მე თვითონ ჩემს თვალში მამდაბლებს“.

ნიკოლაძის აღსარება დამამტკიცებელია მაშინდელ ქართველ და რუსულ ინტელიგენციის იდეალების ორგანიული კავშირის. დამახასიათებელია ისიც, რომ ნიკოლაძის და რუსი ინტელიგენციის შეხედულება მესამოცდაათიან რუსულ ლიტერატურაზე ერთიანდება იმ პროტესტის გამოცხადებით, რომ რუსულმა ლიტერატურამ „ხნეობითი აღზრდა დაივიწყა“, რომ ბელინსკის და ჰერცენის მორალური იდეალების შემდეგ, რომელმაც რუსულ ცხოვრებას ისტორიული კვალი დაასვა. უმწეოა მისი თანამედროვე („სამოცდაათიანი წ.“) იდეოლოგია.

„დღევანდელი მწერლობა კი... იმ ადგილას, სადაც მაშინ საზოგადოების გამწვრთნელი და აღმზრდელი ხმა ისმოდა, სადაც კაცი ავის შეზიზღებას და კეთილის სიყვარულს ეჩვეოდა, სადაც მის გონებას ახალი პორიზონტი და მის გონებას ახალი ასპარეზი ეშლებოდა, დღეს ჩვენ ვხედავთ დაფქვილი ძვლების ნაკლათ გამოყენების სწავლას, დღეს ჩვენ პიროვნული წვრილმანი თავმოყვარეობისა და უღარდელი, უმიზნო, უგაველნო და უმომავლო ჯღაბნა ბეჭდვას ვესწრებით. პაწაწინა კაცები დღეს პაწაწინა საგანზე პაწაწინა მოაზრებას გამოთქმენ, და მათ პაწაწინა წრე პაწაწინა წუთის განმავლობაში გართულ და უყურადღებო თვალს ადევნებს. ეს პაწაწინა მწერლები დაექანებიან უგზო-უკვლო თანამედროვე ცხოვრების მინდორზე. და ხან ერთ უმნიშვნელო საგანს, ხან მეორე უაზრო მოვლენას სტაცებენ ხელს, რომ მათზე უბეირო და უნიჰო აზრების ან სიტყვების გამოროტვა შეიძლონ. იმათ ელამ და ბრმა თვალსწინ შეუმჩნეველად გარბის თანამედროვე ცხოვრების უპირატესი ნოვლენები, უძვირფასესი შემ-



თხვევები, და იმათ არაეინ ნიშნაეს, ხელს არაკაცი ჰკიდებს, რომ მომავლის სასარგებლოთ მათგან გამოსადეგი დასკვნა გამოიყვანონ. უკრწნუშლქ

საზოგადოების ხნეობითი აღზრდა დავიწყებულია. მასწავლებლებრივ გრძნობას, მომავლისათვის დამარაგებას, საერთო შრომისა და ბრძოლისთვის დამზადებას არაეინ ქადაგობს. საზოგადო მიზანს და საქმეს, უმთავრეს საჭიროებას და მზადებას წინ ამოფარებია ყველას თვალში გაუგებარი და გამოუკვლეველი წვრილმანი ფაქტების გროვა. ყველა ფორთხავს, ყველა მთის ქედს ეზიდება, ყველას იმ სიმაღლეზე ასვლა სურს, სადაც სულის ჩამდგმელი ჰაერი ქრის, მაგრამ ყველას თვალწინ ბუჩქები და ტყის შტოები უდგია, ყველას დამკვანარი და ჩამომხნარი ფოთლები და ხეები თვალს უხვევენ და პირისახეს უკაწრავს, არაეინ თვალს წინ მთის სახე არ უდგია, გავლილი გზის გაგება არა აქვს, არც დარჩენილი სიმაღლის და დაბრკოლებების წარმოდგენა. ყველა მარტო იმას გრძნობს, რომ აღმართია, რომ ამ აღმართზე ასვლა საჭიროა, მაგრამ ძნელია. მაგრამ არაეინ არც იმისთანა შორს გამჭვრეტი თვალი და სიმაღლე აქვს, რომ ბუჩქებსა და ხეებს გადაღმა მიზანი დაინახოს, არც იმდენი მიხედლობა და თავგამომეტება, რომ გამობრუნდეს, შორიდან მთელ მთას თვალი აავლ-ჩაავლოს, მისი სიმაღლე და ხასიათი შენიშნოს, მისი სურათი დაინატოს და ამნაირათ გამოცდილი, დამარაგებული, გზა უჩვენოს, იმედი მისცეს, ღონე მოუმატოს და მიზნამდი მიიყვანოს“... (ნიკო ნიკოლაძე „სხვათა შორის“ „კრებული“ 1873 წ.)

74 წ. თამარაშენში შემდეგი ცვლილებანი მოხდა: მაჩაბელს გარდაეცვალა მამა სწორედ იმ ხაფხულს, როდესაც უნივერსიტეტ დამთავრებული ჩამოვიდა სამშობლოში ერთი წლით, — „აქაური ცხოვრების შესასწავლად“.

სიკვდილის წინა თვეებში შეიღებმა გაჰყარეს მამა თავის ძმებს იასეს და ალექსანდრეს. გაყრაში გარდა საოჯახო ვალებისა არაფერი არგუნეს, რადგან უამისოდ ძმები გაყრაზე არ თანხმდებოდნენ. უბედნოთ დარჩენილი მამა დროებით უნდა შეხიზნებოდა ძმას იასეს და შემდეგ კი სადმე დაბინავებულიყო...

მაგრამ ამ დროს ვასილ მაჩაბელს, ახლათ გამოსულ ნათიც ვექილის თანაშემწეს, „საქმეების გამოჩენით“ ბედმა გაულიმა. ძმებმა ააშენეს პატარა სახლი, მოიშორეს ყველა ვალები და გადასწყვიტეს იმავე შემოდგომაზე ვანო გერმანიაში გამგზავრებულიყო.

მაჩაბელმა გერმანიაში აირჩია ჰოჰენჰეიმის აკადემია შტუტგარდტის მახლობლად, სადაც მხურვალეთ შეუდგა მეურნეობის ნაწილის შესწავლას.

ჩვენს ხელთ არის ორმოცი წერილი ჰოჰენჰეიმის პერიოდის, მაგრამ როგორც ამ წერილებიდან მტკიცდება, მისი მთავარი ყურადღება მიქცეულია უმთავრესად ენებისა და მეურნეობის შესწავლაზე და ჰოჰენჰეიმში დახარჯული ორი წელიწადი მაჩაბელმა მეურნეობის პრაქტიკულ შესწავლას მოანდომა.

პოპენჰეიმიდან იგი გაემგზავრა ჰიბოდიერში (საფრანგეთი) რამდენიმე თვით მევენახეობის შესასწავლად, და მონპელიეში, სადაც რამდენიმე წელიწადი მუშაობდა მედიცინას. საიდანაც (181.) ბრუნდება პარიზში მსოფლიო გეოგრაფიის (ტრუკადერო). პარიზის პერიოდი ბევრად უფრო ნაყოფიერია.

დავიწყებ ლაპარაკს იმ მშვენიერი მოგონებით, რომელიც გამომიგზავნა ივანე მაჩაბელის მეგობარმა, ძველმა საზოგადო მოღვაწემ დავით გურამიშვილმა „ჩემი მაჩაბელთან გაცნობა მოხდა 1878 წელს, პარიზში...“

საქართველოდან წასულს მქონდა მისი მისამართი და სადგურიც პირდაპირ მივაშურე ამ უცნობ მახლობელს. ვანო შინ არ დამხვდა. ვადავწყვიტე მომეცაღნა. არ გაუვლია დიდხანს, რომ ვანომაც შემოაღო კარები. თითქოს ეხლაც თვალწინ მიდგეს: მაღალი, გამხდარი ტანისა, სახე მოძრავი და ამეტყველებული, მე ვიტყვოდი, აღელვებული.

პარიზში იმ დროს ჩვენებური კაცის შეხვედრა დიდი სიხარული იყო ხოლმე. ვანო ალტაცებაში მოვიდა... აღელვებულის ხმით მეკითხებოდა სამშობლოს ამბებს. პირველი დღიდანვე ჩვენი გაცნობისა ძლიერ დავმეგობრდით. საერთო მრავალი აღმოგვიჩნდა და განუყრელნი გავხდით. ვინ იფიქრებდა, რომ ჩვენ მხოლოდ რამოდენიმე საათის მეგობრები ვიყავით.

ვანო ეკუთვნოდა ისეთ პირთ, რომელთა საუბარი ჭსთეტიურ სიამოვნებას ჰგვრის, ვისთანაც მზადა ხართ მეგობრულ მასლაათში გადაივიწყოთ ყოველგვარი საქმე, სამსახური, ძილი და დაუსრულებელ ოცნებაში შესცუროთ.

ვანოსთან საუბარი არ იყო უბრალო დროს დაკარგვა: მას თქვენ შეჰყავდით თავის აზროვნების ლაბორატორიაში და ალტაცების ტალღები მიგაფრენდნენ დაუსრულებელ სივრცეებისკენ. მე მახსოვს ბევრი საღამო და ღამეც პარიზის ქუჩებში ვანოსთან ერთად გატარებული.

პარიზი მაშინ ჯერ კიდევ ჰგრძნობდა კომუნარების ტრალედიას. დიდი რევოლუციის ასპარეზი აქ იყო. ყოველი ისტორიული ნაშთი, თუ ადგილი, იწვევდა ჩვენ შორის აზრთა გაცვლას. ვანო ყოველთვის იყო საინტერესო, გულწრფელი და მოაზროვნე უაღრესად.

საქართველო, — მისი წარსული და მომავალი, ხშირად იყო ტემად მისი გატაცებულის საუბრისა. მე არ მახსოვს პატრიოტი უფრო გულწრფელი. მის პატრიოტიზმს ამბობდა არა მარტო მისი მჭევრმეტყველება მეგობართა შორის, არა, სულითა და გულით ვგრძნობდით მისი მეგობრები, თუ რაოდენი სიყვარული იყო ვანოს გულში საქართველოსადმი.

ვანო იყო პარიზის იმ დროინდელი ქართული კალონიის სულისკვეთების გამომხატველი და ერთ-ერთი თვალსაჩინო წევრი. მის გულს კეთილს, გონებას გახსნილს და ნათელს — დამსახურებული ჰქონდა საერთო სიყვარული.

მაგონდება ერთი შემთხვევა. პარიზში, იქ ვადაცვლილი შვილის ცხედარის წამოსაღებად საქართველოში, ჩამოვიდა თავადი ალექსანდრე ერისთავი, გორის მარშალი. წარმოიდგინეთ ეს ფეოდალიზმის ღვიძლი შვილი პარიზის სინამდვილეში და ის აუარებელი კურიოზი, რომელსაც ადგილი ჰქონდა. ვანო ამ მძი-

მე მგლოვიარე თავადის ნამდვილი ლალა გახდა და ისიც მივედლა მას, როგორც საიმედოს.

ყველა ნახულობდა ვანოში გულკეთილობას და გაეცხრა როგორც ბევრ სხვა დიდბუნებოვან ადამიანთ, ახასიათებდა არაჩვეულებრივი მიმზიდველობა.

ყველას აბარებდა მასთან ყოფნა და საუბარი. პარიზის იმ დროინდელი ახალგაზრდობა გატაცებული იყო ხალხის სიყვარულით და „ხალხში წასვლის“ სურვილით. ვანოც არ წარმოადგენდა გამონაკლისს.

ჩვენ ერთად დავიარებოდით ლექციებზე სორბონაში და კოლეჯ დე ჟრანსში; მერე მოსმენილის შესახებ ემართავდით დაუსრულებელ კამათს, — საქართველოს სინამდვილეში თუ როგორ გამოგვეყენებინა ევროპიელთა მიერ ნააზრევი თეორიები.

მე მხატვრობას ვსწავლობდი და გარდა ამისა ვუსმენდი ლექციებს ჰუმანიტარულ მეცნიერების დარგებიდან. ქართველობა ხშირად ვიკრიბებოდით და ვმსჯელობდით. ვანო უკვე მოსჩანდა — ენებიანი და გატაცებული საზოგადო მოღვაწე.

მეცნიერული მუშაობით გართულს და ოცნებით გატაცებულს ვანოს ვხვდებოდით ერთი წლის განმავლობაში.

შემდეგ ვანო წავიდა მონ-პელიეში აგრონომიული კურსების მოსასმენად. ახლაც ვიგონებ განშორების წუთებს, მაგრამ ვერ შესწავლიტა ჩვენი ურთიერთობა და მეგობრობა. ვანო მონ-პელიედან მიგზავნიდა ცეცხლოვან წერილებს, ამ წერილებში მოსჩანდა მისი სულის სიღამაზე და გრძნობის ძლიერება.

ეს წერილები სავსე იყო ახალგაზრდული გატაცებით და ამაღლებული სიღამაზით. ჩემშიც შესაფერისს გამოძახილს პოულობდა ეს მიწერ-მიწერა: ხშირად შევხვედრივარ განთიადს საწერ მაგიდასთან. წერილებს არა — მთელ თაბახებს ვუგზავნიდით ერთმანეთს. ბოლო დრომდე მქონდა ეს მიწერ-მოწერა და საუბედუროთ ვხლა დაიკარგა ჩემი ბინიდან. ეს იყო მეორეჯერ დაკარგვა მეგობრისა...

სხვათა შორის, მონპელიედან ვანომ გამოგზავნა ერთი ლექსი, საუბედუროთ ზეპირათ არ მახსოვს. ლექსი ჩემის აზრით, აღბეჭდილი იყო უტყუარი ნიქათ და ხალხური კილოთი. მე, როგორც ხალხური პოეზიის მოყვარულს და მადიდებელს, ეს ლექსი მომეწონა ძლიერ და იმავე დღეს მივწერე დიდი სიხარულით რჩევა — უსათუოდ განეგრძო წერა.

რამდენადაც მახსოვს ეს ლექსი თავდებოდა შემდეგი ხალხური თქმით: „ცა ქუდათ არ მიმაჩნია დედამიწა ქალამნადა.“ ვანო იყო ალბად ლექსით ავად და მერე არა ერთგზის წამიკითხავს მისი აღმაფრენის ნაყოფი. მე დაბუჯითებით ვიმეორებ, რომ ვანო ნიქიერი ლექსების ავტორი იყო. შემდეგ კიდევ მივიღე მისგან რამოდენიმე წიგნი, სადაც ლექსებიც იყო. ყველა ეს ლექსები და ბარათები დაკარგულაა ჯერ-ჯერობით, თუ აღმოჩნდა სადმე დიდის სიამოვნებით მივაწვდი მკითხველ საზოგადოებას.“

დ. გურამიშვილისაგან გახსენებული ლექსი დაბეჭდილია ჟურნალ „ივერიაში“ (1879, მარტი) ინიციალით მ. თარიღით 1878 წ. ლექსის ყოველი ტაე-

პი თავდება ხალხური რეჟრენით: „ცა ქუდათ არ მიმანია დედამიწა ქალამანათ“.

„ივერიის“ ამავე ნომერში დაბეჭდილია მე-4 ლექსი ~~სარქობის~~ იმავე ინიციალით რომელსაც აქ ვბეჭდავთ.

მ ც ნ ე ბ ა

ზაფხულის ღამეს ვიწექ გულდაღმა და შევეყურებდი ჩემზედ შეკრულსა ცისა კამარას უღრუბლუმთვაროს, ვარსკვლავებითა აჭრელებულსა, არც ფრინველთ შტვენა, არცა ბუზის ხმა ჩემსა გარშემო არ მოისმოდა, და მიძინებულს მშვენიერს ღამეს ნიაფიცა კი ძილს არ უფრთხობდა.

ვფიქრობდი, ნუ თუ ვინცა შექმნა ცა და ქვეყანა, —
 შექმნა ჩვენთვისა უთვალავნი ესე ვარსკვლავნი?
 ნუ თუ იმისთვის მზე და მთვარე ქვეყნათ მოჰფინა,
 რომ მხოლოდ სულდგმულთ ქვეყნიერთა დაგვეტკბოს თვალნი?
 ნუ თუ ბუნების სუფრა ჩვენ, კაცთ, გვიშლია წინა
 და სანთელთ წილათ გვინათობენ ცის მნათობთ აღნი?
 და შემოქმედმა ნუ თუ მხოლოდ ჩვენ მოგვიჩინა,
 ჩვენ, მიწიერთა, დედა-მიწის და ზეცის ძალნი?!

არა, არ მჯერა, რომ ესე იყოს ქვეყნიერების განწყობილება.
 ეს არის მხოლოდ ამაყი აზრი, ბუნებისადმი ცილის წამება;
 დედამიწაა ერთი ვარსკვლავი ცისა სიღრმეში გადაკარგული,
 ვინ მისცა ამას დანიშნულება სხვა ვარსკვლავთ შორის განსხვავებული?
 მე მჯერა, რომა ერთს გვარს მიზეზზედ ქვეყნის ბრუნვაა დამყარებული,
 რომ ციურთ სხეულთ მრავალთ იგივე დასაწყისი აქვთ და დასასრული,
 რომ ზოგს მათგანზედ თუმცა ჯერეთ კიდევ სულდგმულთ ცხოვრება არ დაუწყევიათ,
 მაგრამ კი ბევრთ სხვათ მნათობთ სიცოცხლე განგებისაგან წილათ ხდომიათ.

მჯერა, რომ ზოგნი სხვებზედ მეტად მოელვარენი.
 დედამიწისა წარსულს ხატსა წარმოგვიდგენდენ,
 ჯერ არცა მწერნი, არც ყვავილნი, არც მცენარენი
 იქაურ ველთა არ ამკობენ, არც აჭრელებენ.
 მაგრამ რას ვამბობ, იქ რა უნდა ან ველს, ან ტყესა!
 ბუნების ძალნი არ არიან ჯერ იქ დამცხრალნი,
 იქ გაურჩევლათ ერევიან ჯერ ერთმანეთსა
 ცეცხლისა აღნი, წყლისა ორთქლნი, ქართა ქროლვანი.

მათზედ ყოველნი მიწის კავშირნი მსუბუქს ჰაერათ გარდაქცეულან:
 რკინა და მიწა, ქვა და სულგმული იქ სიცხის ბულში ვერ გარჩეულან.
 მჯერა, არიან ესე ვარსკვლავნი ცეცხლით მოცულნი მიწის სახენი,
 უზომუძირო, დაუსრულებელს, ცივსა სივრცეში მოცურავენი.



მეცნიერება და კულტურის მემკვიდრეობა



ლენინი—მეზრდოლი მატერიალისტი

ლენინის სახით კაცობრიობამ დაჰკარგა არა მარტო დიადი მემბობე, არა მარტო პირველხარისხოვანი პოლიტიკოსი და მუშათა კლასის გენიოსი ბელადი, არამედ უშესანიშნავესი რევოლიუციური მოაზროვნე—მეზრდოლი მატერიალისტიც, „ფილოსოფოსთა მიერ ასე თუ ისე საკმაოდ ახსნილ და განმარტებულ იქმნა მსოფლიო, მაგრამ საჭმე ის არის, რომ ის გარდაქმნა“-ო ამბობდა კარლ მარქსი.

ებლა უკვე მოძველებულია ასეთი ტიპის მოაზროვნე-ფილოსოფოსი. მოაზროვნე, რომელიც იკვლევს და ხსნის სამყაროს, სჭვრეტს ცხოვრებას, ჰქმნის სისტემებს და სკეპტიკურად უცქერის ცხოვრების მჩქეფარე ნაკადს, თან კიდევაც აძაგებს სინამდვილეს თუ ეს უკანასკნელი მის მიერ შექმნილ სისტემაში არ თავსდება, მოაზროვნე ასეთი ტიპისა შორეულ წარსულს ეკუთვნის. მართალია უდიდეს აღმოჩენებს აღწევდენ ასეთი მოაზროვნენი სამყაროს ახსნაში, მაგრამ მათი გონება და ნებისყოფა არასოდეს არ ყოფილა შეწნული მტკიცე განუყრელ ერთეულად. მუშათა კლასის განმათავისუფლებელმა მოძრაობამ რევოლიუციურ მოაზროვნეთა ახალი ტიპი შექმნა, რომელთა მიზანია არა მარტო შემეცნება მსოფლიოსი, არამედ მისი გარდაქმნაც.

ლენინი არის განსაზიერება ასეთი რევოლიუციური მოაზროვნისა.

ლენინის ერთიანი აზრი და ნება დიალექტიური მთლიანობის განხორციელებაა. ამ მზრივ მასში სავსებით აისახა „ბუნება“ იმ კლასისა, რომლის იდეოლოგიად და წინამძღვრად იგი ითვლება. მან მთელი თავისი ტიტანიური ნებისყოფა და ნათელი აზრი, მუშათა განთავისუფლების, მსოფლიოს გადახალისების და გარდაქმნის საქმეს შეაღია. ამ შემთხვევაში ლენინი ჰეშმარიტად შეუდარებელია საერთაშორისო სოციალისტურ მოძრაობის ისტორიის მთელ სივრცეზე. მაგრამ ლენინი როდია მარტო რევოლიუციონერ-პრაქტიკოსი და ემპირისტი. მუშათა მოძრაობის თვითეულ ეტაპს ის საერთო მარქსისტულ თეორიის თვალსაზრისით არკვევდა.

მარქსიზმი, როგორც მსოფლიო ქმნადობის თეორია, ლენინის მიერ გამო-

ყენებული იყო, როგორც ოწინარი, რომლის მეოხებით მას მსოფლიოს შეტრიალება სწადდა.

ემპირისტ-პრაქტიკოსი მოქმედებს ასე ესთქვით შემთხვევითად შემთხვევით-საკენ. ის ვერ ერკვევა მოვლენათა ერთობლივობაში, ვერც ნუქსს მოვლენათა შინაგან კავშირს და კანონშეწონილებას. მარქსის ან ლენინისებური რევოლუციური მოაზროვნე კი არ კმაყოფილდება კერძო და შემთხვევითი ფაქტებით, არ კმაყოფილდება მოვლენათა ზერელე გაგებით, არამედ მათი რევოლუციური მოღვაწეობა მოვლენათა არსს და კანონს ეყრდნობა. საზოგადოების არსებობის და განვითარების კანონი მათი რევოლუციური საქმიანობის საფუძველია. სინამდვილეს განუწყვეტი ქმნადობა და განვითარება აბასიათებს, რომელიც მის შინაგან კანონების თანახმად სწარმოებს. და თუ ეს შინაგანი კანონები კაცობრიობისათვის მიუწოდომელი და გამოუცნობია, თუ ის მისთვის საიდუმლოების ბურუსშია გახვეული, მაშინ იგი ბრმად ემორჩილება, თან მიჰყვება ხოლმე მოვლენათა სვლას და თავბრუ დასბმული ხეტილობს მოვლენათა უსაზღვრო ბნელ სივრცეში. მაგრამ კაცობრიობა ფხიზლდება, როდესაც ეს კანონები მისთვის ნათელია, როდესაც იგი მათ შეიცნობს.

ხოლო როცა საზოგადოებრივი რევოლუციის ბრმა აუცილებლობას დაეუფლება კაცობრიობა, მაშინ იგი „თავისუფალი“ ხდება.

მარქსიზმი სწორედ ისეთი მოძღვრება არის, რომელმაც ეს კანონები აღმოაჩინა, პირველად მარქსმა გამოიმუშავა სოციალურ-ეკონომიურ ფორმაციის ცნება. „მარქსიზმის გამოსავალი წერტილი ადამიანთა თანამშრომლობის და კოლექტიურ ცხოვრების ძირითადი ფაქტია—სახელდობრ: საარსებო საშუალებათა მოპოვების წესი. ამ ძირითად ფაქტს, მარქსიზმი, ადამიანთა იმ ურთიერთობას უკავშირებს, რომელიც სწორედ საარსებო საშუალებათა არსებულ წესებით განისაზღვრება. ამ ურთიერთობის სისტემაში (მარქსის ტერმინოლოგიით რომ ესთქვით „საწარმოო ურთიერთობის“ სისტემაში) მარქსისტულ თეორიამ საზოგადოების ძირითადი საფუძველი აღმოაჩინა, რომელიც პოლიტიკურ, იურიდიული და საზოგადოებრივი აზროვნების განსაზღვრული მიმართებით გარემოცულია. მარქსისტულ თეორიის მიხედვით საწარმოო ურთიერთობათა თვითიყული ასეთი სისტემა, განსაკუთრებული სოციალური ორგანიზმია.

ამ სოციალურ ორგანიზმს თავის ჩასხვის, არსებობა—განვითარების და სხვა უმაღლეს ფორმის სოციალურ ორგანიზმად გარდაქმნის განსაკუთრებული კანონები აქვს“*).

სოციალურ სამყაროს ახსნის თეორია, ლენინის სიტყვებით რომ ესთქვით, სწორედ იმაში მდგომარეობს, რომ მისი ჩასახვის, არსებობა—განვითარების და უმაღლეს ფორმაში გადასვლის — ე. ი. სხვა სოციალურ ორგანიზმად გარდაქმნის — კანონები აღმოაჩინო.

რა თქმა უნდა სწორი და ობიექტიურად ჭეშმარიტ თეორიის გარეშე შეუძლებელია შეგნებული, გეგმიანი—ისტორიული და საზოგადოებრივი მოღვაწეობა.

*) Н. Ленин, „За 12 лет“, стр. 57.

ასეთი თეორია აუცილებელი პირობაა ისტორიულ პროცესზე შევნიშნულ შემოქმედებისათვის. თუმცა ზემოხსენებული კანონების აღმოჩენა თავისთავად დიდებული საქმეა, მაგრამ იგი მაინც საკმარისი არ არის.

აუცილებლად საჭიროა აღმოჩენილ კანონებზე დაყრდნობით, მოსძებნოთ ის საშუალებანი, რომელნიც ერთ სოციალურ ორგანიზმს მეორეთ გარდაქმნის და თანაც სინამდვილეში განახორციელოდ ასეთი გარდაქმნა.

შესაძლოა მშვენიერ თეორიით იყვეთ შეიარაღებული, ხოლო სინამდვილეს მხოლოდ „ფილოსოფიურად“ სჭვრეტდეთ. სინამდვილის გარდასაქმნელად საჭიროა, რომ თეორია თვით იქცეს სინამდვილედ — აქტიურ — შემომქმედ ძალად, — ერთი სიტყვით საჭიროა თეორია პრაქტიკად იქცეს.

და სწორედ მარქსიზმში ისეთი ფილოსოფიური მსოფლმხედველობაა, რომელიც თეორიას პრაქტიკად და პრაქტიკის თეორიად ქცევას მოითხოვს.

ამით მარქსისტული თეორია სხვა თეორიებისაგან განსხვავდება. მარქსიზმი არ თიშავს თეორიას პრაქტიკისაგან. თეორიის და პრაქტიკის დიალექტიური მთლიანობა მოითხოვს, რომ თეორია „პრაქტიკული“ იყოს, პრაქტიკა კი თეორიით გაშუქებული, რომ იგი თვით თეორიად იქცეს. „მარქსს იოტის ოდენა უტოპიზმი არ მოეპოვებო, — ამბობს ლენინი, — მას კი არ შეუთხზავს, არ მოუგონია, მისი ფანტაზიის ნაყოფი კი არ არის „ახალი“ საზოგადოების ძველიდან წარმოშობა. არამედ ის იკვლევს ძველი საზოგადოებიდან ახალში გარდამავალ ფორმებს, როგორც ბუნებრივ ისტორიულ პროცესს. ის იღებს მასიურ პროლეტარული მოძრაობის გამოცდილებას და ცდილობს გამოიყვანოს იქიდან პრაქტიკული გაკვეთილები. ის სწავლობს კომუნნიდან, ისე როგორც ყოველი დიადი რევოლუციური მოაზროვნე არ უფრთხის ისწავლოს ჩაგრულ კლასის დიდ მოძრაობათა გამოცდილებიდან, და არასოდეს არ მიმართავს ხოლმე მას პენდანტური „ჭკუის დარიგებით“-ო. *)

ამ სიტყვებით ლენინი მარქსს ახასიათებს, მაგრამ იგივე ლენინზე შეიძლება გავიმეოროთ. კიდევ მეტი, ეს სიტყვები ლენინს უფრო ზედმიწევნით ახასიათებს, ვინაიდან მას უფრო მეტი საშუალება ჰქონდა, ვიდრე მარქსს, თავის თეორიები მეტად რთულ საერთაშორისო მდგომარეობის დროს, მსოფლიოს უდიდეს ქვეყანაში გამოეყენებია. აქ უნდა ითქვას, ლენინს შეეძლო შეცდომები დაეშვა, რასაც ის არა ერთხელ აღიარებდა, მაგრამ ამ შეცდომებს განსაკუთრებული ხასიათი აქვს, როგორც ორტოდოქსალი მარქსისტი, დოქტრინიორობა მისთვის უცხო იყო. მარქსიზმი გვასწავლის, რომ თეორიას არა აქვს თავისთავად თვითმყოფი ღირებულება ან დამოუკიდებელი მნიშვნელობა აბსოლიუტური ქემარტების სახით, რომელსაც გამართლება და კრიტერიუმი თავის თავში აქვს. ლენინმა საუცხოვოდ შეითვისა მარქსის მოძღვრება, სრულიად დაეუფლა მის მეთოდს, ის არ ებლაუჭება განყენებულ თეორიებს, არ ეთაყვანება ფეტიშებს. პირიქით ლენინი როგორც კი რწმუნდება, რომ რომელიმე თეორია უსიცოცხლო „აბსტრაქტიული“ ბუნებისაა, შეურიგებლად უკუაგდებს მას. ისე როგორც მარქ-

*) Ленин, т. XIV, Государство и революция, гл. 335.

სი. ლენინი სწავლობს „მასიურ პროლეტარულ მოძრაობის განვითარებას“ და იქედან იღებს პრაქტიკულ გაკვეთილებს, თეორიაში გარდაქმნილს. თეორიამ უპირველეს ყოვლისა პრაქტიკის გამოცდა უნდა დაიქვეყნოს.

„ადამიანმა პრაქტიკით უნდა დაასაბუთოს საკუთარი აზროვნების ჭეშმარიტება“. თეორია არ შეიძლება განხილულ იქნეს, როგორც დამოუკიდებელი სამკვიდრო. პირველობა პრაქტიკას ეკუთვნის. თეორია, რომელიც პრაქტიკის გამოცდას აიტანს, არის ობიექტიური ჭეშმარიტება. მარქსი გვასწავლიდა: არ უნდა შემოისახლოვოთ მხოლოდ გონებაში არსებულ ობიექტებით, არამედ აუცილებლად — საქმე კონკრეტ ობიექტებთან უნდა იქონიოთ. ამიტომ სინამდვილე განხილულ უნდა იყოს „ადამიანის საქმიანობის კონკრეტ ფორმებში, პრაქტიკის სახით“. აქ თეორია სრულიად გარკვეულ ხასიათს და განმარტებას ღებულობს, რომელიც წინა მოაზროვნეთა შეხედულებებისგან არსებითად განსხვავებულია.

მოაზროვნე მით უფრო შორსმჭვრეტელია, რაც უფრო უკეთ ერკვევა სინამდვილის მამოძრავებელ ძალებში. მისთვის ნათელია გზა მიმდინარე სინამდვილისა, მას მოშავლის განსჭვრეტის უნარი აქვს. მარქსიზმი, როგორც განმანთავისუფლებელი მოძრაობის თეორია, სინამდვილის მიმართ გულცივ დამოკიდებულებას და მხოლოდ მის ჭვრეტას კი არ მოითხოვს, არამედ მის გარდაქმნასაც ობიექტიურად მომზადებულ შესაძლებლობათა თანახმად. ლენინი თავის პიროვნებაში აერთებდა რევოლუციურ მოაზროვნეს და ცხოვრების გარდამქმნელს.

თანამედროვე ხანაში პროლეტარულ მოძრაობის წიაღიდან რევოლუციურ მოაზროვნეთა ახალი ტიპი წარმოიშვა. ამ მოაზროვნეთა უშუალო მიზანს შეიცავს, ქვეყნის და ცხოვრების შეცვლა და გარდაქმნა. მარქსიზმში პროლეტარიატის განმანთავისუფლებელ მოძრაობის არა მარტო თეორიაა, არამედ მისი პრაქტიკაც, ის სინამდვილის არა მარტო განმარტება, არამედ მისი გარდაქმნაც. როდესაც ვლაპარაკობთ ლენინზე, როგორც ცხოვრების გარდამქმნელზე, ჩვენ ერთი წუთით არ ვივიწყებთ იმ ობიექტიურ პირობებს, რომელთაც მისი მოღვაწეობა შესაძლოთ გახადეს. ლენინი მარქსის გენიალური მოწაფე და მიმდევარია. უეჭველია, რომ ლენინის მთელი ძლიერება გარდა მისი პირადი გენიალობისა აგრედვე იმაში მდგომარეობს, რომ მან მარქსიზმი პრაქტიკულად გამოიყენა მისი ცხოვრებაში გატარებით. ლენინი ძლიერია მარქსიზმით ლენინიზმი — რევოლუციური მარქსიზმია ლენინის გაგებით და გამოყენებით. მარქსი უპირველეს ყოვლისა გენიალური თეორეტიკოსი და კოლოსალური ჭკუაა, რომელიც ასეული წლებით წინ იმზირება. ბურჟუაზიას ასეთი მოაზროვნე არ წარმოუშვია და არასოდეს არ ჰყოლია. რასაკვირველია ბურჟუაზიის ბანაკიდან გამოირჩევა გენიალური მოაზროვნენი, ისინი ქმნიდენ ყოვლად ფილოსოფიურ სისტემებს, მათ ბევრი რამ გაუკეთებიათ საზოგადოთ მეცნიერების სფეროში, მაგრამ მათი სისტემები „აკადემიზმით“ დამძიმებულია.

ეს მოაზროვნენი და სწავლულნი ისწრაფვოდენ შორეულ ცის სხეულები-საკენ, სწვდებოდენ ატომის სიღრმემდე. ხოლო საზოგადოებრივ-ისტორიულ მეცნიერებისათვის მათ შედარებით ცოტა გააკეთეს. აქ ისინი ტლანჭი ემპირიკოსები იყვნენ, რადგან ისტორია მათ წინააღმდეგ იყო. მათ ისტორიული გან-



ვითარების სვლა სურდათ შეეჩერებინათ და შემოეფარგლათ. პროლეტარულ რევოლუციურ მოახროვნეთა მთელი ძლიერება, ადამიანთა უსუსურების დაპყრობაზე, მის მამოძრავებელ ძალთა შეცნობაზე მის გაზრდას მიპყრობილი.

მარქსმა უმაღლესად განავითარა სოციალური მეცნიერებანი და აიყვანა იგი ზუსტ მეცნიერების დონეზე. მარქსიზმმა, პოლიტიკა მეცნიერებათ აქცია. ლენინი ამ სკოლის გენიალური პოლიტიკოსი იყო. მარქსიზმი მისთვის მეცნიერული პოლიტიკის თეორეტიული საფუძველია.

ამიტომ ლენინიზმი — მარქსისტული პოლიტიკა და ტაქტიკაა. ლენინიზმი კი არ უნდა დაუპირისპიროთ მარქსიზმს, როგორც ფილოსოფიურ, ისტორიულ და ეკონომიურ თეორიას, რომელზედაც ლენინის პოლიტიკა და ტაქტიკაა აგებული, არამედ მასში ჩვენ მარქსიზმის გამოყენებას და განვითარებას უნდა ვხედავდეთ. ლენინიზმმა თავის მხრივ გააღრმავა მარქსიზმი, ე. ი. მარქსისტული მეცნიერება, მარქსისტული თეორია, რომელსაც ჯერ კიდევ არ დაუმუშავებია „ლენინის“ ცდა. მაგრამ უეჭველია, რომ ლენინმა, მარქსის ერთგულ ორტოდაქსალ მოწაფემ ბევრი რამ გააკეთა თვით მარქსიზმის განვითარების და გაღრმავების სფეროში.

საზოგადოება განსაზღვრულ პირობებში, შესაძლოა ექსპერიმენტის საგნად ვახდეს. ბუნება აღმართულია ჩვენს წინაშე, როგორც უცხო რამ.

ექსპერიმენტების შესაძლებლობა აქ განსაზღვრულ ფარგლებშია მოქცეული. საზოგადოებრივ ცხოვრებაში საქმე სხვა გვარათაა.

აქ უპირველეს ყოვლისა თვით ჩვენ, ადამიანები აქტიური მოღვაწეები და შემომქმედნი ვართ. ისტორია იჭმნება ადამიანების მიერ, ხოლო ბუნებას კი ადამიანები არ ქმნიან. ლენინი — უდიდესი სოციალური ექსპერიმენტატორია. ის თვითვე თეორეტიულ დებულებას პრაქტიკულად სცდიდა.

II

ლენინის მოღვაწეობის გასაგებად, აუცილებელია მისი მსოფლმხედველობის და მეთოდის ზოგადი საფუძვლების გარკვევა. ლენინი იყო მარქსისტი ე. ი. დიალექტიური მატერიალისტი. მისთვის, როგორც მარქსისათვის აზროვნება პრაქტიკით ასაბუთებს თავის ჭეშმარიტ ბუნებას. „პრაქტიკის, ცხოვრების თვალსაზრისი, შემეცნების თეორიის პირველი და ძირითადი თვალსაზრისიც უნდა იყოს“, ამბობს ლენინი.

ეს შეხედულება აუცილებლად მატერიალიზმამდე მიგვიყვანს და ამით ყალბი პროფესორულ სქოლასტიკას თავს ვალწევთ. რასაკვირველია, ამ შემთხვევაში არ უნდა დავივიწოთ ის გარემოება, რომ პრაქტიკის კრიტერიუმით არასოდეს არ შეიძლება არსებითად დარღვეული ან დასაბუთებულ იქმნეს სავსებით ადამიანის რომელიმე წარმოდგენა. ეს კრიტერიუმი იმდენად გაურკვეველი ან „განუზსაღვრელია“, რომ ადამიანის ცოდნას „აბსოლუტამდე“ ასვლა არ ძალუძს და ამავე დროს იმდენად გარკვეული ან „განსაზღვრულია“, რომ იდეალიზმის



და აგნოსტიციზმის ყოველგვარ სახესთან შეუძლია ბრძოლა აწარმოოს. იმ შემთხვევაში, თუ ის რასაც ჩვენი პრაქტიკა ამტკიცებს არმსჯელდება ერთი ობიექტიურის ჭეშმარიტება, — მაშინ ამ ჭეშმარიტებისაკენ მრისხანლად ერთად ერთ გზად მატერიალისტურ თვალსაზრისზე დამდგარი მეცნიერული გზა უნდა აღვიაროთ¹⁾. და შემდეგ ის მარქსის თეორიაზე ამგვართვე ლაპარაკობს: „...რადგანაც პრაქტიკის კრიტერიუმი, — ე. ი. უკანასკნელ ათეულ წლებში კაპიტალისტურ ქვეყნების განვითარება მარქსის მთელ სოციალურ ეკონომიურ თეორიის საერთო და არა მის რომელიმე ნაწილის ობიექტიურ ჭეშმარიტებას ადასტურებს, ცხადია, რომ მარქსისტების, „დოგმატიზმზე“ ლაპარაკი — ეს მიუტოვებელი დათმობაა ბურჟუაზიულ ეკონომიისათვის. დებულება, რომ მარქსისტული თეორია ობიექტიურად ჭეშმარიტია, ყველა მარქსისტისათვის მისაღებია, აქედან ერთადერთი დასკვნა: თუ მარქსისტული თეორიის გზით ვივლით, ჩვენ უფრო და უფრო მიუახლოვდებით ობიექტიურ ჭეშმარიტებას (თუმცა ვერასოდეს ვერ ამოვწურავთ მას); ყოველ სხვა გზაზე დადგომით ჩვენ გარდა გაუგებრობისა და ცდომილებისა ვერაფერს ვერ მივალწევთ.“²⁾

დაუფიქრდი მკითხველო ამ ორ ციტატას. აქ ლენინმა მოკლედ და ნათლად ჩამოაყალიბა მარქსისტული გნოსეოლოგიის ძირითადი აზრი, რომელიც მისი საკუთარი პრაქტიკული მოღვაწეობის თეორეტიულ საფუძველს წარმოადგენს.

და რას ვამჩნევთ ჩვენ? ლენინი უპირველეს ყოვლისა ფეიერბახის, მარქსის, ენგელსის და პლენანოვის თანახმად ხაზს უსვამს იმ გარემოებას, რომ აუცილებლად, შემეცნების თეორიას, საფუძვლად ადამიანის პრაქტიკის მთლიანობა დაედვას.

ეს მომენტი მარქსისტული ფილოსოფიის ანუ მატერიალიზმის განსაკუთრებული ხაზია. იმ დროს, როდესაც იდეალიზმი „ქვეყნის ობიექტიურობის და სუბიექტიურობის, სინამდვილისა და არა სინამდვილის საკითხს აყენებს და სწყვეტს მხოლოდ თეორეტიული თვალსაზრისით“, როგორც ფეიერბახი ამბობს.

იდეალისტური ფილოსოფია ჭეშმარიტების კრიტერიუმს თვით აზრში ეძებს.

მარქსისტული ფილოსოფია კი პრაქტიკას მიმართავს. ამიტომ იდეალიზმს ყოველთვის უსიცოცხლო აბსტრაქციებთან აქვს საქმე. მატერიალიზმი კი პრაქტიკის, ცხოვრების თვალსაზრისს ყველაზე მაღლა აყენებს.

მატერიალიზმი და იდეალიზმი სხვა და სხვა კლასიური იდეოლოგიის გამოსახულებაა, იდეალიზმი იმ კლასის იდეოლოგია არის, რომელიც წარმოების უშუალო პროცესს, წარმოებითი პრაქტიკას მოწყვეტილია. მატერიალიზმი კი მწარმოებელთა კლასის, ე. ი. თავის არსებით პრაქტიკულ კლასის, მსოფლიო-გზნების და მსოფლ-გაგების გამოსახულებაა. იდეალიზმისათვის, აზრის ქმედობა, თეორეტიული საქმიანობა — ეს ჭეშმარიტი კაცობრიული მოღვაწეობა, პრაქტიკუ-

¹⁾ თბზულ. კრებ. Н. Ленин. т. X. გვ. 115.

²⁾ ibidi გვ. 115.

ლი საქმიანობაა. მატერიალისტი ფეიერბახი კიდევაც ამბობდა, რომ ფილოსოფია პრაქტიკასთან შედარებით, მხოლოდ „აუცილებელი ბოროტებაა“¹⁾

ამრიგად, ლენინი შემეცნების თეორიას საფუძვლად უდევს ადამიანის პრაქტიკის მთელ მთლიანობას. ხოლო აუცილებელია აქვე აღვნიშნოთ, რომ ლენინს პრაქტიკის პრიმატი იმ აზრით კი არ ესმოდა, როგორც ეს პრაგმატიკებს და მახის მიმდევართ ესმით.

მარქსისტულ შემეცნების თეორიის ამ ძირითად გამოსავალ დებულების ასეთ უსწორო გაგებას და განმარტებას ჩვენ არა მარტო მახის მიმდევართ შორის ვხვდებით. შემეცნება შესაძლოა ბიოლოგიურად სასარგებლო იყოს, ამბობს ლენინი, მახის მიმდევართა საპასუხოდ. — ადამიანის პრაქტიკაში სასარგებლო, სიცოცხლისა და სახის შენარჩუნებაში, მხოლოდ მაშინ, თუ ის ადამიანისაგან დამოუკიდებულ, ობიექტურ ჭეშმარიტებას გამოხატავს. მატერიალისტისათვის ადამიანის პრაქტიკის წარმატება, ნივთთა (რომელსაც ჩვენ შევიცნობთ) ობიექტურ ბუნების და ჩვენ წარმოდგენათა შესაბამისობას ასაბუთებს. სოლიპსისტისათვის ყოველივე „წარმატებას“ რაც ადამიანს პრაქტიკაში სჭირია, რომელიც შეიძლება განხილულ იყოს შემეცნების თეორიის გარეშე, თუ შემეცნების თეორიის საფუძველში პრაქტიკის კრიტერიუმს შევიტანთ, ჩვენ აუცილებლად მატერიალიზმს მივიღებთ, — იტყვის მარქსისტი. დეე პრაქტიკა მატერიალისტური იყოს, ხოლო თეორია ეს სხვა საქმეაო — „ამბობს მახი“. პრაქტიციზმს, ვულგარულ, ბურჟუაზიულ გაგებით არავითარი საერთო არა აქვს მარქსიზმის და მატერიალიზმის მიერ პრაქტიკის გაგებასთან. როგორც ესმის ლენინს ადამიანის

1) აქ დასაშვებია, სხვათა შორის აღვნიშნოთ ლენინის მიერ ფეიერბახის, ჩვენი თვალსაზრისით მეტად სამართლიანი შეფასება. ლენინი ფილოსოფიაში, რასაკვირველია, პლენანოვის „მოწაფეა“, რაც მან არა ერთხელ აღიარა. მაგრამ ის გარემოება, რომ ის, როგორც ჩვენ, პლენანოვისაგან სწავლობდა, არ უწლიდა მას მთელ რიგ საკითხებს თავისებურად მიდგომოდა და ზოგიერთ არსებით პუნქტებში კიდევაც „შეესწორებია“ პლენანოვი. ორივე მოაზროვნე ერთნაირად ძვირფასია ჩვენთვის. ჩვენ ვეკუთვნიით მათ, ვინც პლენანოვის გამო ლენინს უარყოფს ან ლენინის გამო პლენანოვს. განსაზღვრულ მნიშვნელობით ისინი ერთმანეთს ავსებენ. პლენანოვი, უპირველეს ყოვლისა თეორეტიკოსია. ლენინი კი უპირველეს ყოვლისა, პრაქტიკოსი, პოლიტიკოსი და ბელადია. მაგრამ ჩვენი მსოფლმხედველობის განვითარების და გაღრმავების სფეროში ორივეს დიდი დეაწლი მიუძღვით. დაუბრუნდეთ ლენინს და ყურადღება მივაქციოთ იმ გარემოებას, რომ იმ დროს, როდესაც პლენანოვი 1908 წელში გამოსულ თავის „მარქსიზმის ძირითადი საკითხებში“, იმ შეხედულებას იზიარებს, თითქოს ფეიერბახს „პრაქტიკულ-კრიტიკულ მოღვაწეობის“ შესახებ არა გაუგებოდა რა, ლენინი 1909 წ. თავის „მატერიალიზმსა და ემპირიკრიტიციზმში“ გარკვეულად წინააღმდეგ თვალსაზრისზე სდგას. ლენინი ამ შემთხვევაში ფეიერბახს მარქსსა და ენგელსისაგან არ აცალკევებს. „ფეიერბახი, ამბობს ლენინი, მარქსის და ენგელსის მზგავსათ შემეცნების თეორიის ძირითად საკითხებში „ნახტომა“ აკეთებს პრაქტიკისაკენ, რაც შულცის, ფიბტეს და მახის თვალსაზრისით დაუშვებელიაო“. „ფეიერბახს, შემეცნების თეორიის საფუძვლად, ადამიანის პრაქტიკის მთელი მთლიანობა აღრიცხვაში აჭყავს.“ (თხზ. კრ. ტ. X, გვ. 114) პლენანოვმა თავის სტატიაში „იდეალიზმიდან მატერიალიზმამდე“ (1915 წ.) უმკველია ლენინის გაველნით შეიცვალა შეხედულება ფეიერბახზე. და რაც კიდევ საინტერესოა, პლენანოვი იმის დასამტკიცებლად, რომ ფილოსოფიურ თეორიაზე დამლუპველ გავლენას ახდენს პრაქტიკულ მოღვაწეობასთან კავშირის გაწყვეტა და რომ ეს აზრი სავსებით ეთანხმება ფეიერბახის ფილოსოფიას ეწყარება იმავე ადგილს, რაც ლენინს მოყავდა.

პრაქტიკის წარმატება? როგორ ესმის მას ჩვენ წარმოდგენათა და ობიექტიურ სინამდვილის შესაბამობა? ისე როგორც ჩვენი წარმოდგენები და ცნებანი ობიექტიური სინამდვილის აბსოლიუტური ანარეკლი არ არის, ხსენებული ანდამიანის პრაქტიკის წარმატება, ადამიანის მოღვაწეობა, ობიექტიურ ჭეშმარიტებასთან მხოლოდ დაახლოვებაა. საკითხის ასეთი სწორი და ღრმა-მარქსისტული გაგება, იმას მოწმობს, რომ ლენინის მსოფლმხედველობაში დოგმატიზმისა და დოქტრინიორობის წვეთიც არ მოიპოვება.

„თუ მარქსისტული თეორიის გზით ვფვლით ჩვენ უფრო და უფრო მიუახლოვდებით ობიექტიურ ჭეშმარიტებას, თუმცა ვერასოდეს ვერ ამოვწურავთ მას“. სახელდობრ ამისთვის მარქსის თეორია ობიექტიური ჭეშმარიტებაა.

ის, რასაც ჩვენი პრაქტიკა ამტკიცებს, როგორც წმინდა — თეორეტიულ, აგრეთვე, საზოგადოებრივი მოღვაწეობის სფეროში, არის ერთად ერთი ობიექტიური ჭეშმარიტება. სხვა გზა ობიექტიურ ჭეშმარიტებისაკენ არ არის. მაგრამ ლენინი ლაპარაკობს სწორედ გზის, მეთოდის შესახებ და მას მშვენივრად ესმის, რომ ყოველი ჭეშმარიტება თავისთავად რელატიური და არა აბსოლიუტური ბუნებისაა. ამიტომ უაღრესად საყურადღებოა ისეთი გზა, სწორი მიმართულება, რომელსაც ჭეშმარიტებისაკენ მივყევართ. ხოლო თვით აბსოლიუტურ ჭეშმარიტებას ჩვენ ვერასოდეს ვერ მივალწევთ.

მას ჩვენ შემეცნებისა და მოღვაწეობის დროს მხოლოდ უახლოვდებით.

პრაქტიკის კრიტიკური საკმაოდ გაურკვეველი ანუ „განუსაზღვრელია“, რომ დოგმატიზმის და აბსოლიუტიზმის თვალსაზრისს თავი დააღწიოს და საკმაოდ გარკვეული ან „განზღვრულია“ იდეალიზმთან საბრძოლველად და მის უარსაყოფად. ამიტომ ლენინი თავის პრაქტიკულ რევოლუციურ მოღვაწეობაში, გადამწყვეტ მნიშვნელობას აძლევდა, პოლიტიკურ ფორმების, გარკვეულ ლოზუნგების და სხვ. პრაქტიკაში გამოცდას. გარკვეულ ფორმათა, როგორიც არის მაგალ., დემოკრატია ან კონსტიტუცია და სხ. არა თეორეტიული დაძლევა არამედ განცდისა და ცდის გზით ცხოველი, პრაქტიკული გადალახვა, იმ მიზნით რომ მათ მოუღო ბოლო როგორც ილიუზიებს, რომელიც შესაძლოა განვითარების ერთ საფეხურზე „ჭეშმარიტი“ იყოს, ხოლო სხვა უმაღლეს საფეხურზე კი ყალბი და ცდომილი.

„დემოკრატის სრული განვითარება, განვითარების ამგვარ ფორმათა შერჩევა, მათი პრაქტიკაში გამოცდა და ა. შ. — ყველა ეს სოციალურ რევოლუციისათვის ბრძოლის ერთ-ერთი ამოცანაა“¹⁾.

ლენინი სხვა ადვილას ხაზს უსვამს იმ გარემოებას, რომ ბურჟუაზიული პარლამენტარიზმი ისტორიულად შემოფარგლული და პირობითია.

მარქსისტებისათვის კომუნიზმი ან მისი პირველი სტადია სოციალიზმი, დღეს უკვე ობიექტიური ჭეშმარიტებაა. მასსა, ისტორიულ განვითარების პროცესში უნდა მივიდეს და კიდევაც მიდის იმ გაგებამდე, რომ ყველა ეს ფორმები ისტორიულად შემოფარგლული და შემოსაზღვრულია; ამასთანავე, ობიექტიურ ეკონომიურ განვითარებასთან ერთად, რომელიც ბადებს და ამახვი-

¹⁾ Ленин, т. XIV გვ. 361.

ლებს ყოველ წინააღმდეგობას, მასსა უახლოვდება სოციალიზმს, როგორც ობიექტიურ სინამდვილეს.



ქართული
საბჭოთაო

111.

მაგრამ რა არის ობიექტიური ჭეშმარიტება? და როგორი მიმართებაა აბსოლიუტურ და რელატივ ჭეშმარიტებათა შორის.

ლენინის პასუხი ამ კითხვებზე ჩვენთვის უკვე ნაწილობრივ ცნობილია. მაგრამ ინტერესს მოკლებული არ იქნება ამ საკითხზე უფრო დაწვრილებით შევჩერდეთ. განსაკუთრებით იმ გაუგებრობის გამო, რომელიც თანამედროვე მარქსისტ ლიტერატორთა შორისაც არის შექმნილი.

ა. ბოგდანოვი, როგორც ცნობილია, ამტკიცებს, რომ ჭეშმარიტება მხოლოდ იდეოლოგიური ფორმა არისო. ლენინი ამ შეხედულების წინააღმდეგ ილაშქრებს და ამბობს, რომ ვინაიდან ადამიანის იდეოლოგიის გარეშე, სხვა იდეოლოგია არ არსებობს, მაშინ ამ თვალსაზრისით სუბიექტისაგან დამოუკიდებელი ობიექტიური ჭეშმარიტებაც არ შეიძლება არსებობდეს. ცხადია, რომ ეს თვალსაზრისი უმართებულოა, უპირველეს ყოვლისა ის სრულიად თვალსაჩინო ფაქტებით ირღვევა. ბუნების მეტყველება, — ამბობს ლენინი, უფლებას არ გვაძლევს ეპვი შევიტანოთ იმაში, რომ მისი მტკიცება; კაცობრიობამდე დედამიწის არსებობაზე არის ჭეშმარიტება. მატერიალისტური თვალსაზრისით ეს სრულიად მართალია: გარე მყარის დამოუკიდებლობა შეგნებისაგან — ეს მატერიალიზმის ძირითადი დებულებაა.

ბუნების მეტყველების მტკიცება, რომ დედამიწა კაცობრიობამდე არსებობდა, ობიექტიური ჭეშმარიტებაა¹⁾. მაგრამ თუ ჭეშმარიტება ცდის საორგანიზაციო ფორმაა, ანუ მხოლოდ იდეოლოგიური ფორმა, როგორც ამას მახის მიმდევრები და სხვა ამტკიცებს, მაშინ „არ შეიძლება ჭეშმარიტი მტკიცება დედამიწის არსებობაზე, ადამიანის ყოველგვარ ცდის გარეშე“. ბუნებისმეტყველება შეთავსებულია მახის მოძღვრებასთან, როგორც პოზიტივიზმთან, ემპირიოკრიტიციზმთან და სხვა ამგვართან მეორე მხრივ, თუ ჭეშმარიტება ადამიანის ცდის საორგანიზაციო ფორმაა, მაშინ არავითარი კრიტერიუმი არ არის იმისთვის, რომ ამ ცდის ობიექტიურობის და სუბიექტიურობის პრობლემა გადავწყვიტოთ. თუ საკითხს ამ თვალსაზრისით მიუდგებით, მაშინ კათოლიციზმიც ჭეშმარიტებააო; — ამბობს ლენინი. „ვინაიდან ეჭვს გარეშეა, რომ კათოლიციზმი ადამიანის ცდის საორგანიზაციო ფორმაა“.

ამ დებულებიდან თავის დაღწევას იმით ფიქრობენ, რომ ობიექტიურობის სახით გაიგონ ზოგად-მნიშვნელოვანი, სოციალურ-ორგანიზაციული ცდა. მაგრამ რელიგიას განა ზოგადი მნიშვნელობა არა აქვს?

„რელიგიის სწავლა, — ამბობს ლენინი — მეტად „ზოგად მნიშვნელობისა“ ვიდრე მეცნიერული მოძღვრება: კაცობრიობის უდიდესი ნაწილი ჯერ კიდევ რელიგიის გავლენის ქვეშ იმყოფება. კათოლიციზმი ასეულ წლებით განვითარე-

¹⁾ Ленин, т. X. გვ. 98.

ბაში „სოციალურად მოწესრიგებული, ჰარმონიული, შეთანხმებული“ კათოლიციზმი უცილობლად „ღაღადება“ — „მიზეზობრიობის კავშირში“ — რადგან საერთოდ რელიგიის წარმოშობა უმიზეზო არ არის, მას სრულად დაფუძნებული შემთხვევით თანამედროვე პირობებშიაც, ხალხის ფართო მასაში ფესვები აქვს გადგმული, მას სრულიად „კანონშეწონილად“ ეტრფიალება არა ერთი ფილოსოფიის პროფესორი, და თუ ეს უეჭველად ზოგადმნიშვნელოვანი და უთუოდ უმაღლესად — ორგანიზაციული სოციალურ-რელიგიურ ცდა „შეთანხმებული არაა“ მეცნიერულ „ცდასთან“, ეს იმას ნიშნავს, მათ შორის პრინციპიალური, ძირითადი განსხვავებაა“. როდესაც ობიექტიურ ჭეშმარიტებას უარყოფენ, იშლება ეს ძირითადი პრინციპიალური განსხვავება, ამით ისპობა მეცნიერებისა და ფიდეიზმს შორის ან ცოდნის და რწმენის შორის არსებული განსხვავებაც. მაშინ მეცნიერული ცოდნა და რელიგია ერთნაირ გნოსეოლოგიურ საფუძვლებს დაემყარება. და ასე დეე მარქსისტებმა შეუგნებლად მეცნიერულ ფილოსოფიური ბაზისი ფიდეიზმს და მღვდელ-მსახურებს დაუქვემდებარონო ამბობს ლენინი. ობიექტიური ჭეშმარიტების ცნება, მატერიალისტური თვალსაზრისით, რელიგიურ და მეცნიერული ცდის მკაფიო გამიჯვნას ახდენს. ის არ სპობს მათ შორის არსებულ საზღვარს, არამედ პირიქით მათ შორის ძირითად პრინციპიალურ განსხვავებას ამყარებს. „თუ არსებობს ობიექტიური ჭეშმარიტება (როგორც ფიქრობენ მატერიალისტები), თუ ბუნების მეტყველება გარემყარს ადამიანის ცდაში ასახიერებს, მხოლოდ მას ერთს აქვს უნარი ობიექტიური ჭეშმარიტება მოგვეცეს და აქ ყოველგვარი ფიდეიზმი აუცილებლად უარყოფილია. თუ კი ობიექტიური ჭეშმარიტება არ არსებობს და თუ ჭეშმარიტება (აგრეთვე მეცნიერული) მხოლოდ ადამიანის ცდის საორგანიზაციო ფორმაა, ამით ღვდელ-მსახურების ძირითადი აზრია აღიარებული, ამით გზა ეხსნება მას და ადგილი ეთმობა რელიგიური ცდის „საორგანიზაციო ფორმებს“*).

მებრძოლი მატერიალისტი ლენინი, რა თქმა უნდა, არაერთარ დათმობაზე არ მიდის ყოველგვარ ჯურის აგნოსტიკებთან, რა ჭურჭშიც არ უნდა იყვნენ გაბვეულნი. მან კარგათ იცის, რომ ყოველგვარი ignorabum (არცოდნა) ან ignorabimus (არ შემიძლია ვიცოდე) ეს ფიდეიზმის თავისებური ფორმა, ღვდელმსახურების დაწმენდილი სახეა — დადებით მეცნიერებათა და ტეხნიკის არაჩვეულებრივ აღორძინების და გამახვილებულ კლასიურ ბრძოლის ხანაში. ლენინი ignorabimus-ს (არ შემიძლია ვიცოდე) კლასიურ ხასიათს და ბუნებას ააშკარავებს. ეს მუშათა კლასის რევოლიუციური გენია, კაცობრიობის ახალი სასახლის დიდებული ოსტატი, ცხოვრების ახალ ფორმათა მხატვარი შეუპოვრად ებრძვის და შორს ისვრის, როგორც უვარგის გახრწნილ სიძველეს ყოველგვარ სიფრიფანა იდეალისტურ აღნაგობათ, რომელნიც ასაგებ სასახლის საძირკველს, ძირს უთხრიან. მატერიალიზმიდან ცოტაოდენი გადახრა ლენინისთვის მიუღებელია, ეს მისთვის ფიდეიზმის ხელის გამართვაა და კლასიურ მტერთან მიუტოვებელი დათმობა.

*) Ленин, თხზ. კრ. ტ. X გვ. 100.



ობიექტიური ჭეშმარიტების უარყოფა აზროვნების და ფილოსოფიის სფეროში დაუშვებელ „მოთმინებადღე, ოპორტიუნიზმამღე მეგეყენსლქ“

ფილოსოფიური ოპორტიუნიზმის აუცილებელი შედეგია პოლიტიკური ოპორტიუნიზმი, მუშათა ღალატი და მარქსიზმის დამახინჯება. „მეშჩანური, ფილისტერული, მშიშარა მოთმინება. ალების, კუდიანების, სხვა ამგვარების და კათოლიკურ წმინდანების მოძღვრებაზე“, ობიექტიური ჭეშმარიტების უარყოფის აუცილებელი შედეგია. მაგრამ ეს იმას კი არ მოასწავებს, რომ თითქოს ლენინი „კლასიურ სუბიექტივიზმის“ ნიადაგზე იდგეს, რომ თითქოს მისთვის ის, რაც მუშათა კლასისათვის სასარგებლო და გამოსადეგია, მხოლოდ ის იყვეს ობიექტიური ჭეშმარიტება.

ჩვენ ზომ ვიცით უკვე, რომ ლენინისათვის შემეცნება სასარგებლოა მხოლოდ მაშინ, როცა ის ობიექტიურ ჭეშმარიტებას ასახიერებს. მატერიალიზმი თუ მარქსიზმი ჭეშმარიტი იმიტომ კი არ არის, რომ ის სასარგებლო, ზოგადი მნიშვნელობის და თან პროლეტარიატის სოციალურად—მოწესრიგებულ ცდას გამოხატავს, პირიქით, ის სასარგებლო, „ზოგად-მნიშვნელობისაა“ და სხვ. იმიტომ, რომ ობიექტიური ჭეშმარიტების გამოხატველია. თანამედროვე პირობებში მატერიალისტურ ობიექტივიზმის ნიადაგზე, მხოლოდ პროლეტარიატს შეუძლია დადგეს.

კლასიური სუბიექტივიზმი რეაქციულ კლასთა დამახასიათებელი თვისებაა, ამიტომ ფილდეიზმი და ყოველი ჯურის იდეალიზმი სახელდობრ ამ კლასთა იდეოლოგიას გამოხატავს. და სწორედ მათი მოძღვრებაა ბუნების მეტყველების წინააღმდეგი!

რაც შეეხება კერძოდ მათის მიმდევართ ისინი სუბიექტივიზმები და აგნოსტიკები არიან. „ისინი არ სცნობენ ადამიანისაგან დამოუკიდებელ ობიექტიურ რეალობას, როგორც ჩვენ შეგრძნებათა წყაროს“. მათთვის შეგრძნება ობიექტიური რეალობის სწორი სურათი არ არის, რითაც ისინი აშკარად ეწინააღმდეგებიან ბუნების მეტყველებას და ამით ფილდეიზმს ვზას უხსნიან და გასაქანს აძლევენ.

წინააღმდეგ, მატერიალისტისათვის მსოფლიო უფრო მრავალფეროვანი და სიცოცხლით აღსავსეა, ვინემ ეს ჩვენ გვეჩვენება. თვითველი ნაბიჯი მეცნიერების განვითარებაში მის სულ ახალ და ახალ სახეებს გვაძლევს. მატერიალისტისათვის ჩვენი შეგრძნობა ერთად ერთი ობიექტიური რეალობის სახეა, — ერთად ერთი არა იმ აზრით, რომ თითქოს საბოლოოდ შეცნობილი იყვეს იგი, არამედ იმიტომ რომ, მის გარდა არ არის და არც შეიძლება იყვეს სხვა¹⁾.

ობიექტიური სინამდვილე არასოდეს არ შეიძლება „საბოლოოდ“ შეცნობილ იქმნას. ამ მხრივ კი შეუძლებელია აბსოლიუტურ ჭეშმარიტებაზე ღაპარაკი. „ერთხელ და სამუდამოდ დამკვიდრებული, ბუნების და ისტორიის შემეცნების ყოველადი სისტემა, დიალექტიურ აზროვნებონ ძირითად კანონებს ეწინააღმდეგება. თუმცა ის სრულებითაც არ უარყოფს, პირიქით გულისხმობს, რომ

1) Ibidi გვ. 102—103.

გარემყარის სისტემატიური შემეცნება გიგანტურ ნაბიჯებით იწყება ერთი თაობიდან მეორე თაობამდე“. (ენგელსი) შემეცნების პროცესზე ასეთი დიალექტიური შეხედულება უცხოა მეტაფიზიკოს აბსოლიუტისტებს — როგორც მეტაფიზიკოს რელატივისტებისათვის. ისინი აბსოლიუტურ სტრუქტურას მოითხოვენ ე. ი. საბოლოოდ შეცნობილ ქეშმარიტებას, ნაკლებით არ კმაყოფილდებიან. ზოგი სრულიად უარყოფს ობიექტიურ ქეშმარიტებას იმ საფუძვლით, რომ ქეშმარიტება, ჩვენი შემეცნება განვითარების პროცესში იმყოფება, რომ გარემყარის შემეცნება საბოლოოდ არ არის ამოწურული და ამავე დროს „შეცნიერების განვითარება, როგორც ლენინი ამბობს, მასში ახალს სახეებს ააშკარავებს“ — ეს უეჭვო ფაქტია. ამ გარემოებიდან მათ ისეთი უმართებულო დასკვნა გამოყავთ, თითქოს თვით გარემყარიც არ არსებობდეს. ეს უკვე ნამდვილი Salto mortale-ა და არა Salto vitale. მეტაფიზიკურ აბსოლიუტიზმის სამეფოში, სამყარო წარმოდგენილია დამთავრებულ, მზა, ერთხელ და სამუდამოთ მოცემულ მკვდარ და გაყინულ სახით; მისი კათეგორიები მარადიული და უცვლელი ბუნებისაა. გადნა შესაძლოა მარქსისტი ასეთ თვალსაზრისს შეურიგდეს? განა შესაძლოა ლენინი — ეს მარადი წინმსვლელი ცხოვრების რევოლიუციონერი, თავის ბუნებით შეურიგდეს დამყაყებულ და ერთ წერტილზე გაყინულ ქვეყანას? საჭირო იყო ხომ, რომ ეს ქვეყანა რევოლიუციის ცეცხლში გადაედნო მას, რომ ახალი უკეთესი ქვეყანა შეექმნა? „მსოფლიო უფრო მრავალფეროვანი, სიცოცხლით აღსავსეა, ვინემ ეს ჩვენ გვეჩვენება; მეცნიერების განვითარების თვითეული ნაბიჯი მის ახალ და ახალ სახეს ააშკარავებს, ახალ შესაძლებლობათ, ახალ პორიზონტებს და ახალ ფართო პერსპექტივებს შლის ჩვენს წინაშე. მსოფლიო რომ ერთგვარ ცვლილებას არ განიცდიდეს, რომელიც მის შინაგან კანონებით აიხსნება, მაშინ, რასაკვირველია, არავითარ გარეშე ძალას მის მოძრაობაში მოყვანა არ შეეძლო. ჩვენ ვეყრდნობით მსოფლიოს ცვლილების და განვითარების კანონს, ვემორჩილებით მას, ვმოქმედებთ იმავე მიმართულებით, როგორადაც მსოფლიო თავისთავად ვითარდება; ჩვენ შეგვიძლია ხელი შეუწყოთ, დავაჩქაროთ მისი განვითარების ტემპი. ამით ჩვენ ზოგად კოსმიურ ცხოვრების მონაწილენი ვხდებით, ვინაიდან ადამიანთა საზოგადოება კოსმოსის ნაწილია, მის განვითარების პროცესში.

მეტაფიზიკას აბსოლიუტისტების ან ობიექტივისტების წინააღმდეგ, სუბიექტური რელატივისტები ამტკიცებენ ჩვენ შეგრძნებათა ცვალებადობას და ამავე დროს ისინი გარემყარის, ობიექტიურ რეალობას უარყოფენ. მაგრამ არ შეიძლება მსოფლიოს ცვლილების მიღება ჩვენს შეგრძნებათა ნაკადიდან. სუბიექტივიზმი იმგვართვე შეუთავსებელია მარქსიზმთან, ისე როგორც ის ბუნების მეტყველებასთან არის შეუთავსებელი. თუ რელატივიზმი მივიღეთ როგორც შემეცნების თეორიის საფუძველი, მაშინ აუცილებლად აბსოლიუტურ სკეპტიციზმის, აგნოსტიციზმის, სოფისტიკის ან სუბიექტივიზმის რკალში მოვექცევით. რელატივიზმი როგორც შემეცნების თეორიის საფუძველი, ეს არა მარტო ჩვენი ცოდნის რელატივიზმის ცნობაა, არამედ აგრეთვე ყოველგვარ ობიექტიურ, ადამიანისგან დამოუკიდებლად არსებულ საზომის ან მოდელის უარყოფა, რომელსაც



ჩვენი შემეცნება უახლოვდება. შიშველი რელატივიზმის თვალსაზრისით ყოველგვარ სოფისტიკის გამართლებაა შესაძლო. შესაძლოა „პროგრესული“ წავთვალთ ნაპოლეონი 1821 წელს 5 მაისს გარდაიცვალა თუ არა? მესამე მსოფლიო ომის ან კაცობრიობის უბრალო „მოხერხების“ თვალსაზრისით მეცნიერული იდეოლოგიის („მოსახერხებელია“ ერთის მხრივ) გვერდით დაუშვას რელიგიური იდეოლოგია (მეტად „მოხერხებულია“ მეორე მხრივ) და ა. შ. ¹⁾

როგორც ჩვენი ცოდნის რელატივიზმის, ისე აბსოლიუტურ ობიექტივიზმის მტკიცება ნაწილობრივ ჭეშმარიტებას შეიცავს.

თვითვეული ასეთი სისტემა თავის თავად ცალკე აღებული, სიყალბეა. ამ კერძო ცალმხრივ მტკიცების მეოხებით მთლიანი ცოდნის თეორიის შექმნა ან მსოფლმხედველობის გამომუშავება აუცილებლად მეტაფიზიკამდე მიგვიყვანს. ნაწილი მთელს არ უდრის, თუმცა მთელი ნაწილებისგან შესდგება. მხოლოდ დიალექტიკური მატერიალიზმი გვაძლევს, აბსოლიუტურ და რელატივ ჭეშმარიტებათა ურთიერთობის საკითხის მეცნიერულ გადაჭრას, აბსოლიუტურ ან ობიექტიურ და რელატიურს შორის ხსენებული წინააღმდეგობა არ არის მეტაფიზიკური წინააღმდეგობა, არამედ დიალექტიური და რელატიურია.

„დიალექტიურ მატერიალიზმისათვის“ რელატიურ და აბსოლიუტურ ჭეშმარიტებათა შორის გარდაუალაი ზღვარი არ არსებობს“.

„თანამედროვე მატერიალიზმის, ე. ი. მარქსიზმის თვალსაზრისით, — ამბობს ლენინი, — ობიექტიურ, აბსოლიუტურ ჭეშმარიტებასთან ჩვენი ცოდნის მიახლოებას ისტორიულად პირობითი ზღვრები აქვს. მაგრამ ამასთანავე ამ ჭეშმარიტების არსებობაც უწყვეტია. უწყველია ისიც, რომ ჩვენ უახლოვდებით ამ ჭეშმარიტებას.“

ისტორიულად პირობითია სურათის კონტურები, მაგრამ უცილობელია ის, რომ ეს სურათი ობიექტიურად არსებულ მოდელის გამომხატველია. ისტორიულად პირობითია ის, თუ როდის, სად და რა პირობებში ჩვენ თანდათან შევიცნობთ ნივთთა შინაარსს — ქვანახშირში ალიზარინის და ატომში ელექტრონის აღმოჩენამდე, მაგრამ აუცილებელია ის, რომ თვითვეული ასეთი აღმოჩენა არის ნაბიჯი წინ „ნამდვილ ობიექტიურ შემეცნებისაკენ“.

ერთი სიტყვით ისტორიულად პირობითია ყოველგვარი იდეოლოგია, მაგრამ უცილობელია ის, რომ ყოველ მეცნიერულ იდეოლოგიას (მაგალ. რელიგიურიდან განსხვავებით) ობიექტიური ჭეშმარიტება, აბსოლიუტური ბუნება შეესაბამება. თქვენ იტყვიან: აბსოლიუტურ და რელატივ ჭეშმარიტებას შორის განსხვავება გაურკვეველია. მე თქვენ გიპასუხებთ: ეს განსხვავება იმდენად „გაურკვეველია“, რომ მეცნიერების გაყინულ, მკვდარ დოვმათ გადაქცევას ხელი შეუშალოს და სწორედ იმდენად „გარკვეულია“, რომ გადაწყვეტით, დაუბრუნებლად — ფიდეიზმსა და აგნოსტიციზმს, ფილოსოფიურ იდეალიზმსა და იუმეს და კანტის მიმდევართა სოფისტიკას გაემიჯნოს. აქ არის მიჯნა, რომელიც თქვენ

¹⁾ Ленин, ibidi გვ. 109—110.

ვერ შეამჩნიეთ, რითაც რეაქციულ ფილოსოფიის კაობში ჩაეფლეთ. ეს არის მიჯნა დიალექტიურ მატერიალიზმსა და რელატივიზმს შორის. 1)

VI

ეროვნულ
ზიგ-ნიქსე

თანამედროვე ეპოქაში, როდესაც ბუნებისმეტყველება გასაოცრად ვითარდება და იტვირთება მრავალი აღმოჩენებით, როდესაც თვითეული ასეთი აღმოჩენა დიალექტიურ მატერიალიზმის სისწორეს ამტკიცებს, **დიალექტიურ მატერიალიზმის თვალსაზრისზე შეგნებულად სდგებიან, როდესაც უდიდესი ფიზიკოსები, რომელთაც სავსებით არა აქვთ გაგებული ის პრობა, რომლითაც ისინი საუბრობენ, — სწორედ ამ დროს მარქსისტთა შორის ჩვენ ვამჩნევთ ერთგვარ მოძრაობას, რომელიც ჰეგელიანიზმის სახით ბუნებაში დიალექტიკას უარყოფს.** (ჩვენ უპირველეს ყოვლისა სახეში გვყავს გ. ლუკაჩი) 2). ენგელსი სრულიად სამართლიანათ მიგვითითებდა, რომ: „ბუნება დიალექტიკის სანიმუშო საგანია, ჩვენ ბუნებისმეტყველებას უნდა უმაღლოდეთ, რომ ის დღითიდღე დიალექტის საცდელად უამრავ მასალას გვაწვდის და ამით ამტკიცებს, რომ ბუნებაში ყველაფერი დიალექტიურად და არა მეტაფიზიკურად სწარმოებს“. 3)

ჩვენ ვფიქრობთ, რომ ენგელსის ამ შესანიშნავს აზრს ჩვენი ეპოქისათვის, როდესაც ბუნებისმეტყველების სფეროში მთელი რევოლიუცია ხდება, მეტად დიდი მნიშვნელობა აქვს. მაგრამ რა? განა შემოხსენებულნი ნოვატორები სცდილობენ იმას, რომ თავიანთ შეხედულების სასარგებლოდ ან ენგელსის შეხედულების უარსაყოფად, რომელიც საერთოდ მისაღებია, როგორც ორტოდოქსალ მარქსისტთათვის აგრეთვე დიალექტიურ მატერიალისტებისათვის, რაიმე საბუთები მოიყვანონ? არა, ეს ჩვენ არ გვინახავს. ენგელსი სრულიად სამართლიანად კიდევ აღნიშნავს, რომ ჰეგელი ნატურ ფილოსოფიის და ბუნებისმეტყველების სფეროში „საგრძნობლად ჩამორჩა კანტს“. ჰეგელის აზრით განვითარება მხოლოდ „სულის“ სფეროში ხდება, ბუნება კი უბრალო „არსებობის“ ფაქტს უტოვებს. დასაშვებია განა ჩვენთვის ჰეგელისკენ ისეთი დაბრუნება, რომ მის ყველა შეცდომებს და თან იდეალიზმსაც აღუადგენთ? ამავე დროს ის პროცესი, რომელიც თანამედროვე ფიზიკაში ხდება, შეიძლება ლენინის სიტყვებით ჩამოვაყალიბოთ! „თანამედროვე ფიზიკა სამშობიარო პროცესში იმყოფება. ის დიალექტიურ მატერიალიზმს შობს“.

სტიქიური მატერიალიზმი ბუნებისმეტყველებაში, რომელზედაც ლენინი ლაპარაკობს, დინჯათ და თანდათანობით შეგნებულ მატერიალიზმში გადადის. დიალექტიკაც ამგვარ პირობებში იმყოფება. მაგრამ იმ გარდატეხის და კრიზისის დროს, რომელსაც თანამედროვე ფიზიკა განიცდის, არ არის გასაკვირველი, თუ ჩვენ მეტად „ახირებულ“ განცხადებათა მოწამენი ვართ. იდეალისტები ფიზიკის ახალ აღმოჩენებით სარგებლობენ მატერიის, ე. ი. მატერიალიზმის უარსაყოფად.

1) ibidi გვ. 109.

2) იხილეთ მისი წიგნი „Geschichte und Klassenbewusstsein“ Berlin.

3) Энгельс, Анти-Дюринг, 1918 წ. გვ. 21.

ლენინმა, ფილოსოფიური და ფიზიკური ცნებები მუტად შეკეთოდ შემოფარგლა მატერიალიზმის სასარგებლოდ. უსარგებლო არ იქნები ამასთან დაკავშირებით მოვიხსენიოთ ერთი გარემოება, სახელდობრ ამ ხელნაწერულში ფილოსოფიის „დამშხვრევთა“ გამოსვლები და „ფილოსოფიის სარგებლიანობის“ შესახებ ამტყდარი პოლემიკა, რომელიც დღემდე გრძელდება. ეს „ნოვატორი“ ამხანაგები ფიქრობენ, რომ დღეს უკვე შეიძლება ფილოსოფიის ზღრუბლს იქით გადასროლა და მხოლოდ პოზიტივ მეცნიერებით დაკმაყოფილება. „ნოვატორთა“ შორის „ნოვატორ“ ე. ენჩმენს ისიც შესაძლებლად ნიაჩნია, რომ ყოველივე თავის ცნობის „ბიოლოგიის ახალ თეორიაში“ — „ჩაყუროს,“ მატერიალიზმს კი „ექსპლოატატორულ მოტყვილებათ“ სთვლის“¹⁾

ლენინი ამ შემთხვევაში, რა თქმა უნდა, სულ სხვა თვალსაზრისზე სდგას. მას ჩინებულად ესმის სპეციალ მეცნიერებათა და ფილოსოფიის შორის არსებული განსხვავება. „არც ერთ ამ პოფესორთაგანს, ამბობს ის, რომელთაც ფიზიკის, ისტორიის, ქიმიის და საერთოდ სპეციალ მეცნიერებათა სფეროში მართლაც და დიდი შრომა და ღვაწლი მიუძღვით, არც ერთი სიცყვა არ უნდა დაუჯეროთ თუ საქმე ფილოსოფიას შეეხება“²⁾.

„მარქსისტების ამოცანაა... იმ მეცნიერულ მონაპოვართა შეთვისება და გადამუშავება, რომელიც შექმნილია ამ „ნოქრების“ მიერ (ე. ი. ბურჟუაზიულ მეცნიერთა მიერ ა. დ.)... მათ უნდა შეძლონ მისგან რეაქციულ ტენდენციათა მოკვეთა, მოწინააღმდეგე კლასთა შეხედულებასთან ბრძოლა, თავის გეზის გატარება. მაგრამ სწორედ იმისათვის, რომ ჩვენ მეცნიერების მონაპოვარი გადავამუშავოთ და ჩვენი ხაზი გვატაროთ, აუცილებელია საკუთარი ფილოსოფიური მსოფლმხედველობა გვქონდეს, რომელიც ამ ამოცანის შესრულებას შესაძლოდ გახდის და „ფიზიკურ“ ან „ფიზიოლოგიურ“ იდეალიზმის გავლენას მოკვაცილებს. ფილოსოფიურ კათეგორიათა, ფიზიკურ და სხვა კათეგორიებისაგან განსხვავება უნდა შევსძლოთ. და როგორ გვიბრძანებთ შევასრულოთ ეს საქმე „ფილოსოფიურ კათეგორიის“ ცოდნის გარეშე?“

მატერიის აღნაგობის საკითხს, მატერიის გნოსეოლოგიურ კათეგორიას და ობიექტიურ ჭეშმარიტების არსებობის საკითხს ერთი მეორეში ურევენ ამბობს ლენინი. თუ არსებობს ობიექტიური ჭეშმარიტება, მაშ საჭიროა ფილოსოფიური ცნება. ეს ფილოსოფიური ცნება მატერიაა. ლენინის სიტყვით „მატერია ობიექტიური რეალობის აღსანიშნავად ფილოსოფიური კათეგორიაა, ის შეგრძნებებში სახიერდება. მატერია შეგრძნების დამოუკიდებლად არსებობს; შეგრძნება კი მატერიის ასლი და ფოტოგრაფიული სურათია. ამიტომ ამ ცნების „მოდველებაზე“ საუბარი ეს ბავშვური ტიტანია, რეაქციულ ფილოსოფიის უაზრო დებულებათა განმეორებაა“³⁾.

დიალექტიური მატერიალიზმი, მეტაფიზიკურიდან განსხვავებით ყოველ ფიზიკურ მოძღვრებას მატერიის აღნაგობის შესახებ განიხილავს როგორც რე-

1) იხილეთ ბუხარინის შესანიშნავი ბროშიურა „Енчмениада“.

2) Ленини т. X გვ. 290.

3) ibidi გვ. 218-219



ლატივ მიახლოვებას ობიექტიურ ჭეშმარიტებისადმი, რომელიც არასოდეს არ შეიძლება საბოლოოთ ამოწურული იყოს. მატერიის ფილოსოფიური განმარტება არ ეთანხმება და არც შეიძლება ფიზიკალურ განმარტებასთან შეთანხმდეს, რომელიც მეცნიერების განვითარების თვითვეულ საფეხურზე, ობიექტიურ რეალობის არსებულ ზღვარს ასახავს. მატერიის ფილოსოფიური განმარტება, — ეს რაღაც „აბსოლიუტია“. მაგრამ რას ნიშნავს ეს „აბსოლიუტია“? ფილოსოფიური ცნება მატერიისა, სხვას არაფერს ნიშნავს თუ არა ადამიანის შეგნებისგან დამოუკიდებლად არსებულ ობიექტიურ რეალობის ანარეკლს. ობიექტიურ რეალობის ფაქტად აღიარება ეს სხვას არაფერს ნიშნავს გარდა „ასე თუ ისე“ (რასაც ხაზს უსვამს ლენინი) ობიექტიურ ჭეშმარიტების აღიარებასა. დიალექტიკოსისათვის აბსოლუტური ჭეშმარიტება რელატივი ჭეშმარიტებათა ჯამია. ენგელსი თავის ანტი-დიურინგში აღნიშნავს იმას, თუ როგორ უნდა იქმნეს გარკვეული დიალექტიურად დაუბოლავებლობის პრობლემა, ეს, რა თქმა უნდა, წინააღმდეგობაა.

მაგრამ წინააღმდეგობის გარეშე უბოლოვანობის გააზრება შეუძლებელია „სახელდობრ იმიტომ, — ამბობს ენგელსი, — რომ უბოლოვანობა — ანტინომია არის, ის უსასრულო, დროსა და სივრცეში განუწყვეტელ გაშლილ პროცესს წარმოადგენს. ამ წინააღმდეგობის მოსპობა უბოლოვანობის დაბოლოება იქნებოდა“.

როგორც ცნობილია, ჰეგელის თვალსაზრისიც ისეთივეა.

ლენინი, თანახმად ენგელსისა და ჰეგელისა, ამბობს, რომ დიალექტიკა მთელი ჩვენი ცოდნის რელატივობას აღიარებს. ამას არა ობიექტიურ ჭეშმარიტების უარყოფის აზრით ამბობს, არამედ იმ აზრით, რომ ჩვენს ცოდნას ჭეშმარიტებასთან ისტორიულად პირობითი ზღვარული მიახლოება აქვს.

მსგავსად იმისა, როგორც უბოლოვანობა დაბოლოებულ ოდენობათაგან შესდგება, ისე აბსოლუტური ჭეშმარიტება რელატივ ჭეშმარიტებათა ჯამია. „ამრიგად, ადამიანის აზროვნების ბუნებას უნარი აქვს აბსოლუტური ჭეშმარიტება მოგვეცეს, რომელიც რელატივ ჭეშმარიტებათა მთლიანობას წარმოადგენს. მეცნიერების განვითარების თვითვეული საფეხური ახალ მარცვლებს უმატებს აბსოლუტური ჭეშმარიტების საღაროში, მაგრამ თვითვეული მეცნიერული დებულების ჭეშმარიტების ზღვარი რელატიურია, ვინაიდან ცოდნის ზრდასთან ერთად ის ფართოვდება, ან და იკუმშება. დიალექტიკა უარყოფის სკეპტიციზმის და რელატივიზმის მომენტს იტევს თავის თავში; მაგრამ მიუხედავად ამისა, ის რელატივიზმამდე არ შეიძლება დაყვანილ იქმნეს, რასაც ლენინი ხაზს უსვამს“. ლენინის ეს დებულება ჩვენ მიერ განსაკუთრებით ხაზგასმული უნდა იყოს, ვინაიდან ზოგიერთ მარქსისტებს არა აქვთ იმის გაგება, რომ „უარყოფის“ მომენტის, რელატივიზმის და ობიექტიურ რეალობის ურთიერთობის პრობლემას, დიალექტიური ხასიათი აქვს. მათთვის გაუგებარია ის გარემოება, რომ ობიექტიური რეალობა, ეს რაღაც უბოლოვანობა, რომლის სრულიად ამოწურვა შეუძლებელი საქმეა, მაგრამ ამავე დროს ის ჩვენთვის დაბოლოვებულ რელატივ ზღვრებიდან შედგენილია. ამიტომ ზოგიერთი მხოლოდ დროულ, განსაზღვრულ



პირობით და რელატიურ ზღვრის აღიარებამდე მიდის, რომელიც /თითქოს არ არის ობიექტიური რეალობის გამომხატველი. ასეთ თვალსაზრისს სუბიექტივიზმამდე, და სპექტიციზმამდე, ობიექტიურ რეალობის დასაწყისშიც კი ცოდნის დადებით მნიშვნელობის უარყოფამდე მივყავართ. სხვები მეორე უკიდურესობაში ვარდნა: მათ მეცნიერების განვითარების თვითეული საფეხური მიანიშნათ როგორც ობიექტიური რეალობის სრული და აბსოლიუტური გამოსახულება. ამას კი სინამდვილის და ადამიანის შემეცნების მეტაფიზიკურ გაგებამდე მივყავართ. ლენინის აზრით ახალი ფიზიკა იდეალიზმის გავლენის ქვეშ მოექცა იმიტომ, რომ ფიზიკოსებმა დიალექტიკა არ იცოდნენ. „ცნობილ ელემენტთა და მატერიის თვისებათა უცვლელობის უარყოფით, ისინი მატერიის ე. ი. ფიზიკალურ ქვეყნის ობიექტიურ რეალობის უარყოფამდე მივიდნენ. ბუნების უმნიშვნელოვანეს და ძირითად კანონთა აბსოლიუტურ ხასიათის უარყოფით, ისინი ბუნებაში ყოველგვარ ობიექტიურ კანონმდებლობის უარყოფამდე მივიდნენ, ბუნების კანონთა უბრალო პირობითობა „მოლოდინის განსაზღვრით“, „ლოდიკური აუცილებლობით“ და სხ. აღიარეს. ცოდნის დაახლოებითი, რელატიურ ხასიათის აღიარებით, ისინი, შემეცნებისგან დამოუკიდებელი ობიექტის უარყოფამდე მივიდნენ, რომლის დაახლოებით სწორ რელატივ ანარეკლს თვით ეს შემეცნება გვაძლევს“¹⁾.

მატაფიზიკოსთა რწმუნებით ელემენტები ან მატერიის თვისებანი უცვლელია, ბუნების და საზოგადოების კანონები აბსოლიუტურ ხასიათის კანონებია. რელატივისტები მოწინააღმდეგე თვალსაზრისზე დგანან. ისინი ამბობენ: ჩვენს ცოდნას რელატიური ხასიათი აქვს, მატერიის ელემენტთა ცვლილება ფაქტია და სხვ. აქედან ისეთი დასკვნა გამოჰყავთ, რომ თითქოს ობიექტიური რეალობა და კანონშეწონილება სრულიად არ არსებობდეს და ყოველი კანონი წმინდა სუბიექტიური და პირობითი ხასიათის იყოს. საკითხის როგორც ერთი, ისე მეორე გაგებაც ერთნაირად უალბი და შემცდარია.

ლენინი, როგორც დიალექტიური მატერიალისტი თვითეულ შეხედულების სიყალბეს ასაბუთებს. ის რაც განვითარების ერთ საფეხურზე გვეჩვენება როგორც უცვლელი და აბსოლიუტური, სხვა საფეხურზე რელატივ სახეს ლებულობს. ასე, მაგალითად, უახლოეს დრომდე ფიქრობდნენ, რომ შეუვალობა, ინერცია და მასსა მატერიის აბსოლიუტური თვისებებია, მაგრამ ეხლა ჩვენ ვიცით რომ ეს ასე არ არის. ყოველ შემთხვევაში აქ საჭიროა აღვნიშნოთ, რომ დიალექტიური მატერიალიზმი არსებითად სხვაედემა მეტაფიზიკურათ მექანიკურ მატერიალიზმიდან, რომელთანაც უთუოდ დაკავშირებულია განსაზღვრული ფიზიკალური მოძღვრება მატერიის და მის თვისებათა შესახებ.

მაგრამ დიალექტიური მატერიალიზმი როგორც ფილოსოფიური მსოფლმხედველობა მნიშვნელოვნად აღრმავებს ყველა ამ საკითხებს. მან ერთის მხრივ ფიზიკალურ გამოკვლევათ და მოძღვრებათ ფართო ასპარეზი დაუთმო და მატერიის აღნაგობის შესახებ ყოველგვარ კონკრეტ ფიზიკალურ მოძღვრებასთან კავშირი გასწყვიტა.

¹⁾ Ленин ibidi 219 გვ.

ამით მატერიის ცნების ფილოსოფიური განმარტება, რა ხდება უნდა, ვიწრო რკალში თავსდება, მაგრამ ერთდროულად იგი ღრმავდება, კონკრეტ ფორმათა და მატერიის თვისებათა უბოლოვად რაოდენობის დაშვებით, როგორც არ უნდა იყვეს ფიზიკალურ მეცნიერებათა წარმატება, ის მატერიის ფილოსოფიურ სწავლას არ ეხება. და იმ აზრით შეიძლება ითქვას, რომ ფილოსოფიური მატერიალიზმი ლენინისათვის ყოველგვარ „ფიზიკურ“, „ფიზიოლოგიურ“ და სხვა გვარ იდეალიზმიდან საფარველი იყო. მართალია, რასაკვირველია, მატერიალიზმში, „თვითუფლ აღმოჩენით, რომელიც ეპოქას ქმნის თუ გინდ საბუნებისმეტყველო—ისტორიულ სფეროში („უკვე თუ კაცობრიობის ისტორიაზე არაფერს ვიტყვი“ როგორც ენგელსი ლაპარაკობს), თავის ფორმა უნდა შეიცვალოსო, ამბობს ლენინი. მაგრამ ფორმის და შინაარსის შერევა, მატერიალიზმის საფუძვლების შეცვლა ფორმის კრიტიკის სახით, დაუშვებელია, რაც შახის მიმდევართა მიერ დაწვებულია. ეხლა ჩვენთვის უკვე ნათელია, თუ რას გულისხმობს ლენინი მატერიალიზმის ფორმად. ეს გარკვეული კონკრეტი სახეა იმის, რასაც გვაძლევს ისტორიულად რელატიური შინაარსი, ე. ი. მატერიის აღნაგობის და თვისებათა კონკრეტი მოძღვრება ანუ სოციალური ორგანიზმის ისტორიულად—გაზღვრული კანონები მისი განვითარების ერთ-ერთ ისტორიულ საფეხურზე. „მაშასადამე, — ამბობს ლენინი, — ენგელსის მატერიალიზმის „ფორმის“ რევიზია, მისი ნატურფილოსოფიურ დებულებათა რევიზია, არა თუ არ შეიცავს, არაფერს „რევიზიონისტულს“ ამ სიტყვის ცნობილ მნიშვნელობით არამედ მარქსიზმის აუცილებელ მოთხოვნას წარმოადგენს. მატერიის ფილოსოფიური განმარტება მჭიდროდ დაკავშირებულია მხოლოდ მის ერთ თვისებასთან, რომელიც მატერიის ობიექტიურ ყოფას, ჩვენ შეგნების გარეშე მის არსებობას ამტკიცებს.

აქედან გამომდინარეობს მეორე თვისება; მისი მოქმედება ჩვენს გრძნობებზე და ჩვენს შეგრძნებებში განსახიერება.

ამით ლენინი ხაზს უსვამს ორ მომენტს: არსებობის მომენტს, ობიექტიურ ყოფას და თეორეტიულ შემეცნებით მომენტს—ჩვენს შეგრძნებებში განსახიერებას. ლენინი ამბობს: „ენგელსის აზრით უცვლელია მხოლოდ ერთი რამ, სახელდობრ: ადამიანის შეგნებაში (როდესაც ადამიანის შეგნება არსებობს) იმ ვარუშყარის განსახება, რომელიც მისგან დამოუკიდებელივ არსებობს და ვითარდება. არავითარი სხვა „უცვლელი“ რამ, არავითარი „არსი“, არავითარი აბსოლუტური სუბსტანცია, მარქსსა და ენგელსისათვის იმ გაგებით არ არსებობს, როგორც ამ ცნებებს უქმი პროფესორული ფილოსოფია ასურათებს. „ნივთთა არსი“ ანუ „სუბსტანცია“ რელატიურია; ეს ობიექტთა შემეცნების გაღრმავებას გამოხატავს, და თუ ეს გაღრმავება გუშინ ატომს იქით არ წასულა, დღეს ელექტრონსა და ეთერს გასცილდა. აქ დიალექტიური მატერიალიზმი ამჟღავნებს ბუნების შემეცნების ყველა ნიშნებს, რომელნიც მეცნიერებით აღინაურებს ადამიანს, დროულ, რელატიურ და მიახლოებით ხასიათს. ელექტრონი იმგვართვე ამოუწურავია, როგორც ატომი, ბუნება უსასრულოა, მაგრამ მისი არსებობაც უსასრულოა და სწორედ ეს, ადამიანის შეგნების და შეგრძნების გარეშე მისი

არსებობის ერთად ერთი უცილობელი კათეგორიული აღიარებია. ეს უკანასკნელი ასხვავეებს დიალექტიურ მატერიალიზმს. — იდეალიზმსა და რელატიურ აგნოსტიციზმისაგან¹⁾.

„ატომის დაშლა, მისი ამოწურვის შეუძლებლობა, მატერიის უორმათა და მოძრაობის ცვლილება ყოველთვის დიალექტიური მატერიალიზმის დასაყრდნობი იყო. ბუნების ყოველი ზღვარი პირობითი, რელატიური და მოძრავია, რომელიც ჩვენი გონების მატერიის შეცნობამდე მიახლოვებას გამოსახავს. მაგრამ ეს სრულიად არ ამტკიცებს იმას, რომ თითქოს ბუნება ე. ი. მატერია — სიმბოლო, პირობითი ნიშანი ე. ი. ჩვენი გონების წარმოებული იყოს.“²⁾

მატერიალიზმის ასეთი ფართო კუთხით — დიალექტიური გაგებით, იმ თავითვე მოხსნილია ყოველი ჯურის „კრიტიკოსთა“ ჩვეულებრივი შეცილება. მეტაფიზიკური მატერიალიზმი აბსოლიუტურ, უცვლელ ელემენტების ანუ „არსთა“ არსებობას აღიარებს.

მექანიკური მატერიალიზმი, მექანიკას და მის კანონებს ემყარება. ხოლო დიალექტიური მატერიალიზმი არც ერთ ამ ცოდვებში დამნაშავე არ არის. ამიტომ უახლოესი გამოკვლევანი ფიზიკის სფეროში არა თუ უარსყოფენ მატერიალიზმს, პირიქით, ისინი დიალექტიურ მატერიალიზმის სისწორეს ამტკიცებს. ბუნებაზე მეტაფიზიკური შეხედულება ნართლაც სრულ და საბოლოო კრახს განიცდის. მოწინააღმდეგეებზე რომ არაფერი ვსთქვათ, ეს კიდევ ბევრ მარქსისტს არა აქვს გათვალისწინებული. მაგრამ დიალექტიურ მატერიალისტებმა, მათ რიცხვში, რასაკვირველია, ლენინმაც, დიდი ხანია ჩინებულად გაიგო ამ მოძრაობის ბუნება. მარქსის და ენგელსის მსოფლმხედველობა თანამედროვე ბუნების მეტყველების მეოხებით კიდევ უფრო ყალიბდება. ლენინი როგორც დიალექტიური მატერიალიზმის ერთი ბუმბერაზი წარმომადგენელი, ბუნებას „დიალექტიკის სახიმუშო საგნად“ სთვლის. რაც შეეხება მსოფლიოს მექანიკურ სურათს ის, როგორც წინ ვამბობდით, მატერიალისტისათვის სავალდებულო არ არის. ახალი ფიზიკის წიაღიდან მატერიის ელექტრონული თეორია წარმოიშვა, რომელიც მატერიის ადგილს ელექტრობას უთმობს. თუ აქამდე ფიზიკურ სამყაროს მთელს შინაარსს, ბუნების მეტყველება სამ ცნებამდე დაიყვანდა, სახელდობრ: მატერია, ელექტრობა და ეთერამდე, ეხლა თვით მატერია როგორც სჩანს შესაძლოა ელექტრობამდე დავიყვანოთ. მექანიკის კანონები არა თუ უბრალოდ უარსაყოფია, როგორც ზოგიერთი ფიქრობს, არამედ მათი „მოქმედების სფერო“. ასე ვსთქვათ, შემოსახლერულია. მექანიკის კანონები ეხლა უკვე განიხილება როგორც ელექტრო მაგნეტიზმის ანუ მსოფლიოს ელექტრო-დინამიურ სურათის კერძო შემთხვევა. მსოფლიო-მოძრავი მატერიაა. მექანიკა, ამ ახალ მოძღვრებათა საბოლოო გამარჯვების დროს, ნელ რეალ მოძრაობათა სურათი იქნებაო, — ამბობს ლენინი, — ხოლო ელექტრომაგნეტური თეორია კი, გიგანტური სიჩქარის გამომბატველი.

1) ibidi გვ. 220.

2) Ленин. ibidi გვ. 236.

მასის მუდმივობა და ინერციის პრინციპი ძალაში დარჩება, მხოლოდ სხეულთა საშუალო სიჩქარისათვის. ამგვარად ძველი მექანიკა არ არის უარყოფილი სრულიად, არამედ ის უფრო ვიწრო ფარგლებში შემოიხვეწა. აგრეთვე ახალი ფიზიკის სფეროში ჩვენ რეალ მოძრაობასთან და ობიექტიური რეალობის ე. ი. მატერიის მოძრაობა, ცვლილებასა და გარდაქმნასთან გვაქვს საქმე. „მატერიალურ გარდაქმნათა დიალექტიკა, რომელიც ლაბორატორიებში და ქარხნებში სწარმოებს, იდეალისტის თვალში,—ხაზს უსვამს ლენინი,—არ მატერიალისტურ დიალექტიკის დამტკიცებაა, არამედ მატერიალიზმის საწინააღმდეგო დებულება“.

მართლაც, შეუსაბამოა ახალ ფიზიკიდან იდეალისტური დასკვნები გამოვიყვანოთ. ჩვენ ლაბორატორიებში, ელექტრობასთან, ატომებთან და ელექტონთან გვაქვს საქმე. ჩვენ აქ მატერიალურ გარდაქმნათა დიალექტიკის არა მარტო „დაკვირებას“, არამედ „ცდასაც“ ვახდენთ... ცხადია, რომ ასეთი პროცესები რეალური, ობიექტური და მატერიალური რომ არ ყოფილიყო, ისინი არსებობას სრულიად მოკლებული იქნებოდნენ და მათ შესახებ ჩვენ არაფერი გვეცოდინებოდა. მართალია ის, რაც ეხლა ვიცით და რასაც ვუკვირდებით, ბევრად უფრო ბრძნულია ძველ მექანიკაზე. მაგრამ ყოველივე ეს მატერიის დროსა და სივრცეში მოძრაობაა. ადამიანის გონებამ, ბუნებაში ბევრი საკვირველი რამ აღმოაჩინა და კიდევ მეტს აღმოაჩენს, რითაც უფრო დაიმორჩილებს ბუნებას, მაგრამ ეს იმას არ ნიშნავს, რომ ბუნება ჩვენი გონების მიერ ან განყენებული გონების ე. ი. ბაგდანოვისებური „დადგმის“ ტიტლიკანა ღმერთის მიერ იყოს შექმნილი.

მეტაფიზიკურ მატერიალიზმის წინააღმდეგ მარქსიზმის დამფუძნებლებმა გაილაშქრეს. მის მექანიკურ მიმართებაში ისინი ძირითად შეცდომას ხედავდნენ. ამ შემთხვევაში მართლაც განცვიფრებაში მოვყავართ იმ „მოხუცთა“ შორს მჭვრეტელობას.—თანამედროვე ფიზიკის სიმალლიდან მათი შეხედულება უფრო ღრმა ფილოსოფიურ მნიშვნელობას ჰპოულობს.

მარქსი და ენგელსი, მიმდევნად დიალექტიკოსები და მატერიალისტები იყვნენ და ამიტომ ისინი სხვაზე უფრო ღრმად და შორს მხედველნი იყვნენ. როგორც დიალექტიკოსები, მათთვის ცხადი იყო, რომ შემეცნება გზა, დაბოლოებულ სახით მოცემული არ არის, რომ რელატივ ცოდნას — ობიექტურ ცოდნამდე და არა სრულ ცოდნას სრულ და სწორ ცოდნამდე მივყავართ. მათ კვალს გაყვა ლენინიც უღრმეს რეალიზმის, ამოუწურავ რევოლიუციურ ენტუზიაზმის და პრაქტიკულ იდეალიზმის დამტვევი. განვითარების თვითეულ მომენტს ან „რგოლს“ ის ღებულობდა როგორც მთელის დაახლოვებით რეალ გამოხატულებას. ის არ ჩერდება, არ იყინება ცალკე სტადიებზე, არამედ შეუჩერებლივ ისწრაფვის წინ. როგორც უნიადაგო უტოპიზმი აგრეთვე მცოცავი ემპირიზმიც მისთვის უცხო იყო.

ჩვენ დოქტრინორები არა ვართ, ამბობდა ლენინი. ჩვენი მოძღვრება მარქსიზმის შესახებ ეს დოგმა არ არის, არამედ სამოღვაწეო სახელმძღვანელოა. ჩვენ იმაზე პრეტენზიებს არ ვაცხადებთ, რომ თითქოს მარქსმა ან მარქსისტებმა

სოციალიზმისაკენ მიმავალი კონკრეტი გზები იცოდენ. ეს მიქარვა ჩვენ ვიცით ამ გზის მიმართულება, ჩვენ ვიცით თუ რა კლასიური ძალები მიგვიყვანს სოციალიზმამდე, მხოლოდ კონკრეტულად, პრაქტიკის სფეროში ჩვენ ვწინასწარ მილიონთა ცდა გვიჩვენებს, როდესაც ამ საქმის განხორციელებაში შეუძლებელია*) მას ერთი წუთითაც არ დავიწყებია საბოლოო მიზანი, რომლისკენ, თანამედროვე საზოგადოების ობიექტურ განვითარებაზე დაყრდნობით მიილტოდა. მაგრამ ამასთანავე ერთად მას შეგნებული ქონდა, რომ ის გზა, რომელსაც საბოლოო მიზნამდე მივყევართ განაწამები და გამოტანჯულია, რომ კონკრეტ საფეხურთა და დაბრკოლებათა მთელი რიგი გადალახულ უნდა იქმნეს, ვინაიდან ამის გარეშე შეუძლებელია ნამდვილი პრაქტიკული წინსვლა.

და თუ მთელი რელატივ ცალკე მომენტთან შედგენილია, მაშინ საჭიროა თვითეულ ცალკე მომენტის სული და შინაარსი, მთელის განსახება მოსძებნოთ. ამაში მდგომარეობს მსოფლიოზე დიალექტიურად მზერის უნარი, ქვეყნის დაფლობის ხელოვნება. ასეთია მარქსისტული მეთოდის უძლეველი ძალა, რომელსაც სრულიად ფლობდა ლენინი.

ის თავის ძლიერი ტემპერამენტით ებრძოდა ყველა მათ, რომელთაც ასე ვსთქვათ, ნახევრად შეუთვისებიათ მარქსის ისტორიული და ეკონომიური მოძღვრება და ამავე დროს სრულიად არ ჰქონდათ გარკვეული მისი ფილოსოფიური საფუძველი დიალექტიკური მატერიალიზმი. არ შეიძლება ზევით მატერიალისტი ვიყვეთ (ე. ი. საზოგადოებრივ მეცნიერებათა სფეროში ისტორიული მატერიალიზმის მომხრე) და ამავე დროს ქვევით (ე. ი. ბუნების მიმართ) იდეალისტი, ისე როგორც არ შეიძლება ვიყვეთ ქვევით მატერიალისტი და ზევით იდეალისტი. დიალექტიკური მატერიალიზმი მთლიანი მსოფლმხედველობაა, რომელიც იტევს როგორც ბუნებას, ისე საზოგადოებასაც.

ლენინი ამ მსოფლმხედველობის ძლიერი წარმომადგენელია. მისი პრაქტიკული საქმიანობის თვითეული ნაბიჯი უწყვეტად დაკავშირებულია ამ საკუთარ მსოფლმხედველობასთან, და თან მარქსიზმით გაშუქებულია.

(დასასრული იქნება).

*) Ленин, XIV ტ. II ნაწ. გვ. 83—84. ამ სიტყვებში საუცხოოდ გამოხატულია ლენინის, როგორც „თეორეტიკული“, აგრეთვე „პრაქტიკული“ ფილოსოფიის მთელი „შინაარსი“.

საით დევდარიანი



ქართული

მწიგნობართა

ეს პასუხი არ არის*)

I

ნ. ჟორდანიასაგან მართალი ვსთქვა, არ მოველოდი ასე დაწვრილმანებას და ბუზის დანახვას იქ, სადაც სპილოა დასანახავი. ეს ეპატიებათ ჩვენი ღროის ლიაპკინ-ტიაპკინებს, პოლიტიკურ მცირე წლოვანებს, ამათ არ შეეძლოთ მეტი და შეუდგენ „ბუზების თვლას“—რამდენათ შეაშინა ჩეკამ ეს კაცი, იტყოდა თუ არა, რასაც ახლა ამბობს, ჩეკაში, რომ არ ჩავარდნილიყო და სხ.

ვიმეორებ, ამათ ეს ეპატიებათ. ფრანგული ანდაზაა, —საუკეთესო ქალწული ვერ მოგცემს იმაზედ მეტს, რაც აქვს. მაგრამ ნოე ჟორდანიას მეტი მართებს და მეტი მოეთხოვება. ის არ უნდა გამხდარიყო ასე ნემსის კუნწში გასაძრომად და არ უნდა დაეწყო თავის პასუხი ჩემ წერილზე იმით, რომ „ეს ახალი რევინიონიზმი ჩეკამ ხომ არ მოახვია თავზეო“.

მოვუყვები ნ. ჟორდანიას, რაში და როდის დაიწყო ჩემი „რევინიონიზმი“. რუსეთის სოც.-დემოკრატიის მი ვიდექი საშუალო-ხაზზე, ვეკუთვნოდი ე. წ. ცენტრს, ვამბობდი და ვწერდი ხოლმე, რომ მუშათა კლასის დემოკრატია უნდა იყოს მებრძოლი ორივე ფრონტზე—როგორც ბოლშევიკების, ისე დენიკინ-კოლჩაკის წინააღმდეგოქო. ვის ავირჩევდი მე. თუ არსაიდან არ გამოჩნდებოდა ეს საშუალო ძალა, ეს ორივე მხრივ მებრძოლი დემოკრატია? არასოდეს არ მიფიქრია ბოლშევიზმის მოწინააღმდეგე ძალების არჩევა, გულშიაც არ გამივლია მარჯვენა ბოლშევიზმისაკენ გადაქანება. საქართველოს დემოკრატია მე მიმაჩნდა სწორეთ ამისთანა საშუალო ძალათ. 1920 წლის განმავლობაში ხშირად შითქვამს ხოლმე ხან სიტყვით ხან კალმით, — საქართველოს დემოკრატიათ თუ

*) რედაქცია ფიქრობს, რომ ამბ. დევდარიანის წერილი მოუხედავად მისი ცოტათი დაგვიანებით გამოქვეყნებისა, მაინც არ არის მოკლებული საჯიურთ ინტერესს. ამიტომ იგი საშუალებას აძლევს ავტორს გამოაქვეყნოს ეს წერილი „მნათობის“ ფურცლებზე შეუცვლელად, მიუხედავად იმისა, რომ, ცხადია არ იზიარებს დასახელებულ წერილში გამოთქმულ ბევრ აზრებს.

რედაქცია.

საქართველოს დემოკრატია

გაინარჯვა, ეს იქნება საერთაშორისო დემოკრატიის განარჯვებათქო. ასე გვითხრა სხვათაშორის მეორე ინტერნაციონალის ერთმა წარმომადგენელმაც აქ სტუმრობის დროს... თქვენ დამარცხდებით, ჩვენი დამარცხება იქნება, თქვენ გაინარჯვებთ ჩვენი განარჯვება იქნებაო. საქართველოს დემოკრატია ჩაიჭრა ისტორიულ გამოცდაზე. ის დამარცხდა 1921 წ. თებერვლის—მარტის დღეებში არა მარტო იმით, რომ რუსეთი მოერია, ის დამარცხდა პოლიტიკურადაც. ყველახათვის აღვილი დასანახავი გახდა, რომ საქართველო ვერ შეიკავებს თავს საშუალო ხაზზე, უნდა მიემხროს რომელიმე ძალას. რომელს? ეს კითხვა მე დავაყენე ქუთაისში გამოსულ გაზ. „ერთობის“ უკანასკნელ ნომერში, ინდღეს როცა ბათუმისაკენ მივეჩქარებოდით. ესთქვი, რომ საქართველო უნდა იყოს ანტანტის მოწინააღმდეგე კავშირში.

ბათომში მე წავიკითხე ნ. ჟორდანიას მოწოდება, ვუბნებოდა ქართველებს არც ერთი განკარგულება ძალით მოსული მთავრობის არ უნდა სრულდებოდეს, ერთად ერთი კანონიერი მთავრობაა, ის, რომელიც ახლა მიდის სახლვარ-გარეთ და სადაც უნდა იქნეს, თვალ-ყური იმისკენ უნდა გეჭიროსთო.

ნ. ჟორდანია ამ მოწოდებაში დასაყრდნობ წერტილად იხდიდა საქართველოს იურიდიულ ცნობას. ის ეკედლებოდა ევროპის სახელმწიფოებს ბოლშევიკური რუსეთის წინააღმდეგ. ეს იყო მე ვამტკიცებ, რევიზიონიზმი ნ. ჟორდანიას პოლიტიკურ აზროვნებაში. კარგათ მახსოვს რაც უთქვამს ხოლმე 1920 წ. ცენტრალური კომიტეტის სხდომებზე, რასაც ამბობდა პარტიულ ყრილობაზე იმავე წელს, ან ამა თუ იმ მოხსენებებში პარტიის გარეშე, მაგალითად, საბ. გვარდიის ყრილობაზე, მახსოვს მისი დეპეშა, რომელიც გაუგზავნა მოსკოვს გრ. ურატაძის სახელზე მოსკოვთან დადებულ სამშვიდობო ხელშეკრულების გამო, მახსოვს მისი თეზისები, რომელსაც ის ატანდა ჩვენს მუშათა დელეგაციას საბჭოთა რუსეთში. ყველაფრიდან და ყოველთვის გამოდიოდა ისე, რომ გადამწყვეტ წუთში ნ. ჟორდანია არ აირჩევდა დასავლეთ ევროპის სახელმწიფოებს რუსეთის წინააღმდეგ, პირიქით ამ უკანასკნელს აირჩევდა პირველის წინააღმდეგ.

ბათომში ზღვის პირზე გემში ჩაჯდომის წინა დღით ნ. ჟორდანიას პოლიტიკას ჯობი გადაელუნა იქითა მხარეზე. ეს იყო რევიზიონიზმი—ბოლშევიზმის შიშით გამოწვეული.

მე ძალიან შემაშინა ამ რევიზიონიზმმა. „ერთობის“ რედაქციაში—ბათომში გვექონდა მაშინ ეს გაზეთი—ვეუბნებოდნენ. რამიშვილს, რომ ჩვენ უნდა ჩამოვაგდოთ ბოლშევიკებთან ხავი, თქვენ თუ მიდიხართ სახლვარგარეთ იმ იმედით, რომ ევროპის სახელმწიფოები დაგვეხმარებიან, ჩვენ დაგველუპება პარტია და დალუპვის გზაზე იქნება დამდგარი ქართველი ერიცთქო. ამ ლაპარაკზე იქ იყვნენ კ. ჩხეიძე და ალ. ლომთათიძე, ნ. რამიშვილმა მითხრა — მოვილაპარაკოთ მაგაზე ხვალ ცენტრალურ კომიტეტშიო. „ხვალ“ ამისთვის აღარ გვეცალა და აღარ შევხვედრივართ ერთმანეთს.

ამნაირათ ჩემი რევიზიონიზმი, თუ ეს რევიზიონიზმია, დაიწყო ჩეკაში ჩავარდნამდის. ერთში მართალია ნ. ჟორდანია: უნდა მიმეწერა წერილი იმისთვის, როცა საშუალება მქონდა „პირდაპირი კავშირის და მიწერმოწერის“. ვე-

რიდებოდი ამას მარტო იმ მოსაზრებით, რომ იქნება ჩემ წერილსაც დამართო-
და გზაში ის, რაც ხშირად ემართებოდა წერილებს აქედან და იქიდან. ბოლშე-
ვიკები მშვენივრათ გამოიყენებდნენ ჩავარდნილ წერილს, რაშიმისმ წარტყის მეტი
ზიანი მოუვიდოდა. სარგებლობა კი არაფერი იქნებოდა, უიღვეს რომ მისვლოდა
ნ. ჟორდანიას ჩემი წერილი. არსებითად ის მომცემდა ისეთ პასუხს, როგორც
ახლა მომცა.

მაგრამ საზღვარ გარეთ, მე მგონია ყოველთვის მიდის აქაური გაზეთები.
ნ. ჟორდანიას ალბათ „წააწყდებოდა“ „კომუნისტის“ ნომერს, რომელშიაც და-
ბეჭდილი იყო ჩემი ღია წერილი ყოფილ მენშევიკების საინიციატივო ბიუროსა-
დმი. „წააწყდებოდა“ ამ ბიუროს ორგანოს „მოამბის“ ნომრებსაც. რომელშიაც იყო
ერთი რიგი ჩემი წერილების. იქ მე ვსწერდი საერთო ენის შესახებ — ვეუბნებოდი
სხვათა შორის საინიციატივო ბიუროს, დამანახვეთ რა საბუთებით მტკიცდება
რომ პარტიას კავშირი აქვს ბანდებთან და ერთი წუთსაც აღარ დავრჩები პარ-
ტიაში თქო. მაშინ მე არ ვყოფილვარ ჩეკაში და ჩეკას არაფერი „მოუხვევია“
ჩემთვის თავზე. ჩეკამ დიდი გავლენა იქონია ჩემზე იმით, რომ მანახვა მის
ხელში ჩაცვენილი საბუთები. ნ. ჟორდანიას იმედი მაქვს, გაეცნობა ამ საბუ-
თებს და ვნახოთ აიღებს თუ არა თავის თავზე სრულ პასუხისმგებლობას. თი-
თონ დაინახავს მაშინ რამდენათ საფუძვლიანია მისი პასუხის ერთი სტრიქონი:
— „მაზე (ე. ი. ჩემზე ს. დ.) ხომ არ გამართლდა ცნობილი თქმულება „შიში
შეიქმნს სიყვარულსო“.

რაც შეეხება „შიშს“... ნ. ჟორდანიას ვეტყვი, რომ თქმაც არ შეადვილება
პრესის ფურცლებზე. აქ ამას წინეთ ბაყაყები მეყიყინებოდნენ შეკითხვებში
და წერილებში, — დახვრეტის ხომ არ შეგეშინდაო. ჩეკას ამ საბუთების მიხედ-
ვით შეეძლო დაეხვრიტა არა ერთი და ორი, იქნება ათეულიც და ასეულიც.
მე ვიცოდის, რომ არ მოვხვდებოდი არც ათასეულის რიცხვში, არც ნ. ხომერიკი
მოჰყვებოდა. მაგრამ ჩემთვის გაცილებით უარესი სასჯელი იქნებოდა, რომ ვინ-
მე დახვრეტილიყო და თვითონ „გადავრჩენილიყავი“. დავარწმუნებ ნ. ჟორდა-
ნიას, რომ ეს შიში ახლაც მიდვას წინ, და მე საშინლათ მიკვირს აი რა: გუშინ-
წინ ხელში ჩამივარდა ბერლინის „სოციალისტიჩესკი ვესტნიკ“-ი, აქ ამოვიკით-
ხე: საფრანგეთის სოციალისტურმა კონგრესმა შუამდგომლობა აღძრა ამნისტიის
შესახებ, ხომერიკისთვისო. ეს იქნებოდა ალბათ საზღვარ გარეთის ბიუროს წი-
ნადადებით. საზღვარ გარეთის ბიუროს მიუღის აქედან წერილები და არ შეიძ-
ლება არ იცოდეს, რომ დამწყვდეულია არა მარტო ხომერიკი, და ხომერიკზე
უფრო სჭირდებათ ამნისტია სხვებს. არიან ისინი ვისაც ბრალდება კავშირი ჩო-
ლოყაშვილთან. საზღვარ გარეთიდან მოსული წერილებიდან, აქაური საბუთე-
ბიდანაც სჩანს, რომ საქართველოს სოც.-დემ. პარტია ხელს ვერ დაიბანს,
ვერ იტყვის ჩოლოყაშვილის არავიცირაო. მე არ მინდა ერთი მსხვერპლიც
შეიწიროს იმ ბრძოლის „ხაზზე“, რომელზედაც დამახინჯებულია და გადაგ-
ვარებულია სოციალისტური პრინციპები. ამ პატარა ფაქტში, რომელზედაც
ახლა ვუთითებ — სარკესავით იხედება მთელი ახლანდელი არსება საქ. ს. დემ.
პარტიისა. ის ხალხს აბამს ხალხისათვის გამანადგურებელ ბრძოლაში, ხალხს

კი ბოლომდის გვერდში არ უდგას და მარტო „თავისიანის“ გადარჩენაზე ფიქრობს.

მე არ ვფიქრობ ასე; „თავისიანობა“ მე არ მწამს. პარტიისთვის იქნება არ არის ეს ხელსაყრელი, მაგრამ ხალხის ყოფნა არ ყოფნის გამოინახოს სხვა გზა საქართველოს საკითხში.

II

ეს მიეწერე მე ნ. ჟორდანიას და ამ პატარა წერილში არ გადამიტანია საკითხი საერთოდ ბოლშევიზმ-მენშევიზმზე. ვამბობდი ხაზ გასმით, რომ პარტიის მოქმედება საქართველოს საკითხში დატრიალდა რაღაც საეჭვო და ხელმოუკიდებელი იმედების წერაზე. ვგულისხმობდი საგარეო ინტერვენციას.

ნ. ჟორდანიას მართალს ამბობს, — მენშევიზმის ტაქტიკური და პრინციპიული საფუძველი არ შეიძლება იყოს დამყარებული რაღაც იმედებზე და ილიუზიებზეო“.

მეც მეგონა აქამდის, რომ არ შეიძლება იყოს.

მაგრამ ნ. ჟორდანიას მართალს არ ამბობს; — საზღვარ-გარეთის იმედები, საგარეო ინტერვენცია არ ყოფილა „ჩვენი პარტიის მოქმედების ღერძათო“.

არ ყოფილა კი არა, იყო და არის. საქართველოს სოციალ-დემოკრატია თითონაც საზრდოობდა, ხალხსაც ასაზრდოებდა „იქაური“ იმედებით. — ვილაცა მოვა და გაგანთავისუფლებსო, — ასე იმედობდნენ აქ ამ სამ წელიწადში, ახლაც ასე იმედობენ ზოგიერთები: სხვა ღერძი არ ქონებია და არც აქვს პარტიის მოქმედებას.

თუ ნ. ჟორდანიას ეს ასე არ გონია ალბათ არ ახსოვს, რასაც თითონ სწერდა სხვათა შორის „ბრძოლის საკითხებში“: ქართველი ერი უნდა შევიდეს საბოლოოთი ევროპის ოჯახში; ეს კი შეიძლება მხოლოდ ბოლშევიკების ბატონობის დაცემით და თავისუფლების აღდგენით. ამის ნიადაგი უკვე მომზადებულია ჩვენში და ევროპაში. დასავლეთის მთელი დემოკრატია დიდათ დაინტერესებულია ქართველი ხალხით. დიდ თანაგრძნობით მას ეპყრობა და მფარველობას უწევს. მას ის უკვე მიაჩნია თავის ნაჭრათ, თავის ხორცათ და სისხლათ. მეორე მხრივ მთელი ქართველი ხალხი არ ურიგდება მოსკოვის ოკუპაციას, იბრძვის თავისუფლებისათვის და იხედება დასავლეთისკენ. ის იმედიანათ არის. და ეს იმედი მას არ გაუცრუვდება (ნ. ჟორდანიას: ბრძოლის საკითხები).

განა ეს სტრიქონები რაღაც იმედებზე და ილიუზიებზე არ არი დამყარებული? განა აქ საეჭვო და ხელმოუკიდებელი იმედებით არ უმასპინძლდება ნ. ჟორდანიას თავის მკითხველებს?

ის კარგათ უნდა იცნობდეს სხვა მასალებსაც — საზღვარ-გარეთიდან მოსულ და ახლა ჩეკაში ჩაცვენილ წერილებს. თუ იცნობს, საბუთი აღარ ექნება თქვას, რომ საზღვარ-გარეთის იმედები, საგარეო ინტერვენცია არ ყოფილა „ჩვენი პარტიის მოქმედების ღერძათო“.

ის კარგათ უნდა იცნობდეს სხვა მასალებსაც — საზღვარ გარეთიდან მოსულ და ახლა ჩეკაში ჩაცვენილ წერილებს. თუ იცნობს საბუთი აღარ ექნება თქვას, რომ საზღვარ გარეთის იმედები, საგარეო ინტერვენციის არ ყოფილა „ჩვენი პარტიის მოქმედების ღერძათო“.

6. რამიშვილს ერთა ლიგაში შეუტანია ძველი მთავრობის სახელით განცხადება რუსეთის იურიდიულათ ცნობის დროს, რუსეთს უნდა მოეთხოვოს ჯარის გაყვანა საქართველოდანო*). ნ. რამიშვილი ისე გულუბრიველო არ არის, რომ საკამათოდ მიაჩნდეს ცარიელი მოთხოვა ერთა ლიგის მხრივ. თუ რუსეთი არ დაეთანხმა? უნდა დაითანხმონ... ერთა ლიგამ უთუოდ უნდა მიიღოს სხვა ზომებიც. მე მგონია ამას არაფერი არ დაერქმევა საგარეო ინტერვენციის მეტი და ამაში არაფერი არ არის „საექვო და ხელმოუკიდებელი“ იმედების გარდა.

ბოლშევიზმის ბატონობა საქართველოში ნიშნავს რუსეთის ბატონობას საქართველოზეო — ხშირათ ამბობს ნ. ჟორდანიას. ბოლშევიზმის მოცილება ნიშნავს მაშასადამე, რუსეთის მოცილებას.

მერე ეს შეუძლია ქართველ ხალხს თავისით, ვანა ამ შემთხვევაში შეიძლება ითქვას, „ხალხის განთავისუფლება თითონ ხალხის საქმეაო?“

— არა მე ეს არ შემიძლია, ეს არ არის „თვით ჩემი საქმეო“ — უთუოდ იტყვის ქართველი ხალხი.

ნ. ჟორდანიას ხედავს პარტიის მოქმედების საფუძველს იმაში, რომ „ხალხი არ ურიგდება ბოლშევიკურ რეჟიმსო“.

ეს არის წმინდა წყლის სუბიექტივიზმი. მარქსისტული არაფერია ამაში. მარქსისტულ პარტიას არ შეუძლია მარტო სურვილებზე და სულიერ განწყობილებაზე ააგოს თავისი ტაქტიკა. — შენ გინდა, გსურს, მაგრამ ეს არ კმარა, ხელს უნდა გიწყობდეს კიდევ ობიექტიური პირობებიო, — აი რას ეუბნება ხალხს ნამდვილი მარქსისტული პარტია.

მერე ეს შეუძლია ქართველ ხალხს თავისით? ვანა ამ შემთხვევაში შეიძლება ითქვას, — ხალხის განთავისუფლება თვითონ ხალხის საქმეაო?

— არა, მე ეს არ შემიძლია, ეს არ არის „თვით ჩემი საქმეო“, — უი-უი იტყვის ქართველი ხალხი.

მე მიხარია, რომ ნ. ჟორდანიას თავის უკანასკნელ, როგორც ეტყობა, ნაჩქარებ წერილში („ჩემი პასუხი“) უკვე აღარ იძლევა საგარეო იმედებს. მაგრამ დავუგდოთ ყური, რა უნდა იყოს, მისი აზრით საქ. ს.-დ. პარტიული ტაქტიკის საფუძველი.

— თუ ხალხს უნდა თავისუფლება, ამას იგი ადრე თუ გვიან მიაღწევსო. — საქართველომ ხომ საქვეყნოთ აღიარა თავის სურვილი იყოს სუვერენული და დამოუკიდებელი. მაშასადამე მას არაფერს ახალს თავზე არ ვახვევთ, მხოლოდ ვეუბნებით, ჩააფრინდით მაგრათ ამ თქვენ თვით გამოორკვევას, თქვენ და მიგიყვანთ სამშვიდობოზე. ეს არის გზა ისტორიულათ ჩვენი განვითარების და ბრძოლისო*.

*). „ბოსლენია ნოვასტი“ 16 მარტი 1924 წ.

თითქო ხალხის სურვილზეა დამოკიდებული ხალხის განხილვის გზა, თითქო მეტი არაფერია საქირო, ოღონდ უნდოდეს, ოღონდ ჩათვიინდეს მაგრათ თავის სურვილს.

ნ. ჟორდანიას ხელდასაცემი პარტიის მოქმედების საფუძველი ხალხი არ ურიკდება ბოლშევიკურ რეჟიმსო.

ეს არის წმინდა წყლის სუბიექტივიზმი. მარქსისტული არაფერია ამაში. მარქსისტულ პარტიას არ შეუძლია მარტო სურვილებზე და სულიერ განწყობილებაზე ააგოს თავისი ტაქტიკა. — შენ გინდა, გსურს, მაგრამ ეს არ კნარა, ხელს უნდა გიწყობდეს კიდევ ობიექტიური პირობებიო, — აი რას ეუბნება ხალხს ნამდვილი მარქსისტული პარტია.

ნ. ჟორდანიას მთავარი ძარღვია საქართველოს სოციალ-დემოკრატიის და ვერაფერს ვერ ამბობს ობიექტიური პირობების შესახებ.

ხალხის შეურიგებლობა კი იმაში იხატება, რომ ის ელის დღიდან დღეზე, ის დღეს-ხვალ, ელის ნ. ჟორდანიასაგან, პუანკარესაგან, კერზონისაგან, მაკდონალდისაგან. ხალხის თავში აირია ყველაფერი. უთხარით ხალხს, — შეიძლება „განვლოს წლებმა“-თქო და მაშინ გაუზომით შეურიგებლობის სიცხე, აუწევს მალლა, თუ ჩამოუარდება ძირს.

ნ. ჟორდანიასათვის საქართველოს საკითხში მეორე ხარისხოვანია დრო, ხოლო იმ „ბრძოლაში“, რომელსაც აწარმოებენ აქ ს.-დ. ცენტრალური კომიტეტი და პარიტეტული კომიტეტი, დრო პირველ ხარისხოვან საკითხათ დვას. ეს „ბრძოლა“ მიზომილია დღეებზე, დიდი, დიდი თვეებზე*) და ამნაირი ბრძოლის „ხაზს“ აქამდის ხელს უწყობდა ევროპის ფოსტა.

სოციალ-დემოკრატიულ პარტიას რომ შესმენილი ჰქონებოდა, — შეიძლება განვლოს წლებმაო, მაშინ ბრძოლა დარჩებოდა იდეურ პოლიტიკურ ხაზზე, ადვილი აღარ ექნებოდა ავანტიურას, გახრწნას. პარტიამ დაჰკარგა მარქსისტული გზა და პრინციპი, აჰყვა სტიქიას, სურვილებს, სხვა ვერაფერი ნახა ხელმოსაკიდებელი და ჩავარდა უფსკრულში.

III

გზას და პრინციპს ნ. ჟორდანიას არ იძლევა თავის წერილში. ჩვენ არასოდეს არ გვითქვამს, ვილაცხა მოვა და გაგანთავისუფლებსო, შენ თითონ გაინთავისუფლებ თავს, თუ გინდაო, — ეუბნება ის ქართველ ხალხსო.

*) საქ. სოც.-დემ. პარტიის ცენტრალურ კომიტეტის უკანასკნელ ფურცელში ვკითხულობთ:

— ქართველმა ხალხმა კარგათ იცის, რომ რუსეთის საკითხთან ერთად ევროპის დღიერ წესრიგში დვას საქართველოს საკითხიც, და ამ გარემოებას ვერსად გაექცვიან რუსეთის წითელი დერეჟიმორდები, რაც უნდა ყალბი ცნობები თხზან თავიანთ აგენტურის საშუალებით... მალე ლონდონში გაიხსნება კონფერენცია და ინგლისის დემოკრატიის წინაშე წარსდგება მოსკოვის ტირანიული ხელისუფლება, რომელმაც ხელები საქართველოს ხალხის სისხლით შეიღება. შექველია, რომ ინგლისის მუშათა მთავრობა მოსთხოვს თავის ძველ ვალებს, და იმ ხელშეკრულებათა ასრულებას, რომელთაც საერთაშორისო მასიათი აქვს. აი სწორეთ ასეთი ხასიათის და თვისებისაა. საქართველო უკვე ცნობილია ევროპის მიერ, როგორც დამოუკიდებელი სახელმწიფო, და ამ გარემოებას ვერაფერს უარყოფს დღეს გარდა აშკარა მოძალადეებისა... საქართველოს განთავისუფლების დღე მთავარად... საქართველო უნდა განთავისუფლდეს და განთავისუფლდება კიდევაც.



ნ. ჟორდანიას ტაქტიკაც დამყარებულია უძველო და უძველო/უხერხემლო იმედზე. ნ. ჟორდანია რალაცას ელის აქედან „როგორც ჩვენს წინააღმდეგის ელიან იქიდან.“ ეს რალაცაა საქართველოს სოც.-დემოკრატიული ბრძოლის „სამოქმედო“ ღერძი.

ყოფილ მენშევიკთა საპასუხოთ ნ. ჟორდანია გაკვრით ამბობს,—ბოლშევიზმის გზა მიდის უფსკრულისკენ, და ჩვენი გზა მიდის აღორძინებისაკენო.

ეს ხეპირი თქმაა, საიდან გამოიყვანება დღევანდელ ობიექტიურ პირობებში ეს „ჩვენი გზა“, საიდან და როგორ გავვდით ჩვენ აღორძინებისაკენ?—ბოლშევიკური ხელისუფლება, უიჭველია, დაიქცევაო,—სწერს ნ. ჟორდანია, რა იქნება შემდეგ? ამაზე ის გვეუბნება „ბრძოლის საკითხებში“,—ბოლშევიზმს სახეირო მემკვიდრე არ ეყოლება, ბოლშევიზმის ხიდან დემოკრატიზმი არ ჩამოვარდებაო“. როგორღა ვიპოვნით, თუ ასეა, იმ „ჩვენ გზას“, რომელიც მიდის აღორძინებისაკენ? ასე უნდა დადგეს საკითხი. ნ. ჟორდანიას არ აქვს ამ საკითხზე არავითარი პასუხი.

პასუხი არ არის მარტო იმის თქმა, რომ—საბჭოთა ძალა-უფლების დამარცხება საქართველოში ნიშნავს ხალხის სუვერენიტეტის აღდგენას, დემოკრატიის გაბატონებას, თავისუფლების დამყარებას და ბრძოლის საშუალებების გაფართოებას“.

ასე ადვილათ ჩვენ ვერ დავაიმედებთ ხალხს, ვერ შევპირდებით, რომ საბჭოთა ძალა-უფლების ჩამოგდება უთუოდ დემოკრატიას გაბატონებს საქართველოში. ისტორია არ შეასრულებს ამისთანა დაპირებას. ვითომ მოხერხდება ისე, რომ რუსეთში დარჩეს ბოლშევიზმი და საქართველოში დამარცხდეს? ან თავს დაანებებს რუსეთი საქართველოს, რომ აღარც იქ იქნეს ბოლშევიზმი?

აი ამ კითხვებში ნ. ჟორდანიას „წყალზე ფებით გაჩერება“ მოუნდომებია. რუსეთი თავისთვის და საქართველო თავისთვისო,— ამბობს. ეს არის ტყუილი იმედი, უტოპია და, როგორც სჩანს, ნ. ჟორდანია „ამ უტოპიის მსხვერპლი გამხდარა“.

საქართველოს არ მოეხსნება არც ბოლშევიკური, არც კადეტური, არც ესერული რუსეთი. არც სოც.-დემოკრატიული რუსეთი მოეხსნება, რომ მოხდეს კიდევც სასწაული და გაჩნდეს ამისთანა.

ბერლინის ჟურნალში, „Социалистический Вестник“-ში (რუსი მენშევიკების ორგანოა) ამ სამი წლის წინეთ ეწერა:—თუ ეკონომიური წინმსვლელობისათვის საჭირო იქნა რუსეთთან ერთად ყოფნა, ჩვენ უნდა ვიმოქმედოთ დარწმუნების ძალით (силой убеждения) პატარა ერებზე, რომ რუსეთთან იყონო. ჩვენ ვიცით, რას ნიშნავს საბოლოოთ силой убеждения. სადაც სიტყვა არ იქმარებს, იქ იარაღი შევა ხმარებაში.

თუ საქართველო რუსეთს ვერ გამოეცლება, ცხადია, რუსეთისაგან დამოუკიდებლათ საქართველოში ვერაფერი დამყარდება. ნ. ჟორდანიას არ ეყოფა გაკვრით ლაპარაკი ამ საგანზე. ის მოვადგეა გამოარკვიოს უფრო საფუძვლიანათ, რა ობიექტიური პირობებია იმის თავდები, რომ საქართველოს ექნება მეტი დამოუკიდებლობა ბოლშევიკურ ძალაუფლების შემდეგ.

საქმე იმაშია, ვინ იქნება ჩამომგდები ამ ძალაუფლების, საქართველ ხალხს „დამხმარე“ უნდა ეყოლოს. თუ დაეხმარა ვინმე, ისე არ დაეხმარება, რომ წინ არ წაიგდოს, მთავარი სასიცოცხლო ძალები არ შეაღებინოს და შედეგად თავზე არ დააჯდეს. პოლიტიკაში მუშაობს ძალა, ინტერესი, ჭველმოქმედება კი არა. ნუ თუ ეს მარქსისტული ანბანი დავიწყებულია დღეს?

მაგრამ, ვთქვათ, მოეწყო როდისმე ობიექტიური პირობები ისე, რომ საქართველოს მოუხერხდა გამოყოფა. — „ინტერვენცია დამოკიდებულია არა ჩვენ სურვილებზე, არამედ სახელმწიფოთა ერთი მეორის ქიშპობაზე და ინტერესთა კომბინაციებზე... რასაკვირველია, შექმნილ ხელსაყრელ საერთაშორისო პირობებით ჩვენი ხალხიც ისარგებლებსო, — სწერს ნოე.

ერთი მეორის ქიშპობა და ბრძოლა თუ იქნა რუსეთის გარშემო, რუსეთი ჩაებმება ახალ მსოფლიო ომში. ომის შედეგი იქნება, ვთქვათ, რუსეთის დანაწილება, განაპირა ერების დაცალკეება. ალბათ, ამისთანა „ხელსაყრელ“ საერთაშორისო პირობებზე ფიქრობს ნ. ჯორდანიას.

ისარგებლებს თუ ვერა საქართველო, „ხელსაყრელი“ იქნება თუ არა ეს საქართველოსთვის? როცა სახელმწიფოთა ერთი მეორის ქიშპობაა და ინტერესთა კომბინაციებია“, მაშინ ძლიერი იმარჯვებს და სუსტი მარცხდება, ცალკე საქართველოს არ იქნება იმდენი ძალა, რომ „ქიშპობას და კომბინაციებს“ გაუძლოს. არც ისეთი ჭირისუფალი მოევლინება, რომ მისი „მფარველობით“ წაეიდეს აღორძინებისაკენ. არც ერთი კაპიტალისტური სახელმწიფო არ ჩაისვამს ასე კალთაში საქართველოს და არ გაუწევს ამნაირ ჭირისუფლობას.

პირიქით, საქართველოს მაშინ დაბალ ლობეთ შეხედავენ. ის შეიქმნება ყველას აღვილი ხელწამოსაკრავი და ფეხდასადგმელი, ყველა მოქიშპე ნისკარტების ჩასაკორტნავათ გახდება. როგორ გონია ნ. ჯორდანიას, ინგლისი ან საფრანგეთი გაგვიწევს მაშინ, მაგალითათ მფარველობას და ფართოთ გაგვიშლის ეკონომიური და კულტურული წინსვლის გზას? მე ეს არ მგონია, მე მგონია ამისთანა „მფარველი“ ისე ჩაგვიხუტებს გულში, რომ სუნთქვა გაგვიჩერდება. დაგვისახელოს ნ. ჯორდანიამ ისეთი პატარა სახელმწიფო მსოფლიო ომის შემდეგ გაჩენილი, რომელიც სხვისი სანავარდო არ არის, რომელსაც სისხლი არ ეწოვება იპერიალისტური წუბრლებისგან. ვერ დაგვისახელებს.

არა, არ იქნება საქართველოსთვის ხელსაყრელი, რომ ახალი მსოფლიო ომი ატყდეს, ამან რუსეთის დანაწილება გამოიწვიოს, და საქართველო ცალკე სახელმწიფოთ გამოიყოს. მაშინ ის იქნება Mädchen für alles, და უფრო გაუჭირდება ბრძოლა დამოუკიდებელი არსებობისათვის.

საქართველოს საკითხის გადასაჭრელათ არ კმარა სოლომონ ზურგიელიძესაგით იმის მტკიცება, რომ დემოკრატიზმი სჯობია ბოლშევიზმს. უნდა გამოირკვეს, რა ეკონომიურ საძირკველზე იქნება ეს დემოკრატიზმი. კაპიტალისტურ სახელმწიფოებს აქვთ ფორმალური დემოკრატია. მაგრამ ეს არ არის ის დემოკრატიზმი, რომელსაც ეყრდნობა საერთაშორისო სოციალიზმი. კაპიტალისტური სახელმწიფოების „დემოკრატიაზე“ ვერ გაიხარებს სოციალიზმის ძირითადი პრინციპი — ერთა თვით გამოორკვევა. ინგლისი, საფრანგეთი და ამერიკა ფორმა-

ლურათ დემოკრატიული სახელმწიფოებია, და საქართველოში რომ მათი კაპიტალი შემოვიდეს, ის არ მოინდომებს ქართველი ხალხის სუვერენიტეტის აღდგენას. ის აქ თავის საბატონო ტახტს დაიდგამს მხოლოდ — შიშისა და შიშისა

ნ. ჟორდანიამ ან უნდა შეაგნებინოს საქართველოს სოციალ-დემოკრატიას ეს უდავო აზრი, ან დაამტკიცოს, რომ მე შემცდარი ვარ ამაში.

IV.

ნ. ჟორდანიას დაუწყია განყენებულათ აზროვნობა. იღებს, მაგალითად დასავლეთ ევროპას, რუსეთს და ანზობს — „კაპიტალისტური ექსპლოატაცია იძლევა პოლიტიკურ საშუალებებს ბრძოლის და თავდაცვისას, საბჭოთა სისტემა ამ საშუალებებსაც არ იძლევა, მის ფარგლებში მთელი ხალხი გადაქცეულია იდიოტებათ, მოკლებულია ყოველგვარ უფლებებსა“.

შეიძლება თუ არა აქედან ის დასკვნა, რომ საბჭოთა სისტემა უნდა ჩამოვარდეს რუსეთში და მის მაგივრათ გადმოინერგოს დასავლეთ ევროპის კაპიტალისტური სისტემა?

ნ. ჟორდანიას იმაზე კი არ უნდა შეეჩერებინა თავის ყურადღება, რომ დასავლეთ ევროპაში კაპიტალისტური სისტემა იძლევა ბრძოლის და თავდაცვის პოლიტიკურ საშუალებებს: უნდა დაესვა კითხვა, რა სახეს მიიღებს ეს კაპიტალისტური სისტემა რუსეთის სინამდვილეში საბჭოთა ძალაუფლების ჩამოგდების შემდეგ. ყოველ შემთხვევაში „დემოკრატიის ძირითად დებულებას, ცხოვრების ღრმა მიმდინარეობას, ხალხის თავისუფლებას“, არ მიეცემა არავითარი ადგილი.

სოციალისტური პარტია უნდა იბრძოდეს უკეთეს რამისთვის, ეს ჩამოვადოთ, ამაზე უარესი ხომ მაინც არ იქნება რაო, — ასე იტყვის უბრალო, პოლიტიკურათ ბრიყვი მოსახლე. ასე ვერ იტყვის პარტია და პარტიის ხელმძღვანელი.

ცალმხრივია და შემცდარი ნ. ჟორდანია, როცა ამბობს, — საბჭოთა სისტემა არის ანალი ფორმა პროლეტარიატის და მთელი ხალხის საშინელი ექსპლოატაციის, რუსეთში აწვეებულია ყველაზე უარესი ფორმა კაპიტალისტური მტაცებლობის „ნების“ სახით.

ეს მხოლოდ ცალი მხარეა სინამდვილის, არის მეორე მხარეც.

საბჭოთა ძალაუფლებამ შემოუშვა ახალი ეკონომიური პოლიტიკა „ნები“, ახალი ბურჟუაზია თარეშობს ფრთებს ისხამს. მაგრამ საბჭოთა ძალაუფლება იმავე დროს ებრძვის ნებს, ცდილობს შეაფიწროოს მისი სათარეშო ასპარეზი, ცდილობს არ გააშლევინოს ფრთები. ნების შემოშვება და ნების წინააღმდეგ ბრძოლა — ეს არის ორი მხარე იმ პროცესის, რომელიც გვაქვს დღეს რუსეთის სინამდვილეში.

ნები არ მოისპობა ბოლშევიკების ჩამოგდებით. ახალი ბურჟუაზია დარჩება ისევ თავის ადგილზე და არ გაუკეთესდება იმითი, რომ ბოლშევიკები აღარ იქნებიან სახელმწიფოს სათავეში.

ჩამოგდება საბჭოთა სისტემის თუ იმის ნიადაგზე მუშაობა და მისი გაუმჯობესების ცდა? ასე სდგას საკითხი ჩემთვის. ძალიან ადვილია იმის დამტკი-



ცემა, რომ საბჭოთა სისტემას ხეირიანი შემკვიდრე არ ეყოლება. ამას ნ. ჯორდანიაც ამტკიცებს. ძალიან ძნელია იმის დამტკიცება, რეჟიმის წესწყობილებაში შეუძლებელია გაუმჯობესება.

ნ. ჯორდანიას უნდა დაუკვირდეს საქართველოს არა მარტო აქედან მიღებული ცნობებით. და მაშინ ის უთუოდ დაინახავს, რომ კულტურულ ეკონომიურ ასპარეზზე აქ ბევრი რამ არის გაკეთებული და დაწყებული. გაცილებით უფროა, ვიდრე ჩვენ დროს იყო. მაგრამ უფროც რომ არ იყოს, მაინც არ უნდა ითქვას, — დანგრევა და ხელახლა დაწყება სჯობია ყველაფრისა. არ გექნება უკეთესი პირობები, უკეთ დაიწყო და უკეთ გააკეთო.

ამიტომ მივსწერე მე ჯორდანიას, დაბრუნდით, არსებულ წესწყობილების ნიადაგზე იმუშავეთ თქო. ის ამაზე მიპასუხებს, რომ ბოლშევიკებთან შეთანხმება არ მოხერხებულა და არც მოხერხდება. ბოლშევიზმი და მენშევიზმი, ეს ორი ერთი მეორის მოწინააღმდეგე მიმდინარეობა დამყარებულია ორი ერთი მეორის მოწინააღმდეგე თეორიულ და ტაქტიკურ დებულებებზე... და ვინც ფიქრობს ამ ორი ბანაკის შერიგებას, ერთი უღელში შებმას, ის მართლა შეპყრობილია ილიუზიებით და უტოპიითო“. ნ. ჯორდანიას მოჰყავს არა ერთი და ორი მაგალითი იმის დასამტკიცებლათ, რომ ბოლშევიკები არავის არ ინდობენ და არ ითანხმებენ.

აქაც, მე მგონია, ნ. ჯორდანიას საკითხს აყენებს ზერელე.

არის ბოლშევიზმი და მენშევიზმი ორი ერთი მეორის მოწინააღმდეგე კლასი, თუ ორი მიმდინარეობა ერთი და იმავე კლასის? — ასე უნდა დაეყენებია საკითხი, თუ ეს ორი მოპირდაპირე კლასია, მაშინ მათი „შებმა ერთ უღელში“ მართლა უნიადაგო ოცნებაა, უნიადაგოც და მავნებელიც. თუ ეს ერთი და იმავე კლასის ორი მოწინააღმდეგე მიმდინარეობაა, მაშინ შესაძლებელიც არის ერთ უღელში შებმა და სასარგებლოც.

ყოველ შემთხვევაში თითონ ნ. ჯორდანიას ეწეოდა ხოლმე მომრიგებელ შუამავლობას, როცა რუსეთის ბოლშევიზმი და მენშევიზმი ჯერ სახელმწიფოებრივ ძალა-უფლებას არ ეტანებოდნენ. არც მერე იყო ხოლმე ის შეთანხმების წინააღმდეგ. ნ. ჯორდანიას 1924 წ. მეტადრე ამ „ჩემი პასუხის“ დამწერი არ გავს ნ. ჯორდანიას 1920 წლისას და არც 1921 წლის დასაწყისისას.

ბოლშევიკებს არ უნდათ შეთანხმება და ამიტომ შეუძლებელია ესო. რასაკვირველია არ ენდომებათ, როცა ამტკიცებ, — კაპიტალისტური სისტემა ჯობია საბჭოთა სისტემას, როცა ბოლშევიკებთან ბრძოლაში უახლოვდები ბურჟუაზიულ ევროპას, როცა ბოლშევიზმის ჩამოგდებით ეძებ დემოკრატიას.

„საბოლოო სიტყვა“ — ში ვსწერდით, რომ სახელმწიფოებრივ ძალაუფლებისთვის ბრძოლაში ქართული მენშევიზმი დაშორდა მუშათა კლასს და ბურჟუაზიის ფრონტს მიეკედლა. თავის თავად ცხადია, ამ ფრონტიდან თანამშრომლობაზე ლაპარაკი იქნებოდა. „ოჰ, წმინდაო გულუბრყვილობაე“.

ნ. ჯორდანიას, როგორც ზემოთ ვთქვით, სუბიექტივისტია. — ხალხს არ უნდა შერიგება, შეთანხმება, და ეს არის ჩვენი ტაქტიკის საფუძველი, ამას ვემყარებით ჩვენო.

როგორც მარქსისტი კი უნდა არკვევდეს, შეეფერება თუ არა ობიექტიურათ ხალხის ინტერესებს საბჭოთა სისტემასთან შეურიგებლობა. თუ გამოარკვევ, რომ არ შეეფერება, პირიქით გამანადგურებელი იქნება მისთვის, მაშინ იდეოლოგი გავლენა უნდა იქონიოს ხალხზე, ებრძოდეს იმის შეურიგებლობას.

ობიექტიური გამოარკვევა არ უხერხდება ნ. ჯორდანიას. ამ მხრივ სუსტათ გრძნობს თავს საქართველოს სოციალ-დემოკრატიის მამამთავარი თავის უკანასკნელ წერილებში. ის არ იძლევა პერსპექტივებს, ან ვერ იძლევა. ვერ ასაბუთებს იმ აზრს, რომ საბჭოთა ძალაუფლების დამყარება საქართველოში დემოკრატიას გააბატონებს.

— ძნელია, შეუძლებელია, არაფერი არ გამოვა და ამიტომ თავი უნდა დავანებოთ თანამშრომლობაზე ლაბარაკსო.

რა გამოვა თავი რომ დავანებოთ?

უნდა იყურებოდეს ისევ საზღვარგარეთისკენ, უნდა ელოდეს „ხელსაყრელ“ საერთაშორისო პირობებს, უნდა იძახოდეს ყოველგაფაჩუნებაზე. — მოახლოებულია საქართველოს განთავისუფლების დღეო.

რა გამოვა აქიდან? რითია ეს უფრო ადვილი და უფრო შესაძლებელი?

რა უფრო ადვილია და რა უფრო ძნელი კი არა, რა სჯობია, რა უფრო ხელსაყრელია ეროვნული აღორძინებისათვის და სოციალიზმისათვის, — ასე უნდა იდგეს საკითხი.

მარქსისტი თავს ვერ დაანებებს ამა თუ იმ საქმეს მხოლოდ იმიტომ, რომ ძნელია ეს საქმე. მარქსისტი ეკიდება ამა თუ იმ საქმეს არა მარტო მაშინ, როცა წინდაწინ დარწმუნებულია, რომ გამოვა რამე.

ნ. ჯორდანიას უნდა დამემოწმოს ერთში. თვითონვე ამბობს „ბრძოლის საკითხებში:—ეინ იქნება მისი (ბოლშევიზმის) შემკვიდრე რუსეთში — ეს არავინ იცის, სახარბიელო შემკვიდრე, რომ არ იქნება უეჭველიაო“. ამაში მე ვეთანხმები ნ. ჯორდანიას. ისიც დამეთანხმება, თუ თახანაა თავის თავის, და მაშინ ჩემ გზას იქით გზა არ ექნება.

თანამშრომლობა უნდა გახადოს ობიექტიურათ შესაძლებელი. თუ ვერ გავიგე, რომ ბურჟუაზიის სიბოლოვს დგომა საბჭოთა ძალაუფლების წინააღმდეგ დამლუბველი იქნება საქართველოს მშრომელი ხალხისთვის, ქართველი ერისთვის, მაშინ არ გექნება ობიექტიური შესაძლებლობა თანამშრომლობის და მართლა „ჩეკის ნიადაგზე“ მოგიხდება დადგომა.

ის თანამშრომლობა, რომელზედაც მე ვლაპარაკობ შესაძლებელია ბურჟუაზიისგან ჩამოშორებით, საზღვარგარეთ დიპლომატიური მუშაობის შეწყვეტით და მუშათა კლასთან დაბრუნებით.

VI

მუშათა კლასთან ის არის ვინც ბოლშევიზმის საწინააღმდეგო ფრონტზე დგასო,—მეუბნება ნ. ჯორდანიას. მეორე ინტერნაციონალმა უარი სთქვა ბოლშევიკებთან თანამშრომლობაზე და შექმნა მია წინააღმდეგ მთლიანი ფრონტიო.



მეორე ინტერნაციონალის ტრადედია, მე ვფიქრობ, იმაშია, რომ ორი მსოფლიო ძალის ჭიდილში ის ეკედლება ბურჟუაზიას და კომუნისტულ მუშაკებს. ემიჯნება და ებრძვის, როგორც მიმართულებას მუშაკთა მოძრაობის და როგორც რუსეთის მმართველ პარტიას. მეორე ინტერნაციონალი არ ფიქრობს, რომ საბჭოთა სისტემა ეწინააღმდეგება სოციალიზმის ძირითად პრინციპს, არ არის იმის მომხრე, რომ საბჭოთა სისტემის ჩამოგდებით დამყარდეს დემოკრატია რუსეთში და საქართველოში, დღევანდელი დღის ქართული მუშაკებში არ დგას ამ წიხვ მეორე ინტერნაციონალის ფარგლებში, ის უფრო მარჯვენიაა.

მაგრამ მეორე ინტერნაციონალს გაშვებული აქვს ხელიდან მარქსისტული სოციალისტური მემკვიდრეობა მის ხელში ველარ ვხედავთ დროშას მუშათა კლასის დიქტატურისას, კლასთა ბრძოლა თითქო აღარ არსებობს მისთვის, თითქო ის გზას ველარ იგნებს სოციალიზმისკენ.

აგერ წინ მიდევს მეორე ინტერნაციონალის აღმასრულებელი კომიტეტის რეზოლიუცია საერთაშორისო პოლიტიკის შესახებ. საინტერესოა შემდეგი სტრიქონები ამ რეზოლიუციაში:

— ჩვენ გარდაუვალათ და აუცილებლათ მიგვაჩნია, რომ შეიცვალოს ჩვენი ძველი გზები და შემოვიღოთ პოლიტიკა გულწრფელობის, ერთიმეორის ნდობის, ეს იყო ყოველთვის მუშათა პარტიების პოლიტიკა საერთაშორისო ურთიერთობაში. უამისოთ არავინ არ იქნება უშიშარ მდგომარეობაში. ერთა ლიგას რომ ცოტა მაინც ფართო დემოკრატიულ დაწესებულებათ გადავატყვევდეთ, უშიშროების გრძნობა ყველგან ფესვს გაიდგამდა, შერე თანდათან მოვასკრებდით შეიარაღების შემცირებას და სულ განიარაღებასაცო*). აქ არის რაღაც ქადაგება რევოლიუციონური და მარქსისტული ტაქტიკის მაგივრათ. ამისთანა მქადაგებლები მუშათა კლასს ვერ წაუძღვებიან, ვერ გაატარებენ დამოუკიდებელ პოლიტიკას, ვერ შექმნიან თავის ფრონტს ვერც მარცხნივ, ვერც მარჯვნივ. მარქსი ამ ინტერნაციონალში ველარ დაინახავდა იმ კლდეს, რომელზედაც უნდა აშენდეს სოციალიზმის ეკლესია.

ხურც ჟორდანიას დაეყრდნობა მეორე ინტერნაციონალის ფხვიერ პოლიტიკას, კერძოთ, საქართველოს საკითხში. მისი შემჩერე ქართველი მუშა და გლეხი დარჩა მოტყუებული, იმედგაცრუებული. მეორე ინტერნაციონალმა ის უბრალო რამეც ვერ მოახერხა, რომ სულ ცოტაოდნათ ხელმოსაკიდებელი თანაგრძნობა მაინც გაეწია მისი მიმდევრებისთვის საქართველოში. ის უძლური და უმწურო გამოდგა სოციალურ-პოლიტიკურ დახმარებაშიაც.

მეორე ინტერნაციონალი დამარცხდა საქართველოს საკითხში. ეს ნიშნავს მის დამარცხებას საერთაშორისო პოლიტიკაში და სოციალიზმის გზაზე. სადაც კლასთა ბრძოლის და მარქსისტული კრიტიკის იარაღია საჭირო, იქ ის აყენებს ქრისტიანულ, ქველმოქმედურ „პრინციპებს“ — ნდობას და გულწრფელობას. ამისთანა საგზლით ბრძოლის ველზე შორს ვერ წახვალ, და მეორე ინტერ-

*„Социалистический Вестник“ 25 თებერვალი, 1924 წ.... აი ეს არის მართლა... რა უთქვამს, რა მოუჩმახავს“...

ნაციონალიც ადვილიდან ვერ იძვრება. ის არ სჩანს, ვერ სჩანს, როგორც მესამე მებრძოლი ძალა, როცა ერთმანეთს ებრძვის კაპიტალისტური სისტემა და საბჭოთა სისტემა. მეორე ინტერნაციონალის „ძალას“ ვერ დავუფრთხვებ ვერც მუშათა კლასი სოციალიზმისაკენ სვლაში და იმის იმედით ვერ ისაზრდოებს ვერც პატარა ერი ეროვნული აღორძინებისაკენ მისწრაფებაში. მეორე ინტერნაციონალში დარჩენა იმას გავს, რომ „ბრძოლაში მოხუცებული“ ბრძოლის მიტოვებაზე და დასვენებაზე ფიქრობდე.

ნ. ჟორდანიასთან მე ყოველთვის მქონდა გრძნობა უფრო დიდი და იშვიათი, ვიდრე მართო პატივისცემა. ეს გრძნობა არ მაჩუქებს და ვეუბნები, რომ ბრძოლაში მოხუცებულს, მაგრამ ბრძოლის სულით ახალგაზრდას არ შეშვების გარეთ ყოფნა, მით უფრო, როცა თითონვე ხელს იღებს გარეთის იმედებზე... როცა ხალხს ეუბნები, — არავინ არ მოგივა, არ გაგანთავისუფლებს, შენი განთავისუფლება შენივე საქმეაო, მაშინ უნდა იყო ხალხთან, უნდა იცოდე, რომ ისტორია არ გაპატიებს, წაგიშლის, რაც გიკეთებია ბრძოლაში მოხუცებამდი ის, თუ რაღაც „საექვო კომბინაციების“ „ხელსაყრელ“ საერთაშორისო პირობების მოლოდინში ხალხი უფსკრულისკენ გადაეშვა.

ამ გრძნობით მივმართე მე ნოეს, — დაბრუნდი, იმუშავე არსებული წესწყობილების ნიადაგზე თქო და ის მიპასუხებს შოთა რუსთაველის სიტყვებით:

— „უმზავსი საქმე ყოველი მოკლეა მით ოხერია,
რა უთქვამს, რა მოუჩმასხავს, რა წიგნი მოუწერია“.

ეს სიტყვა რუსთაველის ავთანდილმა, როცა წაიკითხა ფატმანის წერილი. მაგრამ მაშინვე ჩაფიქრდა და...

— „მერმე იტყვის, — შენგან კიდე ჩემი შემწე არავინაა;
რასათვისცა გამოვჭრილვარ, მისი ძებნა რადგან მინა
რათაცა ვით ვპოვებ, მას ვიქმ, გულმან სხვამცა რა ისმინა“.

... — მივჭყეე მიამბობს ყველასაო, — გაივლო გულში და გაუგზავნა პასუხათ:

— „მოგეწერა წავიკითხე შენი წიგნი ჩემი ქება,
შენ მომასწარ, თვარა შენგან მე უფრო მჭირს ცეცხლთა დება
შენცა გინდა, მეცა მინდა გაუწყვეტლათ შენი ხლება,
შეყრა არის პირიანი, ორთავეა რადგან ნება“.

ავთანდილმა მოისმინა „ამბის გამობა ფატმანისგან“, წავიდა იმ გზით და... იპოვნა, რასაც ეძებდა.

მე ვისურვებ, რომ ჩემ „უმზავსო“ და „მოჩმახულ“ წერილებს ჩაეფიქრებინოს ნ. ჟორდანიას... იქნება უფრო დაკვირვებით ჩაიხედოს თანამედროვე საერთაშორისო პირობებში, საქართველოს დღევანდელ სანამდვილეში და იპოვნოს უტყუარი გზა იმ „საქაჯეთისკენ“, სადაც იმყოფება მშვენიერი ნესტან დარეჯანი, ეს უკვდავი სიმბოლო საქართველოს აღორძინების.



ბიბლიოთეკა



რევოლუციის პოეტები

სახელმწიფო გამომცემლობა 1921 წ. ტფილისი. 116 გვ.

საქართველოში რევოლუციონური მხატვრული ლიტერატურა ღარიბია. წარსულში ამის მიზეზი გასაგებია. ამ მხრით არც რუსეთი იყო მაინც და მაინც მდიდარი.

მხოლოდ ოქტომბრის შემდეგ — რუსეთის წინ გაიწალა ფართე ასპარეზი მტკიცე რევოლუციონურ შემოქმედების და იქ დიდი მუშაობა სწარმოებს ამ მიმართულებით. განსაკუთრებით მეტი ნაყოფიერი იყო უკანასკნელი წლები. გარდა პოლიტიკური გახეთქებისა და ჟურნალის, იქ იბეჭდება აუარებელი სამხატვრო ჟურნალები და კრებულები, რომლებშიაც შემოკრებილია თანამედროვე რუსეთის ლიტერატურის ყველა ცნობილი ძალები: პოეტები, ბელეტრისტები და მხატვრები.

თუმცა ვეებერთელა რუსეთისთვის ეს არ კმარა, მაგრამ თუ გაეითვალისწინებთ თანამედროვე ცხოვრების პირობებს, მაშინ აშკარად დაინახავთ თუ რა დიდი ენერჯიაა საჭირო — თუ გინდ ამ საქმის გასაკეთებლადაც, რევოლუციონური მთავრობა მომავალში შესძლებს ამოავსოს ეს ცარიელი ხრამი — რომელიც წარსულში შედეგი იყო პირწავარდნილ მოწარმეების.

ქართულ ენაზე „რევოლუციის პოეტები“ ახალი წიგნია. უთუოდ მოსალოდნელი იყო, რომ

ეს წიგნი გაამართლებდა მასზე დამყარებულ იმედს — მაგრამ, საუბედუროთ, მოლოდინი არ გამართლდა. ჯერ ერთი: შინაარსის მხრით საჭირო იყო მასალების მეტი დაკვირვებით შერჩევა. წიგნში ძალიან ცოტაა ლექსი რევოლუციის პათოსით. სრულებით არ იყო საჭირო ამ წიგნში მოთავსება ბევრი სუსტი ლექსის: როგორც, მაგალითად, ევენ პოტიუს: „ინტერნაციონალი“-ს თარგმანი ი. ევდოშვილის. „ადამიანი“ მამია გურიელის ლექსი კარგია, მაგრამ რევოლუციონური აქ არაფერია, დობროლიუბოვის ლექსი კ. ლორთქიფანიძის თარგმანი, ვიქტორ ჰიუგოს ლექსი — თარგმანი იასამანის, ყველა თარგმანი ფოლტ უიტმანის ლექსების ვახტ. კოტეტიშვილის, „მომავლის იმედს“ იასამანის და სხვა აუარებელი ბალასტია. ორგინალურ ლექსებიდან აღსანიშნავია ვალ. გაფრინდაშვილის „კომმუნარებს“; თარგმანებიდან — „ბოგემა“ ბორის როლინას სონეტი და ვალერი ბრიუსოვის „ხანჯალი“.

წიგნი შეიცავს 116 გვერდს, საესეა კორექტურული შეცდომებით და ცუდათ არის შეკანძული წიგნის ყდა ეკუთვნის ცნობილ მხატვარს შარლემანს.

ცოტნე დადიანი.

ანრი ბარბიუს. ცეცხლი

რომანი. ფრანგულით თარგმნილი სახოკიას მიერ. სახელ მწიფო გამომცემლობა. ტფილისი. 1923 წ.

ანრი ბარბიუსი, ერთი იმ პირველ მწერალთაგანი არის, რომელმაც კაპიტალისტურ წყობილებას უპასუხა თამამი „არა“. ეს მწერალი დიდი მეგობარი არის რუსეთისა და კომუნისტურ მოღვაწეობას ეწევა საფრანგეთში. ხსენებულ რომანს გარდა მას აქვს სხვა ნაწერებიც

და რომანი „მნათობი“, რომელიც რუსულად იქმნა თარგმნილი, მაგრამ ყველაზე ძლიერი ნაწარმოები არის რომანი „ცეცხლი“. საზოგადოდ ჩვენ ძლიერ ნაკლებად გვაქვს თარგმნილი ლიტერატურა და ყველა თაკილობს მის შესრულებას. ქურონალ-გაზეთები აღმაცერად უცქერიან



თარგმანებს და თვით მწერლებსაც ეთაკილებათ მისი შესრულება. ყველა დიდი მწერლები თარგმნიდნენ, სწავლობდნენ ამით და მკითხველთაც დიდ სამსახურს უწევდნენ. არც ერთმა რუსულის უცოდინარმა ქართველმა მკითხველმა არ იცის რა ხდება უცხოეთის ლიტერატურაში. ყველა გულ შეკვეცილ ქრონიკებით სარგებლობს, იყო ყვირილი სიმბოლიზმზე, ექსპრესიონიზმზე, ფუტურიზმზე და არცერთი მათი ნაწარმოები არ არის თარგმნილი ქართულად, რომ ქართველ მკითხველს მიეცეს საშუალება თვითონაც წაიკითხოს იგი და თავისი აზრი იქონიოს. უამისოდ კი იგი იძულებულია დაუჯეროს ბევრ საექვო კრიტიკულ დებულებებს. ყველა ჰყვიროდა პიერ ბენუაზე, სინკლერზე, ბარბიუსზე, რენე მარანზე, მერიონკზე, ბორის პილნიაკზე და მკითხველი საზოგადოება კი არ იცნობდა მათ უშუალოდ. დროა ამ ნაკლს ბოლო მოეღოს ამ მხრივ ერთი ატური უკვე დადებულია გადაითარგმნა ჯონ რიდის „10 დღე. რამაც წესდრა ქვეყანა“ და ბარბიუსის „ცეცხლი“. ამ რომანმა შეანგრია ბურჟუაზიულ ევროპის მიერ მარაგანდებით შემოსილ ომის ჯავშანი. იყო ლოზუნგები: ძირს ბორბაროსები, რძი მფრისა და მამულისათვის და სხვ. მოვიდა ბარბიუსი და გვანგენა მთელი საკოტრე ამ ომისა, რომელსაც თითქოს უნდა დაეხსნა ევროპის ცივილიზაცია. ბარბიუსის ქალამი ენერგიულია, გაბედული და შეუბრალებელი. იგი სწვრს კონკრეტულად ნამდვილად და არასოდეს არ ჰგრძობთ ევროპულ ლიტერატურულობას. აქ მსოფლიო ომი გადაშლილია მთელი თავისი სიბინძურით, სისასტიკითა და მრეცობით.

რომანის პირველ ფურცლებშივე იწყება კონონადა და მიდის ბოლომდე. ზარბაზნების გრიალი არის ამ რეალურ-სოციალური ფონი და იგი თქვენ ფაქტურად უნდა იხილოთ, იმიტომ, რომ აქ არის ნამდვილი ფაქტები და ფაქტები კი მუდამ მოუბებრებელი არიან.

გასათვარი სიმლიერით არის მოცემული თავი, სადაც ჯარის კაცები თავს ამოჰყოფენ პარიზში. მათ დაავიწყდათ ყოველივე ეს. არ ახსოვთ, რომ იქ ზურგში იყო სითბო და ცხოვრება ადამიანური და აბლა, როდესაც ეს იბილეს მათში გაიღვიძა ადამიანმა. ჯოჯოხეთიდან გამოსული ხალხი დადიოდა პარიზის ქუჩებზე და ყველაში მოწიწებას აღძრავდა. ამ რომანში გადაწლილია მთელი გაჭირვება ჯარის კაცის, რომელიც იბრძვის ერთი მუჭა ხალხის საკეთილდღეოთ.

რომანი ყურ არის თარგმნილი ცოცხლად. აუარებელი არქაიზმებით არის სავსე. ასე მხოლოდ „ივერიაში“ და „შოანბეში“ ითარგმნებოდა, მის მერე ჩვენ ბევრი განვედეთ. რა არის მაგალითად. „ქიდნა“, ან „ომს ყველანი მოვლედენ“, „გვაბანაკი“, „გვიანრეღვა“, „კინ-ლა წააწია წინ“ და სხვა. საზოგადოდ თარგმანი კარგია, რომ შემოხსენებული ნაკლი არ ახლდეს, მაგრამ ალბათ ესეც მალე გამოსწორდება და მით ჩვენი ლიტერატურის დიდი ნაკლი ძლეულ იქნება. წიგნი სუფთადაა გამოცემული და კორექტურული შეცდომებიც ცოტაა. სულ შეიცავს 450 გვერდს მხოლოდ ყდა ვერ არის კარგი და უფრო სამხარეულო წიგნის ყდასა ჰგავს.

დონი.

რაჟდენ გვეტაძე „ვირების მკაცრი“.

ტფილისი, 1924 წელი.

რაჟდენ გვეტაძეს ახალი თემისათვის მიუგნია. | ლოკუტის როლში გამოდის და მაღალი პათო-
 „დაბინდული ქარვების“ ავტორი—ვირების აპო- | სით და ტემპერამენტით გაიძახის:

„მაგრამ ვირების სხვებზე ადრე გავხდი მგოსანი
 და მე ვიქნები უსათუოდ მათი მესიაც
 ამიტომ იგი თხოვნილ მიმართავს ღმერთს:
 „გამხადე ღირსი ამ სურვილის, ღმერთო მაღალო
 ჯერ არაფერი ასე გულით არ მინატრია.
 მეყო რაც ბედმა უსაგანო უგზოთ მათრია“

რაჟდენ გვეტაძის „ვირები“ — არის პირ-
 დაპირ დღედაღეული ადამიანის უკანასკნელი
 ბოღვა. მიუხედავად იმისა, რომ ლექსები „ვი-
 რებზე“ შედარებით კარგი სტილით, ტენიკით,
 რითმით და რიტმით არის შესრულებული.
 რაჟდენ გვეტაძეს სურს თავის ვირებით

ბრძოლა გამოუცხადოს ქედ მაღალ მტარვა-
ლებს. ამიტომ ვირების რაზმისა შექმნაში და

მათზე მანიფესტების წერის გარდა, ავტორს
სხვა არაფერი ახსოვს.



„შევკრიბო მებრძოლი ვირების ლაშქარი
სიკოცხლე მოუსპო ქედმაღალ მტარვალებს“. **ბ ი ბ ლ ი თ გ რ ა ლ ი ა**
ან კიდევ:

„თუ დამიჯერებთ, არც მე მინდა ვიყო ფრთოსანი
ჩემთვის ვირები ყველაფერზე უკეთესია“.

აი ადგილი „მანიფესტიდან“:

„გექლევათ ნება: დაარსოთ ცალკე სამეფო
მგონი დრო არის, რომ გაექცეთ მონღრ წამებას,
და შეგიძლიათ: მფარველ მეფეთ, მე ამირჩიოთ და სხვ.“.

მაგრამ რაედენ გვეტაძეს—ამავე წიგნში არ
ავიწყდება რევოლუციაც, მისი ლექსი „მე ვარ
გლადიატორი“ ორიგინალური ლექსია. აქ ფორ-

მა, მუსიკა, რიტმი, რითმი—თავისებურია. ქარ-
თული ლექსისთვის — ასეთი ტექნიკა ახალია.
ამავე ლექსში პოეტი გვიბრძობა:

„მე აწი სიყვარულზე აღარ დავწერ ლექსების წიგნებს,
აღარც სონეტებს ნისტიურ კატებზე.
ჩემი შემდეგი ლექსის თემა იქნება
„პოეტებო, ბაროიკადებზე!“

ჩვენ არ ვიცით როგორ და რით შეასრუ-
ლებს პოეტი ამ დანაპირებს, ჩვენი გულწრფელი
სურვილი კი იქნებოდა: რაედენ გვეტაძეს თავის

პოეტური ნიჭი არ ამოეწუროს „ვირებზე“ ლექ-
სების წერით.

ბ. კ.

დ ი ნ ა მ ი ტ ი № 1

ქუთაისის პროლეტარულ მწერლობის კავშირის თვიური ორგ. 1924 წ. 10 გვ.

„დინამიტში მონაწილეობენ უმთავრესად ახალ-
გაზრდები. ჟურნალი შესდგება სამი მთავარი ნა-
წილისაგან: 1) წინათქმა, 2) პოეზია, 3) წერი-
ლები და თარგმნილი ლექსები.

როგორც წინათქმაშია ნათქვამი, ჟურნალის
მთავარ ხაზს შეადგენს ძველი, ბურჟუაზიული
ნელოვნების უარყოფა და შექმნა ახალ პროლე-
ტარულ ბელოვნების.

პოეზიის განყოფილებაში მოთავსებულია მ
ავტორის ლექსები, რომლიდანაც მეტი გამძლე-
ობა ეტყობათ ნიაგარელს და ლორთქიფანიძის
ლექსებს. ფორმის მხრით ლექსების ავტორები
განიცდიან ახალი ქართულ პოეზიის ძლიერ გავ-
ლენას, არის გავლენა აგრეთვე ვალ. ტაბიძის
(ლექსები, „როგორც ცხელი გრიგალი მოვარდ-
ნილი ღამეში“, შემდეგ: „ტყვიდან ტყვია გააკიდა
გადაედნო რაზმებს“ და მრავალი სხვა).

უფრო საინტერესოა ჟურნალში მოთავსებუ-
ლი წერილები, სადაც არის ცდა პროლეტარულ
ბელოვნების და, საერთოდ, კულტურის საკით-

ხებით დაინტერესების, რაც მეტად სიმპატი-
ურია.

რაც შეეხება რუსული ავტორების თარგმა-
ნებს — ისინი მეტად სუსტადაა შესრულებული.
თარგმანების ავტორებს ეტყობათ, რამოდენი-
მეთ, რუსული ენის უცოდინარობა.

საერთოდ, ყველა ავტორების მიმართ შეიძ-
ლება ითქვას, რომ ისინი გულწრფელად და სი-
ყვარულით ეკიდებიან საქმეს, რაც ასე აუცილ-
ებელია ყოველგვარ შემოქმედებისთვის; მხოლოდ
აკლიათ უმთავრესი; საჭიროა ცოდნა, არა აქვთ
საკმაო განვითარება.

ფორმალურათ ჟურნალის უმთავრესი ნაკლია:
ქართული ენის უცოდინარობა. („და იკუნტება
მ ტ რ ე ბ თ ა რ ი გ ე ბ ი“). ან და მრავლად მოიპო-
ება ასეთი უახრო სახეები: „და ჩემ ნეგატივ-
ბით ჩამოახრჩვეს სარდალი“.

ჟურნალში მოიპოება მრავალი კორრექტუ-
რული შეცდომა.

თ. გ.



შინაარსი

მხატვრული ლიბრეტო

საქართველო

	გვერდი
1. გალაკტიონ ტაბიძე — ჯონ რიდი	1
2. პოლიკარბ კაკაბაძე — ძველი დაფები—მისტერია სამ მოქმედ.	22
3. მიხეილ ჯავახიშვილი-ადამაშვილი — ევროპის ედემში	49
4. ივ. იოსელიანი — ბოროტი სული. — მოთხრობა.	95

რუსეთი

5. ნ. კლუევი — ლენინ. ლექსი. თარგმანი კოლაუ ნადირაძის.	105
6. ნ. ბუხარინი — ლიბედინსკის მოთხრობის „შვიდი დღის“ შესახებ.	107
7. იური ლიბედინსკი — შვიდი დღე. თარგმ. ვასო გორგაძის	109

დასავლეთი

8. ერნსტ ტოლლერ — ბურჟუაზიის ტუსაღები. თარგ. კონ. ჭიჭინაძის	137
9. ბაირონი — კაენი (მისტერია). თარგმ. კონ. ჭიჭინაძის.	139

კრიტიკა და მხატვრობა

10. ევგენი ლუნდბერგ — ლენინი და ლეგენდა	167
11. გრ. კალანდარიშვილი — პოეზია ლენინზე.	192
12. გიორგი გორბაჩევი — ბურჟუაზიულ-დემოკრატიულ რევოლუციის უკანასკნელი რომანტიკოსი	201
13. სიმონ ჩიქოვანი — სასწრაფო განმარტება ჟურნალ H2SO4	212
14. კირილ ზდანევიჩი — მემარცხენე მხატვრობა რუსეთში	222



15. შალვა მამალაძე — გრიგოლ პავლესძე ტატიშვილი (გრაფიკული-ქსილოგრაფი). 235

16. გიორგი ლეონიძე — ივანე მაჩაბელი 239

მეცნიერება და კუბლიცისტიკა

17. ა. დებორინი — ლენინი — მეზროძოლი მატერიალისტი 263

18. სეით დევდარიანი — ეს პასუხი არ არის 284

ბ ი ბ ლ ი ო გ რ ა ფ ი ა

რეკომდუქციები:

1. იაკობ ნიკოლაძე — კამოს ძეგლი (დაუმთავრებელი).
2. ~~საქართველოს~~ გონჩაროვი

ყ დ ა: წილოხანი
 მარკა: მ. ჩხიკვაძე

